

ვასტანდ ითონიავილი

ისტორიულადაციული
ნარკვევაჲი

ისტორიის, ეთნოლოგიის, რელიგიის შესწავლისა
და პროპაგანდის სამეცნიერო ცენტრი

2016 ითონიშვილი

სამართლებრივი ფილია ნარკვევები



თბილისი
2010

უაკ (UDC) 930 (479.22)+39(=353.1)

0 - 409


წიგნში თავმოყრილი ნარკვევების დიდი ნაწილი გვაცნობს ქართველი და უცხოელი სწავლულების დანართობის საქართველოსა და კავკასიის ისტორიულ-ეთნოგრაფიული შესწავლის სფეროში. პოლემიკური შინაარსის შრომებში კრიტიკულადაა შეფასებული ზოგიერთი ავტორის მიერ დაშვებული შეცდომები თუ სუბიექტური შეხედულებანი, ხოლო ორი ნარკვევი მიმოხილვითი ხასიათისაა. წიგნი განკუთვნილია როგორც სპეციალისტების, ისე ამ საკითხებით დაინტერესებულ მკითხველთათვის.

რედაქტორი:

ისტორიის მეცნიერებათა დოქტორი,
პროფესორი ვალერიან ითონიშვილი

წიგნის გამოცემა დააფინანსა მამუკა მახარაძემ,
რისთვისაც ავტორის ოჯახი უღრმეს მადლობას
უხდის.

ISBN 978-9941-0-2265-4



რედაქტორის ინცორმაცია

ვახტანგ ითონიშვილის ისტორიოგრაფიული ნარკვევების ნაწილი გამოქვეყნდა უურნალებში („მაცნე“, „მნათობი“, „განთიადი“) და კრებულში („ისტორიულ-ეთნოგრაფიული ძიებანი“). ამ წიგნში თავმოყრილი ნარკვევების დიდი ნაწილი ისტორიოგრაფიული კვლევა-ძიების საფუძველზე დაწერილი (1. ეთნოგრაფიული კვლევის პრიორიტეტული პრობლემა, 2. ვახტანგი ბაგრატიონი დვალებისა და დვალეთის შესახებ, 3. უცხოელ მკვლევართა ცნობები დვალებისა და დვალეთის შესახებ). მიმოხილვითი ხასიათისაა ორი ნაშრომი (1. გოდფრი ლენპარდტის დვანტლი ეთნოლოგიურ მეცნიერებაში, 2. აგსტრალიის აბორიგენთა მითები და მათი ისტორიულ-ეთნოგრაფიული ლირებულება). დანარჩენი შრომები პოლემიკურია, რომლებშიც კრიტიკულადაა შეფასებული ერთი მხრივ პროფესიონალ მკვლევართა (ვ. გვასალია, გ. ხორნაული, უ. ერიაშვილი) ნააზრევი, ხოლო მეორე მხრივ მხილებულია ისტორიის ცოდნაში თავდაჯერებულ მოპარეერთა (დ. გოგოჭური, ივ. ლიქოკელი, გ. ჭინჭარაული) სუბიექტური შეხედულებანი და მათი არაკომპეტენტურობა ისტორიული მოვლენების კვალიფიკაციასთან დაკავშირებით. პირველ ყოვლისა ეს გამოჩნდა კუთხური პროვინციალიზმით შეპყრობილი ზემოხსენებული ვაკირიტიკოსების შეფასების ფონზე, რომლებიც საკუთარ ფანტაზიას და გამრუდებულ ეროვნულ ცნობიერებას უფრო დიდ მნიშვნელობას ანიჭებენ, ვიდრე საისტორიო წყაროების მონაცემებს და მათი ანალიზის საფუძველზე მიღებული სამეცნიერო კვლევა-ძიების შედეგებს.

ეთნოგრაფიული კვლევის პრიორიტეტული პრობლემა¹

საყოველთაოდ ცნობილია, რომ ისტორიულ-ეთნოგრაფიული მეცნიერების საკულტო თემატიკიდან პრიორიტეტული მნიშვნელობა ენიჭება ეთნიკური ისტორიის მრავალასპექტიან პრობლემას. კვლევა-ძიების ამ ფრიად საპრესტიულ და მეტად დელიკატურ უბანზე მეცნიერული მუშაობის ინტენსიფიკაციის ამოცანამ განსაკუთრებული აქტუალობით ბოლო დროს იჩინა თავი, როდესაც იშვიათი პოლიეთნიკურობით და არაორდინალური პოლიტიკურ-ადმინისტრაციული სისტემით გამორჩეული საქართველოს შინაგანი ცხოვრება აშკარად დესტაბილიზირებულია უკვე ქრონიკული ხასიათის ეთნიკური კრიზისებით. არადა, ეს უკანასკნელნი გარკვეულწილად სტიმულირებულია სწორედ ქართველი ხალხის ეთნიკური ისტორიის საკითხების ცალმხრივი გაშუქებით და მის პარალელურად საქართველოს არაავტოქთონური მოსახლეობის ეთნიკური ისტორიის ტენდენციური ინტერპრეტაციის ერთობ არასახარბიელო პრაქტიკით, რაც განსაკუთრებით მტკიცნეულად აღიქმება ავტოქთონი მოსახლეობის ინტერესებთან დაკავშირებით.

ამ თვალსაზრისით სისტემატურად სცოდავს არაქართველ ავტორთა მრავალი პუბლიკაცია, სადაც ეჭვქვეშაა დაყენებული ქართველთა ავტოქთონურობის საკითხი ჩვენი ხალხის განსახლების არეალის თითქმის ყველა მონაკვეთზე, ხელალებით იგნორირებულია ეთნოსოციალური ორგანიზმის დონეზე ქართველი ხალხის ფუნქციონირების უტყუარი ფაქტი, მრუდე სარკეშია წარმოჩნილი ეთნოევოლუციური და ეთნოგრანანსფორმაციული პროცესები, ეთნოგენეზის და შიდაეთნიკური სტრუქტურის საკითხები და საბოლოო ანგარიშით ისტორიულ-ეთნოგრაფიული მონაცემების აშკარა გაყალბება-დამახინჯების წყალობით ქართველი ეთნოსის შემადგენელი ეთნოტერიტორიული ერთეულები (ქართლელები, კახელები, მეგრელები, სვანები, ლაზები, თუშები, აჭარლები, მესხები და ა.შ.) დამოუკიდებელ ხალხებადაც კია გამოცხადებული. სამწუხაროდ, აღნიშნული ხარვეზების ფიქსაცია გვიხდება იმ სავალალო მოვლენების ძალაუნებური კონსტატაციის ფონზე, რომ ფაქტიურად ქართველი ხალხის ეთნიკური ისტორიის საკითხი ქართული ეთნოგრაფიული კვლევის არეალს მოწყდა და ის

¹ პირველად დაიბეჭდა კრებულში — „ისტორიულ-ეთნოგრაფიული ძებანი“, ტ. VI, თბ., 2003.

უმთავრესად ისტორიკოსთა, არქეოლოგთა, ენათმეცნიერთა და ანთროპოლოგთა მეცადინების არეალად იქცა. სამართლიანობა მოითხოვს საგანგებოდ ითქვას, რომ ქართულ ეთნოგრაფიულ ლიტერატურაში არ მოვცეკოვება ეთნიკური ისტორიის საკითხების მონოგრაფიული შესწავლის თუნდაც ერთი ნიმუში. აღნიშნული ვითარება განსაკუთრებით შემამყოთებელია დღევანდელი ეთნიკური კრიზისების პირობებში, როდესაც ეთნიკური ისტორიისა და ეთნიკური პროცესების კვლევას პრიორიტეტული მნიშვნელობა ენიჭება. სამწევაროდ, ეთნოგრაფიული კვლევა-ძიების ფართო სპექტრში ეს უმნიშვნელოვანესი პრობლემა იგნორირებული აღმოჩნდა. სამაგიეროდ, ეთნოგრაფიულ მეცნიერებას დაეკისრა მატერიალური კულტურის, სამეურნეო ყოფის, სოციალური სტრუქტურის თუ სულიერი კულტურის კვლევა. მეორე აზრი არ არსებობს, რომ აღნიშნული პრობლემების შესწავლა ეთნოგრაფიული მეცნიერების საპატიო ამოცანას შეადგენს. თავისითავად ცხადია, რომ ამ მიმართულებით ნარმოებული ნაყოფიერი მუშაობის შედეგებიც იმ უტყუარი ჭეშმარიტების დამადასტურებელია, რომ აღნიშნული პრობლემების კვლევის გარეშე ერის, ვითარცა ცივილიზაციული ეთნოსოციალური ორგანიზმის აღქმა ნარმოუდგენელია, მაგრამ მით უმეტეს წარმოუდგენელია ერის სრულფასოვანი პრიორიტეტის წარმოდგენა ეთნიკური ისტორიის გარეშე.

ისტორიკოსები და არქეოლოგები იკვლევენ ქართველი ხალხის ეთნოგენეზისა და ერთიან სოციალურ ორგანიზმად მისი ფორმირების ცალკეულ საკითხებს, მაგრამ ფაქტიურად დღემდე არ შექმნილა ქართველი ერის ეთნიკური ისტორია. ამასობაში არამც თუ რუსმა, არამც აფხაზმა და ოსმა ეთნოგრაფებმა ამ მხრივ დიდი გულმოდგინებით იმუშავეს საკუთარი ხალხის ეთნიკური ისტორიის ავად თუ კარგად წარმოჩენისათვის, რაც სერიოზული დაფიქრების საფუძველს ქმნის. თანაც მხედველობაშია მისაღები ერთი საგულისხმო დეტალი. ესოდენ პრეტენზიული ნაშრომები („აფხაზები“, „ოსები“), რომელთა ხარისხი ერთობ საეჭვოა მათთვის დამახასიათებელი გამჭვირვალე ტენდენციურობის გამო, მაინცდამაინც იმ ხალხების შესახებ გამოქვეყნდა, რომელთაც ქართველებთან დაპირისპირების გუმანი ამოძრავებდათ. აფხაზმა და ოსმა ეთნოგრაფებმა კარგად გათვალეს ამგვარი ნაშრომების იდეოლოგიური მნიშვნელობა. მათ ამითით თეორიული საფუძველი შეუმზადეს ქართველი ხალხის წინააღმდეგ შეთქმულებას, რაც უკანასკნელ წლებში განსახიერდა აშკარად გამოხატულ სეპარატიზმში. ამითი იმის თქმას არვაპირებ, რომ ესოდენ ოდიოზური ზრახვის მასტიმულირებელი ნაშრომები ქართველმა მეცნიერებმაც შექმნან, მაგრამ მათ იმაზე მაინც უნდა ეზრუნათ, რომ თუნდაც საენციკლოპედიო სტატია ქართველი ხალხის შესახებ თვით ქართველ ეთნოგრაფებს დაეწერათ.

სამნუხაროდ ეს ტენდენცია კვლავაც გრძელდება. ამჟამად, როდესაც გამოსაცემად მზადდება „საქართველოს ეთნოგრაფიის ნარკვევების“ ექსტომეული, სტატია ქართველების შესახებ ისტორიკოსებს მიანდეს და არა ეთნოგრაფებს. უფრო მეტიც, ამ უმნიშვნელოვანესი საკითხის კვლევის პრიორიტეტით სარგებლობენ არაქართველი მეცნიერები. რად ღირს თუნდაც ის ფაქტი, რომ ჩვენივე პასიურობის პირობებში ნ. ვოლკოვამ ითავა გამოექვეყნებინა მონოგრაფია — „**ЭТНОНИМЫ И ПЛЕМЕННЫЕ НАЗВАНИЯ СЕВЕРНОГО КАВКАЗА**“, М., 1973. სხვათა შორის, რუსი ეთნოგრაფის პრიორიტეტი გამოჩნდა ერთობლივ ნაშრომშიც (**Н. Волькова, Г. Джавахишвили, Бытовая культура Грузии XIX-XX веков: традиции и инновации**, Издательство "Наука", Москва, 1982), რომელშიაც ეთნიკური ისტორიის საკითხი მიმოხილული აქვს ნ. ვოლკოვას. ასევე რუსი ავტორების კომპეტენცია გამოიკვეთა ეთნიკური პროცესების შესწავლის მიმართულებით. მათ თავიანთი კვლევა-ძიების საგნად გაითავისეს ქართველი ხალხის ისტორიულ-ეთნოგრაფიული ნომინაციის საკითხები. ისინი რეკომენდაციებს გვთავაზობდნენ, თუ რა ტერმინი შეერჩიათ ამა თუ იმ კუთხის მკვიდრთათვის — ხალხი, ეთნიკური ჯგუფი, ეთნოგრაფიული ჯგუფი თუ სუბეთნიკური ჯგუფი. თუ როგორ და რა პრინციპით ხორციელდებოდა ამგვარი რეკომენდაციები, ეს კრიტიკულადაა განხილული ჩემს ნაშრომში — „ქართველი ხალხის ეთნოსტრუქტურა მრუდე სარკეში“ (თბ., 1990 წ.). ეთნოგრაფიული კარტოგრაფირებაც კი, რაც ეთნოგრაფიული კვლევის ჩარჩოებში ჯდება, მათ ხელში აღმოჩნდა. შედეგად მივიღეთ ისტორიული თუ თანამედროვე რეალობის უკიდეგანო ფალსიფიკაცია. ყოველივე ამის საფუძველია არა მარტო იმპერიული დივერსია მეცნიერებაში, არამედ ჩვენი მხრიდან პოზიციების ნებაყოფლობითი დამობა.

ქართული ეთნოგრაფიული მეცნიერების მხრიდან ასეთი დამოკიდებულების გამო თვით ქართულ საისტორიო მეცნიერებაშიც თავი იჩინა ერთგვარმა გაუგებრობამ. ამჟამად ალბათ გაჭირდება დავარწმუნოთ ისტორიკოსები და ისტორიული გეოგრაფიის სპეციალისტები, რომ ეთნოგრაფიულ მეცნიერებას გააჩინა კვლევა-ძიების ეთნოგეოგრაფიული, ეთნოდემოგრაფიული, ეთნოსტატისტიკური თუ ეთნოსტრონიული ასპექტები. ჩაოყალიბდა შეხედულება, რომ ისტორიული გეოგრაფიის შესწავლის საგანია ისტორიულ-გეოგრაფიული ქვეყანა. ამაზე დავა არ შეიძლება, მაგრამ შეუწყნარებელია ისტორიულ-ეთნოგრაფიული ქვეყნის შესწავლის შესაძლებლობის იგნორირება. ამ შემთხვევაში გათვალისწინებული უნდა ყოფილიყო, რომ ყველა ქვეყანა ისტორიულ-გეოგრაფიულია, მაშინ როდესაც ყველა მათგანი არ არის ისტორიულ-ეთნოგრაფიული ქვეყანა. აღნიშნულის უგულვებელყოფის დამადასტურებელია ეთნიკური რუკების არ არსებობა, რის

გამო ეთნოგრაფიული კუთხეები ეთნოგრაფიული ჯგუფებისაგან ვერ გაგვირჩევია. ზოგიერთი ისტორიკოსი, უმთავრესად კი არაქართველი, ეთნოგრაფიული ჯგუფის მისამართით იყენებს ტერმინს — **ხალხი**, ეროვნება, ან მუხრანელს და ფშაველს ერთ დონეზე წარმოაჩენს. ასეთი სუროგატი ილექტება სამეცნიერო ლიტერატურაში, რაც აბნევს როგორც ქართველ, ისე უცხოელ მკითხველს. სამაგიეროდ არ იძნევა ქართველოფობით შეპყრობილი არაერთი მკვლევარი, რომელიც მოხერხებულად სარგებლობს აღნიშნული ხარვეზით და ჩვენს წინააღმდეგ ამ იარაღით იბრძვის.

ყოველივე ამის გამო აუცილებელია ამ მიმართულებით მუშაობის გაძლიერება. წინააღმდეგ შემთავევაში ქართული ეთნოგრაფია ჩიხში მოექცევა, ის უპერსპექტივო გახდება. როდემდე უნდა ვიყოთ მარტოოდენ სადღეისოდ ცნობილი ტრადიციული ეთნოგრაფიული თემატიკის შემყურები. ბუნებრივია, რომ აღნიშნული თემატიკის შესწავლისათვის ეთნოგრაფიაში მრავალმხრივ საყურადღებო მუშაობა ჩატარდა და დღესაც ნაყოფიერი კვლევა-ძება მიმდინარეობს. ცხადია, პერსპექტიული სამეცნიერო მუშაობა კვლავაც უნდა ითვალისწინებდეს ქართველი ხალხის ყოფისა და ტრადიციების შემდგომ შესწავლას, მაგრამ პირველ ყოვლისა ჩვენს ამოცანას უნდა შეადგენდეს ეთნიკური ისტორიისა და ეთნიკური პროცესების ინტენსიური კვლევა როგორც ეთნოგრაფიული მასალების, ისე წერილობითი წყაროების, ონომასტიკური და ტოპონიმიკური მონაცემების საფუძველზე.

განსაკუთრებული ყურადღების ღირსია ყველა სახის ცნობის მაქსიმალური სიზუსტით გამოიყენება ეთნოგრეზისა და ეთნოევოლუციის (ეს ტერმინი ჩემი შემოტანილია) შესწავლისათვის, რაც დიდ დროს და სპეციალისტთა ჯგუფის ინტენსიურ შრომას საჭიროებს. ქართველები არ არის ის ხალხი, რომ მათ შესახებ მოკლე დროში შეიქმნას ვრცელი მონოგრაფია ისეთი მყვირალა და პრესტიული სათაურით, როგორიცაა „ქართველი“. დაუშვებელია ჩვენ მივბაძოთ ოსების ან აფხაზების მაგალითს და რაღაც ეკლექტიკური ნაშრომით, წმინდა წყლის სუროგატით „გავახაროთ“ ქართველი მკითხველი. ნაჩქარევად და უპასუხისმგებლოდ დაწერილი ნაშრომები ბუმერანგივით უკან შემოგვიპრუნდება და მტერს უფრო გავახარებთ, ვიდრე მოყვარეს. მაშასადამე, საჭიროა ჩალრმავებული ფართომასშტაბიანი კვლევა და თანაც არა მხოლოდ ერთი კაცის მეცადინეობით, არამედ მეცნიერთა ჯგუფის გარჯით, მაგრამ ამ მიმართულებით მუშაობის გეგმაზომიერ განვითარებას დღევანდელ ვითარებაში ხელს უშლის საამისოდ მომზადებული კადრების სიმცირე. არადა შეუწყნარებელია არ მიმდინარეობდეს ისეთი საკითხების შესწავლა, როგორიცაა: 1) ქართველი ხალხის ფორმირება მისი ტომობრივი ერთეულების კონსოლიდაციის საფუძ-

ველზე; 2) ქართველი ხალხის ეთნოსტრუქტურა, ეთნოევოლუციური და ეთნოტრანსფორმაციიული პროცესები; 3) ეთნონიმთა ფორმირების პრინციპები და მისთვის დამახასიათებელი ტერმინოლოგიის შემუშავება რუსული გავლენის გარეშე; 4) ისტორიულ-ეთნოგრაფიული კუთხების ფორმირების პროცესები მათი ლოკალიზაციის ჩვენებით, თითოეული მათგანის კომპლექსური შესწავლით და ა.შ.

აღნიშნული პრობლემების შესწავლასთან დაკავშირებით ჭეშმარიტი მეცნიერული კვლევისათვის აუცილებელია ერთიმეორისაგან გაიმიჯნოს ისტორიულ-გეოგრაფიული და ისტორიულ-ეთნოგრაფიული ქვეყანა შემდგევი ვითარების გათვალისწინებით: 1) ისტორიულ-გეოგრაფიული ქვეყანა წარმოადგენს განსაზღვრულ მიწა-წყალზე ისტორიულად ფორმირებულ მხარეს თავისისაზღვრებით და მკვიდრი მოსახლეობით; 2) ისტორიულ-ეთნოგრაფიული ქვეყანა არის გარკვეულ მიწა-წყალზე ჩამოყალიბებული ისტორიულ-გეოგრაფიული ქვეყანა, რომლის მოსახლეობამ დღრითა განმავლობაში გამოიმუშავა კუთხეური ეთნოგრაფიული თავისებურებანი (ადგილობრივმა მოსახლეობამ კი დიალექტური თავისებურებანი), რითც ის განსხვავდება სხვა ქვეყნებისაგან.

ნებისმიერი ისტორიულ-ეთნოგრაფიული ქვეყანა თავისთავად ისტორიულ-გეოგრაფიულ ქვეყანას ან ისტორიულ-გეოგრაფიულ ქვეყანათა კრებულს წარმოადგენს, მაგრამ ისტორიულ-გეოგრაფიული ქვეყანა ან ქვეყანათა კრებული ყოველთვის არ შეეფარდება ისტორიულ-ეთნოგრაფიულ ქვეყანას. შაგალითად, ისტორიულ-ეთნოგრაფიული ქვეყანა ქართლი ისტორიულ-გეოგრაფიული ქვეყნების (ბაზალეთი, მუხრანი, საამილახვრო, თრიალეთი, თორი) კრებულია, მაგრამ ისტორიულ-გეოგრაფიული ქვეყანა მუხრანი არ წარმოადგენს ისტორიულ-ეთნოგრაფიულ ქვეყანას.

ისტორიულ-ეთნოგრაფიული ქვეყანაარ გადაიზრდება ისტორიულ-გეოგრაფიულ ქვეყნად, მაშინ როდესაც ისტორიულ-გეოგრაფიული ქვეყანა ამჟღავნებს ისტორიულ-ეთნოგრაფიულ ქვეყნად გადაქცევის ტენდენციას. მაგალითად, ისტორიულ-ეთნოგრაფიული ქვეყანა თუშეთი ოდითგანვე ისტორიულ-ეთნოგრაფიული ქვეყანაა და ის არ გარდაიქმნება ისტორიულ-გეოგრაფიულ მხარედ, მაშინ როდესაც ისტორიულ-გეოგრაფიული ქვეყნები — თიანეთი, ფშავი, ხანდოყალიბდებიან ისტორიულ-ეთნოგრაფიულ ქვეყნებად. ისტორიულ-ეთნოგრაფიული ქვეყნის იმთავითვე ფორმირება ხდება მხოლოდ იმდენად, რამდენადაც ის რაიმე ტომის დისლოცირების ადგილია და მისი სახელწოდებაც მსაზღვრელი კომპონენტებითა გამოხატული (მაგალითად, სვანიდან → სვანეთი, დვალიდან → დვალეთი, თუშიდან → თუშეთი, კახიდან → კახეთი, წანარიდან → წანარეთი...).

ზოგიერთი ტერიტორიული ერთეული (თემი, ხევი, მცირე ქვეყანა)

გეოგრაფიულ ნიშნის მიხედვით განსხვავდება სხვა ანალოგიური ერთეულისაგან, მაგრამ ყველა ვერ ახერხებს დამოუკიდებელ ისტორიულ-ეთნოგრაფიულ კუთხედ ფორმირებას. თუკი ხანდო ჩამოყალიბდა დამოუკიდებელ კუთხედ, ასევე ჭართალიც, სამაგიროდ უფრო მოზრდილი ისტორიულ-ეთნოგრაფიული ქვეყნები — წადა და ცხაოტი მთიულეთად იქცა. ანალოგიურ ვითარებასთან გვაქვს საქმე ქსნის ხეობაშიც, რომელშიაც გაერთიანდნენ უამური, ქარჩოხი, ცხრაზმა, ჭურთა, ალევ-საფერშეთი, ცხავატი, საძეგური.

ეთნიკური ისტორიის შესწავლასთან დაკავშირებით საინტერესო ვითარება იკვეთხბა ეთნონიმთა შეპირისპირების ნიადაგზე. ასეთი შეპირისპირების საფუძველზე გამოიყოფა ორი სახის ეთნონიმები. ერთ შემთხვევაში სახეზე გვაქვს დვალი, წანარი, სვანი, თუში, ხოლო მეორე შემთხვევაში ელ-დაბოლოებიანი ხადელი, ცხაოტელი, ფხოველი და ა.შ. აქედან უფრო ძველია ეთნონიმების პირველი პლასტი. ისინი ძველთაძეველი ტომობრივი პარციაციის ამსახველი ჩანან, ვინაიდან მათზე არ შეიძლება დაბეჯითებით ითქვას, რომ ისინი ტოპონიმიური წარმონაქმნებია. პირიქით, პირველია დვალი (→დვალეთი), რაც ფარავს რაღაც ტომს, ეთნოგენტიალურ ჯგუფს. ხადელი კი უდრის ხადის მკვიდრს. ელ-დაბოლოებიანი ეთნონიმები გვიანდელი ჩანს, მაგრამ ეთნონიმთა ფორმირების პროცესში დანახული სხვაობა არ გამორიცხავს დვალის შესაძლო ტოპონიმურ წარმომავლობასაც (შდრ. ერი „ცხავატი“, „ფხოვი“, „ჭართალი“). ყოველ შემთხვევაში ერთი რამ ცხადია — დვალი უფრო არქაული ეთნონიმია, ვიდრე მაგალითად გუდამაყრელი. ის უფრო ადრეა ფორმირებული და იმ ეპოქის პროდუქტად უნდა ვიგულისხმოთ, როცა გაჩნდა ეთნონიმები: კახი, კუხი, მესხი, ჯავახი, კლარჯი და სხვა ეთნოგენტიალური ჯგიფები. ამ რიგის ტოპონიმები ტომებს აღნიშნავენ.

ტომობრივი კუთვნილების გამომხატველი ტერმინების პარალელურად გვაქვს კუთხური ვინაობის მაჩვენებლი ტოპოგრაფიულ-გეოგრაფიული სახელწოდებებიც. ამის შესაბამისად პირველ შემთხვევაში სამოსახლო სივრცის სახელწოდება უკავშირდება მისი მკვიდრი ტომის სახელწოდებას (დვალი→დვალეთი, წანარი→წანარეთი, თუში→თუშეთი...), ხოლო მეორე შემთხვევაში კონკრეტული კუთხის სახელწოდებიდან მომდინარეა აღნერილობითი ხასიათის სახელწოდებანი (წადიდან→წადელი, ცხაოტიდან→ცხაოტელი, გუდამაყრიდან→გუდამაყრელი...).

მაშასადამე, უძველეს ეთნიკურ-გეოგრაფიულ ნომინაციაში ფიქ-სირდება ერთი მხრივ აღნერილობითი ხასიათის ცნებები (წანარმოებნი კონკრეტული ადგილის სახელწოდებიდან), ხოლო მეორე მხრივ ერთი კონკრეტული ტომის აღმიშვნელი სახელწოდებები. ამის შესაბამ-

ისად, არსებითი სხვაობა შეინიშნება საქართველოს მთის კუთხეების ფორმირებაში — ერთი მხრივ საქმე გვაქვს იმთავითვე ისტორიულ-ეთნოგრაფიული კუთხეების ჩამოყალიბებულ მხარეებთან, მეორე მხრივ კი თავიდან ისტორიულ-გეოგრაფიულ კუთხეებად გამოყოფილ ქვეყნებთან, რომელთაც დროთა განმავლობაში განიცადეს ფორმირება ისტორიულ-ეთნოგრაფიულ მხარეებად.

კუთხურობის ფენომენით ცნობილი საქართველოს შესწავლა შეუძლებელია მისი მთისა და პარის „ქვეყნების“ თავისებურებათა გათვალისწინების გარეშე, რაც გამოხატულებას პოულობს ისტორიულ-გეოგრაფიულ და ისტორიულ-ეთნოგრაფიულ ნომინაციაში. ამ თვალსაზრისით კვლევა-ძიება უნდა განხორციელდეს ვერტიკალური ზონალობის ჩარჩოებში (ამას მიეღვნა ჩემი სპეციალური გამოკვლევა)². უამპირობოდ შეუძლებელია ისტორიულ-გეოგრაფიული და ისტორიულ-ეთნოგრაფიული ქვეყნების ურთიერთგამიჯვნა, კუთხეების მართებული ლოკალიზაცია და ეთნიკური ნომინაციის სრულყოფილი სახით წარმოჩენა. ეს მით უფრო საჭიროა, როდესაც რუსული იმპერიული პოლიტიკის დევიზის — დაყავი და იბატონე-ს წყალობით მკაფიოდ გამოიკვეთა ერთიანი ქართული ეთნოსის სხვადასხვა ხალხებად დაყოფის ისეთი მომაკვდინებელი ტენდენცია, როგორსაც აქვს ადგილი ჩრდილო-კავკასიის ხალხთა მიმართ (დაღესტანი, ჩაჩნეთ-ინგუშეთი, ადიღე...)³.

საქართველოზე ესოდენ მასშტაბური შემოტევისა და დეზინფორმაციის ვითარებაში ეთნოგრაფიული მეცნიერების საპატიო მოვალეობად მიმართა დაზუსტდეს და დაიხვეწოს ისეთი ცნებები, როგორიცაა ქვეყანა, თემი, მხარე, სანახი, კუთხე, რეგიონი, რაიონი, ეთნოგრაფიული ჯგუფი, სუბეთნიკური ჯგუფი, ტომი და სხვა. ჯერ კიდევ მუშაობას მოითხოვს ძველ და შედარებით ახალ ეთნონიმთა თუ ფსევდოეთნონიმთა პლასტის ფორმირების მექანიზმის შესწავლა. პოლიტიკურ-ადმინისტრაციული ერთეულის აღმნიშვნელი სახელნოდება (პოლიეთნონიმი) არ უნდა გავაიგივოთ ეთნონიმთან, ან ეთნოგრაფიული ქვეყნის სახელნოდებასთან, ხოლო ისტორიულ-გეოგრაფიული ქვეყანა ისტორიულ-ეთნოგრაფიულ მხარესთან. ყოველივე ამის საჭიროება იგრძნობა ისეთ ვითარებაში, როდესაც

² რედაქტორის შენიშვნა: იგულისხმება ვახტანგ ითონიშვილის ნაშრომი — „ვერტიკალური ზონალობის პანორამა და დემოგრაფიული პროცესები საქართველოში“, თბ., 2003.

³ აღნიშნული ვითარების მხილებას მიეძრვა ვახტანგ ითონიშვილის სპეციალური გამოკვლევები: 1) ქართველი ხალხის ეთნოსტრუქტურა მრუდე სარკეში, თბ., 1990 წ.; 2) დვალეთის ისტორიის საკითხები მრუდე სარკეში, თბ., 2002 წ.; 3) კავკასია და კავკასიელები, თბ., 2007 წ.

ეთნიკური ისტორიის საკითხების კვლევასთან დაკავშირებით დიდი ხარვეზს ვაფიქსირებთ. ეს განსაკუთრებით შეეხება შიდა ქართლის ეთნოგრაფიის საკითხების შეუწყნარებელ ტენდენციურ გაშუქებას პირველ ყოვლისა თსი ისტორიკოსების მხრიდან, რაც კრიტიკულადაა განხილული სპეციალურ გამოკვლევებში⁴.

სამეცნიერო-კვლევით მუშაობასთან ერთად უნდა დაჩქარდეს ჯერ კიდევ ყოფაში შემონახული ეთნოგრაფიული მასალების ფიქსაცია. ცხადია, ეთნოგრაფიული მუშაობის გაძლიერებას სიმპატიით არ შეხვდებიან რუსი, ოსი, აფხაზი, სომები, თუ აზერბაიჯანელი ავტორები, მაგრამ ეს ნაკლებად უნდა გვანუხებდეს. პირიქით, უკომპრომისო ბრძოლა უნდა გაუმართოთ ყველას, ვინც დიდი გულმოდგინებით ცდილობს საქართველოს ტერიტორიულ-ეთნიკური მთლიანობის მოშლას. საამისოდ კი საჭიროა დაუყოვნებელი რეაგირება ნებისმიერ გამოხტომაზე როგორც სამეცნიერო გამოკვლევებში, ისე საგათხოო და საურნალო სტატიებში, რეცენზიებში, რადიოსა და სატელევიზიო გადაცემებში. ამ საქმეში მეცნიერებთან ერთად ფართოდ უნდა ჩავაპათ უურნალისტებიც, მაგრამ ერთი აუცილებელი პირობით — მათ ხელს უნდა ჰქონდეთ სპეციალური გამოკვლევები, რომელთა საფუძველზეც შესძლებენ მკითხველს შესთავაზონ ფაქტობრივი მონაცემებით დატვირთული პუბლიკაციები.

ბუნებრივია, რომ ზემოთ განხილული საკითხები თავისი მნიშვნელობით პრიორიტეტულია, მაგრამ ამის მიუხედავად ის მაინც ერთერთი პრობლემაა ქვეყნის მრავალასპექტიანი კვლევის სფეროში. ცნობილია, რომ ეთნოგრაფიის საგანი მოიცავს მრავალ სხვა პრობლემასაც, რომელთა ერთობლიობა ნარმოაჩენს ხალხის ყოფას, კულტურას და ტრადიციებს. იმის შესახებ კი, თუ როგორი თანმიმდევრობით უნდა შევისწავლოთ ეს პრობლემები, პასუხს გვაძლევს ჩემს მიერ შედგენილი სასწავლო და სამეცნიერო-კვლევითი მუშაობის პროგრამა, რასაც მკითხველს აქვე ვთავაზობთ.

⁴ იგულისხმება ვახტანგ ითონიშვილის შრომები: *Южная Осетия — в центральной Грузии?* Сб. «Осетинский вопрос», Тб., с. 7-26; მისუვე, Осетинщина, იმავე კრებულში, გვ. 209-228; იგივე საკითხები განხილულია დასახელებული კრებულის ქართულ გამოცემაში (ქრ. „ოსთა საკითხი“, თბ., 1996, გვ. 5-44; 228-257). ავტორმა ეს საკითხები შეიტანა ნიგნში — ქართულ-ოსურ ურთიერთობათა ისტორიიდან, თბ., 1995 წ. ბოლო დროს, აღნიშნული საკითხები შევიდა აგრძელებულ გამოცემაში შემდეგ გამოქვეწებულ ნიგნში — ნარკვევები კავკასიის ისტორიიდან, თბ., 2002 წ.

საქართველოს ეთნოგრაფიის შესწავლა ნაკარნახევია ქართველი

საქართველოს ეთნოგრაფიის შესწავლა ნაკარნახევია ქართველი ხალხის ყოფისა და კულტურის ცოდნის, მისი ეროვნული თვითშეგნების სრულყოფისა და განვითარების აუცილებლობით. საგნის ამოცანას შეადგენს ქართველთა ცხოვრების წესისა და ტრადიციების შესწავლა იმ მოთხოვნილებათა დონეზე, რაც შეესაბამება სრული დამოუკიდებლობისათვის მებრძოლი ქვეყნის მდგომარეობას, მის მომავალს. ეროვნული კონსოლიდაციის განმტკიცებისათვის ტრადიციას ანუ ცხოვრების წესს, რასაც ვახუშტი ბაგრატიონმა „ზნენი და ჩვეულებანი“ უწოდა, ისეთივე მნიშვნელობა ჰქონდა და დღემდე აქვს შენარჩუნებული, როგორც მშობლიურ ენას და ქრისტიანულ სარწმუნოებას. ენის, სარწმუნოებისა და ზნე-ჩვეულებათა გარეშე შეუძლებელია ქართული ეროვნული თვითმყოფადობის შენარჩუნება. აქედან გამომდინარე, ტრადიციის, როგორც ეროვნული ფენომენის, გააზრებამოთხოვს მისი ნარმობობის, განვითარების, გამძლეობის ფაქტორებისა და სადღეისო მნიშვნელობის შესწავლას. ეს თავისთავად წარმოაჩენს ტრადიციის ასაკს, მის ადგილს საზოგადოებრივი ცხოვრების სხვადასხვა საფეხურზე, დრომომჭულ მოვლენებს და იმას, რომლის ფუნქციონირებას სასიცოცხლო მნიშვნელობა ენიჭება ხალხის მატერიალური და სულიერი კულტურის აღმავალი განვითარების პროცესში. ტრადიციის ესოდენ დიდი ეროვნული მნიშვნელობა კარგად იცოდნენ როგორც აღმოსავლეთის, ისე ჩრდილოეთის დამპყრობლებმა, რომლებიც ენასთან და რელიგიისთან ერათად ყველა საშუალების გამოყენებით მას სპოდდნენ. ამ მხრივ ქართველ ხალხს განსაკუთრებით დიდი ზიანი მიაყენა ჯერ მაჰმადიან მეზობელთა განუწყვეტელმა თავდასხმებმა, შემდგომ ცარიზმა და ბოლშვიკური რუსეთის იმპერიამ. რუსული კანონმდებლობის დანერგვა გადაგვარებას უქადა ქართული ცხოვრების წესს, მის საოჯახო და საზოგადოებრივ ყოფას. XIX საუკუნეში განგებიჩემალებოდა ქართველი ხალხის მრავალსაუკუნოვანი კულტურა და ყველაფერი კეთდებოდა იმისათვის, რომ დაექუცმაცებინათ ეროვნული ერთობა, ცალკე ხალხებად წარმოეჩინათ ერის ფარგლებში შემავალი ეთნოგრაფიული ჯგუფები: ქართლელები, კახელები, იმერლები, რაჭველები, სვანები, თუშები, ხევსურები და ა.შ.

თერგდალეულებმა ამ მზაკვრული, შორსგამიზნული პოლიტიკის წინააღმდეგ დროულად აღიმაღლეს ხმა და ქართული ენის, ისტორიის, ეთნოგრაფიის და ფოლკლორის შესწავლით მკრეხელებს წინაღუდგნენ. უპირველეს ყოვლისა, მათ უურნალ-გაზეთებით და მაშინ-

დელი ინფორმაციის ყველა საშუალებით ქართველი ხალხის სწორად გაცნობიერება დაიწყეს, თვალწინ გადაუშალეს საკუთარი წარსული, ყოფა, და ტრადიციები. ყოველივე ამის შედეგად სწრაფად გაიზარდა ეროვნული თვითშეგნება და მომზადდა ნიადაგი დამოუკიდებელი საქართველოს დემოკრატიული რესპუბლიკისათვის, რომელიც პარტიული სექტანტიზმის მიუხედავად, მაინც მიღწეულ იქნა. ბოლშევიკური რუსეთის მიერ თავისუფალი საქართველოს დაცყრობის შემდეგ „გათიშე და იბატონეს“ ცარიზმის ძველი პოლიტიკა კვლავ გაგრძელდა, ოლონდ შესაფერისი ფერისცვალებით. ხალხთა თავისუფლების ლოზუნების მიღმა უფრო ქმედითად, ინტენსიურად დაიწყო ქართველი ერის შინაგანი რღვევა-გათიშვის პროცესი. ადგილობრივ მკვიდრთა ნების წინააღმდეგ სწავლება მეგრულ და სვანურ ენებზეც შემოიდეს, მეგრულად გაზეთიც კი გამოუშვეს... ანტიქართული პოლიტიკა ყოვლად გაუმართლებელი ავტონომიების შექმნით დააგვირგვინეს. თითოეული ავტონომის დედაქალქში სამეცნიერო უჯრედები შექმნეს და ქართულის საზიანოდ აფხაზთა და ოსთა ყოფისა და კულტურის შესწავლას შეუდგნენ. ასე შეიქმნა ფსევდომეცნიერული, ანტიქართული მრავალი ნაშრომი, რომელთაც მოსახლეობის დეზინფორმაცია გამოიწვიეს. ასე მომზადდა ნიადაგი თანამედროვე ეთნოკომფლიქტებისათვის. რაც შეეხება ქართულ ეთნოგრაფიას, მისი მრავალი პრობლემა საფუძვლიან კვლევას საჭიროებს და მისი პოპულარიზაციის აუცილებლობას გვიკარნახებს.

აღნიშნულის შესაბამისად საქართველოს ეთნოგრაფიას, როგორც ეროვნული მეცნიერების სწავლებას უმაღლეს სასწავლებელში, არანაკლებ ორი სემესტრი უნდა დაეთმოს. საგნის პროგრამაში შედის შემდეგი საკითხები:

შესავალი

1. საქართველოს ეთნოგრაფიის საგანი და ამოცანები.
2. საქართველოს ეთნოგრაფიის წყაროები და კვლევის მეთოდები.
3. საქართველოს ეთნოგრაფიის მსოფლმხედველობითი (მეთოდოლოგიური) და სოციალური მნიშვნელობა.

I. ქართული ეთნოგრაფიის ისტორია

1. ეთნოგრაფიული მეცნიერების დაუფლების სამი გზა — კონკრეტულ-ინდუქციური, დედუქციურ-სისტემური და ისტორიული (ან ისტორიოგრაფიული).

2. ქართული ეთნოგრაფიის ისტორიის ორი ეტაპი (ფაქტობრივი

ცოდნის დაგროვებისა და მისი გააზრება-განზოგადებისა). „ეთნოგრაფია“ და „ეთნოგრაფიული მეცნიერება“ საქართველოში.

3. ქართული ეთნოგრაფის საწყისი პერიოდი (V-XVII სს.)
4. ქართული ეთნოგრაფია XVIII ს-ში.
5. ქართული ეთნოგრაფია XIX ს-ში.
6. ქართული ეთნოგრაფია XX ს-ში.

II. ეთნოგრაფიული კვლევა-ძიების ორგანიზაცია საქართველოში

1. ეთნოგრაფიული კვლევა-ძიების ძირითადი ცენტრები (აკადემიური, საუნივერსიტეტო, სამუზეუმო) და ეთნოგრაფიულ დაწესებულებათა ტიპები.

2. ძირითადი, პერიოდული გამოცემები და ეთნოგრაფიულ პუბლიკაციათა (სამეცნიერო, სასწავლო-მეთოდური, თეორიული) ტიპები.

3. ეთნოგრაფიული კვლევა-ძიება პერიფერიებში და ისტორიულ მხარეთმცოდნეობის სფეროში არსებული ვითარება. საველე-ეთნოგრაფიული პრაქტიკის ორგანიზაციის დონე.

4. ქართული ეთნოგრაფიული სკოლის სადღეისო პრობლემები და პერსპექტივები.

III. ზოგადი ცნობები საქართველოს შესახებ

1. ტერიტორია, გეოგრაფიული მდებარეობა, საზღვრები, ქვეყნის ნომინაცია, ბუნებრივი პირობები.

2. სახელმწიფოებრივი და ადმინისტრაციულ-ტერიტორიული მონაცემები; მოკლე ისტორიული ნარკვევი.

3. სამეურნეო-ეკონომიკური და სოციოლოგიური ნარკვევი.

4. საქართველოს დემოგრაფიული და ეთნოკონფესიური პროტრეტი.

IV. საქართველოს მოსახლეობა. ეთნიკური პროცესები

1. საქართველოში მცხოვრები ხალხები და ეთნიკური ჯგუფები. ავტოქთონური და არაავტოქთონური ელემენტი.

2. ეთნოდემოგრაფიული, ეთნოსოციალური და ეთნოკულტურული პროცესები.

3. ეროვნული უმცირესობანი საქართველოში (არაქართული მოსახლეობის საქართველოში დამკვიდრების, ტერიტორიული განლაგების, აღნარმოების დინამიკის, უფლებრივი მდგომარეობის საკითხები).

4. ქართულ-აფხაზური და ქართულ-ოსური ურთიერთობების პრობ-

ლემები და ე.ნ. ეთნოკონფლიქტების „ანატომია“.

V. ქართველი ხალხი — გეოგრაფიული, ანთროპოლოგიური, სამეცნიერო-კულტურული და ეთნოლინგვისტური კლასიფიკაციების შუქზე

1. ქართველები — კავკასიის ძველთაძველი მკვიდრნი.
2. ქართველთა ანთროპოლოგიური დახასიათება.
3. ქართველთა სამეცნიერო-კულტურული დახასიათება.
4. მსოფლიო ხალხთა ენების კლასიფიკაციის პრინციპები და ქართველთა ადგილი უმაღლეს საკლასიფიკაციო ფორმაში — ენობრივი კვაბში.

VI. ქართველი ხალხის ეთნიკური ისტორიის, ეთნონიმიკის და ეთნოსტრუქტურის საკითხები

1. ქართველთა განსახლების ოდინდელი და თანამედროვე არეალი, მათი ავტოქთონობის პრობლემა. კულტურულ-ისტორიული კავშირები.

2. ქართული (ან ქართველური) ეთნონიმიკის საკითხები. ეთნონიმთა ფორმირების მექანიზმი და ეთნიკური ონომასტიკის ინფორმაციული დონე.

3. ქართველი ხალხის ეთნოგენეზი და ეთნოგრადაცია. ეთნოვოლუციური და ეთნოტრანსფორმაციული პროცესები, ქართველი ერის ფორმირება. ქართული ეთნიკური ტერმინოლოგია („ნათესავი“, „ერი“, „ხალხი“).

4. ქართველი ხალხის შიდაეთნიკური დანაყოფები და მათი სახელდების („ეთნოგრაფიული ჯგუფი“ ან „ეთნოტერიტორიული ჯგუფი“, „სუბეთნიკური ჯგუფი“ და სხვ.) ოპტიმალურობის საკითხი. ქართველთა ეთნოკონფესიური და ეთნოდისპერსიული ჯგუფები.

5. ქართველი ერი — მონოლიტური ეთნოსოციალური ორგანიზმი და მისი ეთნოსტრუქტურის მრუდე სარკეში წარმოჩენის ტენდენცია.

VII. საქართველოს ეთნოგეოგრაფია

1. ეთნოგრაფიული კვლევა-ძიების ეთნოგეოგრაფიული ასპექტი. „ისტორიული გეოგრაფიის“ და „ეთნიკური გეოგრაფიის“ ურთიერთმიმართების საკითხები.

2. გეოგრაფიული დეტრმინიზმი და „კუთხურობის“ ფენომენი საქართველოში. ქვეყნის მიწა-წყლის ისტორიულ-გეოგრაფიული დაყოფის პრინციპები და ცნება „ისტორიულ-ეთნოგრაფიული მხარის“

განსაზღვრის და აპრობაციის ამოცანა.

2. საქართველოს მიწა-წყლის ისტორიულ-გეოგრაფიულ და ისტორიულ-ეთნოგრაფიულ დაყოფასთან მისადაგებული ტერმინოლოგიური აპარატის („ქვეყანა“, „თემი“, „ადგილი“, „სანახი“, „მხარე“, „კუთხე“, „ოლქი“, „პროვინცია“, „რაიონი“, „რეგიონი“) გამართვის პრობლემა.

3. საქართველოს ისტორიულ-ეთნოგრაფიული მხარეები (ლოკალიზაცია, ისტორიულ-ეთნოგრაფიული ატრიბუცია, განაშენიანება, ფორმირების გზა, ამჟამინდელი მდგომარეობა). „ყოველი საქართველო“-ს (ან „სრულიად საქართველო“-ს) ოდინდელი და თანამედროვე გაგება.

4. ეთნოგრაფიული კვლევა-ძიების ეთნოკარტოგრაფიული და ეთნოტოპონიმიკური ასპექტები.

VIII. საქართველოს მიწა-წყლის ისტორიულ-გეოგრაფიული და ისტორიულ-ეთნოგრაფიული დარაიონების ტრადიცია („მთა“/„ზეგანი“/„ბარი“) ვერტიკალური ზონალობის ჭრილში

1. საქართველოს მიწა-წყლის ბიპოლარული დარაიონების მრავალსაუკუნოვანი ტრადიცია („მთა“/„მთიულეთი“/„მთიურეთი“ — „ბარი“) და მოსახლეობის დაყოფა მთიელებად („მთიულნი“/„მთიურნი“/„მთიელნი“/„მთის კაცინი“/„მთის ხალხი“) და ბარელებად („ბარისანი“/„ბარისკაცინი“).

2. „ადგილის აღნერის“ ტრადიცია საქართველოში და ქვეყნის ისტორიულ-გეოგრაფიული, ბოტანიკური და სამეურნეო-კულტურული (უპირატესად აგროეთნოგრაფიული) დარაიონების სახელმძღვანელო კრიტერიუმების შემუშავება ვახუშტი ბაგრატიონის მიერ.

3. ვერტიკალური ზონალობის საკითხები სპეციალურ ლიტერატურაში.

4. საქართველოს ბუნებრივ-ტერიტორიულ და სამეურნეო-ეკონომიკურ კომპლექსებთან შეფარდებული კონტრარული ზონები: „მთა“, „ზეგანი“ და „ბარი“. ისტორიულ-ეთნოგრაფიული მხარეების კლასიფიკაცია აღნიშნული ზონების მიხედვით.

IX. მიგრაციული პროცესები საქართველოში

1. მოსახლეობის ადგილმონაცვლეობის კანონზომიერებანი და ძირითადი ტენდენციები საქართველოში.

2. ვერტიკალური ზონების მიხედვით ხალხის შიდაგადანაცვლების ფაქტორები. მოახალშენეთა კულტურულ-სამეურნეო ადაპტაციის

საკითხები.

3. მიგრაციის ისტორიულ-ეთნოგრაფიული ასპექტები. მიგრაციის როლი ეთნიკურ პროცესებში და ხალხის ადგილგადანაცვლების გავლენა საქართველოს ეთნოგრაფიულ ფიზიონომიაზე.

X. ქართველი ხალხის სამეურნეო ყოფა

1. მიწათმოქმედება (ხალხური აგროტექნიკა, ირიგაცია, მემინდვრეობა, მევენახეობა-მეღვინეობა, მეხილეობა, მებოსტნეობა).
2. მეცხოველეობა (მესაქონლეობა, მეფრინველეობა, მელორეობა, მეცხენეობა).
3. დამხმარე საქმიანობა (მონადირეობა, მეთევზეობა, მეფუტკრეობა, შემგროვებლობა).
4. შინამრენველობა (საფეიქრო საქმე, ხის დამუშავება, ქვის დამუშავება, მეთუნეობა, ლითონის დამუშავება).
5. „ქალაქი“-ს და „სოფლის“ ადგილი საქართველოს სამეურნეო-ეკონომიკურ და კულტურულ ცხოვრებაში.
6. სამეურნეო-ეკონომიკური ვითარება XX საუკუნის საქართველოში

XI. ქართველი ხალხის მატერიალური კულტურა

1. დასახლების ტიპები და განსახლების სტრუქტურა.
2. საცხოვრებელი, სამეურნეო, საფორტიფიკაციო და საკულტო ნაგებობანი. მათი ტიპები და გავრცელების არეალი.
3. დგამ-ჭურჭელი და საშინაო მოხმარების საგნები. ავეჯის და ჭურჭლის სახეობანი და დამზადების ტექნოლოგია.
4. საკვები (ქართული კულინარია, კვების რაციონი, ყოველდღიური და რიტუალური ტრაპეზი).
5. წარმოების საშუალებები (შრომის იარაღები, მანქანა-მოწყობილებები), შრომის პროდუქტები და საწყაოები.
6. ტანსაცმელი (ქართული კოსტიუმის სპეციალური კომპლექსები და ტიპები).
7. სამკაული (სასამკაულე ნივთები, სამკაულის სახეები და დამზადების ტექნიკა).
8. საჭურველი (შეიარაღების კომპლექსის შემადგენელი ელემენტები. იარაღის სახეები და გამოყენების ხერხები).
9. სანადირო იარაღები და მოწყობილობანი. მათი გამოყენების ხერხები.
10. ჰერალდიკა, დროშები, დამლები და სამიჯნო ნიშნები (მათი სახეები, ფუნქციები, დამზადების ტექნიკა).

11. ტრანსპორტი (სახმელეთო და წყლის) და კავშირის საშუალებები (სასიგნალო სისტემა).

12. მუსიკალური ინსტრუმენტები (მათი სახეები, ფუნქციები, დამზადების ტექნიკა).

XII. ქართველი ხალხის სულიერი კულტურა

1. რელიგიური რწმენა-წარმოდგენები (ქრისტიანობამდელი რელიგიის გადმონაშოთები, ქართული წარმართული პანთეონი, რელიგიური სინკრეტიზმი) და მითოლოგია.

2. ხალხური დღესასწაულები. ხალხურ დღეობათა კალენდარი, ტაბუაციის ტრადიციები.

3. მიცვალებულის კულტი, გლოვის რიტუალი, დასაფლავების წესები.

4. ფოლკლორი (ხალხური ზეპირსიტყვიერება, გამოყენებითი ხელოვნების სახეობები, ხალხური სიმღერები და ქორეოგრაფია, საკრავები, ტრადიციული გართობა-თამაშობანი).

5. ხალხური ცოდნა გარემომცველი ბუნების შესახებ (ასტრონომიული, აგროტექნიკური, მეტეოროლოგიური და სხვ.). ზომის და წონის ერთეულები.

6. ხალხური მედიცინა. მკურნალობის ხალხური წესები და საშუალებანი.

7. ხალხური სპორტი — ხალხური სპორტის სახეობანი და გავრცელების არეალი.

XIII. ეკოლოგიის კულტურულ-ისტორიული და სოციალური პრობლემები საქართველოში

1. ბუნებით სარგებლობის პრობლემა და ეკოლოგიური სისტემა.

2. ხალხური ეკოლოგიური ცოდნა და მეურნეობრივი კულტურის საკითხები.

3. ეკოლოგიური ასპექტი სოფლის დასახლებათა კულტურულ-ისტორიულ ტოპოლოგიაში.

XIV. სოციალური ორგანიზაცია და საოჯახო-საქორწინო ურთიერთობანი.

1. ნათესაობის სისტემა და ნათესაური ურთიერთობანი.

2. ოჯახის სტრუქტურა და საოჯახო ყოფა. სქესობრივ-ასაკობრივი დაყოფა და უფლება-მოვალეობათა გრადაცია.

3. ქორწინება და საქორწინო ტრადიციები.

4. აღზრდის სისტემა.
5. სტუმარ-მასპინძლობის ტრადიციები.
6. დაძმობილების წესები.
7. ნორმატივული ეთნოგრაფია. სოციალური ნორმების კლასიფიკის საკითხები.
8. ურთიერთდახმარების ფორმები.
9. ადათობრივი სამართალი.
10. სოფლის თემი. თემობრიობის ტრადიციები. თემის და პიროვნების ურთიერთობის საკითხი.
11. მოსახლეობის სოციალური სტრუქტურა. „მთური“ და „პარული“ კომიტონენტები. ადრეკლასობრივ ურთიერთობათა გადმონაშები.
12. საადგილმამულო ურთიერთობანი. მიწათსარგებლობის და მიწათმფლობელობის ფორმები.

XV. ქართველი ხალხის ყოფითი კულტურა: ტრადიციები და ინოვაციები

1. ქართველი ხალხის ყოფითი კულტურა. განვითარების პირობები და ფაქტორები.
2. ყოფითი კულტურა — ტრადიციული, ახალი და შერეული ფორმების სინთეზი.
3. ტრადიციები და ეთნოსი. ტრადიციათა ფუნქციები და თავისებურებანი. ქართული ყოფითი კულტურის განვითარების ტენდენციები. ტრადიცია და ინოვაცია.
4. ქართველი ხალხის თანამედროვე ყოფა. ტრადიციულის და ინოვაციურის შეთანაბრუნვის პრობლემა.

XVI. ქართველთა ეთნოფსიქოლოგიის საკითხები

1. გეოგრაფიული, ისტორიული, ეკონომიკური და აკულტურაციული ფაქტორები და ქართველთა ეთნოგრაფიული თავისთავადობა.
2. ტრადიციული ყოფის და კულტურის ფსიქოლოგიური ასპექტები. ქართველთა ეთნოფსიქოლოგიური და ეთნორელატიური დახასიათების ცდები.
3. ქართველთა ეროვნული ხასიათის თავისებურებანი. ქართული მენტალიტი, ქართული ეთნოცენტრიზმის, ტოლერანტობის და ნაციონალიზმის შეთანაბრუნვის საკითხი. „რაფინირებული ქართველის“ არავულგარული გაგება.
4. ქართული ტრადიციული ცხოვრების წესის აღდგენის და ეროვნული ცნობიერების შენარჩუნების ამოცანა XX საუკუნის მიწურულს.

II. ვახუშტი ბაგრათიონი დვალეპისა და დვალეთის შესახებ⁵

დვალები (ძველი ორთოგრაფიით **დუალნი // დვალი**) კავკასიონის მთავარი ქედის ცენტრალური ნაწილის ოდინდელ მკვიდრთ წარმოადგენდნენ, რომელნიც თავისი ისტორიული ბეგით ათასწლეულების მანძილზე მჭიდროდ და ცალკერდ იყვნენ დაკავშირებული ქართველებთან, ხოლო XIII საუკუნის ფრიად თავისთვადი და არცთუ მცირერიცხოვანი ტომის უძველესი სამოსახლო მხარე — **დვალეთი** (ძველი ორთოგრაფიით **დუალეთი // დვალეთი**), ვითარცა შორეული წარსულიდანვე ქართული სახელმწიფოს ერთ-ერთ „ნაპირის ალაგად“ ქცეული და ნიქოზის საეპისკოპოსოში V საუკუნიდან შემავალი ისტორიულ-ეთნოგრაფიული ქვეყანა, თავდაპირველად მთლიანად ჩრდილოეთ კავკასიაში ლოკალიზდებოდა და ძირითადად კავკასიონის მთავარსა და გვერდით ქედებს შორის განთვენილ და ამჟამად ე.წ. ჩრდილოეთ ოსეთის რესპუბლიკის საზღვრებში მოყოლილ 500 კმ²-მდე ფართობის მიწა-წყალს მოიცავდა, რომელიც რუსულ ენაზე გამოცემულ სამეცნიერო თუ პოპულარულ ლიტერატურაში არაიმვიათად ზოგადად ნარა-მამისონის ტაფობის („Наро – Мамисонская котловина“) ან ტუალეთია-ს („Туалетия“) სახელწოდებით ფიგურირებს. მდ. თერგის მარცხენა შენაკადის — არდონის სათავეებიდან თანამედროვე დაბა ბურონამდე (სხვა უფრო საეჭვო ინფორმაციით მიზურამდე) გადაჭიმულ და ექვსი უმთავრესი ხევისგან (1. ზახა, 2. ნარა, 3. ზრამაგა, 4. ზროვა, 5. უდელე, 6. კასრი) შენივთებულ აღნიშულ კუთხეს, რომელსაც აյ მოგვიანებით დაშენებულმა ოსებმა **თუალთა** („Туалтæ“), ან თუალგომი („Туалгом“) შეარქვეს, პირობითად შეიძლება **ბუდე დვალეთი-ც ვუწოდოთ**, ვინაიდან გარკვეული ქრონოლოგიური პერიოდიდან დვალეთის ქვეყნისათვის ნამდვილად არ ყოფილა უცხო როგორც საგრძნობი გაფართოების (— დიდი ლიახვისა და თერგის ხეობათა მაღლმთიან მონაკვეთზე გავრცელების), ისე ცალკეულ ერთეულებად (საკუთრივ ბუდე დვალეთად, თრუსოდ და მაღრან-დვალეთად) დანაწევრების ტენდენცია. ეს უკანასკნელი კი, თავის მხრივ, შეპირობებული იყო ცენტრალური კავკასიონის ჩვენთვის საინტერესო უბანსა და მიმდებარე რაიონებში საუკუნეების მანძილზე მიმდინარე საკმაოდ რთული ეთნოდემოგრაფიული, ეთნოპოლიტიკური და ეთნოკულტურული პროცესებით, რომელთა კანონზომიერი შედეგია, ერთი მხრივ, დვალ-

⁵ პირველად დაიბეჭდა უ. „მნათობში“, 2002, №11-12.

თა ინტენსიური ქართიზაცია (თუ ქართველიზაცია) და საქართველოს სხვადასხვა მხარეებში მასობრივი მიგრაციის კვალიბაზე მათი უმტკივნეულო შერწყმა ადგილობრივ ეთნოტერიტორიულ ჯგუფებთან (ქართლელებთან, მოხვევებთან, რაჭელებთან, იმერლებთან და სხვ.), ხოლო, მეორეს მხრივ, საკუთრივ დვალეთში რიცხობრივ უმცირესობაში აღმჩენილ დვალთა ასიმილაცია იქ დამკვიდრებულ ირანულენოვან ოსთაგან, აგრეთვე ადმინისტრაციულად საქართველოს შემადგენლობაში XIX საუკუნეში დარჩენილი დვალეთის (უფრო ზუსტად ბუდე დვალეთის) აბსორბცია ისტორიულ-ეთნოგრაფიული ოსეთის (ოსურად „Ир“ // „Иристон“) მიერ და საბოლოო ანგარიშით, ფართოდ გაგებული დვალეთის ოდინდელი მინა-წყლის განანილება საქართველოსა და ოსეთის (Ир // Иристон) შორის.

დვალთა ეთნიკური ვინაობის პრობლემა თითქოს ორი ასწლეულის მანძილზე ნარმოადგენს კავკასიის თემატიკით მეტ-ნაკლებად დაინტერესებულ სწავლულთა ცხოველი განსჯის საგანს. XVIII-XIX საუკუნების ავტორთა მრავალრიცხოვან პუბლიკაციებში აზრთა სხვადასხვაობას აქვს ადგილი ხესნებული ტომის ეთნიკური ატრიბუციის განსაზღვრაში, რაც მნიშვნელოვანნილად შეპირობებულია ისტორიულ-ეთნოგრაფიული და ონომასტიკური მასალის არათანხვდენილი და ხშირად უაღრესად წინააღმდეგვობრივი შეჯერების პრაქტიკით.

დვალეთის ეთნოგრაფიასა და დვალთა ეთნიკური კუთვნილების საკითხების მეცნიერული კვლევა-ძიების ჭეშმარიტ მესაძირკვლედ ვახუშტი ბაგრატიონი გვევლინება, რომლის კაპიტალურ ნაშრომში — „აღწერა სამეფოსა საქართველოსა“ (მეტწილად კი აღნიშნული ნაშრომის ერთ-ერთ თავში — „აღწერა ანინდელისა ოვესთისა ანუ კავკასიათა შინა“) უძვირფასესი ინფორმაციაა დაუწევებული დვალებისა და დვალეთის შესახებ, სხარტადაა გადმოცემული მათი ისტორია დაახლოებით ოცდაექვსი საუკუნის მანძილზე, და დვალეთის ქვეყნის ოკალიზაციის, „უნინდელ“ და „ანინდელ“ ოსეთან მისი მიმართების, დვალთა ეთნოვოლუციის თუ ეთნოტრანსფორმაციის პროცესების შესახებ საკმაოდ დისკურსიული მსჯელობით პირველი სერიოზული ნაბიჯია გადადგმული დვალთა ეთნიკური ბუნების გარკვევის მიმართულებით (ვახუშტი ბაგრატიონი, აღწერა სამეფოსა საქართველოსა, „ქართლის ცხოვრება“, ტ. IV, ს. ყაუხჩიშვილის გამოცემა, თბ.; 1973, გვ. 632-655).

ვახუშტი ბაგრატიონი დვალეთ-ს (ან დუალეთ-ს) განიხილავს ოდითგან კავკასიონის ცენტრალურ ნანილში — „ოვესთი“-ს ქვეყნის მეზობლად — მდებარე და ძვ. ნ. IV საუკუნიდან უკვე ქართული სახელმწიფოს მონაპირე პროვინციად ფორმირებულ მთის კუთხედ, რომელიც XV საუკუნის შემდგომ პერიოდში აქტიურ ირანიზაციას დაექვემდება-

რა „კავკასიანთა შინა“ მასობრივად შემოხიზნულ „ოვსთა“ მხრიდან და საბოლოო ანგარიშით ისტორიულ-ეთნოგრაფიულ საქართველოსა და ოსეთს შორის იქნა განანილებული. მეცნიერი ბატონიშვილი საგანგე-ბოდ ეხება დვალეთის ქვეყნის საზღვრებს და საძიებელი მხარის ძველ-თაძველი მინა-წყლის სწორედ ნარა-მამისონის ტაფობთან (ე.ი. ჩემს მიერ პირობითად „ბუდე დვალეთად“, ხოლო თანამედროვე ოსთა მიერ „თუალგომად“ წოდებულ რაიონთან) ზუსტად შეფარდებაში მოხაზვის პარალელურად თითქმის უცვლელად მიუთითებს ნარსულში შედარე-ბით უვროვნებული ფართოდ გაგებული დვალეთის (ბუდე დვალეთი + თრუსო + მალრან დვალეთი) რეალურად არსებობაზეც. ავტორი თანმიმდევრუ-ლად აღნერს აგრეთვე მალრან-დვალეთს (—„ქართლსა ზედა“) და ფართოდ გაგებული დვალეთის ჩრდილოეთი (//პირიქითი) ნაწილის ცალკეულ ხევებს („კასრის ჭევას“, „უღელის ჭევას“, „ზრამაგას“, „ნარას“, „ზროგოს“, „ზახას“, „თრუსოს“), რომელთაც „ან ოვსეთად წოდებუ-ლი“ ტერიტორიის ფარგლებში აღრიცხავს (ვახუშტი, აღნერა..., გვ. 363, 632-634, 644-648, 654). მართალია, დიდი სწავლულის ზოგიერთი მტკიცება ნამდვილად ვერ უძლებს კრიტიკას და მათი კორექტირება, რიგ შემთხვევებში, თავად ვახუშტის ხელით შედგენილი რუკებისა და სოფელთა სის ჩვენებათა წყალობით ხერხდება (ეს კარგად ჩანს თუნდაც „თრუსო“-ს თემის კონკრეტულ მაგალითზე, რომელიც ტექს-ტის მიხედვით „ანინდელ ოვსეთ“-ს მიეწერება, ხოლო ვახუშტისეული რუკებისა და სოფელთა სის თანახმად ქართლის შემადგენლობაში იგულისხმება), მაგრამ მთლიანობაში იგი მაინც ჯეროვან ნარმოდგე-ნას გვიქმნის საკვლევი ქვეყნის მიჯნებსა და მის მიერ დროთა განმა-ვლობაში განცდილ ტერიტორიულ ცვლილებებზე, და, რაც მთავარია, სრულიად ააშკარავებს დვალეთის ქვეყნის უძველესი მონაკვეთის (სახელდობრ ბუდე დვალეთის) „ანინდელი ოვსეთი“-ს შემადგენლობა-ში გვიანდელი შესვლის ფრიად საგულისხმო ფაქტს.

არანაკლებ საინტერესოა „აღნერის“ ავტორის თხრობა დვალთა ტომის ნარმომავლობისა და ისტორიული ბედ-ილბლის, XVIII საუკუნის I ნახევრის ეთნოდემოგრაფიული თუ ეთნოკულტურულ ანტურაჟში მათი კუთვნილი ადგილის შესახებ.

ვახუშტი ბაგრატიონი დვალებს (ან დუალებს) გვიხასიათებს, როგორც ლეგენდარული კავკასოსის მემკვიდრეებს („კავკასოს ძეთა-განი და ნათესავთაგანი“, გვ. 654), ხევის პროვინციის დასავლეთით მცხოვრებ კავკასიონებს („ქევის დასავლეთისათა კავკასიი“, გვ. 654), „ქევის აღმოსავლეთის კერძოთა კავკასიელ“-თა მონათესავე, საკუ-თარ ენაზე მოლაპარაკე კავკასიური მოდგმის ავტოქთონ ტომს („ენა აქეთ ძუელი დუალური“; „...კავკასთა ნათესავნი, რომელ არიან დუ-ალნი“, გვ. 639, 655), რომელიც XV საუკუნის მერმინდელ პერიოდში

„დაპყრობილ“ იქნა ცენტრალური კავკასიონის ხეობებში ორი დიდი მი-გრაციული ტალღის სახით „შემოსახლებული“ და ე.ნ. „ხაზართა“ (ე.ი. სკვით-სარმატთა) პირდაპირ ჩამომავლებად შერაცხილ „ოვსთა“ მიერ და შემდეგ ინტენსიური ასიმილაციის პროცესში აღმოჩნდა ჩათრეული. („ხოლო მოსლვასა თათართასა... შემოივლტოდნენ ოვსნი ამ კავკა-სიათა შინა და უშეტეს უდაბნო იქმნენ... და კაშ შად ლანქ-თემურისა და აღებისა კონსტანტინეპოლისა, ემძლავრნენ ოვსთა იქით თათარხ-ანნი და აქეთ ლანქ-თემურის ელნი მაჰმადიანნი, და შემოივლტოდნენ კავკასიასა შადა და დაიპყრნეს კავკასთა ნათესავნი, რალ არიან დუ-ალნი“; ხოლო შემდგომად მოოკრებისა ოვსეთისა და შემოსლვისა მათისა კავკასიასა შინა, ინოდნენ: ოვსეთი ჩერქეზად ანუ ყაბრდად, და კავკასიასა შინა მყოფნი მათ შემოსულთაგან ოვსეთად, რამეთუ ანცა გურიანთა მათ უწოდებენ ოსად, ხოლო სხუათა უგუაროთა — კუალად დუალადვე“ (ვახუშტი, „აღნერა“... გვ. 634, 654-655).

ვახუშტის მტკიცებით, XVIII საუკუნის დასაწყისისათვის უკვე ოსურ ენაზე მოუბარ დვალებს („ენა აქუთ ძუელი, დუალური, და ან უბნობენ ოსურსა საკუთრად“, გვ. 639) უკიდურესად დაკნინებული ჰქონდათ უნინდელი ეთნიკური ინდივიდუალობა და ტრადიციული ცხოვრების წესითაც ოსებთან იყვნენ დაახლოებულნი („გარნა თუ განდიდნეს ანუ გამდიდრდეს ოვსი ანუ დუალი, ანუ შეირთავს ორ-სამს ცოლსა, ანუ აღაგებს კოშკა, ანუ მოკლავს კაცსა“... გვ. 640), თუმცა ისინი მაინც განირჩეოდნენ სებისაგან მთელი რიგი ნიშნებით, კერძოდ სარწმუ-ნოებრივად („სარწმუნოებით არიან ძუელად ქრისტეანენი... და უფროს დუალნი... ხოლო თაგაურნი, ქურთაულნი, ვალაგირი, ფაიქომი, დიგ-ორელნი და ბასიანელნი, რომელთა თავნი და წარჩინებულნი მათნი არ-იან მაჰმადიანნი, და დაბალნი გლეხნი ქრისტეანენი, გარნა უმეცარნი ორივეს რჯულისანი“, გვ. 638), სოციალურად („უწყიან გუარნი და უნარჩინებულესნი გუარითა არიან ოვსნი... არამედ დუალნი უმდაბლე-სნი არიან გუარითა“, გვ. 638-640) და ეთნიკური სახელდების მხრივაც („... ანცა გუარიანთა მათ უწოდებენ ოსად, ხოლო სხუათა უგუაროთა კუალად დუალადვე“, გვ. 634). ამდენად, „აღნერის“ დაწერის დროის-ათვის, როდესაც „დუალთა“ და „ოვსთა“ უმთავრეს შემაერთებელ ქსო-ვილად წარმოჩდება ოსური ენა, ხოლო ძირითად სადემარკაციო ნიშნად მათი განსხვავებული წარმომავლობა, რელიეფურად არეკლილი შე-საბამის ეთნიკურ ნომინაციასა და სოციალური რანჟირების სფეროში, დვალთა და ოსთა ურთიერთგამიჯვნის ტრადიცია ჯერ კიდევ მყარად იდგა ფეხზე. მაგრამ ვახუშტი შორს არის იმ აზრისაგანაც, რომ აღნიშ-ნული ტრადიციის გვიანობამდე შემონახვა იმხანად რამე სერიოზულ დაბრკოლებას ქმნიდა საკვლევი ტომის ასიმილაციის პროცესის შემ-დგომ გაღრმავებასა და საბოლოოდ დასრულებას. ვფიქრობთ, შემთხ-

ვევითი არაა ის გარემობა, რომ „აღწერის“ ტექსტში „ოვსთა“ და „დუალთა“ ერთობლივი განსახლების არეალად ნაჩვენები დიდი ლიახვის, პატარა ლიახვის, ქსნის, პირიქითი არაგვის (მერმინდელი თერგის) და ჯეჯორის ხეობების სათავეები ვახუშტისეულ რუკებზე და სოფელთა სიაშიც მარტოოდენ ოსებით კომპაქტურად დასახლებულ მონიერინკურ რაიონებად გვაცნობს თავს. როგორც ჩანს, დვალთა ირანიზაციის პროცესის შეუქცევად ხასიათში დარწმუნებული ავტორი ამჯერად დვალურ მოსახლეობას უკვე ოსური დასახლებული პუნქტების შემადგენლობაში გულისხმობს. მეტად სიმპტომატურია ის დეტალიც, რომ „დუალთა“ და „ოვსთა“ სისტემატური ურთიერთშეპირისპირების გვერდით ვახუშტი ერთ სიბრტყეზე განიხილავს „დუალებს“ და ოსთა ლოკალურ ტერიტორიულ ჯგუფებს („ვალაგირელებს“, „ქურთათლებს“, „თაგაურელებს“, „დიგორელებს“, „ბასიანელებს“), რითაც უნდღლიერ ალიარებს ოსებთან დვალების შედუღაბების ბოლო სტადიის არსებობას.

ერთი სიტყვით, თუ ჩაუკვირდებით „აღწერის“ ავტორის მიერ დახატულ სურათს და გავითვალისწინებთ თანამედროვე ოსი ხალხის შიდაეთნიკური დაყოფის ორ ტაქსონომიურ დონეს (მხედველობაში გვაქვს ოსების დაყოფა ორ ძირითად სუბეთნიკურ ჯგუფად — „ირონებად“, „ირელებად“ (— ე.ი. აღმოსავლეთელ ოსებად) და „დიგურონებად“ ან „დიგურელებად“ // „დიგორელებად“ (— ე.ი. დასავლეთელ ოსებად) და, პარალელურად, მათ პარციაციას ლოკალურ ეთნოტერიტორიულ ჯგუფებად: ალაგირელებად, ქურთათელებად, თაგაურელებად, თუალლაგებად და დიგორელებად, ალბათ ძნელი მისახვედრი არაა ის, რომ ვახუშტი XVIII საუკუნის I ნახევრის „დვალებს“ მიიჩნევს „ოვსთა“ ეთნიკური ძირთვის გარშემო ჩამოყალიბებული ირანულენოვანი ეთნოკონგლომერაციის შემადგენელ კომპონენტად, ოსების ერთგვარ ეთნოსიმბიოტებად. წინათქმულიდან გამომდინარე, მის მიერ აღწერილ „დუალებში“ ნიადაგ იოლად ამოიცნობიან ოსებში ეთნოულტურულად თითქმის მთლიანად „ნატურალიზებული“ და ოსთაგან „თუალ“ // „თუალლაგ“-ებად სახელდებული დვალები, რომელთა ერთ ნაწილს იმსანად ეტყობა უკვე განვლილი ჰქონდა, ხოლო მეორე ნაწილს კვლავაც უნდა გაევლო ოსი ხალხის მესამე (— „ირონების“ და „დიგურონების“ ბადალ) სუბეთნიკურ ჯგუფად, მერმე კი ოს-იორნთა რიგით ტერიტორიულ ერთეულად (ვალაგირელების, ქურთათელების, თაგაურელების გვერდით) ფორმირების საწყისი ეტაპი. უფრო მარტივი ენით რომ ვთქვათ, ვახუშტისეული „აღწერა“ დვალებს (ოსური ნომინაციით „თუალ“ // „თუალლაგ“-ებს) აფიქსირებს მათი ეთნოტრანსფორმაციის დამამთავრებელ სტადიაზე, რითაც მკითხველს თვალს უხელს დვალების ოსებთან შერწყმის პროცესის გადამწყვეტ ფაზაში

შესვლის ფაქტზე, როდესაც მათ შორის უნინდელი ეთნოგენეტიკური სხვაობა უკვე ეთნოგრაფიულ სხვაობას უთმობს ადგილს.

მაშასადამე, ვახუშტი ბაგრატიონის ნაშრომის მთავარი ღირსება ისაა, რომ იქ ეთნოგვალიტატური თვალსაზრისით საკმაოდ მკვეთრი ზღვარია გავლებული „ოვსებსა“ და „დუალებს“ შორის და დვალთა ტომი ეთნოგენეტიკურად კავკასიურ ეთნიკურ სამყაროსთან არის დაკავშირებული; იქვე უმნიშვნელოვანესი ცნობაა დაცული „ძუელი დუალური“ ენის არსებობის შესახებ, რითაც გალვივუბულია ინტერესი დვალთა გლოტოგენეზის პრობლემისადმი, გამოაშკარავებულია დვალთა ოდინდელი ეთნიკური ინდივიდუალობისა და მათი გვიანდელი ეთნოტრანსფორმაციის ფაქტები, ნაჩვენებია აგრეთვე ირანულენოვან ეთნოკონგლომერაციაში ჩაკირულ დვალთა მდგომარეობა და მათი განსახლების არეალი XVIII საუკუნის I ნახევარში, განხილულია დვალეთის ეთნოგეოგრაფიის მანამდე ხელუხლებელი საკითხები და სხვა.

მაგრამ ყველა ზახებასმულ სიკეთესთან ერთად ხსნებულ ნაშრომს თავისი სერიოზული ნაკლვანებებიც გააჩნია. თავი რომ დავანებოთ ავტორის მიერ დაშვებულ არაერთ ფაქტობრივ უზუსტობას და სულ აღარაფერი ვთქვათ მისი ზოგიერთი მტკიცების აზრობრივი გამოხვენის საჭიროებაზე, „აღწერის“ ძირითადი მინუსი იმაში მდგომარეობს, რომ იქ დვალთა კავკასიური ნარმომავლობის იდეის დაწინაურების საერთო ფონზე, თითქმის უყურადღებოდა დატოვებული დვალების ქართიზაციის (თუ ქართველიზაციის) და ქართველებთან მათი ეთნოგენეტიკური და ეთნოკულტურული მიმართების საკითხები. მართალია, ჩვენ ვახუშტის ვერ მოვთხოვთ საკვლევ რეგიონში მიმდინარე როული ეთნოდემოგრაფიული პროცესების ყველა ნიუანსში თანაბარი სირლმით წვდომას, შაგრამ მას უთუოდ შართებდა რაღაც შეხების წერტილების გამოძებნა ერთი სახელმწიფოს ფარგლებში საუკუნეების მანძილზე გვერდიგვერდ მცხოვრებ დვალებსა და ქართველებს შორის და მათი ურთიერთდამოკიდებულების ხასიათის ნარმოჩენა, მით უმეტეს, რომ იგი დვალთა და ოსთა ერთობლივი განსახლების სამხრეთული არეალის (კერძოდ, დიდი ლიახვის, პატარა ლიახვის და ქსნის ზემონელის) პირველმოსახლეებად სწორედ „ქართველ გლეხებს“ თვლის („ხოლო რაოდენი ოსნი დაგსწრებული ამ ადგილებთა შინა, პირველად სახლებულან ქართველნი გლეხნი. შემდგომად მეპატრონეთა მათთავან გარდომისახლებულან ოსნი და ქართველნი ბართა შინა ჩამოსულან, ვინათვან მტერთავან ბარს შინა კაცნი შემცირებულან“, გვ. 363-364), ხოლო ქართული წერილობითი წყაროების მკაფიო ჩვენებით იგივე რაიონები ოსებამდე დვალებით ჩანს დასახლებული. ამდენად, უნდა ვაღიაროთ, რომ ვახუშტის მსჯელობა დვალების ეთნოგრადაციის მხოლოდ ერთ ასპექტზე (მხედველობაში გვაქვს ავტო-

რის თხრობა დვალების ირანიზაციის და ოსებთან დამოკიდებულების შესახებ), მათი ეთნიკური ვინაობით დაინტერესებულ მკითხველში ძალაუზებურად აღძრავს მარტოოდენ ისებთან დვალების მიმართების გარკვევით და კმაყოფილების ცდუნებას, რაც თავისთვად საძიებელი საკითხის ცალი კუთხით გაშუქების ტოლფასია.

სამწუხაროდ ვახუშტის ნაშრომის სწორედ აღნიშნულმა ხარვეზმა მოვიანებით არაერთი სწავლულის ნააზრევსაც დაამჩნია კვალი და გარკვეულწილად დვალთა ეთნიკური ფიზიონომიის მრუდე სარკეში ნარმოჩენის ტენდენციასაც გაუმართა ხელი, ვინაიდან „აღწერის“ ტექსტის გაცნობის შემდეგ მკვლევართა უმრავლესობა თავის უპირველეს (ან ერთადერთ) მოვალეობად თვლიდა მანიცდამანც ოსებთან დვალების მიმართების საკითხზე ყურადღების გამახვილებას, რაც საკუთრივ ვახუშტის მტკიცებების არამართებული გაგების თუ განზრახ დამახინჯების ან დვალების ოსებთან საბოლოოდ შერწყმის ფაქტის იდეალიზაციის შემთხვევაში, როგორც წესი, დვალების ოსებად (ან სამხრეთელ ოსებად) გამოცხადებით მთავრდებოდა.

იმის შესახებ, თუ დვალებზე და დვალეთზე რა მოსაზრებები გაჩნდა ვახუშტის შემდგომი პერიოდის სამეცნიერო ლიტერატურაში, ვრცლად განვიხილავთ დვალებისა და დვალეთის შესწავლისადმი მიძღვნილი გამოკვლევის⁶ ისტორიოგრაფიულ ნაწილში. ამჟამად კი ვიფარგლებით მხოლოდ ვახუშტის „აღწერის“ მონაცემების შეჯერებით. მის მიხედვით სწორია აშკარად გამოჩენდა, რომ XVIII საუკუნეში დასასრულს უახლოვდებოდა დვალთა გაოსების პროცესი, მაგრამ ვახუშტიმ ისიც ნათლად დაგვანახა, რომ დვალური მოსახლეობა ოსურ გარემოცვაშიც ჯერ კიდევ ინარჩუნებდა არსებობას იმ ტომობრივი მახასიათებლებით (პირველყოვლისა სოციალური ყოფითა და სარწმუნოებით), რაზედაც ზემოთ გვქონდა აღნიშული.

ვახუშტის დაკვირვებით ისიც ნათლად ჩანს, რომ დვალთა ძირითად სამოსახლოს და პირვანდელ სამშობლოს ნარმოადგენდა ისტორიული დვალეთი, ანუ ბუდე დვალეთი, რომელიც მოიცავდა ცენტრალურ კავკასიონში მდებარე ნარა-მამისონის ტაფობს მასში შემავალი ხეობებით (კასრის ზევი, უღელის ჭევი, ზრამაგა, ნარა, ზროგო, ზაქა).

ბუდე დვალეთიდან მიგრაციისა და ქართლის მთანეთში დვალთა დასახლების შედეგად ისტორიულ დვალეთთან ერთად შეიქმნა შედარებით ახალი დვალური რეგიონები: 1) **მალრან-დვალეთი** დიდი ლიახვის ხეობაში („მსახლობელნი არიან ოვსნი, დუალნი“ — ვახუშტი, „აღწერა“... გვ. 372); 2) **თოროსო** — მდ. თერგის ზემო ნაწილი („მოსახ-

⁶ **რედაქტორის შენიშვნა:** იგულისხმება ვახტანგ იოონიშვილის ფუნდამენტური მონოგრაფია — დვალები და დვალეთი (მომზადებულია გამოსაცემად).

ლენი არიან ოვსნი, დუალნი“, ვახუშტი, გვ. 357).

ვახუშტისეული ლოკაზზაციით, ვიწროდ გავებული დვალეთი ფარავდა ისტორიული დვალეთის, ანუ ბუდე დვალეთის ტერიტორიას, ხოლო ფართოდ გაგებული დვალეთის ფარგლებში ბუდე დვალეთთან ერთად შედიოდა მაღრან-დვალეთი და თრუსო. ამასთან ერთად, ვახუშტი ჩამოთვლის დვალებით განსახლებულ სხვა ტერიტორიულ ერთეულებსაც: „არამედ ჭეობანი ესენი, რომელნი აღვნერეთ მაღრან-დვალეთითურთ, არიან დუალეთი. და კუალად დიდის ლიახვსა, პატარა ლიახვსა, კსნის ჭევისა და კუდაროს მოსახლენიცა არიან დუალნივე, ამ დუალეთიდამ გარდასულნი, რჯულითა, წესითა და ზნითა ერთნი, და დღესაც მონათესავენი ურთიერთთა“ (ვახუშტი, გვ. 647-648).

ამ ცნობების უგულებელყოფა და თავდაჯერებით იმის მტკიცება, რომ კავკასიაში დვალეთი მხოლოდ ნარა-მამისონის ტაფობს მოიცავდა და თანაც იმის მრავალგზის განცხადება, თითქოს ამას ვახუშტი ამტკიცებდეს (რ. თოფჩიშვილი, საქართველოში ოსთა ჩამოსახლებისა და შიდა ქართლის ეთნოსტორიის საკითხები, თბ., 1997), რპილად რომ ვთქვათ, ისტორიული რეალობის ხელალებით უარყოფისა და ვახუშტი-სადმი უხამსი ბრალდების ნიმუშია, რაც სათანადოდა შეფასებული სპეციალურ ნაშრომში — „დვალეთის ისტორიის საკითხების მრუდე სარკეში“, თბ., 2002.

III. უცხოულ გვალევართა ცეობები და ლეგიტიმის შესახებ

ქართველი და კავკასიელი ხალხების ეთნიკური ისტორიისა და ეთნოგეოგრაფიის შესწავლაში უმნიშვნელოვანესი ადგილი უჭირავს დვალთა ვინაობისა და მათი სამოსახლო ტერიტორიის საკითხებს, რამაც დიდი ხანია მიიპყრო ქართველი, რუსი და ევროპელი დამკვირვებლების ყურადღება. ვახუშტი ბაგრატიონის შემდეგ, რომელიც დვალეთის ეთნოგეოგრაფიისა და დვალთა ეთნიკური კუთვნილების საკითხების მეცნიერული კვლევა-ძიების ჭეშმარიტ მესაძირკულედ გვევლინება⁷, ყურადღებას იქცევს XVIII-XIX ზოგიერთი უცხოული ავტორის მიერ გამოთქმული მართებული თუ უმართებულო მოსაზრება, რაც სათანადო შეფასებას იმსახურებს დვალებისა და დვალეთის შესწავლის ისტორიოგრაფიაში.

XVIII საუკუნის მკვლევართაგან გასათვალისწინებელია გერმანელი მეცნიერის, რუსეთის მეცნიერებათა აკადემიის აკადემიკოსის ი. გიულ-დენშტედის საქართველოსა და კავკასიაში მოგზაურობის შთაბეჭდილებები და დაკვირვებები⁸, რომელთა მრავალმხრივ სპექტრში დვალებისა და დვალეთის საკითხებაც გარკვეული ადგილი უჭირავს.

საქართველოსა და კავკასიის ცალკეული რეგიონების გულმოდგინე აღნერის მიუხედავად მკვლევარი სერიოზულ შეცდომებს უშვებს დვალეთის ლოკალიზაციასთან დაკავშირებით. ის სწორად მოიქცა, როდესაც თავის ნაშრომში გამოყო „შუა ანუ შიდა ქართლი“, როგორც მთავარი ნაწილი ქართლისა, როგორც მისი ერთ-ერთი პროვინცია (გიულდენშტედტი, I, გვ. 267) მარტო ამის აღნიშვნით რომ დაკამაყოფილებულიყო ვიჟიქერებლით, რომ შუა ანუ შიდა ქართლი, მისი გაგებით, ქართლის ორგანული ნაწილია, მაგრამ ამგვარი გაგება იცვლება, როდესაც შიდა ქართლის ხეობათა მაღალმთიან ზონას „ოსურ მხარეებად“ მიიჩნევს. ამის საფუძველი მან დაინახა ამ ზონაში ოსური დასახლებების არსებობაში. მისი გამონათქვამით „ოსური მხარე“ მოიცავს როგორც საკუთრივ ოსეთის ხეობებს (ვალაგირი, დიგორი...), ისე ქართლის მთიანეთს (ლიახვის ხეობას, ლუდის ხევს და ა.შ.), სადაც იმ დროისათვის ოსები ცხოვრობდნენ (გიულდენშტედტი, II, გვ. 35). „ოსური მხარეების გამოყოფის საფუძვლად ი. გიულდენშტედტი მიიჩ-

⁷ ვახტანგ იოონიშვილი, ვახუშტი ბაგრატიონი დვალებისა და დვალეთის შესახებ, უ. „მნათობი“, 2002, № 11-12.

⁸ ი. გიულდენშტედტი, მოგზაურობა საქართველოში, თარგმანი და კომენტარები გ. გელაშვილისა, ტ. I, თბ., 1962; ტ. II, თბ., 1964.

წევს ოსთა განსახლებას — სულერთია ეს იქნებოდა საკუთრივ ოსეთში თუ საქართველოში.

გერმანელი მეცნიერის დაბნეულობამ განსაკუთრებით იჩინა თავი დგალეთის ლოკალიზაციაში. მისი მცდარი ინფორმაციით, დვალეთი მდებარეობს „რიონის შენაკად ჯეჯოზე (ჯეჯორა — ვ.ი.), ალპური მთების სამხრეთით, იმერეთის საზღვარზე... ჩრდილოეთით ის ვრცელდება თერგში ჩამდინარე არდონის სათავეებამდე და არდონზე მდებარე მამისონის მხარემდე (გიულდენშტედტი, II, გვ. 67). მისი თვალსაზრისით, ჯეჯორას ხეობა ყოფილა „ოსური მხარე დვალეთი“. დვალეთისაგან, როგორც ოსური მხარისაგან განსხვავებით, მის მიერ ქართულ მხარედაა მიჩნეული მდ. ქსანზე, პატარა ლიახვზე და დიდი ლიახვის ზემო წელზე მდებარე ქართული მხარე მაღრან-დვალეთი (I, გვ. 279; II, გვ. 173). სხვაგან წერს, რომ „მაღრან-დვალეთი მდებარეობს ზემოთ დიდ ლიახვზე“ (II, გვ. 63), „ურძვალთა, ქართულად მაღრან-დვალეთი — დიდი ლიახვის სათავეებთან“ (II, გვ. 67).

დამონშებულიგამონათქვამების შეჯერებათვალნათლივცხადყოფს ავტორის დაბნეულობას დვალეთის ლოკალიზაციაში. ეს პირველ რიგში ვლინდება ნათქვამიდან, რომ მაღრან-დვალეთი მოიცავდა როგორც ორივე ლიახვის სათავეებს, ისე ქსანსაც. ამისგან განსხვავებით მეორე ცნობა სწორია, რომ მაღრან-დვალეთი მდებარეობს დიდი ლიახვის სათავეებში. გაურკვევლობა და დაბნეულობა მუღავნდება იმ მხრივაც, რომ დვალეთს ის ხან ქართულ მხარედ მიიჩნევს, ხან ოსურად, ხოლო დვალეთისაგან მოწყვეტით აღნერს მაღრან-დვალეთს. ამ დროს მას არ გახსენებია, რომ ისტორიული დვალეთი ანუ ბუდე დვალეთი მოიცავდა კავკასიონის მთავარი ქედის ჩრდილოეთით მდებარე ნარა-მამისონის ტაფობს, ხოლო მაღრან-დვალეთი ნარმოადგენდა დიდი ლიახვის სათავეებში მდებარე დვალურ რეგიონს. ყოველივე ამის გამო შეუძლებელია დვალეთის განთავსება ჯეჯორის თუ კუდაროს ხეობაში. სულ სხვა იქნებოდა იმის თქმა, რომ დვალეთის რეგიონებიდან ჩამოსახლებული დვალები ჯეჯორისა და კუდაროს ხეობებშიც განსახლდნენ. გავიხსენოთ, რომ ვახუმტი ქართლის მთიანეთში დვალეთის რეგიონებად გამოყოფს მაღრან-დვალეთსა და თრუქოს, ხოლო დვალთა განსახლების ზონებად კუდაროსთან ერთად ასახელებს ქსნის, პატარა და დიდი ლიახვის ხეობებსაც.

გიულდენშტედტის შემდეგ ალსანიშნავია მეორე გერმანელი მეცნიერის ი. კლაპროთის თხზულებები — „მოგზაურობა კავკასიასა და საქართველოში 1807 და 1808 წლებში“ და „რუსეთის პორვინციების აღნერილობა კასპიისა და შავ ზღვებს შორის“, სადაც ვკითხულობთ: „საქართველოში ოსების დიდი ნანილი განეკუთვნება დვალის ან დვალეთის ტომს... საქართველოს გეოგრაფიის (იგულისხმება ვახუმტი

ბაგრატიონის „აღწერა სამეფოსა საქართველოსა“ — ვ.ი.) თანახმად ქართველები ოსებს ყოფენ ორ დიდ ტომად, რომელიც ენით და ჩვევებით მცირედ თუ განსხვავდებიან ერთმანეთისგან, კერძოდ, საკუთრივ ოსებად და დვალეთულებად, დვალებად... დვალეთის ოლქი მთლიანად ოსებითაა დასახლებული... დვალები, ამ სიტყვის ფართო გაგებით, ესაა ყველა სამხრეთელი ოსის ზოგადი სახელწოდება. დვალები ცხოვრობენ როგორც დანარჩენი ოსები... წარსულში დვალები არაგვის, ქსნის და რაჭის ერისთავებს ემორჩილებოდნენ...; იმერეთს ეუთვნის ოსური მხარე დვალეთი, რომელიც მდ. ჯეჯორას ორივე მხარეს, კავკასიონის სამხრეთით მდებარეობს... ის ეუთვნის მაჯის ერისთავს, მაგრამ ჯაფრარიძების იმერეთის თავადური საგვარეულო... პრეზენტაციას აცხადებს მის ფლობაზე⁹.

როგორც მოტანილი ამონანერებით ვრწმუნდებით, კავკასიაში მოვლინებული უცხოელი მეცნიერი უპირატესად ვახუშტი ბაგრატიონის ნაშრომზე დაყრდნობით ქართველებს უყოფმანოდ მიაწერს ოსიხალხის დაყოფას ორ უმთავრეს ტომად — „საკუთრივ ოსებად“ და „დვალებად“ და იმავდროულად თავს გვახვევს აზრს, თითქოს სახელწოდებით „დვალი“ (თუ „დვალეთი“) წარსულში ცალკერდ აღინიშნებოდნენ სწორედ სამხრეთელი ოსები; თანაც ავტორი კალმის ერთი მოსმით მთელ დვალეთს ჯეჯორის ხეობაში (ე.ი. ისტორიული რაჭის შემადგენელ კუდაროს თემთან ზუსტ ტერიტორიულ შეფარდებაში) ათავსებს, რითაც სრულად იზიარებს თავისი თანამემამულის აკადემიკოს გიულდენშტედტის მიერ საკვლევი მხარის უფრო ადრე შემოთავაზებულ ზემოთ ნაჩვენებ ანალოგიურ ლოკალიზაციას.

ვითარების ამგვარ შეფასებასთან დაკავშირებით აუცილებელია განიმარტოს, რომ ვახუშტი ბაგრატიონის „აღწერა“ უნინარეს ყოვლისა ღირსშესანიშნავია „ოვსებისა“ და „დუალების“ ურთიერთმიმართების ხასიათის გამოვლენისა და ოსების მიერ დვალთა გვიანდელი „დაპყრობისა“ და ეთნიკური აბსორბციის ფაქტის გამომზეურების თვალსაზრისით. იქ ასახული მტკიცებები დამაჯერებლად მეტყველებები არა დვალების ერთ-ერთ ოსურ ტომად განხილვის სასარგებლოდ, არამედ პირიქით, მათი ეთნიკური ვინაობის ესოდენ უმართებულოდ გადაწყვეტის საწინააღმდეგოდ, ვინაიდან გარკვევით ლაპარაკობს XVIII საუკუნის დასაწაყისისათვის ფორმირებულ ოსურ-დვალურ ეთნოსიმბიოზზე და არა ოსი ხალხის ორ ძირითად ტომად — საკუთრივ ოსებად და

⁹ J. Klaproth, Reise in den Kaukasus und nach Georgien in den Jahren 1807 und 1808, Bd. 1, Halle und Berlin, 1812, s. 77, Bd. 2, Halle und Berlin, 1814, s. 13, 42, 117, 383; მიხეივე, Beschreibung der russischen Provinzen zwischen dem Kaspischen und dem Schwarzen Meer, Berlin, 1814, s. 83. შენიშვნა: ი. კლაპროთის „Reise“... ს II ტომზე დართულ რუკაზე დვალეთი (Dwaletien) ასევე ჯეჯორის ხეობაშია დატანილი.

დვალებად დაყოფაზე. ამიტომ, დვალთა ეთნოტრანსფორმაციისა და მათი ბოლოდროინდელი მდგომარეობის (— XVIII საუკუნის დასაწყისისათვის ოსი ხალხის შემადგენლობაში თითქმის მთლიანად გათქვეფის) შესახებ ვახუშტის ნაშრომში მოცემული მკაფიო მითითების გაუთვალისწინებლად „აღნერის“ ავტორის ნააზრევიდან იმ დასკვნის გამოტანა, რომ ქართველები ოს ხალხს ყოფენ ორ დიდ ტომად — საკუთრივ ოსებად და დვალებად, არსებითად ისეთივე თვალშისაცემი უზუსტობაა, როგორც თავად დვალეთის ქვეყნის მოულოდნელი გადატანა დასავლეთ საქართველოში, ისტორიულ-ეთნოგრაფიული რაჭის მიწა-წყალზე. სხვას რომ თავი დავანებოთ, აღნიშნული განცხადებებისადმი სრული ნდობით განწყობილი მკითხველისათვის ხომ გამოცანად რჩება საქართველოში ოსი ხალხი თითქოსდა „ორ დიდ ტომად — საკუთრივ ოსებად და დვალებად დაყოფის“ ტრადიციის გაჩენი დრო, რამაც მას შეიძლება აფიერებინოს ხაზგასმული „ტრადიციის“ საუკუნეების სიღრმიდან მომდინარეობა და, მაშასადამე, დვალები ძველთაძველ ოსურ ტომებად ნარმოადგენინოს.

მართალია, XIX საუკუნის დამდეგისათვის დვალების ოსთაგან ასიმილაციის პროცესი უკვე დასრულებული ჩანს და კავკასიაში ნამყოფი. კლაპროთს თავისუფლად შეეძლო ესარგებლა ინფორმაციით ოსი ხალხის მესამე სუბეტნიკურ ჯგუფად ჩამოყალიბებულ „თუალ // თუალთაგთა“ შესახებ, რომლებზედაც ქართველთა ერთმა ნაწილმა ავტომატურად გაავრცელა ძირძველი ეთნონიმი „დვალი“, მაგრამ ამ რიგის მასალის ფიქსაციის შემთხვევაში გერმანელ სწავლულს ნიადაგ არ უნდა გაასჭირვებოდა ვახუშტის ნაშრომშე დაყრდნობით დვალთა და ოსთა შორის არსებული სხვაობის სრულად ნარმოჩენა და დვალთა დახასიათება არა ზოგადად ოსი ხალხის შემადგენლობაში მოგვიანებით შესული არაირანული მოდგმის სუბეტნოსად. არადა, ი. კლაპროტის კვალიფიკაციით ძალაუნებურად ისე გამოდის, რომ ვახუშტის გაერთიანდებოთ დვალები ოსების ეთნოდერივანტებია (— ოსების „განაყრებია“) და არა ოსების მიერ ასიმილირებული ტომი.

კიდევ უფრო სერიოზული დაბნეულობის საფუძველს ქმნის მკვლევარის მიერ ტერმინ „დვალი“-ს გამოცხადება ყველა სამხრეთელი ოსის შესატყვისად და ამ უკანასკნელთა სამოსახლო ოლქის ზოგად სახელწოდებად „დვალეთი“-ს მიჩნევა. თავი რომ დავანებოთ ეთნონიმ „დავლისა“ და ტოპონიმ „დვალეთის“ უსოდენ დაუდევარ ნიველირებას, ამჯერად ხომ გათვალისწინებული არაა ის ფაქტები, რომ, ჯერ ერთი, ძირძველი ქართული ტერმინი „დვალეთი“ არასოდეს გამოიყრებოდა მაინცდამანიც კავკასიონის მთავარი ქედი სამხრეთი კალთების და მითუმეტეს, ე.წ. სამხრეთელ ოსთა სამკვიდრებელი რეგიონის აღმნიშვნელი გეოგრაფიული სახელის დონეზე. მართალია, ოდითგან, ნარა-

გამისონის ტაფობში ლოკალიზებულმა დვალეთის ქვეყანამ ერთხანს თერგისა და დიდი ლიახვის ხეობების სათავეებიც მოიცა, რის გამოც „დვალეთის“ გავრცელების არეალში პირაქეთი კავკასიონის განსაზღვრული მონაკვეთიც მოიქცა, მაგრამ ფართოდ გაგებული დვალეთის ქვეყნის სამუშაოთავრეს ნაწილად — საკუთრივ „დვალეთად“, „თრუსოდ“ და „მაღრან-დვალეთად“ გვიანდებილი დანაწევრების კვალობაზე სრულად აღდგა „დვალეთად“ მარტოოდენ ჩრდილოეთ კავკასიაში მდებარე იმ რაიონის სახელდების ტრადიცია, რომელსაც აქ დაშენებულმა ოსებმა „თუალთა // თუალგომი“ უწოდეს. შესაბამისად, თავად ოსების შეხედულებით (აღარაფერს ვიტყვით ქართულ გაგებაზე) „დვალეთი“ (ოსურად „თუალგომი“) ჩრდილოელ ოსთა სამოსახლო კუთხეა. მეორეც, ვახუშტის „აღნერისა“ და ზოგიერთი სხვა წერილობითი ძეგლის (მაგალითად, „ძეგლი ერისთავთა“-ს, XV ს.) მიხედვით „დვალები“ XIII-XVII საუკუნეებში კავკასიონის მთავარი ქედის ორივე კალთაზე ცხოვრობდნენ და, აქედან გამომდინარე, ეთნონიმ „დვალი“-ს გავრცელების ოდინდელი არეალიც არასდროს იფარგლებოდა მარტოოდენ პირიქითელ ან მხოლოდ პირაქეთელ დვალთა სამოსახლო ტერიტორიებით, ისევე როგორც ეთნონიმი „ოვსი“ // „ოსი“, კავკასიონის ორთავე ქედზე ოსთა განსახლების ხნიდან (XVI-XVII საუკუნეების მიჯნა), ნიადაგ არ ფარავდა მხოლოდ და მხოლოდ პირიქითელ ან პირაქეთელ ოსებს. ამდენად, დვალები ოსებთან შერწყმის შემდეგაც, როდესაც ოსი ხალხის სუბეთნიკურ ჯგუფად ჩამოყალიბებული და ქართველთა მიერ დვალებადვე წოდებული „თუალ“ // „თუალლაგები“ უეჭველად იგულისხმებიან როგორც ჩრდილოელ, ისე სამხრეთელ ოსთა შემადგენლობაში, ტერმინ „დვალი“-ს ან „თუალ“ // „თუალლაგ“-ის მაინცდამაინც სამხრეთელ ოსთა ან ყველა სამხრეთელი ოსის აღმნიშვნელ ეთნონიმად გაფორმების შესაძლებლობა თავისთავად გამოირიცხება, მითუმეტეს, რომ ე.ნ. სამხრეთელ ოსთა კონტინენტს დვალუოფილი ოსების გარდა ოს-ირონთა (კერძოდ, ქურთათელთა, თაგაურელთა, ვალაგირელთა) მრავალრიცხოვანი ჯგუფებიც ავსებდნენ. ყოველ შემთხვევაში, ჩვენი ქვეყნის ეთნონიმიური სფეროსათვის მაინცდამაინც სამხრეთელ ოსებზე „მიმაგრებული“ სახელწოდება „დვალი“ სრულიად უცნობია, ისევე როგორც უცნობია მარტოოდენ სამხრეთელი ოსების აღსანიშნავად გამოყენებული ტერმინი „ოსი“, რის გამოც ი. კლაპროტის ხაზგასმული მტკიცებაც, რბილად რომ ვთქვათ, ქართული ნომინაციის ტრადიციიდან თვითნებური გადახვევის ტოლფასია.

მაგრამ, ჩვენი აზრით, კონკრეტულ შემთხვევაში გერმანელი ავტორი ვახუშტი ბაგრატიონის „აღნერის“ ზოგიერთი ფრაგმენტის არასწორი გაგებით უფრო სცოდავს, ვიდრე მის განკარგულებაში არსებული ისტორიულ-ეთნოგრაფიული მონაცემების შიკერძოებული ანა-

ლიზით. როგორც ჩანს, მან უბრალოდ ალლო ვერ აუღო ვახუშტის მიერ სამხრეთელ ოსთა და დვალთა განსახლების არეალის სისტემატურ ურთიერთდამთხვევას და ოსების საცხოვრებელ ალაგებად წარმოდგენილი დიდი ლიახვის, პატარა ლიახვის, ქსნის და ჯეჯორის ხეობების სათავეების მკვიდრებად ერთგან სწორედ დვალების მოხსენიებას და ეს ცნობები, ეტყობა, ნაჩქარევად აღიქვა, ვითარცა სამხრეთელი ოსების ზოგადად დვალებად სახელდების დამამტკიცებელი საბუთი. თუმცა არც ისაა გამორიცხული, რომ ი. კლაპროთი შეცდომაში შეიყვანა ჩრდილოელ ოსთაგან მიღებულმა არასრულფასოვანმა ეთნოგრაფიულმა ინფორმაციამ, კერძოდ ადგილობრივ მოსახლეობაში გავრცელებულმა შეხედულებამ ე.ნ. სამხრეთელ ოსთა დიდი ნანილის სწორედ „თუალ“ // „თუალაგთა“ სუბეთნიკური ჯგუფისადმი კუთვნილებისა და ბუდე დვალეთიდან (ოსური „თუალგომიდან“) ქედს გადმოილმა მასობრივი გადმოსახლების შესახებ. აյი თანამედროვე „ირისთონის“ მკვიდრთა მხრიდან სამხრეთელ ოსთა ზოგადად კუდარიელებად („kygaipa₂“) სახელდებისა და ზოგიერთი ჩრდილოელი ოსის მიერ სამხრეთელი ოსების „თუალგომიდან“ გასახლებულებად მიჩნევის ფაქტებიც ლოგიკურად განვითანობს ვარაუდისკენ, რომ ამ რიგის ნაკლულმა ნომინაციამ შესაძლოა ჯერ კიდევ XIX საუკუნეში იჩინა თავი და მან იქნებ „Reise“-ს ავტორსაც არ გაუწია კარგი სამსახური.

ასეა თუ ისე, ერთი რამ სრულიად ნათელია — ი. კლაპროთმა თავისი რამდენიმე ზერელე განცხადებით პრაქტიკულად საფუძველი ჩაუყარა „თეორიას“ დვალთა ტომის ოსური წარმომავლობის შესახებ და იმავდროულად ფეხი აადგმევინა დვალებში უსათუოდ ე.ნ. სამხრეთელი ოსების, დვალეთში კი ე.ნ. „სამხრეთ ოსეთის“ დანახვის უაღრესად არასახარბიელი ტენდენციასაც, რითაც ჩვენთვის საინტერესო საკითხების მეცნიერულ კვლევა-ძეებას იმთავითვე ხელოვნური სიძნელეები დაებედა სინამდვილის და ჭეშმარიტების გზაზე.

ჩვენი აზრით, ი. კლაპროთის მტკიცებებმა მცირეოდენი ზეგავლენა მოახდინა კიდევ ერთი გერმანელი მეცნიერის კ. კოხის ნაშრომზე — „მოგზაურობა რუსეთის გავლით კავკასიის ყელისაკენ 1836, 1837 და 1838 წლებში“, სადაც ოცდაათწლიანი ინტერვალის შემდეგ ხელმეორედ იქნა წამოწეული დვალთა ვინაობისა და ოსებთან მიმართების საკითხი.

რამდენადაც იენის უნივერსიტეტის პროფესორს იმ დროს მოუწია კავკასიაში ყოფნა, როდესაც რუსული კოლონიური ადმინისტრაციის ძალისხმევით ცენტრალური საქართველოს ტერიტორიის განსაზღვრულ მონაკვეთს (კერძოდ, დიდი ლიახვის, პატარა ლიახვის, ქსნის, თერგისა და ჯეჯორის ხეობების სათავეებს) უკვე „Осетия“ ან „Южная Осетия“ ჰქონდა შერქმეული, მან მიზანშენონილად ჩათვალა ტო-

პონიმიური დუპლეტის „**Южная Осетия**“ — „**Северная Осетия**“-ს გვერდით ცნება „შუა ოსეთი“ („**Средняя Осетия**“) ხმარებაში შემოტანაც და საბოლოო ანგარიშით, „**Осетия**“-ს სამ ნაწილად („ჩრდილოეთი ოსეთი“; „შუა ოსეთი“; „სამხრეთ ოსეთი“) დაყოფილ ქვეყნად წარმოაჩინა (?!); თანაც, ე.ნ. „ჩრდილოეთ ოსეთს“ ავტორმა ისტორიულ-ეთნოგრაფიული ოსეთის ქვეყნის მინა-წყლის მეტი წილი არგუნა, ე.ნ. „შუა ოსეთი“ მან ნარა-მამისონის ტაფობისა (ზახას, ნარის, ზარამაგის, ულელეს, ზროგოს, კასრის ხევების) და თრუსოს თემისაგან შენივთებულ ტერიტორიას შეუფარდა, ხოლო ე.ნ. „სამხრეთ ოსეთი“ დიდი ლიახვის, პატარა ლიახვის, ქსნის და ჯეჯორას ხეობების სათავეებში განათავსა, რის შემდეგაც შენიშნა: „I. სამხრეთ ოსეთი. ბრუტსაბძელის სამხრეთი კალთის მცხოვრებნი უძველესი დროიდან ქართველ მეფეებს ემორჩილებოდნენ, მაგრამ ყოველთვის განეკუთვნებოდნენ მათ მოუსვენარ და არასამედო ქვეშევრდომებს. ქართველები მათ უზოდებდნენ დვალებს ან დვალეთს, მათ ქვეყანას კი დვალთას ან დვალეთს და თვლიდნენ, რომ მოყაჩალე ისებს შორის ისინი სხვებზე ადრე ჩამოვიდნენ მაღალი მოებიდან. თუმცა, შესაძლებელია, ისინი არც არიან მოდგმით (ტომად) ოსები და, როგორც ჩანს, ქართველებსაც კი განეკუთვნებიან. ჩინგიზ-ყაენის ან, ალბათ, მურვან-ყრუს დროიდან მათ დაიკავეს კავკასიონის მთიანეთის სამხრეთი ხეობები. რამდენადაც თემურმა ოდესლაც მალკისა და ყუბანის ზემო დინების მიმდებარე დაბლობში მცხოვრები ოსები მოებში შემორეკა, მათ დაიმორჩილეს დვალები, რომელთაც მას შემდეგ შეითვისეს ოსების ენა. ეს დვალები, რომელთაც გადაიდეს აგრეთვე ოსების ყველა წეს-ჩეულება, ადრე მრავალ თემებს (საძმოებს) ქმნიდნენ და ემორჩილებოდნენ არაგვის, ქსნის და ორივე ლიახვის ერისთავებს, რომელნიც (განსაკუთრებით ქსნის ერისთავები) მათ ოლქს განაგებდნენ შეუზღუდავი უფლებებით... თავისი ძლიერებისადა შესაბამისად არნიშნული თემების უმრავლესობა ან უმცირესობა ცნობდა ერისთავების ძალაუფლებას და დღემდე ბოქაულის ხელისუფლებასაც არ ცნობენ... II. შუა ოსეთი. დვალები, თერგის ხეობის სათავის მკვიდრთა გამოკლებით, წარმოადგენენ შუა ოსეთის მოსახლეობასაც, რომლებსაც უკავიათ თითქმის მოელი ქვაბული და თამარ მეფეებდე ემორჩილებოდნენ ქართველ მეფეებს... დიდი კარი იცავდა მათ ჩრდილოელი ხალხებისგან, განსაკუთრებით კი ოსებისა და ხაზარებისაგან. მას შემდეგ, რაც მონღოლებმა ბარიდან გამოდევნეს ოსები, ეს უკანასკნელი შევიდნენ ქვაბულში და ნაწილობრივ შეერივნენ დვალებს. მხოლოდ თრუსოს რაიონი ყოველთვის ცნობდა ქართველ მეფეებს და დამოკიდებული იყო ხევის ყაზბეგებისაგან... დვალები მართალია ეკუთვნიან ოსებს და ლაპარაკობენ ოსურად, მაგრამ შესაძლოა ისინი არ არიან ოსური წარმომავლობისა და ცოტათი

ემსგავსებიან ქისტებს და ინგუშებს¹⁰.

როგორც დამონმებული სტრიქონებიდან ჩანს, კ. კოხი ასევე მიზანშენონილად თვლის ქართული ნომინაციის ტრადიციიდან ამოსვლის მოტივით ტერმინ „დვალი“-ს გამოყენებას მისი თანამედროვე ოსების ერთი ნაწილის აღმნიშვნელი ეთნონიმის დონეზე და საუკუნეების სიღრმიდან მომდინარე ცნებების „დვალი“-ს და „დვალეთი“-ს გამოცხადებას მაინცდამაინც კავკასიონის მთავარი ქედის სამხრეთ კალთების მკვიდრთა (//„სამხრეთელი ოსების“) და მათი სამოსახლო ქვეყნის (//„სამხრეთ ოსეთის“?!?) ძველ ქართულ სახელწოდებად, რაც პრინციპში ი. კლაპროთის ნაშრომში ასახული მცდარი მტკიცებების უკამენტაროდ გაზიარების მანიშნებელია. ამასთან, სწავლულის შეცდომას კიდევ უფრო თვალშისაცემს ხდის იმავე „დვალი“-ს ნარმოჩენა ე.წ. „შუა ოსეთის“ მოსახლეობასთან მისადაგებულ ძველ ქართულ ეთნონიმადაც, რითაც მოსაზრება ქართველთა მიერ დვალებად თითქოსდა მხოლოდ სამხრეთელ ოსთა (ან სამხრეთელ ოსთა წინაპართა) სახელწოდების შესახებ თავისითავად ბათილდება.

მაგრამ ესოდენ სერიოზული ხარვეზისა და საქართველოს მიწანცლის „სამხრეთ ოსეთად“ პაიპარად სახელდების მიუხედავად კ. კოხს ნამდვილად არ ამოძრავებს დვალებში უსათუოდ ოსების დანახვის სურვილი. პირიქით, ავტორი ცდილობს დვალთა ვინაობის საკითხებში ჩაღრმავებას და, მის სასახლოდ უნდა ითქვას, ი. კლაპროთზე უკეთესად ართმევს თავს ამისთვის საჭირო მონაცემების ხეირიანი გაანალიზების ამოცანას, რაც მკვლევარს არაერთ საინტერესო დასკვნის გაკეთების საშუალებას აძლევს. ასე, მაგალითად, იგი დაბეჯითებით გვარნმუნებს რომ: 1) დვალების, ვითარცა ოსებისაგან დამოუკიდებლად არსებული ტომის, პირველსაცხოვრისს ნარა-მამისონის ქვებული (ე.ი. ბუდე დვალეთი) ნარმოადგენდა, საიდანაც ისინი მოგვიანებით (XIII საუკუნეში ან, სხვა ვერსიით, VIII საუკუნეში) გავრცელდნენ კავკასიონის მთავარი ქედის სამხრეთ კალთებზე და ამიერიდან, ცხადია, პირიქითი და პირაქეთი ხეობების მოსახლეებად იქცნენ; 2) დვალებს კასრის კარი იცავდა ჩრდილოეთით მცხოვრები ხალხებისაგან, მათ შორის ოსებისაგან, რომელნიც თავდაპირველად ჩრდილოეთ კავკასიის ბარის რეგიონში, მდინარეების ყუბანის და მალკის პირა დაბლობებში ბინადრობდნენ; 3) მას შემდეგ, რაც თემურ-ლენგმა ბარიდან გამოდევნა ოსები, ეს უკანასკნელნი დვალთა სამოსახლო რაიონებს აწყდებიან და ბუდე დვალეთში შემოხიზნულნი, დვალებზე გაბატონების მერმე, ახდენენ მათ თანდათანობით ასიმილაციას; 4) სამხრეთელი ოსები და

¹⁰ K. Koch, Reise durch Rußland nach dem Kaukasischen Isthmus in den Jahren 1836, 1837 und 1838, Bd. II, Stuttgart und Tübingen, 1842, s. 83-85.

ნარ-მამისონის ქვაბულში მცხოვრები ოსები ძველი დვალების მემკვიდრეებია (გაოსებული დვალები), რომელიც, მართალია, ოსურ ენაზე ლაპარაკობენ და ამჟამად ოსების ნაწილს ნარმოადგენენ, მაგრამ ისინი შესაძლოა ნარმოადგენდნენ ქართული მოდგმის ტომს; ამასთან შეინიშნება მათი გარევეული მსგავსება ვაინახებთანაც (კერძოდ, ინგუშებთან და ჩაჩნებთან).

რასაკვირველია, ჩვენ ვერ გამოვრიცხავთ მოცემული კვალიფიკაციების ვახუშტის „აღნერიდან“ ნაწილობრივი დასესხების შესაძლებლობას, მაგრამ რამდენადაც ავტორის ზოგიერთ დებულებას აშენად ორიგინალური მტკიცების ელფერი დაჲჰერავს და ვახუშტის თხზულების მხრიდანაც ისინი არავითარი მხარდაჭერით არ სარგებლობენ (მაგალითად, ვახუშტის არსად უწერია ის, თუ მაინც რა დროიდან იწყებენ დვალები კავკასიონის მთავარი ქედის სამხრეთ კალთებზე გადმოსახლებას), ნიადაგ სრული საფუძველი გვაქვს ვიფიქროთ, რომ გერმანელი სწავლული ამ შემთხვევაში მისთვის საინტერესო საკითხებში დამოუკიდებლად წვდომის უნარსაც ავლენს. ეს კი განსაკუთრებით კარგად ჩანს თუნდაც გაოსებულ დვალთა ოსური ნარმომავლობის ეჭვევეშ დაყენების ერთ კონკრეტულ მაგალითზეც, როდესაც კ. კოხი, მართალია, უკლებლივ ყველა სამხრეთელ ოსს და ე.ნ. „შუა ოსეთში“ მცხოვრებ ოსებსაც შეცდომით დვალებადვე მოიხსენიებს, მაგრამ სამაგიეროდ მას ჰყოფნის ამ ე.ნ. „დვალთა“ ქართული ნარმომავლობის დაშვებისა და, პარალელურად, ვაინახებთან მათი მსგავსების შესახებ საგანგებოდ მითითების გამბედაობაც. არადა, სხვას რას შეიძლება მივაწეროთ ეს, თუ არა დვალთა ტომის არაირანული ნარმომავლობის თაობაზე წინდანინ ინფორმირებული ავტორის სპეციალურ დაკვირვებას მის თანამედროვე ოსთა ერთი ნაწილი (პირველ რიგში კი „თუალი“ // „თუალლაგთა“) ეთნოგრაფიულ ჰაბიტუსზე და ეთნორელატური თვალსაზრისით მათსა და ე.ნ. ჩრდილოელ ოსთა შორის რაღაც სხვაობის დანახვაზე?

ყოველ შემთხვევაში, ერთი რამ სრულიად უდავოა — კ. კოხის წიგნში სრულად არის გამოვლენილი დვალთა ტომის თავდაპირველი ეთნიკური (თუ ეთნოგრაფიული) ინდივიდუალობისა და XIV საუკუნის შემდგომ ხანაში მისი ოსთაგან ასიმილაციის ფაქტი და, რაც მთავარია, პირველად არის გამოთქმული ვარაუდი საბოლოოდ გაოსებულ დვალთა ქართული ნარმომავლობის შესახებ. ვფიქრობთ, მარტომდენ ამ კონსტატაციის გამოც აღნიშნული თხზულება მეტად ფასეულია ჩვენთვის. თუმცა, უნდა ვალიაროთ, რომ ნაშრომის უდავო ლირსებებს მნიშვნელოვნად აფერმკრთალებს ერთი მხრივ ხსენებული ავტორის მიერ XIX საუკუნის ოსების „დვალებადვე“ სახელდება, ხოლო, მეორე მხრივ, საქართველოს მიწა-წყლის მიმართ 1802 წლის შემდეგ განხორცივ,

ციელებულ ფართომასშტაბიან „ტოპონიმიურ დავერსაიში“ მისი აქტი-ური მონაწილეობა (მხედველობაში გვაქვს ხევის მომიჯნავე ორუსოს თვითნებური სახელმძღვანელო „შუა ოსეთად“ და ისტორიული შიდა ქართული სახელმძღვანელო „შუა ოსეთად“), თოლისა და მიმდებარე რაიონების გამოცხადება „სამხრეთ ოსეთად“), რაც თავისთავად საკმარის სტიმულს აძლევს საძირქელი საკითხების დაუდინრად და არაობიერტურად გაშუქების ტენდენციას.

სამწუხაროდ, კ. კოხის ნიგნის პუბლიკაციის ძეგდევ ადრე გაძო-
ჩორქნილ შეხედულებას დვალებზე, როგორც ერთ-ერთ ძველ ოსურ
ტომზე, ან ოსი ხალხის შიდაეთნიკურ დანაყოფზე, სულ უფრო მეტი
გასაქანი ეძლევა და XIX საუკუნის პირველი ნახევრის ავტორები,
თითო-ოროლა გამონაკლისის გარდა, უპირატესადი. კლაპროთის მიერ
გამოთქმული „მოსაზრების“ უბრალო გაზიარებით ან მისი შემდგომი
განვითარებით კმაყოფილდებიან. ასე, მაგალითად, ფრანგი გეოგრაფი
სენტ-მარტენი პლინიუს უფროსის (24-79 წ.). თხზულებაში მოხსე-
ვ. სენტ-მარტენი პლინიუს უფროსის თავის ვალებს (Valli) უყოფმანოდ აიგივებს დვალებთან, რომელთაც,
თავის მხრივ, ოსი ხალხის მესამე დიდ ქვედანაყოფად განიხილავს
„ირონებისა“ და „დიგურონების“ გვერდით. თანაც მკვლევარი საქართ-
ველოში ოსთა გადმოსახლების ქვედა თარიღია ძ. წ. 215 წელს მიუ-
თითებს (?!), რითაც უტიქრად აყალიბებს სინამდვილეს¹¹.

გერმანელი მცნობიერი ვ. პფაფი თითქმის სიტყვასიტყვით იძერებს ი. კლაპროთის მტკიცებას, როცა შენიშნავს, რომ „ვახუშტის გეოგრაფიის მიხედვით დვალეთელები ოსები იყვნენ“. ამასთან, ავტორი ოსებად მიიჩნევს თავის დროზე ხევისა და თრუსოს ტერიტორიაზე განსახლებულ წანართა ტომსაც და ყოველგვარი დასაბუთების გარეშე დაასკვნის, რომ კავკასიონის მთავარი ქედის სამხრეთ კალთებზე ძველთაგანვე მცხოვრები სამხრეთელი ოსები თურმე IV საუკუნეში წმინდა ნინოს გაუქრისტიანებია (?!)¹².

სენტ-მარტინისაგან და ვ. პეტრისაგან განსხვავებით ფრანგი სწავლული ი. შოპენი თავს იკავებს დვალების ოსებად მონათვლისაგან და ტერმინ „დვალის“ ძველთაძველ ეთნონიმებთან — „თუბალთან“ და „ტიბარენთან“ დაკავშირების გზით ისტორიულ დვალეთს ბიბლიურ თუბალთა და ტიბარენთა სამოსახლო ქვეყნად, ხოლო საკუთრივ ცენტრალურ კავკასიაში მცხოვრებ დვალებს თუბალ-ტიბარენთა მემკვიდრეებად წარმოაჩენს¹³. რამდენადაც ამდაგვარ „მიგნებას“ მარტოოდ-

¹¹ V. Saint-martin. Etudes ethnographiques et historiques sur les peuples nomades qui se sont succédé au nord du Caucase dans les six premiers siècles de notre ère, Les Alains, Parus, 1850, pp. 155-156.

¹² В. Б. Пфаф, Материалы для истории Осетин, "Сборник сведений о кавказских гор-цах", вып. IV, Тифлис, 1870, с. 24, 29, 31; вып. V, 1871, с. 23.

¹³ И. Шопен. Новые заметки на древние Кавказа и его обитателей, СПб., 1866, с.

ენ ეთნონიმთა ფონეტიკური მსგავსება უდევს საფუძვლად, მას ნამდვილად არ შეიძლება გააჩნდეს საკმარისად სოლიდური სამეცნიერო ჰიპოთეზის პრეტენზია.

ზემოთ განხილულ შეხედულებებთან ერთად, რომელთა მიხედვით დვალები გაიგივებული არიან ოსებთან და თვით თუბალებთან და ტიბარენებთანაც კი, საყურადღებოა კიდევ ერთი უცხოელი მეცნიერის ვ. ტომაშევის ანგარიშგასაწევი თვალსაზრისი. ძველ ბერძნულ და რომაულ წყარობში ასახულ ეთნონიმებს „ვალს“ (Valli), „უალს“ (ουαλი), „დივალს“ (Divali) იგი დამაჯერებლად აიგივებს ქართველ „დვალებთან“ და თავად დვალებს კავკასიის საკმაოდ გავრცელებულ დამოუკიდებელ ტომად განიხილავს. მკვლევარის თქმით, „საკუთარ (თუშურის მონათესავე?) ენაზე“ მოლაპარაკე დვალები გაქრისტიანების მერმე თანდათან დაუახლოვდნენ, თამარის მეფობის უამს კი მთლიანად შეერწყნენ ქართველებს, თუმცა მათ თავისი მაღალმთიანი ადგილებიდან ბევრი დაკარგეს სამხრეთით ოსთა მოძრაობასთან დაკავშირებით¹⁴. ვინაიდან ე.წ. „თუშურ ენაში“ ავტორი წოვა-თუშურ ენას გულისხმობს, თავისთავად ცხადი ხდება, რომ იგი დვალებს ვაინახურენოვან ხალხად თვლის. მიუხედავად იმისა, რომ აღნიშნული მტკიცება პრაქტიკულად მოკლებულია სათანადო ფაქტობრივ დასაბუთებას, ის მაინც საგულისხმოა ჩვენთვის თუნდაც დვალთა ტომის კავკასიური წარმომავლობის თაობაზე ვახუშტის მიერ ადრე გამოთქმული მოსაზრების ერთგვარი რეანიმაციის თვალსაზრისით.

ასეთნაირად წარმოგვიდგება ზოგიერთი მეცნიერის შეხედულება დვალებისა და დვალეთის შესახებ ევროპულ ისტორიოგრაფიაში.

დვალთა ვინაობას, დვალეთის ლოკალიზაციას და დვალებთან მიმართებაში ოსებისა და ქართველების საკითხს შეეხმ მრავალი რუსი, ქართველი თუ ოსი მკვლევარი, რაც დეტალურად მაქვს განხილული და შეფასებული დავალებისა და დვალეთის შესწავლისადმი მიძღვნილი ვრცელი გამოკვლევის ისტორიოგრაფიულ ნაწილში¹⁵.

¹⁴ W. Tomashék, Divali, Real-Enzyklopädie der Klassischen Altertumswissenschaft, V, Stuttgart, 1903, s. 1231.

¹⁵ რედაქტორის შენიშვნა: იგულისხმება ვახტანგ ითონიშვილის მონოგრაფია — დვალები და დვალეთი (მომზადებულია გამოსაცემად).

IV. არაგვის ხეობის ისტორიის საკითხები¹⁶

1989 წელს უურნალ „მაცნეში“ დაიბეჭდა ისტორიის მეცნიერებათა დოქტორის ჯ. გვასალიას პოლემიკური წერილი — „არაგვის ხეობის ისტორიისათვის“, სადაც ავტორი ეხება არაგვის ხეობის ისტორიისა და ეთნოგრაფიის ცალკეულ საკითხებს¹⁷. არსებოთად, აღნიშნული პუბლიკაცია წარმოადგენს რიგით მესამე რეცენზიას 1986 წელს გამოქვეყნებულ მონოგრაფიაზე¹⁸, რომლის ზოგიერთი დებულების გადასიჯვა ან სრული უარყოფა და, ამდენად, სარეცენზიონ ნაშრომის სამეცნიერო ღირებულებაზე აქამდე შექმნილი წარმოდგენის¹⁹ გაბათილება, პატივცემული სწავლულის ძირითად ამოცანას შეადგენს. ამ მიმართულებით წარმართული მსჯელობა, რაც შეზავებულია რეცენზენტის გემოვნებით ჩემს მიმართ შერჩეული გამონათქამებით („აბსურდული“, „ავტორს რომ ემუშავა... და შეეკრიბა მასალები დარწმუნდებოდა“, „მას რომ დაკვირვებით წაეკითხა... მიხვდებოდა“, „ახალგაზრდა მკვლევარის სკეპსისის არაეთიკური სახე“ და ა.შ.) მთავრდება დასკვნით: „მიუხედავად ჩენი შენიშვნებისა და რიგ პრინციპულ საკითხებში ავტორისაგან განსხვავებული ჩვენი თვალსაზრისისა შეიძლება ითქვას, რომ ვ. იონიშვილის მონოგრაფიას აქვს გარკვეული პოზიტიური მნიშვნელობა არაგვის ხეობის მთანი რეგიონის თემების კვლევისათვის. ავტორის შედეგები უფრო თვალსაჩინო იქნებოდა, რომ მეტი პატივისცემით მოპყრობოდა წინამორბედ მკვლევართა მოსაზრებებს“ (გვ. 99).

ცხადია, აღნიშნული გარემოება გვაიძულებს ოპერატიულ რეაგირებას თითოეულ შენიშვნაზე, რომელთა სკუპულოზური განხილვა და შეძლებისამებრ ობიექტური შეფასება მხოლოდ სინამდვილის და — ჭემმარიტების საჭიროებითა ნაკარნახევი, თუმცა არაა გამორიცხული, რომ არაერთი მცდარი დებულების საპირისპირო არგუმენტაცია კვლავ წინამორბედ თუ თანამედროვე მკვლევართა (პირველ რიგში კი თავად ჯ. გვასალიას) მოსაზრებებისადმი არასაკმარისი პატივისცემის მორიგ გამოვლინებაში ჩაგვეთვალოს.

სამართლიანობა მოითხოვს ითქვას, რომ წერილში წარმოდგენილ მტკიცებათა საერთო ფონზე უწინარეს ყოვლისა თვალშისაცემია რე-

¹⁶ შემოკლებული ვარიანტი დაიბეჭდა ჟ. „მაცნეში“ (ისტორიის სერია), 1989, №4.

¹⁷ გ. გვასალია, არაგვის ხეობის ისტორიისათვის, „მაცნე“, ისტორიის სერია, თბ., 1989, №1. შენიშვნა: ამ რეცენზიის დამოწმებისას გვერდებს ტექსტში ცუთითებთ.

¹⁸ გახტ. იონიშვილი, არაგვის ხეობა (მთის კუთხეების ლოკალზაციის და ეთნონიმის საკითხები), „მეცნიერება“, თბ., 1986.

ცენტრტის ნაზრევი წიგნის სამეცნიერო პროფილის შესახებ, რაც მკაფიოდაა გამოხატული შემდეგ კატეგორიულ განაცხადში: „ავტორი წერს, რომ ნაშრომი ძირითადად დაფუძნებულია წერილობით წყაროებსა და ისტორიულ-ეთნოგრაფიული ლიტერატურის მონაცემებზე. შეიძლება ითქვას, რომ ეს ნაშრომი არაა ისტორიულ-ეთნოგრაფიული, რამდენადაც მთხოვნელთაგან ჩანერილი ყველა მასალა არაა ეთნოგრაფიული. ნაშრომი მხოლოდ ისტორიულ-გეოგრაფიული კვლევის ცდაა, რადგან მთის კუთხეების ლოკალიზაციის საკითხებს შეეხება. ეთნოგრაფია კი სულ სხვა პრობლემებს სწავლობს“ (გვ. 91).

ციტირებული ადგილი წინააღმდეგობრივია. რეცენზენტს დასაშვებად მიაჩნია ერთდროულად ითქვას: 1. „ნაშრომი არაა ისტორიულ-ეთნოგრაფიული“ იმ მოტივით, რომ მასში გამოქვეყნებული „ყველა მასალა არაა ეთნოგრაფიული“ (ე.ი. თუ ყველა მასალა არა, ნანილი მაინც ეთნოგრაფიული ყოფილა); 2. „ნაშრომი მხოლოდ ისტორიულ-გეოგრაფიული კვლევის ცდაა“ (ე.ი. ეთნოგრაფიული მასალა საერთოდ არ არის გამოყენებული).

ვითარების ასეთნაირი შეფასება საფუძვლიან გაკვირვებას იწვევს, ვინაიდან ის სტიმულირებულია ერთობ ბუნდოვანი წარმოდგენით ეთნოგრაფიული კვლევა-ძიების არეალში თავმოყრილ პრობლემათა უაღრესად ფართო სპექტრზე და საქართვის ეთნოგრაფიული მასალის კლასიფიკაციის პრინციპებზე, რომ აღარაფერი ვთქვათ სარეცენზიო ნაშრომის თემატიკური დიაპაზონის ხელოვნური დავიწროვების ყოვლად გაუმართლებელ ცდაზე. ამიტომ, აუცილებელია განიმარტოს, რომ, ჯერ ერთი, მონოგრაფია მარტოოდენ ლოკალიზაციის საკითხებს არ შეეხება. მასში მეტ-ნაკლები სისავსით გაშუქებულია არაგვის ხეობის მთიელთა ისტორიულ-ეთნოგრაფიული ნომინაციის და განსახლების, აღმოსავლეთ საქართველოს მთიანეთის ცალკეული მხარეების (მთიულეთი, გუდამაყარი, ხანდო, ჭართალი) განაშენიანების, შეიდატერიტორიული დარაიონების (ცალკეულ თემებად დაყოფის) და ადგილობრივ ტევიდრთა კუთხეური კუთვნილების (ეთნოგრაფიული ატრიბუციის). აგრეთვე ეთნიკური ისტორიის საკითხები, ნაშრომში აქცენტირებულია ისტორიულ-ეთნოგრაფიული (ან ისტორიულ-კულტურული) მხარის მრავალპლანიანი შესწავლის ეთნოგეოგრაფიული, ეთნოდემოგრაფიული, ეთნოსტატისტიკური, ეთნონიმიკური და ეთნოსტორიული ასპექტები, რომელთა კანონზომიერი დანინაურება პირველ რიგში სწორედ ისტორიულ -ეთნოგრაფიული კვლევა-ძიებისთვისაა დამახასიათებელი.

მეორეც, ლოკალიზაციის და განსახლების საკითხების შესწავლა არავითარ შემთხვევაში არ თავსდება მარტოოდენ ისტორიულ-გეოგრაფიული კვლევის ჩარჩოებში. აღნიშნული კუთხით წარმოე-

ბული ძიება ისტორიულ-ეთნოგრაფიული კვლევის მოთხოვნებსაც პასუხობს. დღემდე არავის არ უფიქრია საყოველთაოდ აღიარებული იმ ანბანური ჭეშმარიტების უარყოფა, რომ ნებისმიერი ისტორიულ-ეთნოგრაფიული (ან ისტორიულ-კულტურული) მხარის რამდენადმე სრულფასოვანი შესწავლა თავისთავად გულისხმობს კონკრეტული რაიონის საზღვრების ზედმინევნით ზუსტად ჩვენებას, თითოეული ეთნოტერიტორიული ჯგუფის დისლოცირების არეალის დადგენას, რის კვლაბაზეც საველე ეთნოგრაფიული დღიურის პირველი ჩანაწერიც სწორედ ლოკალიზაციის და განსახლების საკითხების ირგვლივ კეთდება. ამასთან, საყოველთაოდ ცნობილია ის ფაქტიც, რომ ისტორიულ-ეთნოგრაფიული მხარეების მრავალასპექტიანი შესწავლისას ადგილზე ფიქსირებულ ეთნოგრაფიულ მასალებთან ერთად ეთნოგრაფები უუყოყმანოდ მიმართავენ წერილობითი, ტოპონიმიკური, ფოლკლორული, ლინგვისტური და სხვ. დამატებითი მონაცემებით უხვად სარგებლობის პრაქტიკას, რაც მნიშვნელოვანნილად ამდიდრებს შესაბამისი გამოკვლევის წყაროთმცოდნეობით ბაზას და საბოლოო ანგარიშით, განსაზღვრავს კიდეც ნაშრომის არაორდინარულ სამეცნიერო პროფესიას.

ამდენად, იმის მტკიცება, თითქოს სარეცენზიო ნაშრომი მარტოდენ ისტორიულ-გეოგრაფიული კვლევა-ძიების უბნად ნარმოდგენილ ლოკალიზაციის საკითხებს შეეხება და ასეთი ნაჩქარევი დასკვნის წყალობით მონოგრაფიის დახსასიათება მხოლოდ ისტორიულ-გეოგრაფიულ და არა ისტორიულ-ეთნოგრაფიულ გამოკვლევად, რბილად რომ ვთქვათ, საქმეში ჩაუხედავი მკითხველის აშკარა დეზორინგტაციის ტოლფასია.

იგივე ითქმის დანარჩენ შენიშვნებზეც, რომლებიც არავის ხეობის მთის მხარეების ლოკალიზაციის, შიდატერიტორიული დაყოფის, აღმოსავლეთ საქართველოს მთიანეთის რეგიონალური დარაიონების, ვერტიკალური ზონალობის, ცალკეულ სახელწოდებათა ეტიმოლოგიზაციის და სხვა საკითხებს შეეხება.

ასე, მაგალითად, ჯ. გვასალია იმოწმებს რა ნაშრომის შესავალში მოცემულ მტკიცებას, რომ „ნებისმიერი ქვეყანა მხოლოდ ზუსტ საზღვრებში... ნარმოდგინდება“, შენიშვნას: „ამა თუ იმ ქვეყნის რეგიონის საზღვრები ისტორიულ ეპოქათა შესაბამისად ხშირად იცვლებოდა. ამასთან, გვაქვს სხვადასხვა, „ქვეყნებს“ შორის გარდამავალი რეგიონები, რომლებშიც მოსახლეობა დიალექტების თვალსაზრისით თუ ვიმსჯელებთ, „გარდამავალია“ (გვ. 91).

ნათევამთან დაკავშირებით საგალდებულოა განიმარტოს, რომ ამა თუ იმ „ქვეყნის“ საზღვრების პერიოდული ცვლის ხაზგასმული ტენდენციის გათვალისწინების ძალით არავითარ შემთხვევაში არ

გამოირიცხება ნებისმიერი რეგიონის თუ მხარის, უწინარეს ყოვლისა კი მტკიცედ ლოკალიზებული ისტორიულ-გეოგრაფიული ქვეყნის მხოლოდ ზუსტ საზღვრები, ისტორიულ ეპოქათა შესაბამისად ფორმირებულ, საბოლოოდ დადგენილ მიჯნებში წარმოდგენის შესაძლებლობა, ისევე როგორც შესასწავლად არჩეული კონკრეტული მხარის საზღვრების დაზუსტებაზე გარჯა ნიადაგ არ გულისხმობს ე.წ. „გარდამავალი რეგიონების“ არსებობის ეჭვებვებ დაყენების ცდასთან, რაც ძალაუნებურად მოგვეწერა რეცენზენტის უსაფუძვლო შენიშვნის წყალობით.

საყურადღებოა, რომ წერილის დასაწყისშივე ჯ. გვასალია მიგვითითებს „ეთნიკური“ და „ეთნოგრაფიული“ ნომენკლატურის ცნებებს შორის არსებოთი სხვაობის დანახვის აუცილებლობაზე, მაგრამ ასეთ ანბანურ ჭეშმარიტებაზე მინიშნების პარალელურად მოკამათეს რატომდაც ეძნელება ცნებების „ტოპონიმის“ და „ეთნონიმის“ მკვეთრი ურთიერთობამიჯვნა და მათ რეალურ მნიშვნელობაში გაერკვევა, რასაც თვალნათლივ მონაბეჭდის ზოგიერთი ტოპონიმის (ჭართალი, ცხავატი, ხადა, გუდამაყარი, ხანდო, ხევი, ფხოვი) მოულოდნელი გამოცხადება ეთნონიმად (გვ. 91, 98).

რეცენზენტი წერს, რომ წიგნის მე-5 „თავში ცალკე პარაგრაფებადა შესწავლილი არაგვის ხეობის მთის კუთხეები — მთიულეთი, გუდამაყარი, ხანდო და ჭართალი“, სქოლიოში კი ვკითხულობთ: „რა თქმაუნდა, იგულისხმება ვახტანგ ითონიშნვილისეული დიფერენციაცია“ (გვ. 92).

როგორც ვხედავთ, ჯ. გვასალია აშკარად უნდობლადაა განწყობილი არაგვის ხეობის მთიანეთის ფარგლებში მთიულეთის, გუდამაყარის, ხანდოსა და ჭართალის, ვითარცა ოთხი დამოუკიდებელი ისტორიულ-გეოგრაფიული მხარის, ლოკალიზაციის ფაქტისადმი. მაგრამ აღნიშნული დიფერენციაციის მიზანშეწონილობის საკითხისადმი მისი დამოკიდებულების გამოხატვის ფორმა ერთობ წამგებიანია, ვინაიდან მას თან არ ახლავს „ვახტანგ ითონიშვილისეული დიფერენციაციის“ საპირისპირო არგუმენტაციის რამდენადმე სერიოზული ცდა. არადა, ხსნებული კუთხეების რეალურად არსებობის სასარგებლოდ დამაჯერებლად შეტყველებენ ჩვენს მიერ საფუძვლიანად გაანალიზებული წერილობითი მონაცემები და ეთნოგრაფიული მასალები, რომელთაც ჯ. გვასალია ან არ იცნობს, ან რაც განსაკუთრებით დამაფიქრებელია, საერთოდ არც ცნობს.

სწორედ ისტორიულ-ეთნოგრაფიული მონაცემების სრული გაუთვალისწინებლობით ან მათი ცალმხრივი შეფასებით შეიძლება აიხსნას ის გარემოება, რომ ჩვენი ოპონენტი კვლავ დატინებით იცავს ადრე გამოთქმულ და სარეცენზიონ წიგნში გაკრიტიკებულ აზრს მთიულეთის

სამხრეთი საზღვრის მთიულკარამდე გავრცელების შესახებ, როცა წერს: „საქმე ის არის, რომ ჩვენ მიერ ხალხშივე შეკრებილი სხვა ცნობით, ცხავატის თემი ვრცელდებოდა ხანდოს ხევამდე, რომლის მარჯვენა ნაპირზეც მდებარეობს მთიულთკარი (კლაპროთისეული „მთიულეთის კარი“). ეს სახელი შერქმეულია მოსაზღვრე არამთიულთაგან და უნდა მიუთითებდეს საზღვარზე, საიდანაც იწყებოდა მთიულეთი. ასეთ შემთხვევაში მთიულეთის საზღვარი ვახუშტის ცნობისაგან განსხვავებით, ფასანაურიდან მხოლოდ ორიოდე კილომეტრით სამხრეთით და არა „ფასანაურიდან საკმაოდ შორს გადაიწევდა“, როგორც ამას აცხადებს ვ. იონინიშვილი“ (გვ. 96).

დამოწმებული სტრიქონების ავტორის საყურადღებოდ განმეორებით უნდა ითქვას, რომ წერილობითი წყაროების ცნობებისა და ადგილზე გამოკითხვით მოპოვებული ეთნოგრაფიული მასალების მიხედვით მთიულეთის უკიდურეს სამხრეთ მიჯნად წარმოგვიდგება მთიულეთის (თეთრი) და გუდამაყრის (შავი) არაგვების შესაყარი ალაგი დაბა ფასანაურთან ან ფასანაურის ზემოთ მეორე კმ-ზე მდებარე სოფ. ქავთარაანთკარი. მთიულეთის სამხრეთი საზღვრის სხვაგვარი გაგება ნამდვილად არ არსებობს. მაგრამ თუკი ჯ. გვასალის მართლაც მიეცა ხალხში გაბატონებული შეხედულებისაგან რამდენადმე განსხვავებული ცნობით სარგებლობის შესაძლებლობა, მკვლევარს აუცილებლად მართებდა მისი სანდობის შემოწმება, რაც მას უსათუოდ დააზღვევდა საეჭვო ღირებულების ინფორმაციაზე ნაჩქარევი დაყრდნობისაგან.

ასევე მეტი სიფრთხილე იყო საჭირო იმ ცნობების შეფასებისას, რომელთა ცალმხრევი გაგების (სიტყვა „კარის“ მაინცდამაინც „კარებად“, „შესასვლელად“ აღქმის) საფუძველზე, მთიულთკარად სახელდებული „სიმაგრე მტკიცე“ (ან სოფელი) მთიულეთის საზღვრად, მთიულეთში შემყვან კარებად იქნა გამოცხადებული. არადა ამდაგვარი მცდარი მიდგომისას მხედველობაში არა მიღებული ის საგულისხმოდეტალები, რომ ჯერ ერთი, ვახუშტი ბაგრატიონისადა იოანე ბატონიშვილის ნაშრომებში ხსენებული „მთიულთკარი“ კლაპროთის თბზულებაში დამახინჯებულადაა შეტანილი „მთიულეთის კარის“ ფორმით. მეორეც, ქართული წერილობითი წყაროებისა და ეთნოგრაფიული მასალის მიხედვით სიტყვა „კარი“, როგორც წესი, გამოიყენება ზოგადად „შესასვლელის“, „გასასასვლელის“, გამაგრებული ადგილის, საფორტიფიკაციო ნაგებობის (ციხე-სიმაგრის, გზის ჩამკეტი კედლის და ა.შ.) და დასახლების ერთეულის (გამაგრებული ქალაქი, უბანი, სოფელი) აღმნიშვნელ ტერმინად, რის კვალობაზე ვახუშტისეული „მთიულთკარი“ უყოფმანოდ შეიძლება იქნეს გააზრებული არა მთიულეთში შემყვან კარებად, მთიულეთის სამხრეთ საზღვრად, არამედ მთიულებით

დასახლებულ სოფლად¹⁹, მით უმეტეს, რომ ვახუშტის მიერ აღრიცხულ სოფელთა სიაში და იოანე ბატონიშვილის „ქართლ-კახეთის აღწერა-შიც“ ხსენებული პუნქტი ბაზალეთის მხარეში ნაგულისხმევი ჭართლის თემის ერთ-ერთ სოფლად ფიგურირებს²⁰.

ამ თვალსაზრისით არანაკლებ ნიშანდობლივია არაგვის საუფლისწულოს მოსახლეობის 1781 წლის აღწერისა და 1800 წლის ნილენელი ეპისკოპოსის მიერ შედგენილ ერთ საბუთში დაცული ცნობები ასევე მთიულთკარად სახელდებული სოფლის შესახებ²¹, რომელიც მართალია, არაგვის ხეობის ბარის ზოლში ლოკალიზებულ პუნქტად ნარმოგვიდგება, მაგრამ მისი ნომინაციის მაგალითზეც ხომ ძალაუნებურად ვრწმუნდებით მოსახლეთა სადაურობის მაჩვენებელ სიტყვა „მთიულთ“-ისთან კავშირში ტერმინ „კარის“ მნიშვნელობის ცალმხრივად გაგების უსაფუძვლობაში. მეტად სიმპტომატურია აგრეთვე არაგვის ხეობის ფარგლებში ლოკალიზებული მრავალრიცხვანი დასახლებული პუნქტების სახელწოდებების ფორმირებაში სწორედ სიტყვა „კარის“ აქტიური მონაბილეობის ფაქტი (ქავთარანთკარი, კობიანთკარი, მეჯილაურთკარი და ა.შ.), რომ აღარაფერი ვთქვათ „მთიულთკარის“ ანალოგიური სტრუქტურის ისეთი აღწერილობითი კომპოზიტების არსებობაზე, როგორებიცაა მაგალითად, „მთიულთუბანი (სოფელი კასპის რ-ში), „მთიულთხევი“ (ჰიდრონიმი თიანეთის რ-ში) და სხვა.

დაბოლოს, რეცენზენტის უნდა შევახსენოთ, რომ ხამუშას ციხესთან მთიულთკარის გაიგივებისა და ამავე დროს, მთიულთკარში მაინცდა-მაინც მთიულეთის კარის (მთიულეთის საზღვრის) დანახვის შემთხვევაში, რასაც იგი გვთავაზობს, ჩვენთვის საინტერესო პუნქტი სულ ცოტა 3 კილომეტრით მაინც სცილდება ფასანაურს, ანუ მთიულეთის უკიდურეს სამხრეთ საზღვარს. ეს კი სწორედ ის მანძილია, რაც გვაძლევს უფლებას, მთის მხარეების მოკრძალებული გაბარიტების გათვალისწინებით, თავისუფლად ვილაპარაკოთ მთიულეთის საზღვრის საკმაოდ შორს გადაწევაზე. უფრო მეტიც, ბოლო დროს ჩატარებული კვლევა-ძიება მთიულთკარად წოდებული პუნქტის ახლებური ლოკა-

¹⁹ ლ. ფრუიძე, დროის მოთხოვნათა გათვალისწინებით, ჟ. „მნათობი“, 1987, №3, გვ. 171-174; ო. ანთელავა, მნიშვნელოვანი ნაშრომი მთის კუთხეების ლოკალიზაციისა და ეთნონიმიების შესახებ, ჟ. „ცისკარი“, 1988, №11, გვ. 152-154.

²⁰ მაგრამ, თუ აქვე სათანადო ანგარიშს გავუწვევთ საქართველოს ნარსულში ცნება „მთიულის“ ზოგადდ „მთიელის“ შინაარსით გამოყენების ტრადიციას, ვფიქრობთ ამ უკანასკნელის ფონზე, ბოლომდე გამოსარიცხი არ უნდა იყოს სახელწოდება „მთიულთკარის“ სწორედ „მთიელთკარის“ მნიშვნელობით გაფორმების ვარიანტიც.

²¹ ივ. ჯავახიშვილი, საქართველოს ეკონომიკური ისტორიის ძეგლები, ნ. I, თბ. 1967, გვ. 133.

ლიზაციის საშუალებასაც იძლევა, რის შედეგადაც ვახუშტისეული „მთიულთკარი — სიმაგრე მტკიცე“ თითქმის ორჯერ უფრო დიდი მანძილით შორდება მთიულეთის სამხრეთ მიჯნას²² და შესაბამისად, მთიულეთის სამხრეთ საზღვრად მთიულთკარის წარმოდგენის მიზ-ანშეწონილობაზე მსჯელობა ერთგვარად უზერხული იყაა.

მაშასადამე, ჩვენს ხელო არსებული მონაცემების შესწავლა გვაძლევს უფლებას დავასკვნათ, რომ ვახუშტის „აღნერაში“ ხსენებული „მთიულთკარი — სიმაგრე მტკიცე“ და იმავე თხზულებაზე დართულ სოფელთა სიაში ასახული „მთიულთკარი“ მთიულთა (ან მთიულთა) სოფლისა და ერთ-ერთი ლირსშესანიშნავი საფორტიფიკაციო ნაგებობის აღმნიშვნელი სახელწოდებებია და მათში ნამდვილად არ ამოიცნობა მთიულეთის სამხრეთი მიჯნა, რომლის გადმოწევა მთიულთკარად წოდებულ პუნქტამდე, ხანდოსა და ჭართლის თემების ტერიტორიის მოზრდილი მონაცემების მექანიკური ჩაყლაპვის ხარჯზე, ყოვლად დაუშვებელია²³.

მაგრამ, როგორც ჩანს, ჯ. გვასალიას ასეთი ტერიტორიული ცალილებებიც სავსებით გამართლებულად მიაჩინა, რასაც თვალნათლივ ცხადყოფს ხანდოს ხევის (ან უბრალოდ ხანდოს) ვითარცა მთიულეთის მომიჯნავე შეარის დამოუკიდებლად არსებობის ფაქტის ეჭვევეშ დაყ-

²² ვახტ. იორნიშვილი, არაგვი და არაგველები, თბ. 1989, გვ. 138-174.

23 რედაქტორის კომენტარი: წყაროების მონაცემების ანალიზშე დაყრდნობით ესოდენ დამაჯერებული არგუმენტაციის მიუხედავად ჯ. გვასალიამ კვლავაც ჯიტუტად გაიმეორა ყოველგვარ დასაბუთებას მოკლებული შეცდომა, რომ მთიულეთს სამხრეთი მხრიდან ესაზღვრება მთიულთკარი, ხოლო დასავლეთით ლომისის ხევი (ჯ. გვასალია, მთიულეთი, ავტორთა კრებულში — „საქართველო არის ეს“, შემდგენელ-რედაქტორი და გამოწვეული აკაკი ბრეგაძე, თბ., 2003, გვ. 227). ამ მცდარი ლიკალიზაციის საფუძვლად ჯ. გვასალიას მიაჩნია სამოსახლო ჭუნქტის სახელმწიფება მთიულთკარი იმანირივე გაგებით, თითოეს ეს ნიშნავდა მთიულეთის სახრეთ კარს. მას არ სურს დაივერროს ის რეალობა, რომ მთიულეთის სამხრეთ მიჯნას ნარმობადგნდა სოფელი ქავთურთკარი, რომელიც ფასანაურიან ჩრდილოეთის მიმართულებით მეორე კელომეტრზე მდებარეობს. ჯ. გვასალიას ნარმობადგნით თუ მთიულეთის სამხრეთი საზღვარი მთიულთკარი, რაც ფატიურად მთიულეთი სამხრეთი სამყაროს შორს მდებარე სოფელი იყო, როგორდა ენრეგირებული მთიულეთი ცხავატის თემს — ტერიტორიას დაბა ფასანაურიდან სოფელ ქვეშეთამდე. საინტერესოა, ამგვარი ლიკალიზაციის მიხედვით ჯ. გვასალიას მთიულეთის სამხრეთ საზღვრად მთიულთკარი მიაჩნია თუ ფასანაური? ასევე გაუგებრობას ქმნის განცხადი, რომ „მთიულეთი ენრეგირობა ცხავატის თემს“. მათობებული იქნებოდა მას აღენძნა, რომ მთიულეთი ცხავატის თემს კა არ ერქა, არამედ ისტორიულად ცნობილი ორი ტერიტორიული თემის — ცხავატისა და ხადის მერმინდელ გაერთიანებას ენოდა მთიულეთი. გაუგებარია იმის თქმაც, რომ მთიულეთს დასავლეთით ესაზღვრება ლომისის ხევი. როგორც ჩანს, ჯ. გვასალია გულასხმობს ლომისის მთას (ვინადან ლომისის ხევი არ არსებობს), მაგრამ არ ითვალისწინებს, რომ ეს მთა სასაზღვრო მიჯნა კა არ არის, არამედ მთიულეთის ტერიტორიის ნაწილია. მსგავსი გაუგებრობანი საერთოდ დამახასიათებელია ჯ. გვასალიას შრომებისათვეს.

ენების ტოლფასი შემდეგი მტკიცება: „ღუდის ხევი ისეთსავე მიმართებაში უნდა იყოს ფართოდ გაგებულ ხადასთან, როგორც ხანდოს ხევი ცხავატთან“ (გვ. 96).

მართალია, დამონმებული კვალიფიკაციის წინ ავტორი დაბეჯითებით გვარწმუნებს, რომ მას აზრადაც არ მოსვლია ხანდოსა და გუდამაყრის თემების მთიულეთისაგან დამოუკიდებლად არსებობის უარყოფა (გვ. 96), მაგრამ ასეთი მტკიცება ნიადაგ ვერ დაიმსახურებს ნდობას ერთი მხრივ ხანდოსხევისა და ცხავატის, ხოლო მეორე მხრივ ღუდისხევისა და ხადის ურთიერთმიმართების საკითხისადმი ავტორის არადიფერენცირებული მიდგომის ფონზე.

საქმე ისაა, რომ ხადა, ღუდის ხევის ჩათვლით, მთიულეთის განუყოფელი ნაწილებია, რის კვალობაზე მათი ურთიერთმიმართება მხოლოდ აღნიშნული ისტორიულ-ეთნოგრაფიული მხარის შიდატერიტორიული დარაიონების საკითხთა ვიწრო წრეში თავსდება. ამასთან, ღუდის ხევი, რომლის სახელნოდება ნაწარმოები ჩანს სიტყვისაგან „ღადა-ღუდა“²⁴, თავის დროზე მართლაც წარმოადგენდა ფართოდ გაგებული ხადის თემის შემადგენელ რაიონს, მაგრამ მას შემდეგ, რაც ხსენებული ხევი მთლიანად ოსებით იქნა დასახლებული, ღუდა ერთგვარად გამოცალკევდა ხადისაგან და მან დამოუკიდებელ ტერიტორიულ ერთეულად განიცადა ფორმირება ხადის და ცხავატის გვერდით. ამდენად, ღუდის ხევის მიმართება ხადასთან, რომლის რესტავრაცია უნინდელ მასშტაბებში საკმაოდ ადვილად ხერხდება, მარტომოდენ ერთი განსაზღვრული მხარის — მთიულეთის ფარგლებში საჭიროებს დაზუსტებას.

რაც შეეხება ხანდოს მიმართებას ცხავატთან, ამჯერად უკვე რადიკალურად განსხვავებულ ურთიერთშეპირისპირებასთან გვაქვს საქმე, ვინაიდან წინა პლანზე ინევს იმავე მთიულეთის შემადგენელი ერთ-ერთი ტერიტორიული ერთეულისა (ე.ი. ცხავატის) და მთიულეთის მოსაზღვრე, მტკიცედ ლოკალიზებული ისტორიულ-გეოგრაფიული „ქვეყნის“ ურთიერთმიმართების საკითხი. ამ შემთხვევაში კი მხედველობაში მისაღებია ის საგულისხმო დეტალი, რომ ხანდოს ხევს არ შეიძლება ჰქონოდა ისეთივე მიმართება ცხავატთან, როგორიც გააჩნია ღუდის ხევს ხადასთან, ვინაიდან, ელემენტარული ლოგიკის ძალით, ფართოდ გაგებული ცხავატის თემის არსებობა წარსულში არ დასტურდება და შესაბამისად ის არასოდეს არც მოიცავდა ხანდოს.

ამდენად, ღუდის ხევის მიმართება ფართოდ გაგებულ ხადასთან სულ სხვა რიგისაა, ვიდრე ხანდოს მიმართება ცხავატთან. სრულიად

²⁴ „ღადა-ღუდა“ — კაპანი ავი სავალი (სულხან-საბა ორბელიანი, სიტყვის კონა, ს. იორდანიშვილის რედ., თბ., 1949, გვ. 378).

ნათელია, რომ ერთი მხრივ მთიულეთის ორი სხვადასხვა აღაგის (ღუდ-ისა და ხადის), ხოლო მეორე მხრივ მთიულეთისაგან დამოუკიდებლად არსებული კუთხის — ხანდოსა და საკუთრივ მთიულეთის ერთ-ერთი თემის (ე.ი. ცხავატის) ურთიერთმიმართების საკითხის ერთ სიბრტყეზე განხილვა პრაქტიკულად ხანდოს თემის, როგორც მთიულეთის მომიჯნავე მხარის დამოუკიდებლად არსებობს ფაქტის იგნორირებას შეეფარდება, რაც ნიადაგ ვერ უძლებს კრიტიკას.

ასევე მეტი სიფრთხილე იყო საჭირო, როდესაც საგანგებოდ აღნიშნა: „რაც შეეხება ამ მხრივ ხანდოს ცალკე რეგიონად გამოყოფას, უნდა აღინიშნოს, რომ ავტორს ამ მხრივ არა აქვს გამოყენებული ეთნოგრაფიული მასალები, რომლებიც დაანახვებდა ხანდოს მთიულეთთან დამოკიდებულებას. მხედველობაში გვაქვს მოსახლეობის სალოცავებთან დამოკიდებულება. კერძოდ, მართალია ხანდოელებს თავისი საკუთარი სალოცავები ჰქონდათ (ისევე როგორც ხადელებსა და ცხავატელებს), მაგრამ ხანდოელები ისევე ლოცულობდნენ მთიულთა საერთო სალოცავს ლომისას, როგორც მთიულები. აგრეთვე ლომისის ნიში ჰქონდათ ხანდოში გადმოტანილი. ეს ყოველივე შემთხვევით არ ხდებოდა. ჩვენი ღრმა რწმენით, ხანდოს დიდი ტენდენცია ჰქონდამთიულეთში მოქცევისა. ამისკენ მას ეწეოდა ხატისყმობის ინსტიტუტი“ (გვ. 96).

დამონშებული სტრიქონების ავტორს გვინდა შევახსენოთ, რომ ჩვენს უმთავრეს ამოცანას შეადგენდა ხანდოს თემის ზუსტი ლოკალიზაცია და მთიულეთისაგან განცალკევებით, დამოუკიდებელი მთის კუთხის დონეზე მისი არსებობის დასაბუთება. ვინაიდან დასახული ამოცანის გადაჭრა საკმაოდ ადვილად მოხერხდა იმ უხვი ფაქტობრივი მასალის გაანალიზების საფუძველზე, რომლის გამომზეურებისა და ჯეროვანი შეფასების შესაძლებლობა ჩვენი ნაშრომის განსაზღვრულება მოცულობამ მოგვცა, კვლევა-ძიების ხაზგასმულ ეტაპზე ნიადაგ არც მოგვეთხოვებოდა ხანდოსა და მთიულეთის ურთიერთმიმართების ჩვენება „ხატისყმობის ინსტიტუტის“ მნიშვნელობის საილუსტრაციო მონაცემების წარმოჩენის შუქზე. ამდენად, ჩვენი დუმილი „მოსახლეობის სალოცავებთან დამოკიდებულების“ ამსახველი ეთნოგრაფიული მასალის შესახებ სრულებითაც არ ნიშნავს აღნიშნული მონაცემების ღირებულების დაკნინებას და მით უფრო, საკვლევად შერჩეული ზოგიერთი საკითხის შემდგომ ჩაღრმავებულ შესწავლაზე უარის თქმას, როგორც ეს პატივცემულ რეცენზენტს სურს წარმოადგინოს. პირიქით, „ხატისყმობის ინსტიტუტთან“ დაკავშირებული მასალის შემოტანით სამეცნიერო მიმოქცევაში, პირველ რიგში სწორედ ჩვენ ვართ დაინტერესებული, რაც ალბათ უახლოესი მომავლისათვის დაგეგმილ პუბლიკაციებშიც ჰქონდებს რეალიზაციას.

ამასთან, ღრმად ვართ დარწმუნებული, რომ ჩვენს განკარგულებაში არსებული ეთნოგრაფიული მასალების გამომზეურება და მართებული ინტერპრეტაცია გარკვეულ სარგებლობას მოუტანს ჯ. გვასალიასაც, რომლის მსჯელობას ხანდოსა და მთიულეთის ურთიერთმიმართების საკითხის ირგვლივ სწორედ „ხატისყმობის ინსტიტუტის“ მნიშვნელობის მანიშნებელი მონაცემების ცალმხრივი გაგება უდევს საფუძვლად. არადა, მისი მტკიცებიდან ხომ ძალაუნებურად ისეთი სურათი იხატება, თითქოს ხანდოს მთიულეთში მოქცევის „დიდი ტენდენცია“ ჰქონდა იმდენად, რამდენადც „ხანდოელები ისევე ლოცულობდნენ მთიულთა საერთო სალოცავს ლომისას, როგორც მთიულები“. ამ დროს მხედველობაში არაა მიღებული ის საგულისხმო ფაქტი, რომ ლომისის წმ. გიორგის ეკლესია ქსნის ხეობის მთის ზონის მოსახლეობის უმთავრეს სალოცავსაც წარმოადგენდა, ლომისაში ლოცულობდნენ ჭართლის თემის მკვიდრნიც (ლომისის დღეობებზე ჭართლიდან მოსული მლოცავისათვის ლამისსათვეად სპეციალური ადგილიც იყო გამოყოფილი მონაურის მთაზე „საჭართლოს“ „სახელნოდებით²⁵), აგრეთვე გუდამაყრელები და მოხევები, ხოლო ლომისის ნიშნები გადმოტანილი იყო არა მართო ხანდოში, არამედ ჭართალშიც, ქსნის ხეობის სხვადასხვა ალაგას, ხევში და არაგვის ხეობის ბარის რაიონებშიც კი (მაგ.: საგურამოში). მაგრამ ყოველივე ეს, ცხადია არ ნიშნავს იმას, რომ ქსნის ხევს, გუდამაყარს, ხევს, ან ჭართალს, ხანდოსთან ერთად „დიდი ტენდენცია ჰქონდა მთიულეთში მოქცევისა“. აკი ეთნოგრაფიული მასალის ყურადღებით გაცნობაც თვალნათლივ ცხადყოფს, რომ ლომისაში ხანდოელებიც, ქსნელებიც, გუდამაყრელებიც, ჭართლელებიც და მოხევებიც, მართალია მთიულებთან ერთად ლოცულობდნენ, მაგრამ არა როგორც მთიულების სწორი ხატისყმები²⁶, არამედ როგორც მთიულთა საერთო სათემო სალოცავში მისული მხვენარნი. ამდენად, ხანდოსა და მთიულეთის ურთიერთმიმართების საკითხთან დაკავშირებით ჯ. გვასალიას მიერ განვითარებული შეხედულება, მთლიანად შემაგრებული „ხატისყმობის ინსტიტუტის“ ფუნქციონირების ამსახველი მნირი მასალის არასწორი ინტერპრეტაციით, საფუძვლიან კორექტირებას ექვემდებარება, რისი გათვალისწინებაც ავტორს უსათუოდ დასჭირდება სამერმისო კვლევაში.

ჯ. გვასალია შემდეგ შენიშნავს: „ვ. ითონიშვილი ცდილობს XVIII ს-ში ცხავატის თემის ფარგლებში წარმოშობილი ერთ-ერთი ერთეულის

²⁵ მთიულეთში ჩვენს მიერ ჩანერილი გადმოცემების მიხედვით ლომისის ეკლესის შენებლობის დროს ჭართლელები დამარტინი მთიულებს ქვის ზიდვაში და ამიტომ მიუციათ მათთვის ლამის სათევად ეს ადგილი.

²⁶ ამ თვალსაზრისით, გამონაკლისს შეადგენდნენ მოგვიანებით ჭართალში ჩასახლებული მთიულები.

სახელნოდება (გარეშემო) დაუკავშიროს „ძეგლი ერისთავთაში“ „ცხა-ვატელ-გარეთნი“ - ს სახით აღნიშნულ მოსახლეობას. მას აქეთენ ენ-ევა „გარეთნი“ - ს და „გარეშემოს“ - ს თითქოსდა გარეგნული მსგავსება. სინამდვილეში ასეთი მსგავსება მხოლოდ მოჩვენებითია. ცხავატელ-გარეთნი ეს ის თემია, რომელიც ცხავატის თემის საზღვრებს გარეთ მოსახლეობს, ხოლო გარეშემოს თემი ცხავატის თემის ფარგლებში წარმოიშვა ამ უკანასკნელის გარეშემოდ, მრევლად და ცხაოტად დაყოფის შედეგად. რაც შეეხება მოსაზრებას, რომ გარეშემოს თემი წარმოიშვა იმ სოფლებში, რომელიც არც ცხავატში შედიოდა და არც ხა-დაში (გვ. 121), არაა სწორი, რადგან ისტორიული წყაროების მიხედვით ხადა და ცხავატი ყოველთვის იყვნენ ერთმანეთის მომიჯნავე თემები და მათ შორის ბუფერული თემი არ არსებობდა“ (გვ. 92).

მოტანილ ამონანერებთან დაკავშირებით აუცილებელია განიმარტოს, რომ ჯერ ერთი, „გარეთნი“ - ს და „გარეშემოს“ თუნდაც მოჩვენებითი გარეგნული მსგავსება სრულებითაც არ გვართმევს წინასწარი ვარაუდის დონეზე მათ შორის რაღაც კავშირის დაშვების უფლებას. აკი თავად ჯ. გვასალიას და არაერთ სხვა მკვლევარსაც სწორედ სიტყვების თითქოსდა ფონეტიკური მსგავსების დანახვის წყალობით მიაჩინა მიზანმენონილად „ნინკარის“ ეტიმოლოგიური კავშირი „ნილ-კანთან“, თუმცა სახელნოდება წინკარის (// „კარის მამული“) რეალური მნიშვნელობა თავისთავად ცოტას ლაპარაკობს აღნიშნული იდენტიფიკაციის სასარგებლოდ. მეორეც, რეცენზენტის განაცხადი, თითქოს „ცხავატელ-გარეთნი ეს ის თემია, რომელიც ცხავატის თემის საზღვრებს გარეთ მოსახლეობს“ მხოლოდ იმ შემთხვევაში გაგვიჩნდა საფიქრალს, თუკი მოპაექრე შეეცდებოდა ამ „ცხავატის თემის საზღვრებს გარეთ მოსახლე“ თემის ლოკალიზაციისაც, რისგანაც მან თავისივე შენიშვნის ობიექტურობის საზიანოდ შეიკავა თავი.

დაბოლოს, მტკიცება, თითქოს ჩვენ გარეშემოს თემს იმ სოფლებში წარმოქმნილ ტერიტორიულ ერთეულად ვთვლიდეთ, რომლებიც არც ხადაში შედიოდა და არც ცხავატში და, ამდენად, ვცდილობდეთ ხადასა და ცხავატს შორის ე.ნ. „ბუფერული თემის“ არსებობის დასაბუთებას, სინამდვილის დამახინჯების ტოლფასია. საქმე ისაა, რომ ჩვენ ვმსჯელობდით რა იმაზე, თუ როგორი ანარეკლი პპოვა ეთნოგრაფიულ მასალაში ცხავატის თემის გვიანდელმა (XVIII ს.) დაყოფამ ე.ნ. „ცხაოტის“, „მრევლისა“ და „გარეშემოს“ თემებად, გარკვევით მივუთითებდით: „მთხოვთ ნაწილს სოფლები: გვიდაქე, სეფე, ნაღვარევი, ლაკათხევი, შონჩო, უოუონი, უშარნი, ქვეშეთი, ზემო ბედონი, ქიმბარი-ანი და არახვეთი არც ხადაში შეჰყავს და არც ცხავატში. ეს პირველ რიგში იმით უნდა აიხსნებოდეს, რომ დასახელებული სოფლები (... ქვე-შეთის გამოკლებით, რომელიც შედარებით მოგვიანებითაა გაჩენილი)

თავის დროზე გარშემოს (ან გარეშემოს) თემის შემადგენლობაში შედიოდნენ (მაგალითად, 1774 წლის არაგვის ხეობის მთის ზოლის მოსახლეობის აღნერაში არახვეუთი, ლაკათხევი, შონჩი და უოფონი გარშემოს თემის სოფლებადაა წარმოდგენილი), რომელიც ხალხის ხსოვნაში აღარ შემოიხახა და ამის კვალობაზე ისტორიულად ცნობილი ლოკალიზაციის ტრადიციაც მოიშალა²⁷. შემდეგ: „... მთიული ინფორმატორების მიერ ცეცხლისჯვრის თემში შევყანილი ტერიტორია სრულ შესაბამისობაშია მრველის თემთან, ჩირიკის თემის მიჯნები მთლიანად ემთხვევა ცხაოტის მოცულობას, ხოლო რაც შეეხება გარშემოს (ან გარეშემოს) თემს, ამ უკანასკნელს შეესაბამება მთიულეთის ის ტერიტორია (მასზე ლოკალიზებული სოფლებითურთ), რომელიც ზოგიერთი მთხოვნელის გამოკითხვით მოპოვებული ეთნოგრაფიული მასალის თანახმად, არც ხადაში შედის და არც ცხავატში“²⁸.

როგორც ვხედავთ, ლაპარაკი გვაქვს არა იმაზე, თუ როგორ წარმოიქმნა გარეშემოს თემი, არამედ იმაზე, თუ სად წარმოიქმნა ის და ეთნოგრაფიული მასალის მიხედვით რომელი სოფლები შეიძლება დაჯუფდეს წერილობითი წყაროებით ცნობილ და XVIII ს-ში წარმოქმნილ გარეშემოს თემში, რომლის არსებობაზე და, მით უფრო, წარმოქმნის მიზეზებზე მთიულ ინფორმატორებს არავითარი წარმოდგენა არ გააჩნიათ. ეს კი სწორედ ის სოფლებია, რომლებიც ზოგიერთ მთხოვნელს არც ხადაში შეყავს და არც ცხავატში. ამდენად, ჩვენ მოვახდინეთ გარეშემოს თემის ტერიტორიული რესტავრაცია XVII ს-ში ცნობილი საზღვრებში, რასაც არაფერი აქვს საერთო ე.წ. „ბუფერული თემის“ არსებობის დამტკიცების ცდასთან, რაც მოულოდნელად მოგვაწერა პატივცემულმა რეცენზენტმა.

კ. გვასალია ძირითადად იზიარებს ჩვენს შეხედულებებს, რომ მრევლის თემის ჩამოყალიბებას საფუძვლად დაედო საკვლევი კუთხის ფალკეული სოფლების დაჯგუფება ერთი განსაზღვრული სალოცავის გარშემო, მაგრამ იქვე მიუთითებს ასეთ გამაერთიანებელ სალოცავად არა სოფ. ზამთრეულის ცეცხლისჯვრის, არამედ სხვა რომელიმე სალოცავის წარმოდგენის შესაძლებლობაზე, ვინაიდან ცეცხლისჯვარი მთელი ცხავატის სალიცავია.

ვითარების ასეთნაირ შეფასებასთან დაკავშირებით განმეორებით უნდა ითქვას, რომ წერილობითი წყაროებისა და ეთნოგრაფიული მასალის შეჯერების საფუძველზე „მრევლად“ სახელდებული თემი (მის ფარგლებში ლოკალიზებული სოფლებითურთ) სრულ შეფარდებაშია მთხოვნელთაგან მიღებული მონაცემებით ცნობილ „ცეცხლისჯვრის

²⁷ ვახტ. იოონიშვილი, არაგვის ხეობა, გვ. 118.

²⁸ იქვე, გვ. 121.

თემთან“ (ყველაანთკარი, დარძულნი, ნადიბაიძიანთკარი, ნაღვარევი, გოგნაური, სალაჯური, მანასეური, ხარხეთი, ჩოხელთკარი), რაც მრევლის თემის ჩამოყალიბებაში სწორედ ცეცხლისჯვრის და არა „სხვა რომელიმე სალოცავის“ მიერ ნათამაშევი გადამწყვეტი როლის უტყუარი საბუთია. ამდენად, მრევლის თემის ფორმირების პრონციპზე წიგნში გამოთქმული მოსაზრება გადასინჯვას არ ექვემდებარება.

ჯ. გვასალია ასევე არ გვეთანხმება ბერი ეგნატაშვილისეულ „მთიულეთში“ ზოგადად „მთიანეთის“ ამოცნობის საკითხში და თვლის, რომ აქ „მთიულეთი“ ისტორიულ-ეთნოგრაფიული კუთხის მნიშვნელობით გაიგივებულია ცხავატან, თუმცა ისტორიკოსის ცნობის ამდაგვარ გაგებას მხოლოდ რეცენზენტის „ღრმა რწმენა“ და არა ჯეროვანი ფაქტობრივი არგუმენტია უდევს საფუძვლად, რაც ნიადაგ არ კმარა სინამდვილის დაჭეშმარიტებისათვის.

იგივე ითქმის ჩვენი მისამართით გამოთქმულ შემდეგ შენიშვნაზეც: „ვ. ითონიშვილმა ხადის თემის აღნერაში შემოიტანა ტერმინები „გაღმა ხადა“ და „გამოღმა ხადა“ (დიდველი). ეს დაყოფა პირობითია, რადგანაც იმის მიხედვით თუ ინფორმატორი ხადის რომელი ნაწილიდანაა, შეიძლება პირუკუ შებრუნდეს გაღმა-გამოღმა და დიდველი იქცეს „გაღმა ხადად“. თვით ქართლის ისტორიული გაღმამხარი ზოგ წყაროში გამოღმამხარად იწოდებოდა“ (გვ. 97).

საკითხის ასეთნაირად დაყენება კრიტიკას ვერ უძლებს, ვინაიდან ჯ. გვასალია ერთობ ნაჩქარევად უგულვებელყოფს არა მარტო ჩვენს მიერ ადგილზე გამოკითხვით ფიქსირებული სახელდების უტყუარ ფაქტს, არამედ საკუთრივ მინა-წყლის გარკვეული ნაწილებისათვის აღნერილობითი ხასიათის (საორიენტაციო მიზნით ხმარებაში შემოტანილი) სახელნოდებების შერქმევის პრინციპს. ამიტომ მის საყურადღებოდ აუცილებელია განიმარტოს, რომ ტერმინები „გაღმა ხადა“ და „გამოღმა ხადა“ ჩვენს მიერ შეთხზული და ხმარებაში შემოტანილი არაა. ისინი თავად მთიულებშია გაბატონებული და იმისგან დამოუკიდებლად, ასეთ დაყოფას „პირობითს“ დავარქმევთ თუ „არაპირობითს“, ხადის თემის ორი ნაწილის ტრადიციული სახელდება ნიადაგ ვერ დადგება ეჭვქვეშ. სხვათა შორის, საქართველოს დაყოფა „ამერად“ და „იმერად“, ხევსურეთისა — პირაქეთად (// „ბუფე ხევსურეთად“) და პირიქითად (// „მთასიქითად“), თუშეთისა — პირიქითად და პირაქეთად და სხვ. გარკვეულნილად ასევე „პირობითად“ შეიძლება ჩაითვალოს, მაგრამ ეს გარემოება, ცხადია, სულაც არ იძლევა აღნიშნული ნომინაციის გადასინჯვის უფლებას. არადა, თუ ჯ. გვასალიას მსჯელობას მივყვებით და გადამწყვეტ მნიშვნელობას მივანიჭებთ იმ დეტალს, თუ მაინცდამანც ქვეყნის რა ნაწილიდანაა ინფორმატორი, მაშინ მართლაც შეიძლება პირუკუ შებრუნდეს საუკუნეების მანძილზე აპრობირებული

ან მოგვიანებით დანერგილი ნომინაციის ტრადიცია და, მაგალითად, ამიერკავკასიას ეწოდოს იმიერკავკასია, იმერეთს ამერი, პირიქით თუშეთს პირაქეთი, პირიქით არაგვს (ანუ „იქით არაგვს“) პირაქეთი არაგვი და ა.შ., რაც სრულიად დაუშვებელია. ამდენად, ცალკეული რეგიონების ტერიტორიული ურთიერთმიშარობის გამომხატველი სახელდების პრინციპის ნამეტანი გამარტივება და ამ გზით საყოველ-თაოდ მიღებული ნომინაციის ტრადიციის თვითნებური კორექტირება არავის ეპატიტია.

ასევე მეტი საბუთიანობა იყო საჭირო, როდესაც ხელაღებით იქნა უარყოფილი ჩვენი მოსაზრება ღუდის ხევში ოსთა ჩასახლების თარიღის შესახებ: „არაა სწორი მოსაზრება იმის შესახებ, რომ ოსების ინტენსიური ჩასახლება ღუდის ხევში XVIII საუკუნის დამდეგს უნდა დაწებულიყო. ვახუშტის რუკებზე, რომელიც XVIII ს. 30-იანი წლების ვითარებას ასახავს, ღუდის ხევი მთლიანად ქართველებით დასახლებული სოფლების ნიშნებითაა აღნიშნული. ოსთა ჩამოსახლება ღუდაში, ალბათ, XVIII საუკუნის შუა სანებში იწყება, რამდენადაც 1770 წლის აღნერასა და გიულდებულების ცნობებში (1772 წ.) ღუდა ოსებითაა დასახლებული“ (გვ. 96-97).

ესოდენ კატეგორიული მტკიცება გვაიძულებს საგანგებოდ მივუთითოთ, რომ მთიულეთში შეკრებილი ეთნოგრაფიული მასალების მიხედვით ღუდაში პირველი ოსის დასახლებაზე შემონახული გადმოცემები ქრონოლოგიურად უკავშირდება აღნიშნულ ხეობაზე ბურდულთა და განსაკუთრებით ნაზღაიძეთა საგვარეულოების ცალკეულ ნარმობადგენელთა, ვითარცა ოფიციალური ხელისუფლების (უპირატესად არავის ერისთავის) სამსახურში დანინაურებელ პირთა, ხელდების უფლების გავრცელებას, რასაც XVII ს-ის მინურულს და XVIII ს-ის დამდეგს ჰქონდა ადგილი. მთხოვნელთა ერთი ნაწილის განმარტებით, ღუდა ნინათ საბურდულო იყო და მაღრან-დვალეთიდან შემოხიზნული კაცნაკლავი ოსისათვის ბურდულებს მიუციათ ღუდაში დასახლების უფლება. სხვა უფრო სარწმუნო ინფორმაციის თანახმად კი ღუდა ძველად ნაზღაიძების სამოურავოს შეადგენდა და აქ ოსები ჯანუყა (ან ჯანიყო) ნაზღაიძის ნებართვით დასახლებულან, რის შემდეგაც ნაზღაიძები მათგან სახელმწიფო და საერისთავო გადასახადებს კრეფინებს²⁹. საყურადღებოა, რომ ჯანუყა ნაზღაიძე ფიგურირებს 1727 წლით დათარიღებულ ნყალობის განახლების წიგნში, როგორც ღუდის, თოლ-

²⁹ ს. ზემო მლეთის უხუცესი მკვიდრის მიხეილ იაკობის ძე ნაზღაიძის ცნობით, ოსებითავ-დაპირველად ღუდის ხევის სათავეში, ს. ერთოს ალაგას დასახლებულან, ხოლო შემდეგ იმავე ჯანუყასთან შეთანხმებით ღუდაში გადმოსახლებულ ოსთა აბალ-ახალ ჯანუყებს ჩვენთვის საინტერესო ხევის სხვა სოფლებიც (ხატისსოფელი, ურმისსოფელი, მექეთი) დაუწყიათ დასახლება. (ს. ზემო მლეთა, 13/IХ-1985).

გოთის, კობის და უხათის მოურავად გამწესებული პირი (არაგვის ერი-სთავი ვამიყი ასე მიმართავს ჯანუყას: „... ძევლთაგან შენი ყოფილიყო სამოურაოდ ღუდა, თოლგოთი და კობი და უხათი“³⁰), ხოლო ერთ-ერთ მთიულურ ლექსში იგივე მოხელე შემდეგნაირადაა დახასიათებული:

„ჯანიყო ნაზღაიძეო, ყველა შამხვედრო ჭკუსიაო,
ყველა გნევალობდა ბატონი არაგვისა და ქსნისაო
შენ რო შვილები გაზარდე, თავადებია მთისაო,
გისხედან დაკაზმულები ერისთვის მუხლის ძირსაო“³¹.

ამდენად, ღუდაში ოსების ჩასახლების თარიღის მაქსიმალური სიზუსტით ჩვენებასთან დაკავშირებული არსებითი სიძნელების მიუხედავად, ჩვენ სრული საფუძველი გვაქვს იმ ვარაუდის გამოთქმისათვის, რომ მათი ჩასახლება ხსენებულ ხევში სწორედ XVIII ს-ის დამდეგს და არა XVIII საუკუნის შუა ხანებიდან უნდა დაწყებულიყო. სამაგიეროდ, სულ სხვა საკითხია, ის თუ მაინც რა დროიდან გვაქვს ღუდაში არა სპორადული, არამედ კომპაქტური ოსური ახალშენები. ყოველ შემთხვევაში, XVIII ს-ის 30-იან წლებში კომპაქტური ოსური დასახლებების არსებობა ჩვენთვის საინტერესო რაიონში უკვე ეჭვს არ შეიძლება იწვევდეს, რასთან დაკავშირებით მეტად ნიშანდობლივია 1732 წლის ერთისაისტორიო საბუთი, რომელშიც ღუდელი, თრუსოელნიდა კევის ოსები ერთმანეთის გვერდით იხსენიებიან³² და სადაც „ღუდელნი“-ს ქვეშ უსათუოდ ოსები ამოიცნობიან. საყურადღებოა, რომ უფრო მოგვიანო პერიოდის ნერილობით ძეგლები (1770 წლის ქართლ-კახეთის ალწერა, გიულდენშტედტის ნაშრომი) ღუდა უკვე ოსებით დასახლებულ მხარედ ნარმოგვიდგება.

მართალია ჯ. გვასალია თავისი შენიშვნის შესამაგრებლად ვახუშტის მიერ შედგელ და XVIII ს-ის 30-იანი წლების ვითარების ამსახველ რუკას იმონმებს, სადაც საერთოდ არაა დატანილი ღუდაში ოსების ცხოვრების მანიშნებელი პირობითი ნიშნები, მაგრამ ეს ფაქტი თავისთავად არ გამოდგება ხსენებულ ხეობაში არაქართული მოსახლეობის ყოფნის შესაძლებლობის გამომრიცხველ ერთადერთ საბუთად. საქმე ისაა, რომ ვახუშტის მიერ შედგენილი რუკები და ამ უკანასკნელებზე დართული სოფელთა სია არ იძლევა სრულფასოვან ნარმოდგენას XVII ს-ის 30-იანი წლების განაშენიანების სურათზე და ცალკეული რაიონების მოსახლეობის ეთნიკურ შემადგენლობაზე. მთელ რიგ შემთხ-

³⁰ თ. ფორდანია, ქრონიკები, III, თბ., 1967, გვ. 116.

³¹ ჰ. უმიკაშვილი, ხალხური სიტყვიერება, მეორე გამოცემა, ტ. I, მ. ჩიქოვანის რედ., თბ., 1964, გვ. 70.

³² 1732 წ. პირობის ნიგნი, მიცემული ერთობით მთის კაცთა მიერ ოთარ ამილახვრის შვილებისადმი, „დოკუმენტები საქართველოს სოციალური ისტორიიდან“, ნ. ბერძნების ვილის რედ., თბ., 1940, გვ. 233.

ევებში ხომ რუკებისა და სოფელთა სიის შეპირისპირება არსებით შეუსაბამობას ავლენს. ასე, მაგალითად, ვახუშტის მიერ აღრიცხულ სოფელთა სიის თანაბმად ხევში მხოლოდ ერთი ოსური სოფელი ლოკალიზდება, მაშინ როდესაც რუკაზე ხევის ტერიტორიაზე მდებარე ორი ოსური სოფელია აღნიშნული. მასთან, იმავე რუკაზე საერთოდ არაა დატანილი ოსებით დასახლებული სოფლები თოლგოთი და უხათი, რომელთა რეალურად არსებობა XVIII ს-ის 20-იან წლებში არავითარ ეჭვს არ იჩვევს.

ცხადია, შენიშნული ხარვეზების გათვალისწინებით, მარტოოდენ ვახუშტისეულ რუკებზე დაყრდნობით მეტისმეტად ჭირს რაიმეს დაბეჯითებით თქმა XVIII ს-ის 30-იან წლებში ან უფრო ადრე ღუდის ხევსა და ზოგიერთ სხვა რაიონში ოსთა ყოფნაარყოფნის თაობაზე, რასთან დაკავშირებით მეტად სიმპტომატურია თავად ჯ. გვასალიას მიერ თავის დროზე გაკეთებული შემდეგი განაცხადი: „არაგვის ხეობაში არაა არც ერთი ოსური სოფლის ნიშანი (იგულისხმება მოსახლეობის ეთნიკური ვინაობის მანიშნებელი პირობით ნიშნები ვახუშტისეულ რუკებზე, ვ.ი.). ასევე ქართულია სამუხრანბატონო და საამილახვრო, აქაც არაა არც ერთი ოსური სოფლის ნიშანი. ეს იმას კი არ ნიშნავს, რომ ამ ტერიტორიებზე სპორადულად მანც არ ცხოვრობდა ოსური მოსახლეობა, არამედ იმას, რომ ოსური მოსახლეობით კომპაქტურად დასახლებული სოფლები შიდა ქართლის მთისწინეთსა და ბარში არ არსებოდა, ასეთი სოფლები მხოლოდ ხეობათა სათავეებში იყო“³³.

როგორც ვხედავთ, 1983 წელს გამოქვეყნებული მონოგრაფიის ავტორი სრულებითაც არ გამორიცხავდა XVIII ს-ის 30-იან წლებში ოსების სპორადულად ცხოვრების შესაძლებლობას სწორედ იმ მხარეებში, სადაც ვახუშტისეული რუკები მხოლოდ ქართველების განსახლებას ადასტურებდნენ. ასეთი დიფერენცირებული მიდგომის საერთო ფონზე კი მით უფრო არალოგიკურად გამოიყურება იმავე ავტორის ცალმხრივი დამოკიდებულება ღუდის ხევში პირველი ოსური ახალშენების გაჩენის საკითხისადმი, როდესაც ვახუშტისავე რუკის ჩვენებები ამჯერად უკვე ჩვენს მიერ გამოთქმული მოსაზრებების გასაბათილებლად ვარგისი უტყუარი საბუთის მნიშვნელობით იქნა დაწინაურებული.

ჯ. გვასალია არ გვეთანხმება თიანელებთან ყუარელთა იდენტიფიკირის საკითხში და მიუთითებს, რომ ამგვარი იდენტიფიკაციის მხარდამჭერი ისტორიულ-ეთნოგრაფიული მონაცემები ჩვენ გამოყენებული არ გვაქვს (გვ. 93).

³³ ჯ. გვასალია, აღმოსავლეთ საქართველოს ისტორიული გეოგრაფიის ნარკვევები (შიდა ქართლი), თბ., 1983, გვ. 169-170.

მოკამათის საყურადღებოდ უნდა ითქვას, რომ „ყუარელნი“ წერილი იპიონ წყაროში („მოქცევად ქართლისაა“) ფიგურირებენ ერნოთიანელთა მოქცევის ამბავზე თხრობასთან დაკავშირებით. თაიანეთის ტერიტორიაზე კი ცნობილია სოფ. ყვარას არსებობა, რომლის მკვიდრნი — ყვარელნი (შეად. „სტეფანიელნი“, „გრუელნი“, „ნოპატელნი“) სწორედ ისტორიულ თიანელთა განსახლების არეალში მდებარე ერთერთი სოფლის მკვიდრებად შეიძლება ვიგულოთ. ამდენად, ჩვენს ეჭვს დამოუკიდებელ ეთნოგრაფიულ ჯგუფად (ან უფრო სწორედ ტერიტორიულ ჯგუფად) ყვარელთა წარმოდგენის მიზანშეწონილობაზე საკმაოდ მყარი საფუძველი აქვს, რაზეც მომავალში უფრო დაწვრილებით გვექნება მსჯელობა³⁴.

ჯ. გვასალია უკმაყოფილებას გამოხატავს იმის გამო, რომ ჩვენ არ ვუცხადებთ ნდობას მის მიერ ფიქსირებულ ტოპონიმებს და ეთნონიმებს და საგანგებოდ შენიშვნავს: „ვ. ითონიშვილის გულისწყრომას ინვევსჩვენ მიერ არაგვის სათავეებში წილკანის თემის ლოკალიზაცია... ავტორი დაუსაბუთებლად აცხადებს, რომ წილკანის კარი არა ჯვრის უღელტეხილის მიდამოებში, არამედ არაგვის ხეობაში, სადღაც ჭართლის და ბაზალეთის საზღვართან (ანანურის ან უინვალის რაიონში) ლოკალიზდება“. სრულიად ნებისმიერია წილკანის კარების ასეთი ლოკალიზაცია. თუ ბარელი წილკნელები ჭართალელთა მეზობლებად ცხოვრობდნენ სამხრეთით, მაშინ სადღა უნდა მოთავსდნენ ისტორიული ბაზალეთის თემის მცხოვრებნი? ვ. ითონიშვილის ვარაუდის საწინააღმდეგოდ ქართული წერილობითი წყაროები („მოქცევად ქართლისაა“, ლეონტი) წილკნელებს თვლიან მთიელებად და ასახელებენ სხვა მთიელების გვერდით ანუ მეზობლობაში. სხვა რომ არ იყოს, ვერავითარ ლოგიკას ვერ ემორჩილება ბარელი წილკნელების გასაქრისტიანებლად მიხმობა წობენში (რომელიც უინვალის სანახებშია ლოკალიზებული) და არა მცხეთაში, რომელიც გაცილებით ახლოს მდებარეობდა წილკანთან...“ (გვ. 97). შემდეგ კი რეცენზენტი კვლავ ავითარებს აზრს ჯვართაყელისა და წინკარის იდენტიფიკაციის საჭიროებაზე და წინკარში წილკანის ამოცნობის კვალინაზე აღნიშვნავს: „... წილკნის კარების მიმდებარე ტერიტორია უნდა სჭეროდა წილკანის თემს, რომლის აღმნიშვნელი ეთნონიმი ჩვენ დავადასტურეთ სს. იუბოსა და მლეთის მკვიდრთაგან...“

სამართლიანობა მოითხოვს ითქვას, რომ „წილკნის თემის“ ატანა არაგვის ხეობის სათავეებში (ისტორიული ხადის ადგილას) ერთობ მოულოდნელი აღმოჩნდა ჩვენთვის, თუმცა აღნიშნული ლოკალ-

³⁴ რედაქტორის შენიშვნა: მოგვიანებით ვახტანგ ითონიშვილმა დაწერა სპეციალური გამოკვლევა — ყვარლელთა ვინაობის საკითხისათვის (იხ. მისი ეთნიკური ისტორიის ნარკვევები, თბ., 2008).

იზაციის საწინააღმდეგო არგუმენტაცია სტიმულირებული იყო არა ე. გ. „გულისისწყრომით“, არამედ სავსებით გასაგები გაკვირვებით. ეს, ალბათ, კარგად მოეხსენება პატივცემულ რეცენზენტს, რომლის საყურადღებოდ განმეორებით უნდა განიმარტოს, რომ ქართულ წერილობით წყაროებში („მოქცევა ქართლისა“, ლეონტი) ფხოველების, ჭართლელების და გუდამაყრელების გვერდით ნიკნელთა მოხსენიება თავისთავად ძალზე ცოტას ლაპარაკობს უსათუოდ მთიელებად მათი წარმოდგენის სასარგებლოდ, ვინაიდან ძველი ქართული საისტორიო თხზულებებისათვის სრულებით არა უცხო ბარის რეგიონის „მთიულეთად“ (// მთიანეთად), ხოლო ბარის ქვეყნების მოსახლეთა „მთიულებად“ (// მთიელებად) მცდარი სახელდების პრაქტიკა. თქმულის საილუსტრაციოდ კი გამოდგება თუნდაც იმავე ერწოს სისტემატური შეყვანა მთის ქვეყნების სიაში, ხოლო თიანელებთან დაწყვილებულ ერწოელთა გამოცხადება მთიელებად („... მოუნოდა მეფემან... ყოველთა მთეულთა: დვალთა, ცხრაზმელთა, მოქევეთა, წადელთა, ცხავატელთა, ჭართალთა, ერწოთიანელთა...“³⁵), ან კიდევ ზედაზენსა და დარიალს შორის მცხოვრებ ბარელთა და მთიელთა გაერთიანება შემკრებლობით სახელწოდება — „არაგვის მთიელების“ ქვეშ („... მაშინ მთიულნი არაგვსა ზედაზნით დარიალამდისნი ყოველნი ერთად შეკრებით იყუნეს...“³⁶), რომ აღარაფერი ვთქვათ ქართლის მთელი სამეფოს „მთეულეთად“ (// მთიანეთად) სახელდებაზე („... არს აღმოსავლეთით ქალაქი სახელით მცხეთა, ქუეყანა ქართლისა და სომხითისა — მთეულეთი სანარმართ“³⁷), აგრეთვე სახელწოდება „მთიულეთით“ (// მთიანეთი) ქართლის, ერწოს, მუხრანის, ხერკის და ბაზალეთის ქვეყნების აღნიშვნაზე (მონღლო-თათრებმა „... მომართეს შესვლად მთიულეთს; მოაოწრეს სომხითი, ქართლი, თრიალეთი, ერწო და დადგეს მუხრანს, ხერკს, ბაზალეთს, ერწოს და თიანეთს...“³⁸). ამდენად, ხაზგასმული ხარვეზების გათვალისწინება გვაძლევს უფლებას ვიფიქროთ, რომ სწორედ ანალოგიური ხასიათის უზუსტობას უნდა ეჩინა თავი წილქანელთა შესახებ წყაროებში ასახულ ცნობებშიც, რის კვალობაზე მათი დაწინაურება წიადაგ არ კმარა ბარის ზოლში წილკნის ლოკალიზაციის საჭიროებაზე გამოთქმული ჩვენი მოსაზრების გასაბათილებლად.

³⁵ ისტორიანი და აზმანი შარავნდედთანი, „ქართლის ცხოვრება“, ტ. II, ს. ყაუხჩიშვილის რედ., თბ., 1959, გვ. 111.

³⁶ ძეგლი ერისთავთა, „ქართული სამართლის ძეგლები“, ტ. II, ი. დოლიძის გამოცემა, თბ., 1965, გვ. 117.

³⁷ ლეონტიმროველი, ნინოს მიერ ქართლის მოქცევა, „ქართლის ცხოვრება“, I, ს. ყაუხჩიშვილის რედ., თბ., 1955, გვ. 79.

³⁸ ჟამთააღმნერელი, „ქართლის ცხოვრება“, II, გვ. 303.

რასაკვირველია, ჩვენ შორს ვართ იმ აზრისაგან, რომ ბარელი წილების მიწვევას წობენს და არა იმავე მცხეთას სრულფასოვანი ლოგიური ახსნა მოეძებნება, მაგრამ განა რამდენადმე მაინც ემორჩილება ლოგიკას წილკანის უყოფმანოდ ლოკალიზაცია არაგვის ხეობის სათავეებში, რასაც გვათავაზობს ჯ. გვასალია, მაშინ როდესაც წერილობითი წყაროების მკაფიო ჩვენებით ჯერ კიდევ IV ს-ში (ე.ი. იმ დროს როდესაც წილკანელთა „მოქცევას“ ჰქონდა ადგილი) წილკანდ სახელდებული პუნქტის მდებარეობა სწორედ ისტორიული მუხრანის ქვეყნის მინა-წყალზე არავითარ ეჭვს არ ინვევს? აკი ლეონტი მროველისავე ცნობით IV ს-ში ქართლის მეცე ბაქარმა „აღაშენა ეკლესია წილკანისა“³⁹, ხოლო V ს-ის II ნახევრიდან უკვე დავას არ ინვევს წილკანის საეპისკოპოსოს არსებობის ფაქტი. იქნებ პატივცემულ მკვლევარს მოეძებნება მეტ-ნაკლებად დამაჯერებელი პასუხი კითხვაზე, თუ მაინც რა მიზეზით ვერ ჰპოვა წყაროებში ასახვა თუნდაც ზერელე მინიშნებამ „მთისა“ და „ბარის“ წილკანების ურთიერთგამიჯვნის საჭიროებაზე, თუ მათ ერთდროულად არსებობას IV ს-ში მართლაც სარწმუნოდ მივიჩნევდით.

ამასთან, ზემოთ მოტანილ ამონანერთან დაკავშირებით ჩვენ ოპონენტს ისიც უნდა შევასხენოთ, რომ მთიელთა გვერდით წილკნელების დასახელება არავითარ შემთხვევაში არ ნიშნავს იმას, რომ ისინი მაინცდამანიც მთიელთა (ფხოლეთა, გუდამაყრელთა, ჭართლელთა) მეზობლად ცხოვრობდნენ. მაგრამ თუ ასეთი შეზობლობა შაინც დასაშვებია, მაშინ ხომ გაუგებარია ჯ. გვასალიას უარყოფითი დამოკიდებულება ჭართლელთა სამხრეთ მეზობლებად და ამდენად, ისტორიული ბაზალეტის თემის მოსახლეებად წილკნელების წარმოდგენის შესაძლებლობისადმი, მით უფრო, რომ ისტორიულ-ეთნოგრაფიული ტრადიციით საერთოდ არაა ცნობილი ალნიშნული მხარის მცხოვრებთა „ბაზალეტელი“-ს სახით. სამაგიეროდ წერილობით წყაროებში ვხვდებით ცნობებს „გრემისსხველების“ და „ქაისსხველების“ შესახებ, რომ-ლებშიც სწორედ ისტორიული ბაზალეტის თემის ცალკეულ რაიონებში (გრემისსხვი, ქაისსხვი) მცხოვრებ მთისნიშნელთა აღმნიშვნელი აღნერილობითი სახელწოდებები ამოიცნობა. ამდენად, არაა გამორიცხული, რომ „წილკანელი“ თავის დროზე ბაზალეტის ტერიტორიაზე დისლოცირებული იმ თემის მკვიდრთა აღმნიშვნელ სახელწოდებადაც იმსახურებდეს წარმოდგენას, რომელთა ერთი ნაწილის ჩამოსახლებამ მუხრანში განაპირობა კიდეც აქ წილკანდ წოდებული დასახლებული პუნქტის გაჩენა. აკი, თვით ჯ. გვასალიას ვარაუდით წილკანის გაჩენა სამუხრანოს ტერიტორიაზე არაგვის ხეობის სათავეებში მცხოვრები

³⁹ ლეონტი მროველი, ნინოს მიერ ქართლის მოქცევა, „ქართლის ცხოვრება“, I, გვ.131.

„მთიელი“ ნილკნელების ბარში ჩამოსახლების შედევი უნდა ყოფილ-იყო. თუკი ეს დაუსაბუთებელი თეზისი რამდენადმე სარწმუნოა, მა-შინ რაღა უშლის ხელს იმ ვერსიის დაწინაურებას, რომ ნილკნელებს შორეულ ნარსულში შესაძლოა არა ხადის ტერიტორიაზე, არამედ ბა-ზალეთის მინა-წყალზე ეცხოვრათ და შემდეგში ჩამოსახლებულიყვნენ მუხრანში? განა უფრო ლოგიკური არაა ნილკანელთა ნარმოდგენა სწორედ ისტორიული ბაზალეთის თემის მოსახლეებად, ვიდრე არაგვის სათავეებში მცხოვრებ მთიელებად? სხვას რომ თავი დაცანებოთ, ამგ-ვარი ლოკალიზაციით ხომ შედარებით გაადვილდებოდა კიდეც წობენს მათი დაბარების ფაქტის ახსნა.

ასევე არადამაჯერებლად უდერს ჯ. გვასალიას ის განაცხადი, თითქოს ჩვენ ყოველგვარი დასაბუთების გარეშე, „სრულიად ნების-მიერ“ მოვახდინეთ ნილკნის კარის ლოკალიზაცია არაგვის ხეობაში, კერძოდ უინვალ-ანანურის რაიონში. ესოდენ კატეგორიული მტკიცე-ბის საპირისპიროდ უკრიანია განიმარტოს, რომ ნაშრომში სულაც არ გვქონია VII ს-ის სომხურ გეოგრაფიაში ხსენებული „ნილკნის კარის“ მდებარეობის მაქსიმალური სიზუსტით ჩვენების პრეტენზია, თუმ-ცა არსებული მონაცემების გაანალიზების საფუძველზე შედარებით უფრო ლოგიკურად მივიჩნიეთ ნილკნის კარის (// ნილკნის საეპისკო-პოსოს ცენტრისაკენ მიმავალი კომუნიკაციის ჩამეტიპუნქტის) ლოკა-ლიზაცია სწორედ არაგვის ხეობაში (სახელდობრ უინვალ-ანანურის რაიონში). ვითარების ასეთნაირი შეფასებისას ვითვალისწინებდით ნანართა დაქვემდებარებაში მყოფი ტერიტორიის მოცულობას და იმ საგულისხმო ფაქტსაც, რომ „ნილკნის კარი“ ერთ-ერთ მნიშვნელოვან გასასვლელს (და არა გადასასვლელს) ნარმოადგენდა, რაც თავისთა-ვად სერიოზულად უნდა გვაეჭვებდეს ჯვართა ყელთან მისი შეფარდე-ბის მიზანშეწონილობაში. ამდენად, „სრულიად ნებისმიერი“ ლოკა-ლიზაციის შთაბეჭდილებას უფრო მეტად უნდა სტოკებდეს სწორედ ჯვართა ყელთან ნილკნის კარის იდენტიფიკაციისა და „წინკართან“ „წილკანის“ გაიგივების ცდა. ხოლო, რაც შეეხება, ჯ. გვასალიას ნააზ-რევში კიდევ ერთხელ ასახულ იმ მტკიცებას, თითქოს სს. იუხოსა და მღეთის მკვიდრთა ცნობით „ხადას ძველად ნილკანი ერქვა“, მისდამი ჩვენი დამოკიდებულების საბოლოოდ გამოკვეთს ამჯერად უკვე ერთ-ერთი მთიული ინფორმატორის სიტყვებით ვარჩევდით: „...მამა-პაპით-გან ასე ვიცი, რო ხადას ერქვა ხადა. ნინავ ესე ერქვა და ახლაც. ხალხ-ისგან არ გამიგონია რო ხადას ნილკანი რქმევიყო. მხოლოდ ერთი კაცი ამოსულიყო თბილისიდან და უთქომ, რომ აქაობას ნილკანი რქმევიაო. არ ვიცი საით მოიტანა. ბარში კი გამიგონია ნილკანი, მცხეთისკე“ (ალექსი კურდელასძე ზაქაიძე, დაბად. 1911 წ. ს. წერე, 12/IX-1985).

ჯ. გვასალია კვლავ დაუინებით იცავს იმ აზრს, რომ „სახელწოდე-

ბა „ხადა“ მთიულების განსაზღვრით ნიშნავს მთას, მთიან ადგილს“ და იქვე იმოწმებს სპეციალურ ლიტერატურაში გამოთქმულ მოსაზრებას აღმოსავლეთ საქართველოს მთიანეთში ფიქსირებული ზოგიერთი სახელწოდების (ჯადო, ჯადუ, ჯადა) წარმოებაში სიტყვა ღადოს („მთიანი ადგილი“, „ქვიანი“, „ნაპრალებიანი“, „ღრუებიანი“) შესაძლო მონაწილეობის თაობაზე (გვ. 99).

ჩვენ არაფერი გვაქვს საწინააღმდეგო სახელწოდება „ჯადას“ წარმოავლობის შესახებ გამოთქმული იმ მოსაზრებისა, რასაც სავსებით სამართლიანად უჭერს მხარს ჯ. გვასალიაც. ტერმინ „ჯადას“ წარმოებაში სიტყვა „ღადოს“ მიერ ნათამაშვე როლზე გაკეთებული ზოგადი მინიშნება უთუოდ არაა მოკლებული დამაჯერებლობას, რაც ნამდვილად იძლევა იმ ვარაუდისადმი ჯეროვანი ნდობით განწყობის საფუძველს, რომ სახელწოდება „ჯადა“ შესაძლოა მართლაც ნიშნავდეს „მთას“, „მთიან ალაგს“. მაგრამ სრულიად დაუშვებლად მიგვაჩინია ის, რომ აღნიშნული ეტიმოლოგიზაცია ფაქტიურად საკუთრივ მთიულებს მიეწერება. საქმე ისაა, რომ მთიულებს საერთოდ არ გააჩინიათ წარმოდგენა სახელწოდება „ჯადას“ ეტიმოლოგიაზე, თუ მხედველობაში არ მივიღებთ მათ შორის გავრცელებულ ზოგიერთ არასოლიდურ თვალსაზრისს ჩვენთვის საინტერესო ტერმინის გაჩენაზე. სამაგიროდ, მთიულებისაგან სისტემატურად გვიხდება შემდეგი განმარტების მოსმენა: „ხადა მთაა, თავი მთიულეთია, ცხავატი კი ბარია“, რაც იმას ნიშნავს, რომ ხადად წოდებული მხარე შედარებით უფრო მაღალ მთიანი, ცივი და მოუსავლიანი ალაგია, ვიდრე ცხავატად წოდებული მხარე. მაშასადამე, მთიულთაგან მიღებულ ასეთ განმარტებას საკუთრივ სახელწოდება „ჯადა“-ს ეტიმოლოგიის ახსნის ცდასთან არაფერი აქვს საერთო. მასში თვალსაზინოდაა არეკლილი ერთი განსაზღვრული ისტორიულ-ეთნოგრაფიული მხარის — მთიულეთის ორი უმთავრესი ნანილის ურთიერთშეპირისპერება გეოგრაფიული და ბოტანიკურაგრონომიული ნიმნის მიხედვით, რაც თითოეული კუთხის ფარგლებში ადგილობრივი „მთის“ და „ბარის“ გამოყოფის ძირძველი ტრეადიციის ჩარჩოებში თავსდება. არაა გამორიცხული, რომ ჯ. გვასალია შეცდომაში შეიყვანა სწორები მთიულთა აღნიშნული მტკიცების ცალმხრივმა გაგებამ, რაც საბოლოო ანგარიშით დაედო კიდეც საფუძვლად იმ განაცხადს, თითქოს „სახელწოდება „ხადა“ მთიულების განსაზღვრით ნიშნავს მთას, მთიან ადგილს“. ამდენად, ყოველივე წინთქმულის გათვალისწინებით, შენიშნული ხარვეზის აღმოფხვრის საჭიროებაზე ლაპარაკი აღარ უნდა გვჭირდებოდეს.

ჩვენს განკარგულებაში არსებული მონაცემების უმართებულო შეფასებით აიხსნება ჯ. გვასალიას მიერ გამოთქმული შემდეგი შენიშვნაც: „მონოგრაფიის 29-ე გვერდზე ვ. ითონიშვილი აცხადებს, რომ

ხანდო და გუდამაყარი იოანე ბაგრატიონის ვაკეში შეყავსო. ეს ტექსტის არასწორი წაკითხვაა. იოანე ბაგრატიონი სწორებ ხანდოთი იწყებს არაგვის მთის აღნერას. აი, იოანე ბაგრატიონის ტექსტი:

ქ. ხანდო მცირე ხეობა არის. ამას აქუს სოფელი, შენი.

ქ. გუდამაყარიც ხეობა არის. ამას აქუს სოფელი რვა, შენი.

ქ. ისევ არაგვისა მთას კერძო სოფელი:

ამას მოსდევს მთიულეთის სოფლები ქისტაურიდან კაიშაურამდე, ე.ი. მთის სოფლები. ის გარემოება, რომ აღნიშნულ სოფლებს აქვს სა-თაური „ისევ არაგვისა მთას კერძო სოფელი“, მიუთითებს იმაზე, რომ ამ სათაურის წინ მოთავსებული ხანდო და გუდამაყარი მთის რეგიონია და მათ შემდეგ ჩამოთვლილი მთიულეთის სოფლებიც ასევე („ისევ“) არაგვისა მთის კერძო სოფლებია“ (გვ. 95).

რამდენადაც, კონკრეტულ შემთხვევაში ჯ. გვასალია მოულოდ-ნელად მოგვანერს იოანე ბაგრატიონის აღნერის ცნობების არასწორ წაკითხვას, მიზანშეწონილად ვთვლით „სადავო“ ტექსტის უფრო ვრ-ცლად დამონმებას სათანადო კომენტარის თანხლებით. აი, იოანე ბაგრატიონის ტექსტი:

„ამასვე შეუდგების არაგვის საერისთოს სოფლები ვაკისა, რომელ-ნიც თვის ეყოდა მეფის ძეს ვახტანგს:

ქ. ბაზალეთს, რომელნიც მიენერება:

ნაოტა... არჩევთი,... ნავაზა,... ბოდორნა... ბაზალეთი... კობიანთ-კარი,... დუშეთი... საფერშეთი... ვეძისხევი... აფხავი... ანანური... უინ-ვალი... ციხისძირი,... ჭართალი,... პავლიაური..., მთიულთკარი...⁴⁰ ქ. ხანდო მცირე ხეობა არის. ამას აქვს სოფელი ცხრა, შენი.⁴¹ ქ. გუდამა-ყარიც ხეობა არის. ამას აქუს სოფელი რვა, შენი. ქ. ისევ არაგვისა მთას კერძო სოფელი: ქ. მთიულეთი: ქისტური... ფევჩური... კაიშაუ-რთკარი... ქ. წევი არაგვისა ისევ: კობი..., ალმასიანი... ქ. თრუსოს ხეობა 8 სოფელი... კანბა... გორის სოფელი...⁴²

როგორც დამონმებული ამონანერიდან ვგებულობთ, იოანე ბაგრა-ტიონი არაგვის საერისთავოს⁴³ სოფლების აღნერითაა დაინტერესე-ბული. ხსენებული პოლიტიკურ-ადმინისტრაციული ერთეულის აღ-სანიშნავად ერთ შემთხვევაში გამოყენებულია სახელწოდება არაგვის საერისთო, ხოლო მეორე შემთხვევაში უბრალოდ არაგვი. პირველ რიგში ავტორი არაგვის საერისთავოს ვაკის სოფლებს ჩამოთვლის და

⁴⁰ სოფლების სიას შემოკლებით ვთავაზობთ მეითხველს.

⁴¹ ამ სიტყვის შემდეგ ტექტი გადახაზულია: „ისევ არაგვს მიენერება“.

⁴² იოანე ბაგრატიონი“, ქართლ-კახეთის აღნერა, თ. ენუქიძის და გ. ბედოშვილის გამოც., თბ., 1986, გვ. 34-36

⁴³ ტექსტში ფიგურირებს „არაგვის საერისთო“, თუმცა ამ სახელწოდების ქვეშ არაგვის საუფლისწულო ამოიცხობა.

გარევევით აჯგუფებს მათ ცალკეული მხარეების (ბაზალეთი, ხანდო, გუდამაყარი) მიხედვით, შემდეგ კი „ისევ არაგვისა მთას კერძო“ სოფლების, ანუ ასევე (// „ეგრეთვე“⁴⁴) არაგვის საერისთავოს მთის სოფლების აღწერაზე გადადის, რომელნიც დაჯგუფებულია ჯერ მთიულეთის, ხოლო მერმე „ისევ არაგვის“ (ე.ი. ასევე არაგვის საერისთავოს) შემადგენელი კუთხის — ხევის შესაბამისად. ამდენად, „ისევ არაგვისა მთას კერძო სოფელნი“ უნდა გავიგოთ არა როგორც „არაგვის საერისთავოს მთისავე სოფლები“ (რასაც გვთავაზობს ჯ. გვასალია და რაც მას საშუალებას მისცემდა აღნიშნული განმარტების წინ დასახელებული ხანდო და გუდამაყარი „მთას კერძო“ (მთიან მხარეში შემავალ) მხარეებად ეგულისხმა) არამედ როგორც „არაგვისავე საერისთავოს მთის სოფლები“ (ან „იმავე არაგვის საერისთავოს მთის სოფლები“), რის კვალიობაზე ძნელი მისახვედრი არაა ის, რომ არაგვის საერისთავოს მთის სოფლებად ი. ბაგრატიონის „აღწერაში“ იგულისხმება სწორედ მთიულეთის და ხევის (აგრეთვე თრუსოს) დასახლებული პუნქტები. მართალია, ი. ბაგრატიონი აქ სერიოზულ შეცდომას უშვებს, როცა ხანდოს, გუდამაყარს და ჭართალს არაგვის საერისთავოს „ვაკის“ ზოლში ათავსებს, მაგრამ განა უფრო თვალშისაცემ შეცდომას არ წარმოადგენს თუნდაც ნაკლული, წინააღმდეგობებით აღსავსე ორიგინალური ტექსტის არაზუსტი წაკითხვა და მით უფრო, მისი თვითნებური კორექტირება, რაც ეტყობა მიზანშენონილად მიაჩინა ჯ. გვასალიას?

სინამდვილეს არ შეესაბამება ჩვენი ოპონენტის შემდეგი მტკიცებაც: „ვ. ითონიშვილი წერს: „რაც შეეხება მთისა და ბარის მიჯნას არაგვის ხეობაში, ისტორიული წყაროებით ასეთად ცნობილია ანანური“. ავტორის ამ განმარტებასთან წინააღმდეგობაშია ორიოდე გვერდის წინ მთხოვნელისაგან მოხმობილი ცნობა: „ჭართალი და ხანდობარია“ (გვ. 94).

ეს უსაფუძვლო შენიშვნა გვაიძულებს განვმარტოთ, რომ არაგვის ხეობაში „მთისა“ და „ბარის“ მიჯნად ისტორიულ-ეთნოგრაფიული ტრადიციის მიხედვით მართლაც ანანური ნარმოვგვიდგება. თქმულის საილუსტრაციო მონაცემები ვრცლად გვაქვს გამომზეურებული წიგნის მეორე თავში. რაც შეეხება ნაშრომის 21-ე გვერდს, აქ გარკვევით ვწერდით, რომ მთიელ მთხოვნელთა ცნობით: „ჭართალი და ხანდო ბარია. ნამდვილი მთა ფასანაურის ზეითობაა. აქაური ხალხია ზეითლები, ჭართალს და ხანდოელებს ქვეითლებს გვეძახან. ჩვენ ვართ ქოით ხალხი“.

როგორც მთხოვნელთა ამ განაცხადზე დაკვირვება ცხადყოფს, მასში რელიეფურადაა არეკლილი „მთა-ბარიბის“ საკითხისადმი დიფერენცირებული მიდგომის ტენდენცია, რომლის ძალით თითქმის ყველა კუთხის თუ რეგიონის (მათ შორის მთის ქვეყნების, ცალკეული ხეობე-

⁴⁴ ისევ — ეგრეთვე (საბა).

ბის) ფარგლებში ტრადიციულად გამოყოფდნენ „მუნებურ“ „მთას“ და „ბარს“. აკი მთიელი ინფორმატორები, რომელთა შორის მტკიცედ გაბატონებული შეხედულებით ანანურის (სხვა ვერსიით ჟინვალის, ან დგნალის) „ზეითობას“ სწორედ „მთას“, „მთიანეთს“ ნარმოადგენს, იმავდროულად მთიულეთს ნამდვილ მთად თვლიან მის სამხრეთით მდებარე ჭართალთან და ხანდოსთან შეპირისპირებაში, მაშინ როდესაც საკუთრივ მთიულებში გავრცელებული აზრით მათი სმოსახლო კუთხის ერთი ნანილი (ცხავატი) „ბარია“ ხადასთან (ე.ი. მთიულეთის უფრო მაღლივ თემთან) შედარებით. სხვათა შორის, იმავე ხევსურეთში სოფ. ბარისახო მიმდებარე ტერიტორიითურთ ხომ „ბარ ალაგადა“ მიჩნეული თუნდაც ბაცალიგოსთან, გუდანთან, ხახმატთან ან უკენხადუსთან შედარებით. ამდენად, ჩვენი წიგნის ორი სხვადასხვა მონაკვეთიდან ამოღებული განმარტებების შეპირისპირება ნადვილად არ იძლევა მათ შორის რაიმე წინააღმდეგობის დანახვის საფუძველს.

ასევე მეტი სიფრთხილე იყო საჭირო, როდესაც ითქვა: „...ჭართალი არც ბარია და არც მთა, არამედ არის ზეგანი ანუ მთისწინეთი. მაგრამ ვ. ითონიშვილი მთისწინეთის არსებობას საერთოდ არ სცნობს. იგი ქვეყანას ვერტიკალური ზონალობის მიხედვით ჰყოფს მხოლოდ მთად და ბარად. აქ ავტორმა თავისი მოსაზრების სასარგებლოდ შეიძლება დაიმონმოს ისეთი ავტორიტეტები, როგორიც არიან ვახუშტი და ი. ჯავახიშვილი. მაგრამ XX საუკუნის 40-იან წლებში ჩვენი ქვეყნის ზონალურ დაყოფაში დასაბუთებულად გამოიყო არა ორი (ბარი, მთა) არამედ სამი ერთეული — ბარი, მთისწინეთი, მთა (ნ. ბერძნიშვილი, გ. ჩიტაია, დ. მუსხელიშვილი, ვალ. ითონიშვილი)“. თავი რომ დავანებოთ გეოგრაფიულ მეცნიერებაში მიღებულ ლანდშაფტურ დაყოფას, ქვეყნის მთად და ბარად დაყოფას საფუძვლად უდევს აგრობოტანიკური პრინციპი, კერძოდ, ვაზის გავრცელების ზონები... ვ. ითონიშვილი არაგვის მთისა და ბარის გამყოფ პუნქტად ანანურს თვლის. მთისა და ბარის გამმიჯნავი ასეთი პუნქტები არ იცის გეოგრაფიულმა მეცნიერებამ. საქართველოში არსად ბარი უცბად არ გადადის მთაში. მთასა და ბარს შორის არის გარდამავალი მხარეები. ამ შემთხვევაში ჭართალი სწორედ რომ გამმიჯნავია, გარდამავალი ზოლია მთიდან ბარში გეოგრაფიულად, ბოტანიკურად, მეურნეობრივი თვალსაზრისით, ასეთი გარდამავალი ზოლის უგულებელყოფა გაუგებრობაა. ამდენად, არასამართლიანია ავტორის კრიტიკა მ. ბერძნიშვილის მისამართით, რომლის აზრითაც ჭართალს ქვევით ბარია და ჭართალს ზევით მთა. ეთნოგრაფიული დაკვირვებითაც ასეა, ჭართალი არის გამყოფი მთისწინეთი მთისა და ბარის რეგიონებისა“ (გვ. 95).

რა შეიძლება ითქვას მოტანილი ამონანერის შესახებ?

უწინარეს ყოვლისა, რეცენზენტის საყურადღებოდ აუცილებე-

ლია განიმარტოს, რომ საქართველოში უძველესი დროიდან იქნა შემუშავებული ავტოქთონური მოსახლეობის დისლოცირების არეალის ისტორიულ-ეთნოგრაფიული და ბოტანიკურ-აგრონომიული დარაიონების სპეციფიკური, მხოლოდ ადგილობრივ ბუნებრივ-ტერიტორიულ და სამეურნეო-ეკონომიკურ კომპლექსებთან შეძლებისამებრ თანამდებობის შეფარდებული ტრადიცია. ამ უკანასკნელის ძალით საქართველოს მინა-წყალი, რომელიც ოროგრაფიული თვალსაზრისით მაღალი, საშუალო და დაბალი მთების, ზეგნებისა და ვაკეების ერთობლიობას წარმოადგენს და უმეტესწილად მთაგორიანი ლანდშაფტით და საკამაოდ კონტრასტული ჰავით ხასიათდება, შორეული წარსულიდანვე გლობალური მასშტაბით დაექვემდებარა დაყოფას ორ ძირითად ზონად — მთად და ბარად. ისტორიულ-გეოგრაფიული და ბოტანიკურ-აგრონომიული დარაიონების ასეთი პრინციპის შესაბამისად იმთავითვე მყარ ნიადაგზე აღმოჩნდა საქართველოს სხვადასხვა მხარეების „მთის და ბარის“ (// ვაკის) აღაგებად“, („მთის და ბარის ქვეყნებად“) დაყოფის, ხოლო აქაურ მკვიდრთა მთიელებად („მთიულნი“ // „მთეულნი“ // „მთის კაცნი“, „ველისანი“) სახელდების ტრადიცია, რომელმაც თითქმის XX ს-მდე შემოინახა თავი.

ჩვენ სწორედ საუკუნეების მანძილზე ჯეროვნად აპრობირებული ამგვარი დიფერენციაციის სრული დომინირების ეტაპის ამსახველი მრავალრიცხვოვანი ისტორიულ-ეთნოგრაფიული მონაცემების დაწვრილებითი ანალიზის შექზე განვახორციელეთ არაგვის ხეობის ფარგლებში „მთისა“ და „ბარის“ ზონების გამიჯვნა, ხოლო მთის თემების სიაში ჭართლის შეყვანა, რაც ნიადაგ არ მომხდარა ვერტიკალური ზონალობის საკითხის ირგვლივ მოვალეობით (XIX-XX ს.). გამოთქმული შეხედულებების იგნორირების ხარჯზე. არადა, საქართველოს წარსულში გაბატონებული ისტორიულ-გეოგრაფიული და ბოტანიკურ-აგრონომიული დაყოფის იმ ტრადიციაზე მსჯელობისას, რომლისთვისაც თითქმის სრულიად უცხოა „მთის“ და „ბარის“ პარალელურად ე.წ. გარდამავალი ზონის გამოყოფის პრაქტიკა, განა თავისითავად არ გამოირიცხება ვერტიკალური ზონალობის მოდიფიცირებული სქემის საზიანოდ ე.წ. ზეგან-მთისწინეთის არარსებული ზონის განზრას უგულებელყოფის ცუთუნება? ამდენად, ჯ. გვასალიას ის კატეგორიული განაცხადი, თითქოს ჩვენ ვერტიკალური ზონალობის მიხედვით ქვეყანას თვითნებურად ვყოფდეთ მხოლოდ მთად და ბარად და ამით საერთოდ არ ვცნობდეთ მთისწინეთის არსებობას ანალოგიური ერთეულის დონეზე, მკითხველის დეზორიენტაციის მორიგი ცდის ტოლფასია⁴⁵.

⁴⁵ რედაქტორის შენიშვნა: ამ პოლემიკური წერილის შ. „მაცნეში“ შემოკლებით გამოქვეყნების შემდეგ ვახტანგ იოონიშვილმა დაწერა სპეციალური გამოკვლევა, რაც ავტორის გარდაცვალების შემდეგ ცალკე წიგნად გამოქვეყნდა და ამითი შუქი მოეფინა

რასაკვირველია, ჩვენ შორს ვართ იმ აზრისაგან, რომ საქართველოში „ბარი“ სადმე უტყად გადადის „მთაში“ და ისიც კარგად გვესმის, თუ რაოდენ პირობითი და მიახლოებითია ერთი განსაზღვრული პუნქტის გამოცხადება „მთისა“ და „ბარის“ ზონების მიჯნად, მაგრამ ესოდენ ანბანურ ჭეშმარიტებაზე ყურადღების აქცენტირება განა იძლევა იმ უტყად ფაქტის იგნორირების უფლებას, რომ ისტორიულ-ეთნოგრაფიული მონაცემების მიხედვით აღნიშნული პუნქტების გამოყოფას წარსულში რეალურად ჰქონდა ადგილი? — რა თქმა უნდა არა. ამიტომაც უპრიანია ჯ. გვასალიას შევახსენოთ, რომ მართალია გეოგრაფიული მეცნიერება არ იცნობს მთისა და ბარის ზონების გამოჯნავ ერთ ლოკალურ პუნქტს, მაგრამ სამაგიეროდ ასეთი პუნქტების არსებობაზე (ანანური, უინგალი ან დგნალი — არაგვის ხეობაში; კორინთა — ქსნის ხეობაში, ბიყარი — მეჯუდას ხეობაში, ვანათი — პატარა ლიახვის ხეობაში, სვერი — დიდი ლიახვის ხეობაში, ჭიდროთა — რაჭაში, რიონის ხეობაში და ა.შ.) საკმაოდ მკაფიო ჩვენებებს იძლევიან წერილობითი წყაროები და ეთნოგრაფიული მასალები, რისი გაუთვალისწინებლობაც ვერტიკალური ზონალობის საკითხის გაშუქებაში სრულიად დაუშვებელია. ამდენად, ჯ. გვასალიას საყურადღებოდ ხაზგასმით უნდა განიმარტოს, რომ იგივე ანანურს (უინგალს ან დგნალს) არაგვის ხეობის მთისა და ბარის გამმიჯნავ პუნქტად მაინც-დამაინც ჩვენ კი არ ვთვლით, არამედ ხსენებულ პუნქტს (და მასთან ერთად უინგალს და დგნალს) ასეთ „როლში“ წარსულში მიღებული ზონალური დაყოფის („მთა“, „ბარი“) ამსახველი წერილობითი წყაროები და საველე ეთნოგრაფიული მასალები წარმოაჩენენ, რომელთაც რეცენზენტი რატომდაც ანგარიშს არ უწევს. ეს კი მით უფრო გასაკვირვია, თუ მხედველობაში მივიღებთ იმ გარემოებას, რომ უწინარეს ყოვლისა, სწორედ ზონალურ დაყოფაზე წარსულში დაგროვილ ცოდნასა და „მთის“ და „ბარის“ რეგიონების პირობით მიჯნად ცალკეული პუნქტების (მაგ.: ანანურის, უინგალის ან დგნალის) მიჩნევის არქაულ პრაქტიკაზე დაკვირვებას უნდა ვუმაღლოდეთ ვერტიკალური ზონალობის საკითხში ახლებური ორიენტაციის (ე.წ., „მთა-ბარობის საშუალო“ ზონის — ზეგანის გამოყოფის) შესაძლებლობით სარგებლობას.

ასევე ისტორიულ-ეთნოგრაფიული მონაცემების სრული გაუთვალისწინებლობით აისხება ჯ. გვასალიას ის კატეგორიული განაცხადიც, თითქოს ჭართალი წარმოადგენს არა მთის ზონაში ლოკალიზებულ ტერიტორიულ ერთეულს, არამედ ზეგანს, მთის და ბარის გამყოფ მთისწინეთს.

ვითარების ასეთნაირი შეფასება გვაიძულებს კიდევ ერთხელ მი-

აღნიშნულ საკითხს (იხ. ვახტანგ იორნიშვილი, ვერტიკალური ზონალობის პანორამა და დემოგრაფიული პროცესები საქართველოში, თბ., 2003).

ვუთითოთ ოპონენტს, რომ IX-XIX სს-ის ნერილობით წყაროებსა და ლიტერატურაში ჭართალი სისტემატურად ფიგურირებს როგორც არაგვის ხეობის მთის რეგიონში ლოკალიზებული მხარე, ხოლო ჭართლელები არაერთგზის იხსენიებიან არაგველ მთიელთა („წადელნი“, „ცხავატელნი“ — მოგვიანებით „მთიულნი“; „გუდამაყრელნი“, „ხანდოელნი“) გვერდით. ამ უტყუარი ფაქტის ეჭველებულების საფუძველს მით უმეტეს არ იძლევა საკუთრივ ჭართლის თემის მკვიდრთა გამოკითხვა, რომელთაც მტკიცედ სწამთ, რომ მათი სამოსახლო კუთხე სწორედ „მთა ალაგია“.

ამასთან, თუ დამოწმებული მონაცემებით სარგებლობის ფონზე ორი ზონიდან („მთა“, „ზეგანი“) ერთ-ერთისადმი ჭართალის მიკუთვნების საკითხს განვიხილავთ ისეთი უმთავრესი მაჩვენებლების მიხედვით, როგორებიცაა ჰიცსომეტრული ნიშნულების მერყეობის საშუალო კოეფიციენტი⁴⁶, კონკრეტული ალაგის ლანდშაფტური და კლიმატური თავისებურებები, ადგილობრივი ფლორა და ფაუნა, ნიადაგის ნაყოფიერება — მოსავლიანობის ფაქტორი, სამეურნეო სავარგულების ხარისხი და მოცულობა, სოფლის მეურნეობის დარღობრივი სპეციალიზაცია, აგრეთვე განაშენიანების ხასიათი და მასშტაბები, მაშინ ხომ კიდევ უფრო მყარი ნიადაგი შეგვევქმნება იმ საბოლოო დასკვნისათვის, რომ ჭართალი სწორედ ტიპიურ მთის ქვეყანას წარმოადგენს და ჩვენთვის საინტერესო პარამეტრების მიხედვით ის თითქმის არაფრით განსხვავდება არაერთი სხვა „უვალი, უდალი და უპოვარი მთის ალაგისაგან“ (მაგ.: ხანდოსაგან, თიანეთისაგან, ნინა ფშავისაგან და სხვ.). სხვათაშორის, მიღებულ დასკვნას სავსებით უჭერს მხარს ჯ. გვასალიას შენიშვნაში გატარებული ის აზრიც, რომ „მთისწინეთში ხარობს და მნიშვნელება ყურძენი, მაგრამ მევენახეობა არაა მეურნეობის წამყვანი დარგი, ხოლო მთის მეურნეობა საერთოდ გამორიცხავს მევენახეობას“. მართლაც, თუ ამ კრიტერიუმით მივუდგებით ჭართლის თემის მთისა თუ მთისწინეთისადმი კუთვნილების საკითხს, ჩვენთვის საინტერესო კუთხე უსათუოდ მთის მხარედ დაიმსახურებს დახასიათებას, ვინაიდან ზღვის დონიდან 1440 მ მდებარე ზენუბის, 1400 მ მდებარე ვაშლობის, ჩიტაურების, ჭალისსოფლის და სხვა დასახლებუ-

⁴⁶ ჭართლის თემის სოფლების მდებარეობა ზღვის დინიდან: ზენუბანი (1440 მ), ვაშლობი (1400 მ), ჩიტაურები (1400 მ), ჭალისსოფლელი (1400 მ), საქერე (1300 მ), ჯულისი (1280 მ), მუგუდა (1210 მ), დგნალი (1100 მ), სონდა (1000 მ), დოლასქედი (1000 მ), ბუჩანი (960 მ). მართალია, სპეციალურ ლიტერატურაში გამოთქმულია მოსაზრება ჭართლის თემისადმი ს. პავლიაურის (950 მ) და ციხისძირის (820 მ) კუთვნილების შესახებ (ჯ. გვასალია, ვახტ. იონიშვილი), მაგრამ ეს შეცდულება კორექტურებას საჭიროებს. როგორც ისტორიულ-ეთნოგრაფიული მონაცემების ანალიზმა და განსაკუთრებით თავად ჭართლის მკვიდრთა ინფორმაციაზე დაკვირვებამ დაგვარწმუნა, ხსნებული სოფლები ჭართლის თემს არ ეკუთვნიდა, ჭართალი დგნალიდან იწყება.

ლი პუნქტების მეურნეობა ნიადაგ გამორიცხავდა მევენახეობის დარგის არსებობის შესაძლებლობას.

მაშასადამე, ყოველივე წინთქმულიდან გამომდინარე, ჭართლის გამოცხადება მთისწინეთად, მთისა და ბარის გამყოფ მთისწინა მხარედ, სრული გაუგებრობაა. ფაქტია, რომ თუ ჭართალს მთისწინეთად ვიგულისხმებთ, მაშინ ხომ, ანალოგიური ლოგიკის ძალით, მთელი სერიოზულობით შეიძლება დაისვას საკითხი მთისწინეთის ზონისადმი იმავე ხანდოს, თიანეთის და სხვა მთის მხარეების კუთვნილების შესახებ, რაც ახალი დაბნეულობის წყაროდ შეიძლება იქცეს. ამდენად, არაობიერქულია ოპონენტის შენიშვნა ერთ-ერთი სწავლულის მისამართით ჩვენი კრიტიკის არასამართლიანობის თაობაზე.

ასევე მოკლებულია საბუთიანობას ჯ. გვასალიას მიერ ჩვენი ნაშრომის იმ მონაკვეთის მისამართით გამოთქმული კრიტიკული შენიშვნა, სადაც წერილობითი წყაროების ცნობების შუქზე აღმოსავლეთ საქართველოს მთანეთი „ქართლისა და კახეთის მთიანეთად გვაქვს გამიჯნული. ასეთ რეგიონალურ დაყოფასთან დაკავშირებით იგი შენიშვნავს: „... ქართლისა და კახეთის მთიანეთი სხვადასხვა ისტორიულ ეპოქებში სხვადასხვანაირად იყო განანილებული. IX-XII საუკუნეებში კახეთის სამთავროს (resp. სამეფოს) გაძლიერებასთან დაკავშირებით, როდესაც შიდა ქართლის დიდი ნაწილი კახეთის შემადგენლობაში აღმოჩნდა, მთელი არაგვი და ქსანი (რა თქმა უნდა, მათ მთიანეთითურთ) კახეთად გაიაზრებოდა. ასევე კახეთად გაიაზრებოდა არაგვის მთა იმ პერიოდებში, როდესაც არაგვის ერისთავი თავის სიუზერენად კახეთის მეფეს აღიარებდა“. (გვ. 93).

დამონშტებული კვალიფიკაცია გვაიძულებს საგანგებოდ განვმარტოთ, რომ ძველი ქართული წერილობითი ტრადიციის თანახმად თავდაპირველი ქართლისა და კახეთ-კუხეთის, ვითარცა სამი სხვადასხვა ისტორიულ-გეოგრაფიული მხარის, მერმე კი შიდა ქართლისა და კახეთის საერისთავოების უძველესი საზღვარი მდ. არაგვზე გადიოდა, ხოლო ხსენებული ერთეულების ფარგლებში ფორმირებული მთის თემები „ქართლის მთიანეთის“ და „კახეთის მთიანეთის“ შესაბამისად ჩანან დაჯგუფებულნი. აღნიშნული მიჯნა და რეგიონალური დაყოფის ხაზგასმული ტრადიცია არ მოშლილა მას შემდეგ, რაც კახეთი ჯერ ერთ-ერთი სამთავროს, ბოლოს კი დამოუკიდებელი სამეფოს სახით დაუპირისპირდა ჯერ შიდა ქართლის საერისთავოს, ხოლო შემდეგ ქართლის სამეფოს.

მართალია, პოლიტიკურ ერთეულად ფორმირებულმა კახეთმა თავის დროზე შიდა ქართლის დიდი ნაწილი შეიერთა, მაგრამ გაძლიერებული კახეთის პოლიტიკური საზღვრის ამგვარ გაფართოვებას ქართლის მიწა-წყლის ხარჯზე (რაც დროებით მოვლენას წარმოადგენდა)

ნამდვილად არ გამოუწვევია უძველესი ისტორიულ-გეოგრაფიულ და ისტორიულ-ეთნოგრაფიულ, მოგვიანებით კი უკვე პოლიტიკურ დაყოფასთან შეფარდებული მიჯნის მოშლა და შიდა ქართლის განსაზღვრული ნაწილის შიდა ქართლადვე გააზრების ძირძველი ტრადიციის მაშინალური რღვევა. ამდენად, აღმოსავლეთ საქართველოს მთიანეთის გამიჯვნას ქართლის და კახეთის მთიანეთად და არაგვის საერისთავოს მთის თემების ნარმოდგენას სწორედ ქართლის მთიანეთის შემადგენელ მხარეებად, რაც შემაგრებულია მრავალრიცხოვანი წერილობითი წყაროების (მათ შორის ვახუშტისეული „აღწერის“) მკაფიოდ ჩვენებებით, ნიადაგ ვერ შეუშლის ხელს კახეთის პოლიტიკური საზღვრის ეპიზოდური გაფართოვების ერთობ ორდინალური ფაქტი, რომელსაც ჩვენმა ოპონენტმა რატომდაც აღნიშნული დაყოფის საპირისპირო საბუთის ღირებულება მიანიჭა.

ასევე მეტი დაფიქრება იყო საჭირო, როდესაც არაგვის ხეობის შემადგენელ ნაწილად ისტორიული ფხოვის (გვიანდელი ფშავ-ხევსურეთის) წარმოდგენის მიზანშეწონილობის თაობაზე გამოთქმული ჩვენი მოსაზრების საწინააღმდეგოდ მან განაცხადა: „განა აბსურდული არ არის ისტორიული ფხოვის არაგვის ხაობიდან გამორიცხვა? ფხოვის ანუ ფშავ-ხევსურეთის არაგვი (ვახუშტისეული „თეთრი არაგვი“) არაგვის ხეობის ისეთივე ორგანული ნაწილია, როგორც გუდამაყრისა და მთიულეთის არაგვები. ავტორს რომ ემუშავა ფშავ-ხევსურეთში და ამ თვალსაზრისით მთხოვნელებთან შეეკრიბა მასალები, დარწმუნდებოდა, რომ ფშავ-ხევსურეთიც არაგვის ხეობას ეკუთვნის, თავიანთ დედა მდინარეს ისინიც არაგვს უწოდებენ, თავს არაგველებად თვლიან და ქეყყანას საარაგვოს უწოდებენ. ვ. ითონიშვილს უნდა გამოეჩინა მეტი სიფხიზლე და მოქმედ ეთნოგრაფიული მასალა“ (გვ. 93-94).

ის საკითხი, თუ რამდენად მიზანშეწონილია არაგვის ხეობად სახელდებული ისტორიულ-გეოგრაფიული რეგიონის მოცულობის დადგენა მდ. არაგვის აუზთან ზუსტ შეფარდებაში, განხილული გვაქვს 1989 წელს გამოცემულ ნაშრომში⁴⁷, რის გამოც მის გარშემო მსჯელობის საჭიროება არც ჩანს. სამაგიეროდ, ჯ. გვასალიას საყურადღებოდ ამჯერად მოკლედ გვინდა შევნიშნოთ, რომ ჩვენ საკმაო ხანს ვიმუშავეთ ფშავ-ხევსურეთში და სრულებით არ განვიცდით ფშავ-ხევსურეთის მდინარის ასევე არაგვად, ხოლო ფშაველთა და ხევსურთა სამოსახლო მხარეების საარაგვოდ სახელდების ტრადიციის ამსახველი მასალების ნაკლებობას. მაგრამ ამ მონაცემებით სარგებლობაში ნამდვილად ვერ დაგვარწმუნა არაგვის ხეობაში ისტორიული ფხოვის შეყვანის საჭიროებაში, ვინაიდან ისტორიული ფხოვი (გვიანდელი ფშავ-ხევსურეთი) ასისა და არღუნის ხეობებსაც

⁴⁷ ვახტ. ითონიშვილი, არაგვი და არაგველები, ბ., 1989.

(პირიქით ხევსურეთი) მოიცავდა, რომელთა გააზრებას აარგვის ხეობის შემადგენელ ნაწილებად მართლაც აბსურდამდე მიყვავართ. ამდენად, ჯ. გვასალიას უნდა გამოეჩინა მეტი სიფხიზღვე და მოეხმო ისტორიულ-ეთნოგრაფიული მასალა.

ასევე მეტი სიფხიზღვე იყო საჭირო, როდესაც ჩვენი მისამართით ითქვა: „ავტორს მცდარად ესმის ისტორიკოს ჯუანშერის ცნობა „მთიულნი არაგუსა აღმოსავლითინი“, რომელიც უნდა გავიგოთ არა როგორც მდ. არაგვის აღმოსავლეთ ნაწილში მცხოვრები მთეულნი“ (გვ. 94).

ჯ. გვასალიას ამ შენიშვნას შემდეგი კითხვით გვინდა გავცეთ პასუხი: განა „მდ. არაგვის აღმოსავლეთით მცხოვრები მთიულები“ ტერიტორიული დისლოცირების თვალსაზრისით არ შეეფარდება „მდ. არაგვის აღმოსავლეთ ნაწილში მცხოვრებ მთეულებს“?

ჯ. გვასალია უკმაყოფილებას გამოხატავს იმის გამო, რომ ჩვენ კრიტიკის საგნად ვაქციედ მისი საენციკლოპედიო სტატია, სადაც არაგვის ხეობის შემადგენელ ნაწილად მიჩნეული ფხოვი შეცდომითა ნაგულისხმევი ნილკნის საეპისკოპოსოში შემავალ მხარედ. მისი მითითებით, ეს სერიოზული უზუსტობა რედაქციული შეკვეცის შედეგია, რაც უსათუოდ უნდა გაგვეთვალინებინა საენციკლოპედიო წერილის შეფასებისას (გვ. 94).

სამართლიანობა მოითხოვს ითქვას, რომ ჩვენ სრულებით არ მოგვეთხოვებოდა იმის გამოცნობაზე გარჯა, თუ რა სახის რედაქციული შეკვეცა (და ამდენად თვალშისაცემი აზრობრივი დამახინჯება) განიცადა ჯ. გვასალიას საენციკლოპედიო სტატიამ, რის კვალიბაზე მასში დაფიქსირებული ხარვეზის აღმოფხვრაზე მეცადინეობა სავსებით კანონზომიერია. სამაგიეროდ, პატივცემულ ოპონენტს არ უნდა გასჭირვებოდა იმის მიხვედრა, რომ ჩვენს ნაშრომში გაპარული ზოგიერთი ლაპსუსი (მაგ. „თიანეთის“ ნაცვლად „მთიანეთი“-ს, „წანარქ“-ის მაგივრად „წანართ“-ის დაბეჭდვა), რაზეც ავტორს არ ეუხერხულება კრიტიკული შენიშვნების გაკეთება (გვ. 93, 98), მხოლოდ სტამბურ უზუსტობას წარმოადგენს და აკი წიგნზე დართულ შეცდომების გასწორებაში ერთ-ერთი მათგანი კორექტირებულიცაა.

მაშასადამე, ყოველივე წინთქმულის შეჯამების საფუძველზე დაბეჯითებით შეიძლება ითქვას, რომ ჩვენი მისამართით გამოთქმული შენიშვნები ნამდვილად ვერაფერში წაადგება არაგვის ხეობის მთიანი რეგიონის თემების ისტორიულ-ეთნოგრაფიული და ისტორიულ-გეოგრაფიული კვლევის საქმეს. პირიქით, მათი გამომზეურება მხოლოდ სერიოზულ დაბნეულობას ქმნის კვლევა-ძიების აღნიშნულ უბანზე, რამაც გვაიძულა კიდეც პატივცემული ოპონენტის მოსაზრებების ესოდენ ვრცლად განხილვა წიგნში გამოყენებული ისტორიულ-ეთნოგრაფიული მონაცემების ხელმეორე ანალიზის შუქზე.

V. მთიულეთისა და გუდამაყრის ტოპონიმიკური ძიებაზი

(რეცენზია გ. ხორნაულის წიგნზე — მთები და სახელები:
მთიულეთ-გუდამაყრის ტოპონიმიკური მასალები და
ძიებანი, თბ., 1983⁴⁸⁾)

საქართველოს ცალკეული კუთხეების მეცნიერულ შესწავლას საკ-
მაოდ ხანგრძლივი და მდიდარი ტრადიცია გააჩნია. ვახუშტი ბაგრა-
ტიონის ფუძემდებლური ნაშრომის შექმნიდან დღემდე მეტ-ნაკლები
სისრულით შუქდებოდა ისტორიის, ყოფისა და კულტურის საკითხები,
მაგრამ ამ მიმართულებით მუშაობას საქართველოში განსაკუთრებ-
ული ყურადღება მიეკცა ბოლო წლებში, როდესაც თანამედროვე
სოციალურ-ეკონომიკური და ეროვნულ-კულტურული პოლიტიკის
განვითარებაში სახელმწიფოებრივი მნიშვნელობა მიენიჭა სოფლის
მოსახლეობის სტაბილიზაციის საკითხს. პირველ რიგში ეს ეხება
საქართველოს მთიანეთს, განსაკუთრებით კი აღმოსავლეთ საქართ-
ველოს მთიან კუთხეებს, რომელთა ერთ ნაწილში (მთიულეთი, გუდამა-
ყარი, ხევი, ქსნის ხეობა, თიანეთი) დგას მიგრაციის შეჩერების, ხოლო
მეორეში (თუშეთი, ხევსურეთი, ფშავი) — ამასთან ერთად, ცხოვრების
აღორძონების საკითხი. აღნიშნული კუთხეების კომპლექსური სამეც-
ნიერო შესწავლა დაგეგმილია საქართველოს სამეცნიერო დაწესებ-
ულებებში, საკონრდინაციო საბჭოებსა და კომისიებში.

მთიანეთის კომპლექსურ შესწავლაში მნიშვნელოვანი ადგილი
უჭირავს ტოპონიმიკურ ძიებას, რასაც მიეძღვნა გიგი ხორნაულის ნაშ-
რომი. მასში მოცემულია ავტორის მიერ არაგვის ხეობის მთის ზოლ-
ში აღნერილი 7000 ტოპონიმის შინაარსობრივი და ენათმეცნიერული
ანალიზი. ტოპონიმიკური მასალის აღნუსხვით, მისი კლასიფიკაციით,
ენათმეცნიერული ანალიზით და ვრცელი კომენტარებით ავტორმა
მნიშვნელოვანი წვლილი შეიტანა საქართველოს ტოპონიმიკური შეს-
წავლის სფეროში. აღნუსხული ტოპონიმები საყურადღებო წყაროა
როგორც ენათმეცნიერული, ისე ისტორიულ-ეთნოგრაფიული კვლე-
ვისათვის. ამ შემთხვევაში ჩვენი ყურადღება მიიქცია პირველ რიგში
მთიულეთისა და გუდამაყრის ლოკალიზაციის საკითხებმა, რაც წამო-
ჭრა ტოპონიმიკური მასალების ისტორიულ-ეთნოგრაფიული მონაცე-
მებით შეჯერების საფუძველზე. ამ მიზნით ავტორმა წიგნში სათანადო
ადგილი დაუთმო გეოგრაფიულ, ისტორიულ და ეთნოგრაფიულ მი-

⁴⁸ რეცენზია პირველად გამოქვეყნდა ჟ. „მაცნეში“ (ისტორიის სერია...), 1984, №3.

მოხილვას, რასთან დაკავშირებითაც ზოგიერთი საკითხი დაზუსტებას საჭიროებს.

ლოკალიზაციაში დაშვებული უზუსტობა გამოჩნდა წიგნის სახელ-ნოდებაშივე, როდესაც ავტორმა ტოპონიმიკური კულტურის არეს უწოდა მთიულეთ-გუდამაყარი. სინამდვილეში ავტორის შესწავლის საგანს ნარმოადგენს არა მარტო ხსენებული კუთხეების, არამედ მათ მეზო-ბლად მდებარე მთის თემების — ხანდოს და ჭართლის ტოპონიმებიც. ეს გარემოება იმით აიხსნება, რომ ავტორი ჭართლის და ხანდოს, ვი-თარცა არაგვის ხეობაში მდებარე მთის კუთხეების დამოუკიდებელ არსებობას ხელალებით უარყოფს და მათ მთიულეთის შემადგენელ ნაწილებად მიიჩნევს, ხოლო ჭართლელებს და ხანდოელებს მთი-ულებთან აიგივებს. გ. ხორნაულის აზრით: „მთიულეთი და გუდამა-ყარი საქართველოს მთის კუთხეებია, ორივე მდებარეობს კავკასიონის სამხრეთ კალთებზე: მთიულეთი — თეთრი არაგვის ხეობაში, ჯვრის უღელტეხილიდან ფასანაურამდე (ძირითადი ნაწილი) და ფასანაური-დან უინვალამდე; გუდამაყარი კი, მთიულეთის თითქმის განუყოფელი ნაწილი, — შავი არაგვის ხეობაში, ფასანაურიდან ბურსაჭირისა და დუმაცხოს მთებამდე“ (გვ. 7).

ავტორი ასეთ დასკვნამდე მიიყვანა ერთი მხრივ წერილობითი წყ-აროების და ეთნოგრაფიული მასალების არამართებულმა ანალიზმა, მეორე მხრივ კი ცნებების — „მთიულეთის“ და „მთიანეთის“, აგრეთვე, „მთიულის“ და „მთიელის“ ერთმანეთში არევის ფაქტორმა.

სწორედ არსებული მონაცემების გაუთვალისწინებლობის მიზეზით ვერ გაარკვია ავტორმა, თუ „ვინ იყვნენ ჭართალელნი, რითი განსხ-ვავდებოდნენ მთიულებისა და ჭართლელებისაგან“ (გვ. 9), ხოლო მთი-ულეთის სამხრეთ მიჯნად უინვალის გამოცხადებისათვის საკმარისად მიიჩნია მარტოოდენ იმ ფაქტის კონსტატირება, რომ „... ტერიტორია ჭართალს ქვემოთ უინვალამდე, და აგრეთვე ხორხის ხეობა, ძირითა-დად მთიულურია. მართალია, ამ ტერიტორიაზე ბევრია არამთიული მოსახლეობა, კილოც ქართლურით არის შეზავებული, მაგრამ უფრო მეტად მთიულურია, ვიდრე სხვა. ამიტომ, ამჟამად, ჩვენი აზრით, მთი-ულეთის სამხრეთ საზღვრად უინვალი უნდა მივიჩნიოთ“ (გვ. 9).

საკითხის ასე გადაწყვეტა გაუმართლებელია, ვინაიდან მთიულე-თის სამხრეთი მიჯნის დადგენა ვახუშტი ბაგრატიონის დამსახურებაა, და, ამდენად, აღნიშნული კუთხის სამხრეთი საზღვრის ვახუშტისეული ლოკალიზაცია, რაც ადგილზე შეკრებილი ეთნოგრაფიული მასალები-თაც პოულობს დასაბუთებას, არავითარ კორექტირებას არ საჭიროებს. ცხადია, ვახუშტის „აღნერაში“ დაცული ცნობების მეტი ყურადღებით გაცნობის შემთხვევაში გ. ხორნაულს არ უნდა გასჭირვებოდა იმის გარკვევა, რომ მთიულეთის სამხრეთი საზღვრარი არ სცილდება მთი-

ულეთის (თეთრი) და გუდამაყრის (შავი) არაგვების შესაყარ ადგილს დაბა ფასანაურთან და არ აღწევდა მთიულთ-კარამდე, რომელიც მკვლევარს, შეცდომით, მთიულეთის კარის (ე.ი. ამ კუთხის სამხრეთი მიჯნის) მნიშვნელობით აქვს გააზრებული. ვახუშტი ბაგრატიონი „მთიულეთის აღნერაში“ ხომ გარკვევით განმარტავს, რომ „გუდამაყრის — წევის შესართავს ზეით, დასავლეთ-ჩდილოს შუა, არს მთიულეთი“ (ვახუშტი ბაგრატიონი, აღნერა სამეფოისა საქართველოისა, „ქართლის ცხოვრება“, ტ. IV, თბ., 1973, გვ. 355). მთიულეთის სამხრეთი საზღვრის დადგენისათვის სწორედ ამ ცნობას უნდა მინიჭებოდა გადამწყვეტი უპირატესობა და არა არაგვის ხეობის სხვადასხვა კუთხებში (ხანდო, ჭართალი, ხესნებული ხეობის მონაკვეთი ანანურიდან უინვალამდე, ხორხი) მთიულთა ჩასახლების ფაქტს, რაც თავისითავად აღნიშნული კუთხის (ე.ი. მთიულეთის) ისტორიული საზღვრების ცვლილებაში არსებით როლს არასდროს არ ასრულებდა. საერთოდ, ამის მტკიცების საჭიროება არც ჩანს, ვინაიდან მთიულეთის ფარგლებს გარეთ მცხოვრები მთიული მთხოვნბლები, მართალია არ ივიწყებენ თავიანთ კუთხურ წარმომავლობას და დღესაც მთიულობენ, მაგრამ ამავე დროს ისინი თავიანთ წინაპართა კუთხის — მთიულეთის ისტორიულ ტერიტორიად უყოყმანოდ გვისახელებენ „ფასანაურის ზეითობას ჯვრის ყელამდე“. რაც შეეხება ზოგიერთი მთხოვნბლის იმ გამონათქვამს, რომ „ანანურს ზეით ჩვენ სულ მთიულებს გვეძახიანო“, ეს უკანასკნელი რელიეფურად ასახავს ცნებების — „მთიელის“ და „მთიულის“ თანაბარმნიშვნელოვანი ხმარების ბარში დამკვიდრებულ ტრადიციას, რომელსაც გ. ხორნაულმაც უერთგულა.

ჭართლელების ვინაობის საკითხთან დაკავშირებით კი ავტორის საყურადღებოდ უნდა აღინიშნოს, რომ ისინი ქართველ მთიელთა ერთ-ერთ ეთნოგრაფიულ ჯგუფს წარმოადგენდნენ (ისევე როგორც მთიულები, გუდამაყრელები, მოხევები და ხანდოელები), ხანდოს ხევსა და ანანურს შორის ლოკალიზებულ მთის კუთხეში — ჭართალში სახლობდნენ და ამით განსხვავებოდნენ მთიულებისა და მით უმეტეს, ქართლელებისაგან (იხ. ლეონტი მროველი, ცხოვრება ქართველთა მეფეთა, „ქართლის ცხოვრება“ (ქვემოთ ყველგან ქც), ტ. I, თბ., 1955, გვ. 28, 125; მატიანე ქართლისა, ქც, I, გვ. 256; ისტორიანი და აზმანი შარავანდედთანი, ქც, II, თბ., 1959, გვ. 111; სამწყსოს განახლების სიგელი ერეკლე II-ისა წილკნელ ქრისტეფორესადმი, 1746 წ., ქართული სამართლის ძეგლები (ქვემოთ ყველგან ქსდ), ტ. II, თბ., 1965, გვ. 396; კათალიკოზის სამწყსო სოფელი და ხელქვეშეთნი მღვდელმთავარნი ქართლსა და კახეთში (1788-1811 წწ.), ქსდ, III, თბ., 1970, გვ. 1114; Записка Н.С.Чиляева о горских народах по Военно-Грузинской дороге, 1827, АКАК, VII, 1878, г. Тифлис, с. 347 და ა.შ.).

სამნუხაროდ, გ. ხორნაულს ბუნდოვანი წარმოდგენა აქვს არა მარტო მთიულეთის სამხრეთი საზღვრის, არამედ აღნიშნული კუთხის ჩრდილოეთი და დასავლეთი მიჯნების შესახებ, რასაც თვლნათლივ მოწმობს ავტორის მტკიცება იმის თაობაზე, თითქოს „მთიულეთს ჩრდილოეთით და დასავლეთით ოსეთი ესაზღვრება“ (გვ. 31).

როგორც ჩანს, ავტორს მხედველობაში აქვს მთიულეთის ტერიტორიაზე (ღუდის ხევი, ჯვრის უღელტეხილის მიდამოები) და ქსნის ხეობის მაღალმთიან ნაწილში (ჟამურის ხეობა) ოსების დასახლება გვიანფეოდალურ ხანაში და ამის შედეგად მთიულებთან მათი დამეზობლება. მაგრამ საქართველოს ამა თუ იმ ხეობაში ოსების დასახლება და ამ გზით ქართულ მოსახლეობასთან მათი დამეზობლება სრულებითაც არ ნიშნავს იმას, რომ მთიულეთს ჩრდილოეთიდან და დასავლეთიდან ოსეთი ესაზღვრებოდა. განმარტებას არ უნდა საჭიროებდეს ის ფაქტი, რომ დასავლეთი მხრიდან მთიულეთს ესაზღვრება ქსნის ხეობა, კერძოდ ცხრაზმის ხევი, ხოლო ჩრდილოეთი მხრიდან ხევი — ყაზბეგის რაიონი.

ასევე მიუღებელია გ. ხორნაულის კატეგორიული განაცხადი იმის შესახებ, თითქოს „მთიულეთი კეტავდა ჩრდილოეთის კარს — დარიალს... თუ ვინიცობაა მთიულები გაუხსნიდნენ კარს სამხრეთ რუსეთის ველებზე მცხოვრებ ტომებს: სკვითებს, ალანებს (ოსებს), ხაზარებს და სხვ. ამ ნიაღვარივით ნამოსულ ლაშქარს შეიძლებოდა უცებ წაელექა საქართველოს ბარი“ (გვ. 7).

დამოწმებული სტრიქონებიდან ნათლად ჩანს, რომ მკვლევარი ხევის და მოხევების არსებობას კიდევ ერთხელ აყენებს ეჭვეჭვეშ, ხოლო დარიალის კარის მცველთა ფუნქციას ხელადებით აკუთვნებს ჯვრის უღელტეხილის გადმოღმა მცხოვრებ მთიულებს (ხადელ-ცხავატელებს), მაგრამ აქ ძნელი არ არის იმის დანახვა, რომ ავტორს ერთმანეთში არევია ცნებები — „მთიელი“ და „მთიული“ და ამ მიზეზით მოხევები მთიულებად წარმოუდგენია. საყურადღებოა, რომ აღნიშნული ცნებების თანაბარმნიშვნელოვანი ხმარების ტრადიციის წინააღმდეგ თავის დროზე ერიტიკული აზრი გამოიტვა აღ.ყაზბეგმა (იხ. აღ.ყაზბეგი, თხზულებანი, ტ. V, თბ., 1950, გვ. 224). მთიელთან მთიულის გაიგივებას „სავალალო მოვლენად“ თვლიდა ს.მაკალათიაც, რომლის აზრით „მრავალ ჩვენთაგანს მთიულეთზე მეტად ბუნდოვანი წარმოდგენა აქვს და ზოგიერთს მთიულები მთიელებისაგან დღემდე ვერ გაურჩევია“ (ს.მაკალათია, მთიულეთი, თბ., 1930, გვ. 3). მართალია, გ. ხორნაული სავსებით იზიარებს ს. მაკალათიას სამართლიან წუხილს იმის თაობაზე, რომ „ზოგიერთს მთიულები მთიელებისაგან დღემდე ვერ გაურჩევია“, მაგრამ იგი რატომლაც თვითონ ექცევა მთიულის და მთიელის შინაარსობრივი იდენტიფიკაციის ტრადიციის გავლენის

ქვეშ, როცა მოხევეებს მთიულებისაგან ვერ ანსხვავებს.

ვფიქრობ, ყველა ზემოაღნიშნული უზუსტყობის გამოვლენისა და კორექტირების შემდეგ კიდევ უფრო ცხადად ჩანს ის, თუ რაოდენ სერიოზულ შეცდომას ნარმოადგენს მთიულეთის საზღვრის გადაწევა ჟინვალამდე (ან დარიალამდე) და ხსენებული კუთხის მოცულობის ასეთი ხელოვნური გაზრდის საფუძველზე მისი თვითნებურად დაყოფა ძირითად და არაძირითად ნაწილად. ამის კვალობაზე დაუშვებელია ხანდოს და ჭართლის შეყვანა მთიულეთის შემადგენლობაში, ხოლო გუდამაყრის გამოცხადება მთიულეთის თითქმის განუყოფელ ნაწილად. ნერილობითი წყაროების, სპეციალური ისტორიულ-ეთნოგრაფიული ლიტერატურის და ადგილზე დაფიქსირებული ეთნოგრაფიული მასალების კომპლექსური ანალიზი თვალნათლივ ცხადყოფს, რომ გუდამაყრი ძველთაგანვე ნარმოადგენდა არაგვის ხეობაში დამოუკიდებლად არსებულ მთის კუთხეს, რომელიც ისტორიულად ჩამოყალიბებული სახევთაშორისო საზღვრით მტკიცედ იყო გამიჯნული მთიულეთისაგან; იგივე ითქმის ხანდოს ხევის შესახებ (იხ. არმანია გეოგრაფია VII ვეკი მ. რ. ხ. მ. ი. კ. პ. პატკანოვა, სანქ-პეტერბურგ, 1877, ს. 35-38; ლეონტი მროველი, ცხოვრება ქართველთა მეფეთა... ქც, I, გვ. 125; ბერი ეგნატაშვილი, ახალი ქართლის ცხოვრება, პირველი ტექსტი, ქც, II, გვ. 349; ახალი ქართლის ცხოვრება, მეორე ტექსტი, ქც, II, გვ. 444; ვახუშტი, ...აღნერა, ქც, IV, გვ. 354-355; მისმა სამხრეთი გრაფიკული განახლების სიგელი ერეკლე მეორისა ნილკნელ ქრისტეფორე-სადმი, 1746 წ.; ქსძ, 11, გვ. 396 და ა.შ.).

უთუოდ ხსენებული კუთხეების არამართებული ლოკალიზაციის მიზეზით დაასახელა ავტორმა ჟინვალი ფშავისა და მთიულეთის არაგვების შესაყარ ადგილად (იხ. გვ. 8). კონკრეტულ შემთხვევაშიც არ არის გათვალისწინებული ის გარემოება, რომ მთიულეთის არაგვი (ან თეთრი არაგვი) ამ სახელწოდებას მხოლოდ ისტორიული მთიულეთის ტერიტორიის ფარგლებში ატარებს, ხოლო გუდამაყრის არაგვის (ან შავი არაგვის) შეერთების შემდეგ იგი ჰკარგავს თავის კუთხურ სახელწოდებას და ფასანაურიდან ვიდრე მცხეთამდე (ე.ი. მდ. მტკვართან შეერთებამდე) მიედინება არაგვის სახელწოდებით.

დაახლოებით ანალოგიური ხასიათის შეცდომებს უშვებს ჟკვლევარი მთიულეთის და გუდამაყრის ცალკეული სოფლებისა და ხევების ადგილმდებარეობის განსაზღვრისას, რაც ისევ და ისევ ისტორიულ-ეთნოგრაფიული მონაცემების არასწორი ანალიზით აიხსნება. თქმულის საილუსტრაციოდ გამოდგება თუნდაც ავტორის მიერ მოცემული

ის განმარტება, რომ „ქადა-ხეობაა მთიულეთის ზემო ნაწილში, თეთრი არაგვის ერთ-ერთი სათავე“ (გვ. 192). ამასთან დაკავშირებით უნდა აღინიშნოს, რომ თეთრ არაგვს აქვს მხოლოდ ერთი (და არა რამდენიმე) სათავე, რომელიც ღუდის ხევში და არა ხადის ხეობაშია საძიებელი. წერილობითი წყაროების მონაცემების და ეთნოგრაფიული მასალების გაცნობა ადვილად გვარჩენებს იმაში, რომ თეთრი არაგვი ღუდის ხევის თავში მდებარე წეფისკალოს მთასთან იღებს სათავეს, ხოლო რაც შეეხება ხადის ხეობას (ჟამთააღმნერლისეულ ციკარეს, ვახუშტისეულ „60-კოშკიან“ ციკარას), მას ჩამოუდის ხადის წყალი, რომელიც ვახუშტის „აღწერაში“ ციკარას წყალის სახელწოდებით არის ცნობილი (იხ. ვახუშტი, აღწერა..., გვ. 355). ამდენად, ხადის წყალი („ციკარას წყალი“) თეთრი არაგვის ერთ-ერთი შენაკადია (იგი სოფ. ქვეშეთთან ერთვის თეთრ არაგვს) და არა მისი ერთ-ერთი სათავე, როგორც ეს სარეცენზიონი ნაშრომშია აღნიშნული.

კორექტიონებას საჭიროებს აგრეთვე სარეცენზიონი ნაშრომის მე-4 გვერდზე მოცემული ის განმარტება, რომ „სოფ. მუგუდა ჭართალთან არის, მაღლა მთაზე“. როგორც ჩანს, გ. ხორნაული სოფ. ჭალის-სოფელს ჭართლად თვლის იმ მარტივი მიზეზით, რომ სამხედრო გზის გაყოლებაზე მდებარე სოფ. ჭალისსოფელს საგზაო ნიშანზე არსებული წარწერა მგზავრებს სოფ. ჭართალის სახელწოდებით აცნობს. მაგრამ ადგილზე გამოკითხვით ძნელი არ არის იმის გარკვევა, რომ ჭართალი, როგორც დამოუკიდებლად არსებული სოფელი არ არსებობს, ისევე როგორც არ არსებობს სოფ. მთიულეთი, ან სოფ. გუდამაყარი. ჭართლად სახელდებულია არა ერთი რომელიმე დასახლებული პუნქტი, არამედ მთელი კუთხე, რომელიც ლოკალიზებულია ანანურსა და ხანდოს შორის. აღნიშნული ვითარებიდან გამომდინარე, სარეცენზიონი ნაშრომის ავტორს ჯეროვანი თვალსაჩინოებისათვის უნდა აღენიშნა, რომ მუგუდა წარმოადგენს ჭართალში (და არა ჭართალთან) მდებარე ერთ-ერთ სოფელს, რომელიც ემეზობლება სოფ. ჭალისსოფელს.

სარეცენზიონი ნაშრომში აშკარა წინააღმდეგობას აქვს ადგილი, როცა ერთ შემთხვევაში ხამუშა გამოცხადებულია დამოუკიდებლად არსებულ სოფლად (გვ. 4), ხოლო მეორე შემთხვევაში იგივე ხამუშა სოფ. მუგუდის ახლად წარმოქმნილ უბნად არის დასახლებული (გვ. 191). ჩვენთვის გაუგებარი მიზეზით, ავტორი ერთსა და იმავე დროს მაღლა მთაზე მდებარე სოფ. მუგუდის, როგორც ჯერ კიდევ მოსახლეობისაგან დაუცლელი სოფლის არსებობასაც აღიარებს და ამ უკანასკნელის სახელწოდების მიროტოპონიმად გააზრებასასც არ უხერხულობს, რაც თავისთავად, სოფ. მუგუდის (ძველი მუგუდის) რეალური არსებობის იგნორირებას ნიშნავს. ავტორი წინ უსწრებს მოვლენათა მსვლელობას, როცა გადამწყვეტ უპირატესობას ანიჭებს იმ ფაქტს,

რომ „მაკროტოპონიმი მუგუდა სადაც არის მიეროდ იქცევა“ (გვ. 191) და ამის კვალიობაზე იმ ნაადრევ დასკვნამდე მითის, რომ სახელწოდება „მუგუდა კი გორსლა შემორჩა და მიკროტოპონიმად იქცა“ (გვ. 4). ვფიქრობთ, მკვლევარს არ უნდა სჭირდებოდეს იმის შესხენება, რომ თუნდაც ერთი კოშლით დასახლებული სოფლის სახელწოდების მიკროტოპონიმად მიჩნევა დაუშვებელია, ვინაიდან ასეთ შემთხვევაში ჩვენ საქმე გვაქვს მკვიდრი მოსახლეობისაგან ბოლომდე დაუცლელი სოფლის ნასოფლარად გამოცხადების ცდასთან.

ჩვენ ვერ გავიზიარებთ სარეცენზიონ ნაშრომში გატარებულ იმ აზრსაც, თითქოს „მთიულეთ-გუდამაყრის ისტორიული წარსულის შესახებაც (ისევე, როგორც სხვა მთის კუთხეთა შესახებ) ძალზე ცოტა რამ არის ცნობილი. მაგრამ ადრინდელ წერილობით ძეგლებში, „ქართლის ცხოვრებაში“ ზოგიერთ სხვა კუთხესთან შედარებით მაინც მეტად იხსენიება მისი სტრატეგიული მდგომარეობის გამო...“ (გვ. 13).

დამონშებული სტრიქონების ავტორის საყურადღებოდ უნდა ითქვას, რომ მთიულეთის და გუდამაყრის ისტორიული წარსულის შესახებ საკმარისი რაოდენობით მოგვეპოვება ცნობები წერილობითი წყაროებში, რომელთა საფუძვლიანი ანალიზი გვაძლევს იმის ყველა შესაძლებლობას, რომ მთიულეთის და გუდამაყრის შესახებ არც თუ ცოტა რამ ვიცოდეთ. ამის კვალიობაზე ჩვენ ვერ დავვთანხმებით სარეცენზიონ ნაშრომის ავტორს იმაშიც, თითქოს „ერთადერთი ძეგლი, რომელიც შედარებით ვრცლად ასახავს მთიულთა ყოფას, არის 1325-1338 წლებში შედგენილი იურიდიულ-უფლებრივი კანონების შემცველი დოკუმენტი — „ქ. ძეგლის დადება მეფეთ მეფის გიორგის მიერ“ (გვ. 14).

ვითარების ასეთნაირი შეფასებისას გათვალისწინებული არ არის ის ფაქტი, რომ ჯერ ერთი, „ძეგლის დადება“ მარტონდენ მთიულეთი-სათვის შედგენილ, პარტიკულარული ხასიათის სამართლის წიგნს არ წარმოადგენს, არამედ მისი მოქმედების ტერიტორიაში შედის მთიულეთის (ხადა-ცხავატის) მეზობლად მდებარე სხვა მთის კუთხეებიც, კერძოდ გუდამაყრი, ხანდო და ჭართლის გარკვეული ნაწილი (სოფ. მენესოს ზევით მდებარე ტერიტორია). ამაში თვალნათლივ ვრწმუნდებით სჯულმდებლის მიერ სამართლის წიგნის შესავალში მოცემული განმარტებიდან: „ჯუართა ყელს აქეთ, ჭადა-ცხაოტს, ზანდუკის ჭევს, კიბეთ ქუეშეთ და მენესოს ზემოთ ეს განაჩენი დავდევით“ („ძეგლის დადება“, ქსდ. I, თბ., 1963, გვ. 404). მეორეც, „ძეგლის დადების“ გარდა, მთიულეთის და გუდამაყრის (ისევე როგორც არაგვის ხეობაში ლოკალიზებული სხვა მთის კუთხეების) ისტორიული წარსულის შესახებ მეტად საყურადღებო ცნობებს ვხვდებით „ქართლის ცხოვრების“ ავტორთა თხზულებებში (აյ საკმარისია დავასახელოთ ვახუშტის ნაშრომიდან „აღნერა მთიულეთისა“), სხვადასხვა პერიოდის საისტორიო

საბუთებში და სამართლის ძეგლებში (მაგ. „ძეგლი ერისთავთა“ — XIV ს., „განჩინება ბარისა და მთიურთა ადგილთა“ — XVIII ს. და სხვ.), XVIII-XIX სს-ის სტატიისტიკურ მასალებში (მაგ. 1774 და 1781 წნ-ის არაგვის ხეობის მთის ზოლის მოსახლეობის აღნერები) და ამავე დროის ისტორიულ-ეთნოგრაფიულ ლიტერატურაში (ი. ბატონიშვილი, გიულდენ-შტედტი, ნ. ჭილაშვილი, ნ. ნიკიფოროვი და ა.შ.), რასაც ემატება ადგილზე მოპოვებული მრავალრიცხოვანი ეთნოგრაფიული მასალებიც. აღნიშნული ვითარებიდან გამომდინარე, გ. ხორნაულს, ცხადია, არ უნდა დაპირდღებოდა ის აზრი, რომ „მთიულეთის შესახებ ძალზე მცირე ცნობები მოგვეპოვება საისტორიო მნერლობაში“ (გვ. 14).

ავტორს არ ეპატიება იმის არცოდნაც, რომ მთიულეთში (ისევე როგორც მის მეზობლად მდებარე სხვა მთის კუთხეებში) XIV ს-ში დე თემურმა წყობილებამ ინტენსიური რღვევა განიცადა და ადგილობრივი მოსახლეობაც მხოლოდ თემური ადათ-წესებით აღარ ცხოვრობდა. მართალია, ჩვენ ვერ უარვყოფთ იმ ფაქტს, რომ XIV ს-ში არაგვის ხეობის მთიანეთი გაცილებით უფრო სუსტად იყო ჩართული ფეოდალურ ურთიერთობათა ორბიტაში, ვიდრე საქართველოს ბარი და საკვლევი რეგიონის მოსახლეობაც სოციალური დიფერენციაციის დონით მნიშვნელოვნად ჩამორჩებოდა ბარის მოსახლეობას, მაგრამ ეს გარემოება არ იძლევა იმის მტკიცების უფლებას, რომ XIV ს-ის მთიულეთში „მტკიცე ყოფილა თემური წყობილება და ხალხიც თემურ ადათ-წესებს ემორჩილებოდა“ (გვ. 14).

ისტორიული წყაროების მიმართ ასევე მეტი სიფრთხილე იყო საჭირო, როდესაც ითქვა: „საქართველოში ქრისტიანობის გავრცელების პირველი დღეებიდანვე სამეფო კარმა გადაწყვიტა მთიელთა რჯულით შემომტკიცება, წარმართი მთიელების მოქრისტიანება. ეს საქმე იმდენად საგანგაშო იყო, რომ თვით წმინდა ნინო გაგზავნეს“ (გვ. 14).

ამასთან დაკავშირებით მოკლედ შეიძლება ითქვას, რომ მთიელთა გაქრისტიანების საქმე მე-4 საუკუნეში საგანგაშო არ შეიძლებოდა ყოფილიყო, ვინაიდან მანამდე მთიელთა „გარჯულვის“ ცდებს სამეფო კარის მხრიდან საერთოდ არ ჰქონია ადგილი და, ამდენად, ამ მიმართულებით მიღწეული რაიმე წარმატების კვალობაზე თუნდაც უმნიშვნელო მონაპოვრის დაკარგვის საფრთხის წინაშე ცენტრალური ხელისუფლება არ დამდგარა. ეს გარემოება, ცხადია, თავისთავად გამორიცხავდა ე.წ. „საგანგაშო“ ვითარების შექმნის შესაძლებლობას. სულ სხვა საქმეა, რომ უკვე მოქცეული მთიელები მიღრეცილიყვნენ რჯულზე, რასაც მოგვიანებით ჰქონდა ადგილი და რაც მართლაც ქმნიდა საგანგაშო მდგომარეობას.

ასევე გაუმართლებელია იმის მტკიცება, თითქოს მთიანეთში შექმნილი საგანგაშო ვითარების გამო იქ თვით წმინდა ნინო გაგზავნეს.

წერილობითი წყაროების ანალიზი თვალნათლივ გვიჩვენებს, რომ წმ. ნინო საკუთარი ინიციატივით „წარვიდა მთიულეთს“, ხოლო იმანე ეპისკოპოსი მას თან გაჰყვა. მეფემ აღნიშნულ პირთ მხოლოდ „წარატანა“ ერისთავი ერთი. მაშასადამე ცენტრალურმა ხელისუფლებამ მთიანეთში ერისთავი გაგზავნა და არა წმ. ნინო.

ისტორიულ მიმოხილვაში დაშვებულია კიდევ ერთი უზუსტობა, როცა არაგვის საერისთავოს გაუქმების თარიღად დასახელებულია 1756 წელი (გვ. 14). წერილობითი წყაროების მონაცემების ჯეროვანი ანალიზის და ისტორიულ-ეთნოგრაფიული ლიტერატურის გაცნობის შემთხვევაში არავითარ სიძნელეს არ წარმოადგენს იმის დადგენა, რომ აღნიშნული პოლიტიკური აქცია ცამეტი წლით ადრე — 1743 წელს თემურაზ მეორემ განახორციელა. (იხ. პ. ორბელიანი, ამბავნი ქართლისანი, თბ., 1981, გვ. 68-69, 206; დ. გვრიტიშვილი, ფეოდალური საქართველოს სოციალური ურთიერთობის ისტორიიდან, თბ., 1955, გვ. 102 და სხვ.).

დაზუსტებას საჭიროებს აგრეთვე საქართველოს სამხედრო გზის ისტორიის საკითხებიც. გ. ხორნაულის მტკიცებით, „საქართველოს სამხედრო გზა თავდაპირველად გუდამაყარზე გადიოდა. 1859 წელს კი ახალი (დღეს არსებული) გზა გაიყვანეს მთიულეთზე“ (გვ. 10).

საქართველოს სამხედრო გზის შესახებ არსებული ლიტერატურიდან, პირველ რიგში კი მეგზურებიდან, ცნობილია, რომ უძველესი დროიდანვე გზა გადადიოდა ჯვრის უღელტეხილზე, ამ მარშრუტით მოგზაურობდნენ რუსეთთან საქართველოს შეერთების შემდეგაც. საკმარისია დავიმოწმოთ ა. პუშკინის „მოგზაურობა არზრუმში“ (1829 წ.), რომელშიც აღნერილია მის მიერ გავლილი კაიშაურის ხეობა, ე.ი. ისტორიული გამოღმა ხადა, ანუ დღევანდელი დიდველი, ჯვრის უღელტეხილის მისადგომები მთიულეთის მხრიდან). გუდამაყრის ხეობაზე, ბურსაჭირის გადასასვლელზე გზის გაყვანა მიმდინარეობდა 1837-1847 წნ., მაგრამ ამ პროექტის დაწუნების შემდეგ კვლავ ძველი მარშრუტი აირჩიეს და 1861 წელს (და არა 1859 წელს) მლეთის აღმართის გახსნა წილად ხვდა გრ. ორბელიანს.

სარეცენზიო წიგნში გარკვეული ადგილი დაეთმო ეთნოგრაფიულ მიმოხილვას, რაც არსებითად რეალურ ვითარებას მეტისმეტად ზერელედ წარმოსახავს, მაგრამ, ამასთან ერთად, კიდევ უფრო გაუმართლებელია ყოფითი მოვლენების ავტორისეული კვალიფიკაცია. მისი მტკიცებით: „ამჟამად, საბჭოთა წყობილების პირობებში, საბჭოთა კანონების გვერდით შემორჩენილია თემური ყოფის ადათნებები. ასეთებია ზოგიერთი საყოფაცხოვრებო თუ რელიგიური წესი: ხატობა — დღეობები, ქორწილი, ქელები და სხვა“ (გვ. 16).

ავტორს დავეთანხმებოდით ეთქვა, რომ დღესაც გვხვდება თემური

ყოფის გადმონაშთები ზოგიერთი ჩვეულების სახით, მაგრამ შეუძლებელია მხოლოდ თემური ყოფის ადათ-წესებად გამოვაცხადოთ ქორნილი, ქელები ან დღეობები. აღნიშნული ფენომენები დამახასიათებელია საზოგადოებრივი ურთიერთობის განვითარების ყველა საფეხურისათვის, მათ შორის ჩვენი ეპოქისათვის, რის გამო შეუძლებელია მათი მიჩნევა მხოლოდ და მხოლოდ თემური ყოფის ადათ-წესებად.

ანალოგიური ხასიათის ხარვეზები ნაშრომში საკმაო რაოდენობით გვხვდება, რასაც საფუძვლად დაედო ისტორიული წყაროებისა და ეთნოგრაფიული მონაცემების არასწორი ინტერპრეტაცია. ტოპონიმიკურ ძეგაში, წყაროების გამოყენება დიდი სიფრთხილეს და მართებულ კვალიფიკიას მოითხოვს.

VI. ნამდვილად საცხესარ არს ესე⁴⁹...

1990 წელს, უურნალ „მნათობში“ დაიბეჭდა დავით გოგოჭურის და ივანე ლიქოკელის წერილი ფრიად შთამბეჭდავი და აშკარად ალარმისტული უღერადობის სათაურით — „ფრთხილად ეროვნული გმირებია“⁵⁰! აღნიშნულ პუბლიკაციაში მეტისმეტად გაცაპასებული და ჯანსაღი მეცნიერული პაექრობის პრინციპებს უცნაურად შემომწყრალი ავტორები საკმაოდ უკეთური ხერხებით ცდილობენ ისტორიული ტრადიციით კარგად ცნობილი სამასი არაგველის ვინაობის შესახებ ჩვენს ნაშრომში⁵¹ ასახული მოსაზრებების ხელაღებით გაბათილებას, ხაზგასმული საკითხის ირგვლივ ჩატარებული სკრუპულოზური კვლევის ყველა პოზიტიური შედეგის მხოლოდ მრუდე სარკეში წარმოჩენას. ამ მიმართულებით მათი გულმოდვინე გარჯა, რაც უხვადაა აღმკული ენაცემიტი კვაზიირეცენტრების საეჭვო გემოვნებით ჩვენი მისამართით წამოხორცხლილი ღვარძლიანი და სოლიდური სწავლულის ლექსიკონისათვის ყოვლად შეუფერებელი გამონათქვამებით („ავტორმა ვერ გაგვინაღდა საზეიმო დაპირება“; „წინასწარ აკვიატებული მოსაზრება“; „ვ. ითონიშვილს ამ ჩხირკედელაობით ორი კურდლის დაჭერა სურს“; „...ყველანაირად ცდილობს მიაფუჩეჩოს და მიჩქმალოს“; „ვ. ითონიშვილი... ცინცხალ საბუთებს მკითხველებს უმაღავს... და მათ ნაცვლად... აშკარად ყალბ მონათხრობს აჩეჩებს“; „თავგანწირულ მამულიშვილთა ნათელ სსოვნას ჩვენი თანამედროვე მტკვერს აყრის ისე, რომ არც უკვირდება, რას აკეთებს“; „...ასეთსავე კუკუმალულობას თამაშობს“; „განგებ აბუნდოვნებს“; „ნუთუ მკვლევარს აუცილებლად შიგ ფეხები უნდა ჩავადგმევინოთ, რომ ფშავ-ხევსურეთის არაგვის არსებობა დაიჯეროს“; „ამ კუთხობანას თამაშს სწორედ თვითონ ვ. ითონიშვილი იწყებს“; „რა ჩანაცვლობანას ამაო თამაში მოუნდა იმ კუთხეთა წინააღმდეგ“ და სხვ.), დაგვირგვინებულია ფართო მკითხველი საზოგადოების მწვავე რეაქციის იმედით დასმული პათეტიკური კითხვით: „ნუთუ ჩვენს დროში ქართველ ისტორიკოს-ეთნოგრაფს სხვა საქმე არაფერი აქეს გარდა იმისა, რომ კუთხეთა შორის კინკლაობას ჩაუდგეს სათავეში? სანუს არს ესე“ (გვ. 169).

როგორც მოტანილი ამონაწერებიდან ვრნმუნდებით, მგზნებარე

⁴⁹ პირველად გამოქვეყნდა ჟ. „განთიადში“, 1991, №10.

⁵⁰ დავით გოგოჭური, ივანე ლიქოკელი, ფრთხილად, ეროვნული გმირებია!, „მნათობი“, 1990, №3, გვ. 165-169. შენიშვნა: ამ წერილის დამოწმებისას გვერდებს ტექტსში ვუთოთებთ.

⁵¹ ვახტანგ ითონიშვილი, არაგვი და არაგველები, თბ., 1989.

პატრიოტის მანდატის იოლი დაჩივრებულ დ. გოგოჭურს და ი. ლიქოკელს სრულებით არ ეუხერხულებათ ერთობ სუსხიანი, რიგ შემთხვევებში კი ნამეტანად ვულგარული სტრიქონების განუმეორებელი ფეიერვერკის შუქზე ჩვენი „საირაოზე გამოყვანა“ კუთხური ანტაგონიზმის გამღვივებლის უკიდურესად არასაპატიო როლში. ცხადია, ესოდენ არასასურველი იარლიყის თვითხებური მანიპულირების წყალობით პიროვნების დისკრედიტირების სავალალო პრატიკა, რაოდენ დრომოქმულად და პრიმიტიულად არ უნდა გამოიყურებოდეს ის, საკმაოდ ძევრ საფიქრალს გვიჩენს, რამეთუ საქმეში ჩაუხედავი მკითხველის აშკარა დეზორინტაციას უწყობს ხელს. ამდენად, შექმნილი სიტუაცია ძალაუნებურად გვავალებს ოპერატიულ რეაგირებას ოპონენტების თითოეულ შენიშვნაზე. თანაც არ ვართ დაინტერესებული მაინცდამაინც დ. გოგოჭურთან და ი. ლიქოკელთან კამათით, ვინაიდანამ უკანასკნელთა მიერ ჩვენს ნაშრომში ასახული მტკიცებების არამართებული გაგება, ზერელედ ნაკითხულის უხეში აზრობრივი დამახინჯება და, რაც მთავარია, ისტორიული ფაქტების და მოვლენების ინტერპრეტაციის მომენტში გამოვლენილი ისვიათი არაკომპეტენტურობა თავისთვად ზღუდავს, ან საერთოდ გამორიცხავს ხსენებულ ავტორებთან რამდენადმე სერიოზული მეცნიერული პოლემიკის შესაძლებლობას. სამაგიეროდ, სინამდვილის დაჭეშმარიტების საჭიროება გვაიძულებს აღნიშვნულ პუბლიკაციაში ბარაჟიანად დახვავებული ოდიოზური კვალიფიკაციების ვრცლად დამოწმების ფონზე მთელი რიგი განმატებების მიცემას მათდამი მეტნაკლები ნდობით განწყობილ კითხველთა საყურადღებოდ.

თავიანთი პასკვილური წერილის პირველსავე გვერდებზე დ. გოგოჭური და ი. ლიქოკელი დაუინებით ცდილობენ ისეთი არანორმალური სურათის დახატვას, თითქოს სარეცენზიო ნაშრომის უმთავრეს მიზანს კრნანისის ომში თავდადებით ნაბრძოლ თუშ-ფავსევსურთა ღვანლის განზრას დაკინება ან სრული უგულვებელყოფა და, სამაგიეროდ, მთიულ-მოხევეთა დამსახურების გაზვიადება შეადგენდეს. მათი კატეგორიული და გარეგნული ექსპრესიულობით გამორჩეული არაეთიკური განცხადებების თანახმად, ჩვენ ამ „წინასწარ აკვიატებული მოსაზრების დასაბუთებით“ გატაცებულ სწავლულად ვართ წარმოდგენილი: „ნაშრომის პირველი გვერდიდანვე მკითხველი შეამჩნევს ვ. იოთონიშვილის აშკარა ტენდენციას რადაც უნდა დაუჯდეს, სამას არაგველთა შემადგენლობიდან გამორიცხოს თუშ-ფშავ-ხევსური მეომრები და ბრძოლის ველზე თავგანწირულ გმირებად მხოლოდ ყოფილ არაგვის საერისთავოს საბრძანებელში შემავალი თემების მცხოვრები, მათ შორის მთიულები და მოხევეები ნარმოგვიდგინოს... ვ. იოთონიშვილს სურს რა სამას არაგველთა შემადგენლობიდან ფშავლები და ხევსურე-

ბი გამოირიცხოს, საქმეს იმით იწყებს, რომ მკითხველი უნდა დაარწმუნოს, — ფშავ-ხევსურეთში მდინარე არაგვი არ არის... გულახდილად რომ ვთქვათ, ვერ ნარმოგვედგინა, თუ ჩვენს დროში აღმოჩნდებოდა ქართველი ინტელიგენტი, რომელიც დაინტებდა იმის მტკიცებას, რომ ფშავ-ხევსურეთში არაგვი არ არსებობს და არც ამ სახელიდან ნაწარმოები „საარაგვო“, „არაგველნი“ და სხვა ფორმები არის ამ კუთხისათვის დამახასიათებელი. უხერხულად მიგვაჩინა ვამტკიცოთ, რომ არაგვი ნამდვილად არის ფშავ-ხევსურეთში, რომ მარტო არაგვი კი არა, არის „საარაგვოს თემი“, რომლის მცხოვრებლებსაც იმთავითვე არაგველები ჰქვია“. ვ.ითონიშვილს ამ ჩხირეედელაბით ორი კურდლის დაჭრა სურს: პირველი, თუ ფშავ-ხევსურეთში არაგვი და არაგველები არ არსებობენ, მაშინ ისინი არც სამას არაგველთა შორის უნდა ითვლებოდნენ და მეორე, რაკი ორი არაგვის (მთიულეთისა და ფშავის) ცნება ასე მყარად არის დამკვიდრებული წერილობით წყაროებსა და ზეპირ ბრუნვაში, მკითხველი დაჯეროს, რომ მეორე არაგვად ფშავ-ხევსურეთის არაგვი კი არა, თერგი იგულისხმება... რაკილა მკვლევარმა არაგვი ფშავ-ხევსურეთიდან კავკასიონის მთის ჩრდილოეთით გადაადინა, მერე თავის სამეცნიერო ლექსიკაში „პირიქითა არაგვი“ დაამკვიდრა და „მეორე არაგვიც“ მას დაარქვა. მაგრამ ჩვენ რა დავარქვათ მის ასეთ საქციელს? მკვლევარის მიერ აკვიატებული „ორი არაგვი“ ხომ სხვა არაფრია, თუ არა თეთრი და შავი, ანუ ფშავისა და მთიულეთის არაგვი, რომლებიც სათავეს კავკასიონის მთის სამხრეთ კალთებზე იღებენ და უინვალთან ერთდებიან. „ხოლო კუალად ხარჭაშოს, საშიშს დასავლით, დის თეთრის არაგვს მდინარე. ესე გამოსდის ძურძუქს-ფშავს შორის კავკასია და მოდის ჩრდილოდამ სამწრით, და მიერთვის უინვანს აღმოსავლეთიდამ შავს არაგუს“. შემდეგ „... უინვანი არს შავისა და თეთრის არაგვს შესაკრებელის შორის...“ რამ აიძულა ვ.ითონიშვილი, თუ არა აშკარა მიკრძოებამ, რომ გამოჩენილი მეცნიერის ვახუშტი ბატონიშვილის ამ ყოვლად სანდო მასალებს გვერდი აუარა და ამათ ნაცვლად ახალგაზრდა ვეტერანის — ივანე კობაძის ინფორმაცია შეაჩერა მკითხველს იმის შესახებ თუ სად არის არაგვი!“ (გვ. 165-166)... „ნუთუ მკვლევარს აუცილებლად შიგ ფეხები უნდა ჩავადგმევინოთ, რომ ფშავ-ხევსურეთის არაგვის არსებობა დაიჯეროს“ (გვ. 169).

ესოდენ გამძაფრებულ და მეტისმეტად ამბიციურ ფრაზეოლოგია-სთან დაკავშირებით აუცილებელია განიმარტოს, რომ დ.გოგოჭურისა და ი.ლიქოველის მიერ „შერისხული“ გამოკვლევის საქმაოდ ვრცელი ნაწილი მთლიანად ეთმობა სახელწოდება „არაგვი“-ს პოლისემანტიკურობის საკითხის დაწვრილებით განხილვას და არა მაინცდამაინც ჰიდრონიმ „არაგვი“-ს ფართოდ გავრცელების ერთობ არაორდინარულ ფაქტზე მსჯელობას, რასაც საგანგებოდ ეძღვნება იმავე ნაშ-

რომის პირველი განცოფილება. ჩვენმა დათავწვერებულმა პასკვილან-ტყებმა კი რატომღაც ვერ გაართვეს თავი მათი ულმობელი კრიტიკის საგნად ქცეული წიგნის იმ გვერდების ყურადღებით წაკითხვის ამო-ცანას, სადაც გარკვევით გვქონდა ლაპარაკი ერთი მხრივ ისტორიუ-ლი ტრადიციით კარგად (ცნობილ და უდავოდ არაგვის საერისთავოს (მოგვიანებით საუფლისწულოს) მინა-წყლისა და მის ფარგლებში დის-ლოცირებული მოსახლეობის აღსანიშნავად ხმარებული ტერმინების — „არაგვის“, „საარაგვოს“ და „არაგველი“-ს კონკრეტულ სემანტიკა-სა და გავრცელების არეალზე, ხოლო მეორე მხრივ მდ.არაგვის აუზ-თან შეფარდებული მთელი ტერიტორიის ცაკეულ ხეობებად დაყოფის მიზანმდენობილობაზე. მრავალრიცხვოვანი მონაცემების გაანალიზების საფუძველზე ნაშრომში ხომ სრულიად თვალნათლივ განვმარტავდით, რომ არაგვად მრავალი ჰიდროპიექტის (მათ შორის ფშავისა და ხე-ვესურეთის უმთავრესი მდინარეების) სახელდებისა და ხალხური ნომ-ინაციის სფეროში ფიქსირებულ ტერმინი „საარაგვო“-ს მდ.არაგვის მთელ აუზთან (მათ შორის ფშავისა და ხევსურეთის ტერიტორიასთან) და ხევსურეთის ერთ-ერთ თემთან შეფარდებაში რეალური გამოყ-ენების მიუხედავად, ისტორიული ტრადიციის თანახმად „არაგვად“, „საარაგვოდ“, როგორც წესი, ინოდებოდა მარტოოდენ არაგვის სა-ერისთავოს (მოგვიანებით საუფლისწულოს) მოსახლეობა (ბაზალე-თის, ჭართლის, ხანდოს, გუდამაყრის, მთიულეთის, ხევის, თრუსოს მკვიდრნი). სხვა სიტყვით რომ ვთქვათ, ჰიდრონიმი არაგვის პარალე-ლურად ხმარებული და განსაზღვრული პოლიტიკურ-ადმინისტრაცი-ული ერთეულის (და არა ისტორიულ-გეოგრაფიული რეგიონის) აღმ-ნიშვნელი მაკროტოპონიმი „არაგვი“ (შდრ. ანალოგიური ხასიათის მაკ-როტოპონიმი „ქსანი“) წერილობითი წყაროების მიხედვით რესტავრი-რებული ისტორიული ნომინაციის ჩარჩოებში ნამდვილად არ ფარავდა ფშავს და ხევსურეთს, ხოლო შემკრებლობითი ტერმინი „არაგველი“ ფშავლებს და ხევსურებს⁵². მაგრამ ვითარების ასეთნაირ შეფასებას, ნიადაგ არაფერი აქვს საერთო ფშავისა და ხევსურეთის უმთავრესი მდინარეების არაგვადვე, ხოლო ამ მდინარეთა ხეობებში მცხოვრებ ფშაველთა და ხევსურთა შორის მიღებული ნომინაციის ძალით ასევე „არაგველებად“ მათი სახელდების უტყუარი ფაქტების ეჭვქვეშ დაყენ-ების და მით უმეტეს ხელალებით იგნორირების ცდასთან, რაც სრული-ად უსაფუძვლოდ მოგვაწერეს ჩვენმა ოპონენტებმა. თანაც, რაოდენ პარადოქსულად არ უნდა უდერდეს, მათ ამის გამბედაობა ჰყოფნით თავისივე წერილში გაკეთებული იმ მითითების ფონზე, რომ „... წყა-აროები ცალ-ცალკე ასახელებენ არაგველებსა და ფშავ-ხევსურებს...“

⁵² ვახტ. ითონიშვილი, არაგვი და არაგველები, გვ. 72-118.

ამ შემთხვევაში არაგველებად საბატონოს (ჯერ არაგვის ერისთავის, შემდეგ უფლისწულის) ხალხი იგულისხმება. ცხადია, მათ შორის, მთიულები და გუდამაყრელებიც, ხოლო ფშავისა და ხევსურეთის მოსახლეობა საბატონოში არ შედიოდა... ეს კარგად იცოდნენ მაშინდელმა ისტორიკოსებმა... და ამიტომ მათ ცალ-ცალკე ასახელებდნენ. რა თქმა უნდა, ეს სრულიადაც არ ნიშნავს იმას, რომ ფშავ-ხევსურეთში არაგვი და არაგველები არ არიან. ამაზე დავა არასერიოზული კაცის საქმედ მიგვაჩინია... ეს ის არაგვია, რომელსაც ასე ესათუთებოდა დიდი ვაჟა-ფშაველა: „დანუხებულმა არაგვო, რო გნახე, გავიხარეო...“ (გვ. 169).

როგორც ვხედავთ, მოტანილი ამონანერით მოკამათები თავად აღიარებენ წერილობით წყაროებში „ფშავ-ხევსურეთის“ და „ფშაველ-ხევსურების“ პარალელურად ხსენებული „არაგვის“ და „არაგველების“ - ს გამოყენებას შესაბამისად არაგვის საერისთავოსა (მოგვიანებით საუფლისწულოს) და მის ფარგლებში მცხოვრები ხალხის (მათ შორის მთიულ-გუდამაყრელების) აღმნიშვნელი ოდინდელი ტერმინების დონეზე. ამდენად, აბსურდულ ელფერს იძენს, მათივე უარყოფითი დამოკიდებულება სწორედ ხაზგასმული ისტორიული ნომინაციის შესახებ ჩვენს წიგნში უფრო ადრე ასახული მსჯელობისადმი, რომელიც დამანიშვნელი უფრო უანტაზის წყალობით უყოყმანი იქნა გაიგივებული თვით დიდი ვაჟას მიერ ნასათუთევი არაგვის ფშავ-ხევსურეთის რეგიონიდან განზრას გადახაფრვასთან.

ცხადია, ჩვენი ოპონენტების ესოდენ მწვავე რეაქცია მხოლოდ იმით აიხსნება, რომ მათ უბრალოდ ალლო ვერ აუღეს მკაცრი კრიტიკის სამიზნედ შერჩეულ წიგნში თავმოყრილი მასალის შტუდირების გზით მიღებულ დასკვნებს და ამ უკანასკნელთა თითქოსდა ტენდენციურობის მხილების მოტივით მეტისმეტად ნაჩქარევად შემოგვენყრნენ. არადა, გულახდილად რომ ვთქვათ, ვერ ნარმოგვედგინა თუ ჩვენს დროში აღმოჩენდება ქართულ ენაზე დაწერილი წიგნის გარკვეული მონაკვეთის ხეირიანად ნაკითხვისა და მასში ჩადებული აზრის სწორად გაგების უნარს მოკლებული ერთბაშად ორი ქართველი „ინტელიგენტი“ და გორგანურისა და ი.ლიქონელის სახით.

რაც შეეხება იმავე ავტორთა ქადაგებას ისტორიული ტრადიციით ცნობილი „ორი არაგვის“ ლოკალიზაციისა და მდ.თერვას პირვანდელი სახელდების გარშემო, ეს უკვე ისტორიული გეოგრაფიის საკითხებში დილეტანტურ გამთაბარების საუკეთესო ნიმუშად გვესახება. ამჯერად მათი ჩეირკედელაობით აჩონჩხლილი „მტკიცების“ თანახმად ხომ ისე გამოდის, თითქოს ჩვენ ვახუშტი ბაგრატიონის ცნობების იგნორირებისა და ერთადერთი მთიული ინფორმატორის ყალბი მონათხრობის აბსოლუტიზაციის წყალობით არაგვი ფშავ-ხევსურეთიდან კავკასიონის ქედის ჩრდილოეთით გადაგვიდენია, სამეცნიერო ლექსიკში

თვითნებურად დაგვიმკიდრებია ცნება „პირიქითი არაგვი“ და „მე-ორე არაგვიც“ თერგისტვის დაგვირჩმევია. თურმე ნუ იტყვით — კოთონიშვილის მიერ აკვიატებული „ორი არაგვი“ სხვა არაფერი ყოფილა თუ არა ფშავისა და მთიულეთის არაგვი.

ესოდენუბასუხისმგებლოგანცხადებებთანდაკავშირებითაუცილებელიაითქვას, რომჩევენს მიერთავის დროზეუკვეგამომზეურებული და ჯეროვნად შეფასებული წერილობითი ცნობების მიხედვით მდ. თერგის ძველთაძველ სახელწოდებად სწორედ არაგვი წარმოგვიდგება. თქმულის საილუსტრაციოდ კი ვფიქრობთ სავსებით საკმარისია XI-XVIII სასის საისტორიო თხზულებების იმ ფრაგმენტების დამონმებაც, სადაც შავით თეთრზე წერია: „მოეგებნეს მდინარესა ზედა, რომელი განვლის დარიალანსა და ჩავლის ველსა ოვსეთისასა... და მასცა მდინარესა არაგვ ჰქვან, რამეთუ ერთის მთისაგან გამოვალს თავი ირთავე: ქართლისა არაგვსა და ოვსეთის არაგვსა“⁵³; „ხოლო შალვა დადგა წადას... მას ერთსა კურიასა დაარღვა ციხე ოცდახუთი, თხუთმეტი იქით არაგვსა...“⁵⁴; „მდინარესა წევისასა ენოდება არაგვე ჩერქეზამდე და მუნ ლომეკის მდინარე ძუელადვე და ან უზნოდებენ თერგსა... ხოლო წევის ბოლოს არის ლაზური. მას ქუეით ჯარიეს, მიერთვის წევის არაგუს ქისტ-ძურძუკის წყალი“⁵⁵ და სხვ. არანაკლებ ნიშანდობლივია ის დეტალიც, რომ ერთ-ერთი უადრესი ქართული მატიანე დარიალის კლდეკარის უძველეს სახელწოდებად გვაცნობს „არაგვს კარს“⁵⁶, რაც ცხადია ჩვენთვის საინტერესო პიდრობიერების პირვანდელ ნომინაციასვე უკავშირდება.

განხილულ მონაცემებთან ერთად საინტერესოა განიმარტოს, რომ ალ. ყაზბეგის ერთ-ერთ ნაშრომში მთიულეთის არაგვის გვერდით დასახელებულია ხევის არაგვი⁵⁷, რაც თავისთავად დიდი მწერლის მიერ საუკუნეთა სიღრმიდან მომდინარე ნომინაციის ზედმინევნით კარგად ცოდნას და აღიარებას მოწმობს. ამასთან, მოხევეებშიც დღემდე საკმაოდ მტკიცედაა შემონახული მათი სამოსახლო მხარის ფარგლებში ლოკალიზებული თერგის ოდინდელი სახელდების ხაზგასმულივე ტრადიცია, რამაც თავის დროზე ტოპონიმიკური კვლევის დონეზეც ტრადიცია, რამაც თავის დროზე ტოპონიმიკური კვლევის დონეზეც

⁵³ ჯუანშერი, ცხოვრება... გორგასლისა, „ქართლის ცხოვრება“, ტ. I, ს. ყაუხჩიშვილის რედ., თბ., 1955, გვ. 151.

⁵⁴ ძეგლი ერისთავთა, „ქართული სამართლის ძეგლები“, ტ. II, ი. დოლიძის რედ., თბ., 1965, გვ. 105, 110.

⁵⁵ ბატონიშვილის ვახუშტი, აღწერა სამეფოსა საქართველოსა, „ქართლის ცხოვრება“, ტ. IV, ს. ყაუხჩიშვილის რედ., თბ., 1973, გვ. 356, 641.

⁵⁶ ლეონტი მროველი, ცხოვრება... მეფეთა, „ქართლის ცხოვრება“, ტ. I, გვ. 12.

⁵⁷ ალ. ყაზბეგი, თხზულებანი, ტ. IV, თბ., 1950, გვ. 507.

მიიპყრო სწავლულთა უურადღება⁵⁸, ხოლო უფრო ადრე მთის კილოთა ლექსიკონში საგანგებოდ იქნა მითითებული: „თერგი მოხევეებისათვის არაგვია. ცნობილია სხვადასხვა არაგვი: წევსურეთის არაგვი, ფშავის არაგვია. მთიულეთის არაგვი, გუდამაყრის არაგვი, წევის არაგვი...“⁵⁹ არაგვი, მთიულეთის არაგვი, გუდამაყრის არაგვითარი წარმოდგენა არ გაჩნიათ ხევის უმთავრესი მდინარის აღსანიშნავად ამჟამად ფართოდ გამოყენებული და თურქული ძირის სახელად გააზრებული „თერგი“-ს⁶⁰ წარმომავლობისა და ქართული ჰიდრონიმიების სფეროში მისი მოგვიანებით დამკვიდრების სავარაუდო თარიღის (დაახლოებით XIX ს-ის დამდეგი) შესახებ, მაგრამ სამაგიეროდ ადგილობრივ მოსახლეთა შორის ბავშვმაც კუ შევენივრად უწყის, რომ სახელწოდება არაგლეთა შორის ბავშვმაც კუ შევენივრად უწყის, რომ სახელწოდება არაგვი ვრცელდება არა მარტო თერგზე, არამედ მის მარჯვენა შემდინარე სხოს წყალზეც, რასაც აქ შავ არაგვს უწოდებენ.

ამდენად, მდ.თერგის ძველთაძველი სახელწოდების დონეზე არაგვის (ან ჭვევის არაგვის, პირიქითი არაგვი) ტრადიციული გამოყენების ფაქტის უტყუარობის შესამონმებლად სრულიად არაა სავალდებულო უსათუოდ თერგის ბობოქარ ნაკადში ფეხების ჩადგმა, რასაც საკუთარი ემპირიული ცოდნით გალადებული დ.გოგოჭური და ი.ლიქო კელი ასე „გულნრფელად“ გვირჩევენ.

დღოფურს და ი.ლიქოკელს არანაკლებ ბუნდოვანი წარმოდგენა გააჩნიათ ისტორიული ტრადიციით ცნობილი ორი არაგვის კონკრეტულ მნიშვნელობაზეც, რასაც თვლნათლივ მონმობს მათი მხრიდან მეტორულ ტონში გაკეთებული მითითება ორი არაგვის მიღმა არა პირიქითი და პირაქეთი არაგვების (ე.ი. ხევისა და მთიულეთიდან მომდინარე არაგვების), არამედ მაინცდამაინც მთიულეთისა და ფშავის არაგვების ამონცნობის საჭიროებაზე.

ასეთ თავდაჯერებულ განცხადებასთან დაკავშირებით უპრიანია განიმარტოს, რომ ცნებას — ორიარაგვი მხოლოდ ვაუმტიბაგრატიო-

⁵⁸ ტ.ჭუმბურიძე, რა გქვია შენ?, თბ., 1971, გვ. 145; ვალიოთონიშვილი, ხევის ტოპონიმიკა, თბ., 1971, გვ. 43, 167-168 და სხვ..

⁶⁰ Э.М. Мурзаев. Словарь народных географических терминов, М., 1984, с. 611.

ნის თხზულებაში ვაფიქსირებთ, სადაც წერია: „მუხრანი, ორი არაგზ, ქსნისხვი და მამული მისი მესამე სასპასპეტოში არის... არს ეკლესია წილკანს, ღვთისმშობლისა... ზის ეპისკოპოზი, მწყემსი მუხრანისა, ორისავე არაგვსა და ბაზალეთისა“⁶¹.

რაძლენადაც ვახუშტის მკაფიო ჩვენების თანახმად ორი არაგვი იგულისხმება წილკანის საეპისკოპოსოს ფარგლებში, ხოლო ფშავ-ხევსურეთი ტერიტორიულად აღნიშნულ საეპისკოპოსოში არ შედიოდა, ადვილი გასაგები ხდება, რომ ამჯერად ორი არაგვი სწორედ პირიქით არაგვს (ე.ი. ხევის არაგვს) და პირაქეთ არაგვს (ე.ი. მთიულეთის, ხანდოსა და ჭართლის ტერიტორიაზე მომდინარე არაგვს) შეეფარდება, და არა მთიულეთისა და ფშავის არაგვებს, როგორც ამას დ.გოგოჭური და ი.ლიქოკელი „გვიმტკიცებენ“.

მაშასადამე, მკითხველს ნიადაგ არ გაუჭირდება იმის დანახვა, რომ დ.გოგოჭურისა და ი.ლიქოკელის თამამი დებიუტი ისტორიული გეოგრაფიის საკითხების კვლევის ერთობ საპასუხისმგებლო უბანზე მეტისმეტად წარუმატებელი გამოდგა, თუმცა ამჯერადაც ფაქტობრივი მასალის უსუსური ანალიზით ან მისი პირდაპირი გაყალბებით განპირობებული არგუმენტაციული ვაკუუმი იაფასიანი ეფექტურობითა შევსებული სხენებულ ავტორთა ძალისხმევით ჩვენი და ერთერთი მთიული ინფორმატორის მისამართით გამოიჩინილი უხეში და ცინიზმით აღსავსე გამონათქვამებით. ამიტომ ამომწურავი ჰასუხი კითხვაზე, თუ რა შეიძლება დაერქვას მათ ასეთ საქციელს, მკითხველისათვის მიგვინდვია.

სამწუხაროდ, ჩვენ მიერ ჩატარებული კვლევის შედეგების თვითნებურ პროფანაციას აქვს ადგილი დ.გოგოჭურის და ი.ლიქოკელის „კრიტიკული წერილის“ სხვა გვერდებზეც, სადაც ვკითხულობთ: „....აშკარად ცალმხრივი და ტენდენციურია ვ.ითონიშვილის დამოკიდებულება უშუალოდ კრწანისის ომთან დაკავშირებული მასალებისადმიც. ყველანაირად ცდილობს მიაფუჩებოს და მიჩქმალოს წერილობითი წყაროებისა თუ ზეპირსიტყვიერების მონაცემები... კრწანისის ომის მომსწრეები თუ მონაწილეები, აგრეთვე მათი თანამედროვენი ერთხმად აღიარებენ, რომ ამ ომში გაუგონარი სიმამაცე და თავგანწირვა გამოიჩინეს თუშ-ფშავ-ხევსურმა მეომრებმა... ვ.ითონიშვილი კი ამ და ამის მსგავს სხვა ცინცხალ საბუთებს მკითხველებს უმაღავს და მათ ნაცვლად დღევანდელ ინფორმატორ-მთქმელთა აშკარად ყალბ მონათხრობს აჩეჩებს. ამაზე იტყვიან: „დათვს ხედავდნენ და კვალს ეძებდნენ“. მაშასადამე, წერილობითი წყაროები ეჭვმიუტანლად ადასტურებს, რომ თუშ-ფშავ-ხევსური მეომრები, სხვა ქართველ

⁶¹ ვახუშტი, „აღწერა“, გვ. 347, 351.

მეომრებთან ერთად გამორჩევით იბრძოდნენ კრწანისში და სიცოცხლე განწირეს სამშობლოსათვის... მაგრამ წერილობითი წყაროები იმასაც გვაუწყებენ, რომ კრწანისის ტრაგიკული მარცხის შემდეგ აღა-მაჰმად ხანმა უჯაროდ დარჩენილ ერეკლეს ოთხიათასიანი ლაშქარი დაადევნა ქაბალი ხანის მეთაურობით, რომელსაც ს. უინვალთან გზა გადაუკეტა სამასმა ხევსურმა მეომარმა და ერეკლეს მომხრე შაშმადილელ ალი სულთანის ორას ცხენიან ელთა დახმარებით სასტიკად შემუსრა მარბიელები... რა სამწუხაროა, რომ ამ ხატივით სალოცავ თავგანწირულ მამულიშვილთა ნათელ ხსოვნას ჩვენი თანამედროვე მტვერს აყრის ისე, რომ არც უფიქრდება, რას აკეთებს..." (გვ. 166-167). „იგი მთელი ნაშრომის სიგრძეზე წელზე ფეხს იდგამს, რომ რამენაირად უარყოს კრწანისის ომში თუშ-ფშაველ-ხევსურთა მონაწილეობა. ამ მიზნის მისაღწევად... არ ერიდება არც მთელი რიგი საბუთების გვერდის ავლასა და მიჩქმალვას, არც ტექსტების გაყალბებას" (გვ. 159). ამასთან, კვაზიპოლემისტებს არ ეუხერხულებათ დამონმებული სტრიქონების „შედუღაბება“ ჩვენთვის კარგად ცნობილი იმ მონაცემების წამოწევით (თ.ბაგრატიონის, პ.კარბელაშვილის, ივ. შაიშმელაშვილის ნაშრომებში ასახული მტკიცებები), ასპინძის და კრწანისის ბრძოლების შესახებ შეთხზული ლექსები), რომელნიც თვალნათლივ მონმობენ ქართველ მეფე-თა დროშის ქვეშ თუშ-ფშავ-ხევსურთა მედგრად ბრძოლის საყოველ-თაოდ ცნობილი ფაქტის უტყუარობას (გვ. 168-169). ამ რიგის მეცადი-ნეობა ხომ მიზნად ისახავს რეცენზირნტების მიერ წინდანინ დაგევმილი შემდეგი კითხვის გამდაფრებას: „მაშ რატომდა ეპარება ვ.ითონიშვილს ეჭვი და რად უნდა მეითხველი დოკუმენტების წინააღმდეგ დაარწმუნოს, რომ ...თბილისის კარიბჭესთან არ ახლდნენ მეფეს თავისი უნჯი ყმანი?“ (გვ. 168), რასაც შემდეგ მოსდევს აშკარად ნიშნის მოგებით გაკეთებული დასკვნა: „ზემოთ საკმარ და სანდო საბუთები მოვიტანეთ იმის ნათელსაყოფად, თუ ფშაველი და ხევსური მეომრები რა მედგრად, გამორჩევითა და თავგანწირვით მუსრავდნენ მტკერს. დაახ, ისინი არაგველებიც იყვნენ და კრწანისშიც დაიღუპნენ“ (გვ. 169).

დ. გოგოჭურისა და ი. ლიქოკელის მიერ გამოჩორენილი ამ სერიოზული ბრალდებების გასაბათილებლად სავსებით საკმარისია აღინიშნოს, რომ ჩვენი ნაშრომის არც ერთი მონაკვეთი არ სცოდავს კრწანისისა და უინვალის ბრძოლებში თავგანწირულ თუშ-ფშავ-ხევსურთა, ვითარცა მეფის „უნჯ ყმათა“ მხედრული დიდების მტკერში ამოგანგვლის, მათი უდავო ღვანლის დამამტკიცებელი მონაცემების განვებ მიჩქმალვა-მიფუჩებების მცდელობით, რის გამოც ასე უჩუმრად სტეხენ ხმაურს ზემოხსენებული ვაი-კალმოსნები. პირიქით, არაობიერტურობის ეტალონად „მონათლულ“ წიგნის ცალკეულ გვერდებზე მრავალგზის მიღუთითებდით ერეკლე მეფისადმი ერთგულებით

გამორჩეულ თუშ-ფშავ-ხევსურთა განსაკუთრებულ დამსახურებაზე მამულის წინაშე, ხოლო კრწანისის ველზე ომგადახდილ ხევსურთა ღვანწლის ღირსეულად შეფასებასთან ერთად ნაშრომში პირველად წამოქნიერ სრული პლანით ყინვალის იმ ბრძოლის ეპიზოდიც, სადაც გამარჯვების სასწორი სამშობლოს საკეთილდღეოდ სწორედ ხევსურთა და ფშაველთა გმირულმა შემართებამ გადახარა. თანაც, ქართველ მთიელთა (მათ შორის თუშ-ფშავ-ხევსურთ) საარაკო თავდადებაზე მსჯელობისას მთლიანად ვეფუძნებოდით სწორედ კრწანისის და უნვალის ომის მონაწილეთა და მომსწრეთა (თეიმურაზ ბაგრატიონი, ბაგრატ ბატონიშვილი, ი.ბებუთოვი) ჩვენებებს⁶², ანუ იმ უძვირფასეს მასალას, რომლის პირველად მოძიება და გაანალიზება და გოგონჭურმა და ი.ლიქოკელმა რატომდაც საკუთარ დამსახურებად გაასაღეს.

მაშ რაღას გერჩიან ესოდენ გაბუდაყებული პასკვილანტები და რა უფლებით გვაცხადებენ კახეთის მთიელთა გმირული წარსულის გაბიაბრუებით დაინტერესებულ, ლამისაა ხევსუროფობიასა თუ ფშაველოფობიაში „მხილებულ“ მხარედ, რაც თავისითავად ჩვენი ნაშრომის დაუნდობელი ობსტრუქციის ტოლფასია. იქნებ მათ ასეთ მოქმედებასაც აღნიშნულ წიგნში ასახული მტკიცებების ცალმხრივი გაგება და ფაქტობრივი მონაცემების არასრულფასოვანი ანალიზი უდევს საფუძვლად?

ობიექტურობა მოითხოვს ითქვას, რომ დასმულ კითხვაზეც არ ჭირს ცალსახა და მკითხველთათვის უკვე ნაცნობი ხასიათის პასუხის მოძებნა. ამჯერადაც, სინაცნულით უნდა შევნიშნოთ, რომ და გოგონჭური და ი.ლიქოკელი კვლავ მრუდე სარკეში წარმოაჩენენ ჩვენს მიერ ჩატარებულ კვლევას ფშავ-ხევსურთა მხარდამხარ კრწანისის ველზე ნაპრძოლ და მათგან გამოცალკევებით წერილობით წყაროებში „არაგველებად“ სახელდებულ მთიელთა ვინაობის დაზუსტების მიმართულებით, რასაც ხელოვნურად აიგივებენ მაინცდამაინც თუშ-ფშავ-ხევსურთა უდავო ღვანწლის განგებ დაკრინების და ისტორიული სინამდვილის გაყალბების მცდელობასთან.

მართალია, თავიანთი „კრიტიკული“ წერილის 168-169-ე გვერდებზე ოპონენტები გულახდილად აღიარებენ, რომ წერილობით წყაროებში დადასტურებული შემკრებლობითი ტერმინი „არაგველი“ მხოლოდ არაგვის საერისთავოს (მოგვიანებით საუფლისნულოს) მკვიდრთ ფარავდა და ამ რიგის წომინაციამ მკაფიოდ იჩინა თავი კრწანისის ომთან დაკავშირებულ საბუთებშიც, სადაც ცალ-ცალკე ფიგურირებენ ფშავ-ხევსურები და არაგველები, მაგრამ ისინი იქვე ხელალებით გამორიცხავენ ისტორიული ტრადიციით და ზეპირსიტყვიერების მასალებით

⁶² ვახტ.ითონიშვილი, დასახ. ნაშრომი, გვ. 105-118.

ცნობილ სამას არაგველში სწორედ არაგვის საერისთავოს (მოგვი-ანებით საუფლისნულოს) მოსახლეთა (უნინარეს ყოვლისა ადგილო-ბრივ მთიელთა) ამოცნობის შესაძლებლობას. რეცენზენტებს რატომ-ლაც მეტისმეტად უჭირთ ან უბრალოდ არ სურთ იმის გაგება, რომ სამას არაგველად წოდებული სამხედრო შენაერთის იდენტიფიკაცია სწორედ არაგვის საუფლისნულოს ლაშქართან, რასაც სავსებით უჭერს მხარს ჩვენს ნაშრომში დეტალურად განხილული მასალები, სრულებითაც არ ნიშნავს ფშავ-ხევსურეთის ტოპონიმიაში ჰიდრონიმ „არაგვი“-ს, ხოლო ხალხური სახელდების სფეროში ცნება „არაგველი“-ს რეალუ-რად არსებობის, აგრეთვე კრწანისის ველზე ფშავ-ხევსურთა მედგრად ბრძოლის ფაქტების მაშინალურ უგულვებელყოფას. სამაგიროდ, მათ ნამეტანად ეადვილებათ საკვლევი საკითხის გასაშუქებლად მეტ-ნაკ-ლებად ვარგისი მონაცემებით თვითნებური ვარიორება, რაც არაკომ-პეტიციური მკითხველის დეზორინგტაციის ძლიერი წყრუცილით არის სტიმულირებული.

ამიტომ, შექმნილი ვითარება გვაიძულებს ჩვენს ნაშრომში ასახული ფაქტობრივი მასალის ხელმეორედ გამომზეურებას და მისი გაანა-ლიზების საფუძველზე იმ აუთენტიკური მტკიცებების განმეორებით დაწინაურებას, რომელთა უხამსი განექიებით ასე გამოიჩინეს თავი და გოგოჭურმა და ი.ლიქოკელმა. თანაც, აქვე უპრიანია აღნიშნული მა-სალების უკულმა და უკულმართად აღქმით განარდიშებული ოპონენ-ტების იმ კონტრარგუმენტების მოტანაც, რომელთა გამონახნაგება თვით ემბრიონული ლოგიკის პატრონთაც არ ეპატიება.

უნინარეს ყოვლისა, საგანგებოდ უნდა განიმარტოს, რომ სამასი არაგველის ლაშქარში შემავალ მეომართა კუთხური კუთვნილების განსაზღვრისას ჩვენ ვსარგებლობდით ერთი მხრივ ისტორიული ტრადიციით ცნობილი მაკროტოპონიმების — „არაგვის“, „საარაგვოს“ და შემკრებლობით სახელწოდება — „არაგველის“ მნიშვნელობისა და გავრცელების არეალის დადგენის თვალსაზრისით ღირსშესანიშნავი მონაცემებით, ხოლო, მეორე მხრივ, უშუალოდ კრწანისის ბრძოლის აღნერასთან დაკავშირებული მასალებით.

როგორც ზემოთ უკვე აღინიშნა, მრავალრიცხოვან წერილობით წყ-აროებში დაფიქსირებული და „ფშავ-ხევსურეთთან“ და „ფშაველ-ხევ-სურებთან“ შეპირისპირებაში მოცემული ტერმინები „არაგვი“, „საარაგ-ვო“, „არაგველები“ სისტემატურად ფარავენ შესაბამისად არაგვის სა-ერისთავოს (მოგვიანებით საუფლისნულოს) მინა-წყალს და უკანასკნე-ლის ფარგლებში მცხოვრებთ (მათ შორის მთიულებს, გუდამაყრელებს, მოხევეებს, ხანდოს, ჭართლის თემების მკვიდრთ და სხვ.).

ამდენად, სიტყვა არაგვს არა მარტო ჰიდრონიმის, არამედ განსაზ-ღვრული პოლიტიკურ-აღმინისატრაციული ერთეულის აღმნიშვნელი

სახელნოდების კონკრეტული სემანტიკაც გააჩნდა (ისევე როგორც ქსან-ს), ხოლო არაგველები ისტორიული ნომინაციის ჩარჩოებში მხოლოდ ხსნებული საერისთავოს მევიდრი შეეფარდებოდა და ნამდვილად არ ვრცელდებოდა ფშავ-ხევსურებზე.

საყურადღებოა, რომხაზგასმულმა დიფერენციამ რელიეფურად იჩინა თავი უშუალოდ კრწანისის ომისა და უინვალის ბრძოლის ამსახველ წერილობით წყაროებშიც, სადაც ერთმანეთის გვერდით ფიგურირებდნენ არაგველები ან არაგვისპირის კაცნი და ფშავ-ხევსურნი. თქმულის საილუსტრაციოდ კი გამოდგება თეიმურაზ ბაგრატიონის, იესე ბარათაშვილისა და ბაგრატ ბატონიშვილის თხზულებების შემდეგი ფრაგმენტები: „... და მეფე ირაკლის თანა იყვნეს მაშინ ორი ათას შედასამდე მხედრობა თვისი: ცხენოსანნი და ქვეითნა. ამათ შორის იყვნეს ქიზიყელნიცა და არაგველნი მცირედნი, მაგრამ კაცნი გულოვანნი ფრიად... იმერთაცა მხედრობანი ბრძოდეს მამაცად და ეგრეთვე ჭიზიყელნი და არაგველნი ფრიად მხნედ... ხოლო მხედრობათა მათგან აღერჩივნეს კაცნი მამაცნი ჭიზიყელნი, არაგველნი და ფშავ-ხევსურნი... და შეუერთდა გუნდიცა ესე გუნდსა მას ფშავ-ხევსურთა, არაგველთა და ჭიზიყელთასა და ჰყვეს მათ ატაკა მტერთა მიმართ...“⁶³ „...მისრულსა უინვალს, იდგა მუნ ალი სულთანი შამშადინისა. ამან შეიკრიბა შამშადინელნი სამასი კაცი ცხენოსანი, ხოლო არაგვისა პირისა კაცნიცა, და აგრეთვე ფშავ-ხევსურნიცა შეკრბნენ მუნ ალი სულთანთან ორას კაცამდე...“⁶⁴ ალა მაშმად ხანმა „...არაგუსა ზედა გაგზავნა რაოდენიმე მხედრობანი შესაპყრობელად მეფისა, გარნა იძლივნენ ბულაჩაურში არაგუშლთა, ფშაველთა და შამშადანელთა-გან და უკან იცცნენ ვერარაის მყოფელნი“⁶⁵.

როგორც დამოწმებული ცნობებიდან ჩანს, არაგველებში ან არაგვის პირის კაცებში უდავოდ არაგვის საუფლისწულოს მევიდრნი ამოიცნობიან. მართალია, თეიმურაზ ბაგრატიონი დაზუსტებით არაფერს ამბობს კრწანისის ომში თავდადებით ნაბრძოლი არაგველების საერთო რაოდენობაზე და ის უფრო არაგველთა, ფშავ-ხევსურთა და ქიზიყელთა გმირობის ღირსეულად წარმოჩენითაა დაკავებული, მაგრამ სამაგიეროდ ამ ხარვეზს ავსებს ალექსანდრე ვახტანგის ძე ჯამბაკურ-ორბელიანი, რომელიც მკაფიოდ განარჩევს რა ერთმანეთისა-გან არაგვის ჯარს (სარდალი ვახტანგ, იგივე აღმასხან ბატონიშვილი), ფშავ-ხევსურეთის, თუშეთისა და კახეთის ჯარს და სხვა სამხედრო

⁶³ თეიმურაზ ბაგრატიონი, დაუით ბაგრატიონის ისტორია, თ.ენუქიძის გამოც., თბ., 1972, გვ. 33, 35, 36.

⁶⁴ იესე ბარათაშვილის ცხოვრება-ანდერძი, ა.იოსელიანის გამოც., თბ., 1950, გვ. 44-45.

⁶⁵ ბაგრატ ბატონიშვილი, ახალი მოთხოვბა, თ.ლომოურის გამოც., თბ., 1941, გვ. 65.

შენაერთებს, სრულიად გარკვევით მიუთითებს: „იმ ამბებში ვინც მეფე ირაკლისთან იყვნენ პირუშლი გუამები, იმ თავიდგან უკანასკნელამ-დღისინ, იმათი სახელი არ უნდა დაიკარგოს, იმათი სახელი უნდა დაიწეროს აქა. პირუშელი, თვთ მეფის ირაკლის ძე ვახტანგმა (მომატებული სახელი ალმასხან). ამას **სამასი** ცხენიანი აზნაურშვილები ჰყუანდა სახელი ალმასხან). ამას **სამასი** ცხენიანი აზნაურშვილები ჰყუანდა თავიანთი მოსამსახურეებით, **არაგუშლები**, რომლებიც სულ ომში დაიხოცნენ და თავი იქვე დააგდეს. ამ ბატონიშვილს, არამც თუ **სამასი** მეომარი, შეეძლო სამი ათასი მოეყვანა იმ ხეობის ოსებით, კარგი ვა-უკაცნი, მაგრამ იქაც ეშმაკები შეიპარნენ და იმათ ჩაშალეს“⁶⁶.

ცხადია, მოტანილი ამონანერი საინტერესოა არა მარტო არაგველთა რაოდენობის ჩვენების, არამედ იმ კონკრეტულ რეგიონზე მითითების თვალსაზრისითაც, საიდანაც მიიღო კიდეც შევსება არაგველთა ლაშქარ-მა. აკი არაგვის ჯარში ოსების მონაზილეობის გამოუყენებელი შესაძლე-ბლობის კრიტიკული კონსტატაციის ფაქტი ნათლად მიგვანიშნებს იმაზე, რომ ვახტანგ ბატონიშვილის დაქვემდებარებაში მყოფი რაზმის რაოდე-ნობის მკვეთრი გაზრდის გზებზე მსჯელობისას ავტორი გულისხმობდა არაგვის და თერგის ხეობებს (ისტორიულად ცნობილ **ორ არაგვს**), სადაც ადგილობრივ ქართულ მოსახლეობასთან ერთად „სალაშქრო საქმით“ დაბეგრილი ოსებიც ცხოვრობდნენ. რასაკირველია, სამას არაგველთა ჯარის დაკომპლექტება კახეთის მთიანეთის მოსახლეთა (კერძოდ ფშავ-ხევსურთა) ხარჯზე რომ მომხდარიყო, როგორც ეს საქმეში ჩაუხედავმა კაცმა შეიძლება წარმოიდგინოს, მაშინ ალექსანდრე ჯამბაკურ-ორბე-ლიანი, ელემენტარული ლოგიკის ძალით, ვერ გამოთქვამდა წუხილს კრნანისის ომში ოსი მოლაშქრეების დაკლების თაობაზე, რადგან ფშავ-ხევსურეთში ოსების ცხოვრება ისტორიულად არ დასტურდება. ამასთან, ფშავ-ხევსურეთის მეტისმეტად სუსტად დიფერენცირებული მოსახლეო-ბის სოციალურ შემადგენლობაზე დაკვირვება, რომლისთვის სრულიად უცხოა აზნაურთა ფენის არსებობა, თავისითავად გამორიცხავს აღნიშნუ-ლი კუთხეებიდან „აზნაურიშვილებისა და მათი მოსამსახურეების“ ჯარში განვევის შესაძლებლობას.

საყურადღებოა, რომ ჯამბაკურ-ორბელიანის ნაშრომში გატარე-ბულ აზრს სამასი არაგველის ვინაობისა და რაოდენობის შესახებ არ ენინააღმდეგება გრიგოლ ორბელიანის შემდეგი ცნობაც: „სამასნი არაგველნი მოვიდნენ თბილის დუშეთიდან აღა-მაჲმად ხანის შემოსვ-ლის დროს, შეჰვიცეს მეფეს და ერთიც აღარ გამოვიდა ცოცხალი ომი-დან, ესენი იყვნენ ვახტანგ ბატონიშვილის ხელ-ქვეით და კრნანისის

⁶⁶ ალექსანდრე ვახტანგის ძე ჯამბაკურ-ორბელიანი, აღა-მაჲმად ხანის შემოსვლა ტფილისში, შურჩ. „მოამბე“, 1895, №7, გვ. 159.

ბალებთან დაიხოცნენ”⁶⁷.

კიდევ უფრო ნიშანდობლივია ლომისის წმ.გიორგის ეკლესიისადმი შენირულ ვერცხლის თასზე თვით ვახტანგ ბატონიშვილის მიერ გაკეთებული ნარჩერა, რომელშიც არაგვის საუფლისნულოს მპყრობელი მაღლიერების გრძნობით მოიხსენიებს კრწანისის ომში დაღუპულ არაგველებს: „ქ: შენ ნ’ისა და: დიდებულისა მთავარ მოწამის გიორგისა ეკლესიას ლომისად წოდებულისა თასი ესე მსასოებელმან მფარველობისა შენისამან ყოვლისა საქართველოსა მეფისა ირაკლი მეორისა ძემან ვახტანგ მპყრობელმან არაგვისამან ოდეს: ჩლუზ: (1797) ნელსა აღამამადხანის: მეორედ მომავლობა გვეგულებოდა და ჩვენ შენს დღესასწაულზედ მოვედით და **არაგველნი** სულ იქ გვახლდნენ და შენი დიდებული ბავრაყი ნაღვარევის ეკლესიაში ჩამოვასვენეთ და იქ იფიცეს ერთობით **არაგველთ ჩვენს ერთგულებაზედ და უნაკლულოდ ლაშქრობაზედ** და თუ ვინმე შემოსახიზნავად მოსულ იყვნენ იმათ კეთილად დაცვაზე და ამისათვის შენის დიდებულის ბავრაყის პატივის საცემლად მოგართვით თასი ესე შეინირე მსგავსად მეუფისა შენისა და იოხენ მათთვის, რომელნიც **არაგველნი აღამამადხანის ომში მოისრნენ**, რათა საუკუნესა ცხოვრებასა ღირს იქმნენ...”⁶⁸.

დაბოლოს, საკვლევ საკითხებში ჯეროვანი სიცხადის შესატანად ჩვენს განკარგულებაშია არაგვის ხეობის მთის მხარეებში შეკრებილი ზეპირსიტყვიერების მასალებიც, რომელთა გაანალიზების წყალობით არა მარტო არაგველთა ჯარის რაოდენობასა და ცალკეული სადროშოების მიხედვით მის ოდინდელ დაყოფაზე, არამედ ამ სამხედრო შენაერთის მოძრაობის მარშრუტსა და მთიელთა დაფიცების ადგილებზეც გვექმნება წარმოდგენა. თანაც, ზოგიერთი ინფორმატორის ხსოვნაში დღემდეა შემონახული არაგველთა ლაშქრის მთავარი მედროშის — ნინია აფციაურისა და მის თანამებრძოლთა სახელებიც, ხოლო მათი უმრავლესობა სიამაყით მოვითხოობს ერეკლე მეფის მიერ ოქროს ჯვრით არაგველთა დასაჩუქრების და ლომისის ნმინდა გიორგის ეკლესიის გალავანში გადახდილ სამხთოში სამასი საკლავის დაკვლის ამბავს⁶⁹, რამაც ერთ-ერთ ხალხურ ლექსშიც ჰქონდა ასახვა:

„მთიულებს შემოუთვალეს ბრძანება ქალაქისაო: გვიშველეთ, მთიულთ შვილებო, ძალა დაგვადგა მტრისაო, თბილისის ბოლოს მოვიდა ჯარები თათრებისაო... მოვიდნენ მთიულთ ბიჭები, წავიდა სისხლის ღვარიო,

⁶⁷ გრ.ორბელიანი, თხზულებათა სრული კრებული, თბ., 1955, გვ. 97.

⁶⁸ ს.მაკალათია, მთიულეთი, ტფ., 1930, გვ. 34.

⁶⁹ ვახტ.ითონიშვილი, დასახ. ნაშრ., გვ. 113-114.

გაანადგურეს თათრები, დღე დააყარეს მწარიო...
მეფე ერეკლემ მთიულებს უბოძა ოქროს ჯვარიო,
სამხთო ქნეს ლომისაშიო, დაკლეს სამასი ცხვარიო”⁷⁰.

მართალია, შემოკლებით მოყვანილ ამ ლექსში სამშობლოსადმი თავგადადებულ გმირებად არაგველთაგან მარტოოდენ მთიულები ფიგურირებენ, მაგრამ ეს გარემოება ნიადაგ ვერ დააყენებს ეჭვევეშ მთიულებთან ერთად არაგველთა ლაშქარში გუდამაყრელთა (მათ-თან ერთად ბაჟურხეველ ხევსურთა), ხანდოსა და ჭართლის თემების მკვიდრთა, აგრეთვე მოხევეთა მონანილეობის ფაქტს. უბრალოდ აღნიშნული ლექსი მთიულეთში იქნა შეთხზული და მისი ავტორიც პირველ რიგში საკუთარი კუთხიდან ჯარში განვეულ ვაუკაცთა ღვან-ლის დაფასებას გაუტაცნია.

მიუხედავად იმისა, რომ დამოწმებული მასალა საკმარისად დამაჯერებლად ლაპარაკობს საშას არაგველში სწორედ არაგვის საუფლისწულოს მკვიდრთა ამოცნობის სასარგებლოდ და ამავე დროს ის არანაირად არ უპირისისირდება კრნანისის ომში თუშ-ფშავ-ხევ-სურთა უდავო მონანილეობის ფაქტს, და გოგოჭური და ი.ლიქოკელი მანიც უჩვეულოდ ჭირვეულობენ და ზემოთგანხილული მონაცემების ცალმხრივი ინტერპრეტაციის სანიმუშო გაკვეთილებს გვიტარებენ: „ვ.ითნიშვილი განვებ აბუნდოვნებს ამ სრულიად მარტივ საკითხებს: არაგველები არიან არაგვის საერისთაოს (შემდეგ საუფლისწულოს) მცხოვრებლები, რომელთა რიცხვი უდავოდ სამასზე მეტი იქნებოდა, რადგან წერილობითი წყაროების მიხედვით ვახტანგ ბატონიშვილის გუნდში მარტო ორასი აზნაური ყოფილა თავისი ხალხით. თითეული აზნაურის მხლებლად რომ სულ მცირე 3-4 მეომარიც ვივარაუდოთ, — ათას კაცამდე ადის... მაგრამ, რაც მთავარია, ის ორასი არაგველი აზნაურიც ვერ იქნებოდა ვერც მთიული და ვერც მოხევე (მით უმეტეს ფშაველი და ხევსური) იმ მარტივი მიზეზის გამო, რომ ამ კუთხეებში თავადაზნაურთა წოდება არ არსებობდა. ეს აზნაურები თავისი მხლებლებით ქვემო საარაგვოდან იყვნენ და დუშეთიდან გამოვიდნენ როგორც გ.ორბელიანი მიუთითებს“ (გვ. 168-169).

ესოდენ კატეგორიულ მტკიცებასთან დაკავშირებით აუცილებელია განიმარტოს, რომ, ჯერ ერთი, მარჩიელობა იმის შესახებ, თუ რამდენ კაცს ითვლიდა არაგველთა ჯარი ყოვლად დაუშვებელია, ვინაიდან და გოგოჭურისა და ი.ლიქოკელის მიერ დამახინჯებულ წერილობით წყაროებში გარკვევითაა მითითებული არაგველთა ლაშქრის მოცემუ-

⁷⁰ ქართველ მთიულთა ზეპირსიტყვიერება, ელ.ვირსალაძის გამოც., თბ., 1958, გვ. 153-154; ქართული ხალხური პოეზია, XI, თბ., 1984, გვ. 57.

ლობა 300 მეომრის ოდენობით. მეორეც, ჩვენი ოპონენტების თამამი განაცხადი, თითქოს იმავე წერილობითი წყაროების მიხედვით ვახტანგ ბატონიშვილის გუნდში მარტო ორასი აზნაურიშვილი ყოფილა, სინამდვილის უხეში გაყალბების ტოლფასია, რამეთუ არც ერთი წყარო არ შეიცავს პირდაპირ ჩვენებას არაგველ აზნაურთა რიცხვის შესახებ. მესამეც, ხსენებულ ავტორებს წარმოდგენა არა აქვთ იმაზე, რომ 200 აზნაურის შეკრება ქვემო საარაგვოდან, სადაც XVIII ს-ის სტატისტიკური დავთრებით სულ რაღაც ათი აზნაურული სახლი აღირიცხება, ნამდვილად გამორიცხული იყო და საერთოდ წერილობითი წყაროები სდუმან აზნაურთა და მათ მოსამსახურეთა თანაშეფარდების ან მარტოდენ ქვემო საარაგვოდან მათი გამოკრეფის თაობაზე.

სამაგიეროდ, ალექსანდრე ჯამბაკურ-ორბელიანის მიერგამოთქმული სინაული არაგვის საუფლისწულოს მთის ზოლში მცხოვრები ოსი მოლაშერების დაკლების შესახებ დამაჯერებლად მეტყველებს იმაზე, რომ არაგველთა ლაშერის დაკომპლექტება მოხდა არაგვის ხეობის სათავიდან ვიდრე ქვემოთ ნაწილამდე. ამასთან, ქვემო საუფლისწულოს (ყოფილი საერისთავოს) ტერიტორიაზე მოსახლე აზნაურებს (მაგ. ყარანგოზიშვილებს, ჩრდილელებს, შაბურიშვილებს), ვითარცა სახასო აზნაურებს, ყმები მთის რეგიონშიც ჰყავდათ არაგვის საუფლისწულოს მთიელები კი სახასო ყმების კუთვნილი სტატუსის შესაბამისად სამხედრო მოსამსახურეებს წარმოადგენდნენ, რამელთაც ომში ქვემო საუფლისწულოს აზნაურები მიუძლოდნენ წინ. სხვათაშორის, აზნაურთა და მათ მოსამსახურეთა დაწყვილების ფაქტი, რაც, ცხადია, არ შეიძლება ისე იქნეს გაგებული, თითქოს აზნაურები თავის მოსამსახურეებს აღემატებოდნენ რაიდენობრივად, ძალაუნებურად მოგვაგონებს ვახუშტი ბაგრატიონის შემდეგ ცნობას: „სახასონი აზნაურნი და მსახურნი გლეხნი წეობათაგან იყვნენ მცველნი მეფისანი და უმეტეს მოწევე-მთიულნი...“⁷¹.

რაც შეეხება გ.ორბელიანის მითითებას დუშეთიდან არაგველთა მოსვლის შესახებ, ეს ფაქტი თავისთავად არაფერს ამბობს არაგვის საუფლისწულოს მთის ზონიდან არაგველთა ჯარის გამოსვლის საწინააღმდეგოდ, ვინაიდან მთიელთა სამხედრო შენაერთის მოძრაობა მთიანეთიდან ბარის ზონისაკენ სრულებითაც არ გამორიცხავს დუშეთში მათი დროებითი შეჩერების და ქვემო საუფლისწულოს აზნაურთა ჯგუფთან შეერთების შემდეგ თბილისისკენ წამოსვლის შესაძლებლობას.

მართალია, ჩვენ შორის ვართ იმ აზრისაგან, რომ ვახტანგ ბატონიშვილის სარდლობით ომგადახდილი ლაშქარი, რომელშიც უშუა-

⁷¹ ვახუშტი, აღნერა, გვ. 31.

ლოდ კრწანისის ბრძოლის წინ არაგვის საუფლისნულოს სამასკაციანი რაზმის გარდა ფშავ-ხევსურებიც გაერთიანდნენ, არ აღმატებოდა 300 კაცს, მაგრამ რამდენადაც აღნიშნულ სამხედრო შენაერთში უმრავლესობას ვახტანგ ბატონიშვილის სამფლობელოს მკვიდრნი შეადგენდნენ, ა.ჯამბაკურ-ორბელიანიც ამიტომ უსვამს ხაზს სწორედ არაგველთა სამასკაციანი რაზმის თავდადებას და ამ შემთხვევაში მას ტენდენციურობას ვერ დავნამებთ. აკი, იმავე ბახტრიონის აჯანყების შემდეგ განსაკუთრებით გახმაურდა თუშ-ფშავ-ხევსურთა, ვითარცა მთიელთა ლაშქრის ძირითადი ბირთვის, გმირობის ამბავი, მაშინ როდესაც წერილობითი წყაროების ჩვენებით თურქმანი ელისგან კახეთის გასანთავისუფლებლად გადახდილ ომში კახეთის მთიელთა მხარდამხარ არაგვის საერისთავოს მოღაშქრეებმაც იქნიეს ხმალი.

ასე რომ ა.ჯამბაკურ-ორბელიანს კრწანისის ველზე თავდადებულ გმირთა ჩამოთვლისას მარტოოდენ სამასი არაგველის და არა ვახტანგ ბატონიშვილის დაქვემდებარებაში მყოფი: „მთის კაცთა“ მთელი ლაშქრის ღვანლის საგანგებოდ ნამონევას სავსებით ლოგიკური ახსნა მოეძებნება და კონკრეტულ შემთხვევაში ავტორს არასრულფასოვანი ინფორმაცია ნამდვილად „ეპატიება“. სამაგიეროდ, არასაპატიებელია პირველწყაროთა ჩვენებების თვითნებური კორექტირება და ცალმხრივად გაგებული ფაქტობრივი მასალის ჩაყენება წინასწარ აკვატებული მოსაზრების სამსახურში, რაც მიზანშენონილად ჩათვალეს და გოგოჭურმა და ი.ლიქოკელმა.

სამწუხაროდ, ასევე ვერავითარ კრიტიკას ვერ უძლებს ხსენებულ ავტორთა დამოკიდებულება ჩვენს მიერ შეკრებილი და გაანალიზებული ფოლკლორული მასალის მიმართაც, რომელსაც ისინი სრულ უნდობლობას უცხადებენ და უყოფმანოდ ნათლავენ კრწანისის ომში თუშ-ფშავ-ხევსურთა ღვანლის გასაბათილებლად მოყვანილ, წერილობითი წყაროების ჩვენებებთან დაპირისპირებულ მონაცემებად (168). ამ მიმართულებით მათი გულმოდგინე გარჯა დაგვირგვინებულია მკითხველის საბოლოო დეზორინტაციაზე გათვლილი შემდეგი სტრიქონებით: „... მის (ე.ი. ვ.ითონიშვილის — ვ.ი.) მიერ „მოპოვებული“ და ციტირებული „სანდო მასალები“ კი საიდანაც მას დასკვნები გამოაქვს, აი როგორია: „...ჩვენ გვეკვიან არაგველები, არაგვის სათვეში ვართ ჩვენა. აქ მთიდან ჩამოდის. თქვეს „თუ დავიხოცებით, ისე არ დავიხოცებით, თითომ ათი კაცი არ ვიმსხვერპლოთო““. ის ჩვენი პაპები იყვნენ. არაგვს რა უნდა ხევსურეთში. ფშავლები და ხევსურები წააყენეს. მთელი მთიულეთის ძრომა იმათზე გადაიტანეს“. მკითხველმა განსაჯოს, რამდენად ობიექტურია, ვ.ითონიშვილი, რომელიც ცდილობს ეს „სანდო მონაპოვარი“ დაუპირისპიროს გამოჩენილი ისტორიკოსის, ...თეიმურაზ ბაგრატიონის ხელით დაწერილ ცნობას იმის

შესახებ, რომ კრწანისის ომში თავგანწირვით იბრძოლეს ფშავ-ხევ-სურმა მეომრებმა” (გვ. 168).

ესოდენ უტიფრად შეთითხნილი „შენიშვნების“ განსაქარნყლებლად საკმარისია მოკლედ ითქვას, რომ ჩვენს წიგნში არ აქვს ადგილი თუშ-ფშავ-ხევსურთა ღვაწლის დამადასტურებელ ფოლკლორული თუ წერილობითი მონაცემების უგულვებელყოფის ცდას. პირიქით, ჩვენ სწორედ ამ მონაცემების საფუძველზე ვაგები მსჯელობას სამასი არაგველის ვინაობის შესახებ.

რაც შეეხება „ბანის შეყრას“ იმის გამო, თითქოსდა ჩვენ მთიელთა არასოლიდურ ინფორმაციას ვაჩერებდით მკითხველს, აქ აუცილებელია განიმარტოს, რომ ჯერ ერთი, ლ. კაიშაურის წიგნიდან მოტანილი ემოციური განაცხადი ერთ-ერთი მთიულისა სულაც არ წარმოადგენს ჩვენს „მონაპოვარს“, როგორც ეს და გოგოჭურს და ი.ლიქოკელს ჰერნიათ. მეორეც, ხაზგასმულ „კვალიფიკაციას“ ნამდვილად არ გააჩნია ობიექტური მასალის პრეტენზია, ვინაიდან მისი დამონშება მხოლოდ იმის საილუსტრაციოდ დაგვჭირდა, თუ რაოდენ არაჯანსაღ „პოლემიკას“ ჰქონდა (და ჯერაც აქვს) ადგილი მთიელთა შორის სამასი არაგველის ვინაობის საკითხის გარშემო. მესამეც, აღნიშნული გამონათქვამებისათვის სრულებით არ მიგვინიჭებია იმ წერილობითი მონაცემების საპირისპირო საბუთის მნიშვნელობა, რომელიც კრწანისის ველზე თუშ-ფშავ-ხევსურთა ბრძოლას ადასტურებენ.

ცხადია, ყოველივე ამის მიხვედრა და გოგოჭურს და ი.ლიქოკელს წესით არ უნდა გასჭირვებოდათ, რაც მათ გაუნონასწორებელი ფრაზე-ოლოგიისგან დააზღვევდა. აკი გამოცდილ მკვლევართ არც უნდა სჭირდებოდეს იმის შეხსენება, რომ ასე დაუფიქრებლად და ტლანქად წერა ნამდვილად არ შეიძლება, მაგრამ სხვა საკითხია, თუკი მათ სხვაგვარად წერა არც შეუძლიათ.

ასევე მეტი ობიექტურობა მართებდათ და გოგოჭურსა და ი.ლიქოკელს, როდესაც მათ ჩვენს მიერ დამონშებული ერთ-ერთი ლექსის („მთიულებს შემოუთვალეს“) არნახული დამახინჯება და შერყვნა დაგვდეს ბრალად: „მკვლევარი ცალმხრივად იყენებს ხალხში შემონახულსა და დღემდე ზეპირბრუნვაში არსებულ უმდიდრეს საისტორიო თქმულება-გადმოცემებსა და სიმღერებს... რაც მოაქვს, ისიც მის მიერ დამახინჯებული და შერყვნილია. მაგალითად, ვეებერთელა ლექსიდან („მთიულებს შემოუთვალეს“) მოაქვს ნაწყვეტი, რომელიც თითქოს კრწანისის ომში მთიულთა მონაწილეობას უნდა ასახავდეს, მაგრამ იძულებულია ამ ნაწყვეტიდანაც კიდევ ამოგლიჯოს აი ეს სტრიქონები:

განთავისუფლდა თბილისი
თათრებს შეუკრეს გზანიო...

გაანადგურეს თათრები

გადაავლიეს მთანიო...

მკითხველი დაგვერწმუნება, რომ ეს ტაეპები არ ეხება კრწანისის ბრძოლას, რადგან ამ ომში არც თბილისი განთავისუფლებულა და არც თათრები გაუნადგურებიათ და გაურეკიათ მთების გადაღმა. მაგრამ რა ქნას კ.ითონიშვილმა, რომელსაც კრწანისის ომში მთიულთა და მოხევეთა მონაწილეობის ამსახველი ლექსი ძალიან სჭირდება, და ასე-თი რამ კი ხალხურ პოეზიაში ვერ აღმოაჩინა, ადგა და აბდულ-ბეგის წინააღმდეგ ბრძოლის ამსახველი ლექსის ერთი ვარიანტი მიფლით-მოფლითა და „მოაკრწანისულა“ (გვ. 167).

ვითარების ასეთნაირი შეფასება არ შეესაბამება სინამდვილეს, ვინაიდან ჩვენ გეგმებში სულაც არ შედიოდა დ.გოგოჭურისა და ი.ლიქოკელის მიერ „ვეებერთელად“ გამოცხადებული 8 სტროფი-ანი ლექსის განზრას დამახინჯება და დაჩქევა. აღნიშნული ლექსისი შემოკლებული ვარიანტით დამოწმება კი მხოლოდ ჩვენი ნაშრომის განსაზღვრულმა მოცულობამ გვაიძულა; თანაც მას ნამდვილად არ ჩავბლაუჭებივართ იმის გამო, რომ კრწანისის ომში მთიულ-მოხევეთა მონაწილეობის ამსახველი ფოლკლორული მასალის „აღმოჩენა“ ვერ მოვახერხეთ. ამ რიგის მასალა ხომ საკმაო რაოდენობით ფიქსირდება და მან ჩვენ ნაშრომშიც ჰპოვა ნაწილობრივი ასახვა.

მართალია, ჩვენთვის საინტერესო „მთიულებს შემოუთვალეს“ მარტოოდენ მთიულთა ღვანლს წარმოაჩინს და მათ თბილისის გან-თავისუფლებასაც კი მიაწერს, რაც თავისთავად ისტორიული სინამდ-ვილიდან გადახვევის ტოლფასია, მაგრამ ეს გარემოება დ.გოგოჭურს და ი.ლიქოკელს მაინც არ აძლევს აღნიშნული ლექსის ხელაღებით ამორიცხვის უფლებას კრწანისის ომის ამსახველი ფოლკლორული მასალების სიიდან. ჩვენი დამოძღვრით გატაცებულ ოპონენტებს რატომდაც მხედველობაში არა აქვთ მიღებული ის დეტალი, რომ ქართული ხალხური ზეპირისიტყვიერებისათვის სულაც არაა უცხო აშკარა ანაქრონიზმისა და ისტორიული ფაქტების ჰიპერბოლიზირების ტენდენცია. ამ უკანასკნელის ძალით კი არაერთი ლექსი სცოდავს ქრონოლოგიური ჩარჩოების გაუთვალისწინებლად ცალკეული ისტო-რიული მოვლენების ერთმანეთში არევით და მათი უკიდურესი გაზვია-დებით. ასე, მაგალითად, ვახტანგ გორგასლისადმი მიძღვნილი ხალხ-ური ლექსის თანახმად ქართველთა სახელოვანმა მეფემ იალბუზზე შედგა ფეხი, მაგრამ ეს გამონათქვამი, ცხადია, პირდაპირი მნიშ-ვნელობით არ უნდა გავიგოთ და მისმა ნაკითხვამ ჭკუათმყოფელ კაცს ქართველი მეფის ალპინისტურ მიღწევაზე სერიოზულად მსჯელობის ცდუნება არ შეიძლება აღუძრას.

თუ ანალოგიური ლოგიკით მივუდგებით ზემოხსენებულ ხალხურ

ლექსს, მისდამი სკეპტიკური განწყობის საფუძველი ასევე არ არ-სებობს. მაგრამ თუ თავს ძალას დავატანთ და დ-გოგოჭურისა და ი.ლიქოელის უკიდურესად პედანტურ „კონტრარგუმენტაციას“ სა-თანადო ანგარიშს გავუწევთ, მაშინ ხომ დაბეჯითებით შეიძლება ითქ-ვას, რომ „მთიულებს შემოუთვალეს“ აბდულ-ბეგთან ბრძოლას მით უმეტეს არ შეიძლება ასახავდეს, ვინაიდან აბდულ-ბეგთან გადახდილი ომის ნინ ერეკლე ნამდვილად არ ასულა უინვალს მთიულებთან შესახ-ვედრად, ხოლო მტრის ლაშქარს არც ნატახტარი აუღია და არც მუხრა-ნი გაუნადგურებია, რის შესახებაც გვაუწყებს სადავოდ ქცეული ხალხ-ური ლექსის ცალკეული ტაეპები.

ასე რომ ისტორიული სინამდვილის მაქსიმალური სიზუსტით გად-მოცემის თვალსაზრისით უნაცლო ფოლკლორული მასალა მართლაც იშვიათობას ნარმოადგენს. არნიშნულ ლექსში კი სწორედ კრნანისის ომის ეპიზოდია არეკლილი.

არაობიერტურობის მორიგ ნიმუშად გამოდგება ჩვენი კვაზიპო-ლემისტების შემდეგი განაცხადიც: „ვ.ი.თონიშვილს ვერ მოაქვს ვერ-ცერთი საბუთი, რითაც მკითხველს დაარწმუნებდა, რომ ვახტანგ ბა-ტონიშვილის გუნდში მხოლოდ საუფლისნულოს სამასი მეომარი იყო და სწორედ ისინი არიან კრნანისის ველზე თავდადებულნი“ (გვ. 169).

ესოდენ დემაგოგიური ფორმულირებით დეზორიენტირებული მკითხველი გვსურს ბოლოსდაბოლოს „დავარნმუნოთ“, რომ ჩვენს მი-ზანს ნამდვილად არ შეადგენდა მათი განწყობა თუშ-ფშავ-ხევსურთა საწინააღმდეგოდ და კრნანისის ომში კახეთის მთიელთა თავდადე-ბის უტყუარი ფაქტის ეჭვევეშ დაყენება ვახტანგ ბატონიშვილისადმი დაქვემდებარებულ და კრნანისის ველზე ომგადახდილ სამხედრო შენაერთში მხოლოდ საუფლისნულოს სამასი მეომრის გმირობის ცალმხრივი ნამონევის წყალობით. არადა, ამის საგანგებოდ მტკიცება წესით არც უნდა გვჭირდებოდეს ჩვენს წიგნში ჩატარებული კვლე-ვის შედეგად მიღებულ შემდეგი დასკვნის ფონზე: „...სამას არაგვე-ლად სახელდებულ მოლაშერებად ნარმოგვიდგებიან არაგვის საუ-ფლისნულოდან გაკურეფილი მეომრები, ძირითადად კი ხსენებული პოლიტიკურ-ადმინისტრაციული ერთეულის „მთის ადგილებში“ მცხ-ოვრები მთიულები, გუდამაყრელები (ბაკურხეველ ხევსურებთან ერ-თად), ხანდოელები, ჭართლის მცხოვრები, აგრეთვე მოხევეების და არაგვის ხეობის ბარის ზოლის მკვიდრთა... მცირე ჯგუფი. ამათგან უმრავლესობას შეადგენდნენ მთიულები და გუდამაყრელები, რომელ-ნიც უთუოდ პირველები გამოეხმაურნენ ერეკლე II-ის მონოდებას. ეს სამასკაციინი „არაგვის ჯარი“, რომლის შეკრება ვახტანგ ბატონიშვი-ლის დამსახურებაა, თბილისში (სხვა ვერსიით უინვალში ან დუშეთში) შეერთდა ფშავ-ხევსურებთიდან გამოწვეულ „უნჯ ყმათაგან“ დაკომ-

ლექტებულ ლაშქართან, ხოლო საკუთრივ კრწანისის ომში ჩაბმის წინ სამასი არაგველის, ფშავ-ხევსურების, ქიზიყელებისა და თბილისელი მოლაშერეებისაგან შემდგარ მოზრდილ სამხედრო შენარეთს „არაგვის მპყრობელი“ ვახტანგი დაენიშნა სარდლად. რამდენადაც ქართლისა და კახეთის მთიელთაგან შემდგარი „მთის ჯარის“ ძირითად ბირთვს არაგველები წარმოადგენდნენ და აღნიშნული ლაშქარი არაგველთა გამგებლის დაქვემდებარებაში მოქმდა, ბრძოლის დასრულების შემდეგ, ყველაზე მეტად გახმაურდა სწორედ სამასი არაგველის გმირობა, თუმცა მათ მხარდამხარ მეტობოლმა ფშავლებმა და ხევსურებმაც არანაკლებ გამოიჩინეს თავი⁷².

როგორც მოყვანილი სტრიქონებიდან ჩანს, ჩვენს უმთავრეს მიზანს შეადგენდა ისტორიული ტრადიციით ცნობილი სამასი არაგველის ვინაობის დადგენა, რაც წარმატებით მოხერხდა კიდეც. უხვი ფაქტობრივი მასალის გაანალიზების შუქზე აკი გაირკვა, რომ ისტორიული ნომინაციის ჩარჩოებში არაგველებად არაგვის საერისთავოს (გვიანდელი საუფლისნულო) მკვიდრნი იწოდებოდნენ და თბილისთან ომგადახდილ სამას არაგველში სწორედ აღნიშნული პოლიტიკურ-ადმინისტრაციული ერთეულის მკვიდრნი ამოიცნობიან. მაგრამ სამასი არაგველის იდენტიფიკაციას არაგვის საუფლისნულოს მოსახლეებთან, ვიმეორებთ, არაფერი აქვს საერთო თუშ-ფშავ-ხევსურთა ლვანლის დაკანინებას და კრწანისის ომში მათი თავდადების იგნორირების ცდასთან. ამდენად, მკითხველმა განსაჯოს, თუ რა შეიძლება დაერქვას ჩვენს მიერ ჩატარებული კვლევის შედეგების უხეირო გაყალბებას, რაც ასე ეადვილებათ დაგოგოჭურს და ი-ლიქოკელს.

ცხადია, ყოველივე წინათქმულის გათვალისწინების კვალობაზე უბრალოდ არასერიოზულად გამოიყურება ჩვენი ოპონენტების მიერ საკითხის შემდეგნაირად დასმა: „ამ თემაზე ნაშრომის შექმნა რომ გაამართლოს მკვლევარი ვრცლად მსჯელობს იმის შესახებ, რომ მთის კუთხეთა შორის თითქოს „კარგა ხნის მანძილზე გაუთავებელი და არა-ჯანსაღი პოლემიკა სხარმოებდეს“, მაგრამ სად არის ეს პოლემიკა? ვინ „ანარმოებს“ მას? ჩვენ ამის მსგავსს არაფერს ვიცნობთ და ამ კუთხობანას თამაშს სწორედ თვითონ ვ.ითონიშვილი იწყებს... მერე და ვის სჭირდება ასეთი გაიპოლემიკა?! თუ ვ.ითონიშვილი იცნობს ავტორს, ვინც თავის ნაშრომში ცდილობს დაამტკიცოს, რომ მთიულები და მოხევეები არამცდაარამც კრწანისის ომში არ მონაწილეობდნენო, ედავოს მას. არა და ჩანაცვლობანას ამაო თამაში მოუნდა იმ კუთხეთა წინააღმდეგ, რომელთა გმირობის შესახებ ღალადებს წყაროები? (გვ. 169).

სამართლიანობა მოითხოვს ითქვას, რომ დასმულ კითხვაზე

⁷² ვახტ.ითონიშვილი, დასახ. ნაშრომი, გვ. 115-116.

ამომწურავ პასუხს თავად დ.გოგოჭური და ი.ლიქოკელი იძლევიან, რომელთა პასკვილურ წერილშიც შავით თეთრზე წერია: „განა კრნა-ნისის ომში დაღუპულ თუშ-ფშავ-ხევსურთა იგნორირების გარეშე არ შეეძლო ვ.ითონიშვილს დაემტკიცებინა (თუ კი ასეთივე მასალები გააჩნდა!), რომ ამ ომში მისი კუთხის ხალხიც იღებდა მონანილეობას! მაგრამ ასეთი მასალები არ არის და მათი არც თითოდან გამოწოვა შეიძლება“ (გვ. 167).

რამდენადც, ესოდენ ჰაიპარად წერით გალალებულ ავტორებს სულაც არ ეუხერხულებათ ჩვენს მიერ ჩატარებული კვლევის შედეგების პროფანაციის საერთო ფონზე იმ მრავალრიცხოვანი მონაცემების ხელალებით უგულებელყოფა, რომელნიც კრნანისის ომში არაგვის საუფლისნულოს მთიელთა მონანილეობას ადასტურებენ, მკითხველს, იმედია, არ გაუძნელდება იმის დანახვა, თუ ვინ არის გატაცებული „კუკუმალობის“, „ჩანაცვლობანის“ და „კუთხობანას“ თამაშით და სინამდვილეში ვის ეკუთვნის „ვაიპოლემიკის“ წამონების და აბსურდული კვალიფიკირებით ჯიქურ „კეჭნაობის“ ინიციატივა. ამ მხრივ ხომ სწორედ დ.გოგოჭურმა და ი.ლიქოკელმა „ისახელეს“ თავი და ალბათ ასეთ არაორდინარულ ვითარებაზეა ზედგამოქრილი — „რაც მოგივა დავითაო, კველა შენი თავითაო“.

დაბოლოს, არ შეიძლება სათანადო ანგარიში არ გაეწიოს დ.გოგოჭურის და ი.ლიქოკელის შემდეგ „გულწრფელ“ განაცხადს: „ზემოთ საქაო და სანდო საპუთები მოვიტანეთ იმის ნათელსაყოფად, თუ ფშაველი და ხევსური მეომრები რა მეღგრად, გამორჩევითა და თავგანწირვით მუსრავდნენ მტერს... თუ ასეთივე საბუთები (წერილობითი წყაროები, ძევლად ჩაწერილი გადმოცემები, სიმღერები) სხვა მთის კუთხეთა მიმართაც გააჩნია ვ.ითონიშვილს, გამოგვიმზეუროს ისინი და სჯეროდეს, რომ გულწრფელად გავიხარდება“ (გვ. 169).

თუ ჩვენს წიგნში ფართოდ გამომზეურებული იმ „თითოდან გამონვილი“ საბუთების მიხედვით ვიმსჯელებთ, რომელნიც თვალნათლივ მონმობენ კრნანისის ომში არა მარტო ფშავ-ხევსურთა, არამედ მთიულეთის, გუდამაყრის, ხანდოს, ჭართლის და ხევის მკვიდრთა მონანილეობას, ვფიქრობთ დ.გოგოჭურს და ი.ლიქოკელს ჯერ კიდევ არ დაუკარგავთ გულწრფელი გახარების შანსი. ასეთი სასიკეთო მეტამორფოზისათვის მათ მხოლოდ ჩვენი ნაშრომის ხელმეორედ ყურადღებით გადაკითხვას და პირადი ანგარიშსწორების უინისაგან წინდანინ განმუხტვას ვურჩევდით. მანამდე კი, თავს უფლებას მივცემთ კვაზიპოლემისტების საყურადღებოდ სინაულით შევნიშნოთ — ნუთუ ჩვენს დროში ქართველ სნავლულებს ხევა საქმე აღარაფერი აქვთ, გარდა იმისა რომ მართლაც, კუთხეთა შორის კინკლაობას ჩაუდგნენ სათავეში? ნამდვილად საწუხ არს ესე.

რედაქტორის პოვენტარები

დ.გოგოჭურისა და ი.ლიქოკელის უმეცრებისა და სიყალბის მამხ-ილებელი ამ პასუხის შემდეგ მათ კიდევ ერთხელ მოსინჯეს თავიანთი უნიათო შესაძლებლობანი და კვლავ გამოაქვეყნეს პოლემიკად სახელ-დებული ნაცოდვილარი (ჟ. „მნათობი“, 1992 წ., №7-8). სამწუხაროდ „ჭეშმარიტების მაძიებელთათვის“ სრულიად უცნობი აღმოჩნდა იმ საისტორიო წყაროების მონაცემები, რომლებიც თვალნათლივ ადას-ტურებენ არაგვის საერისთავოს (შემდგომში საუფლისნულოს) მთიელ-თა მონაწილეობას კრნანისის ომში. ყველა არსებული დოკუმენტები და მომხდარი ტრაგედიის თვითმხილველი მემატიანეთა აღნერილობა ცხადყოფს, რომ 300 არაგველის შემადგენლობაში გაერთიანდნენ მთი-ულები, გუდამაყრელები, ხანდოელები, ჭართლელები და მოხევები. აღნიშნული რეალობის გამომზეურების პარალელურად ვახტანგ ითონიშვილი სრულებითაც არ უარყოფს ხევსურების, ფშავლებისა და თუშების თავდადებულ ბრძოლას. მისი რეცენზიტებული მტკიცებით კი წიგნში (არაგვი და არაგველები) უგულვებელყოფილია მათი ღვანწლი. სამწუხაროა ისიც, რომ რეცენზიტებისათვის მთავარი მნიშვნელობა ჰქონია ფოლკლორულ მასალებს, რაც ვახტანგ ითონიშ-ვილის წიგნში ასევე მოხმობილია, მაგრამ უპირატესობა აქვს მინიჭე-ბული მოვლენების მომსწრე და მოწმე მემატიანეთა მონათხრობს.

დილეტანტი რეცენზიტების უმეცრება, ტენდენციურობა და იაფ-ფასიანი პროვინციალიზმი აშკარად გამომუდავნდა ვახტანგ ითონიშ-ვილის მიერ ჟ. „განთიადში“ გამოვეყნებული პასუხის გაბათილების მიზნით შეთითხნილ წერილშიც (მკითხველმა განსაჯოს, ჟ. „მნათობი“, 1992, №7-8), რაც ფაქტურად პირველი რეცენზიის უხეირო და შეც-დომებით კიდევ უფრო დამძიმებულ განმეორებას წარმოადგენს. ამი-ტომ, წიგნის ავტორმა, რომელსაც რეცენზიტებმა კუთხეებს შორის დაპირისპირება დააბრალეს, საჭიროდ აღარ მიიჩნია გამოხმაურებოდა ამ მეორე სუროგატს, როგორც უმეცრებისა და ბინძური ცილისნამების ნიმუშს. ვახტანგ ითონიშვილმა სავსებით დამაკმაყოფილებლად მიიჩ-ნია პროფესიონალი ისტორიკოსების აზრი თავისი ნაშრომის შესახებ და არა ისტორიის ცოდნისადმი მწერლად მყოფი ფოლკლორისტების მუცლითმეზღაპრეობა.

* * *

გავიდა დრო და „სამართლიანობაზე ფიქრით შთაგონებულმა“ კიდევ ერთმა „სწავლულმა“ წამოყო თავი (გ.ჭინჭარაული, სამარ-

თლიანობაზე ფიქრით, თბ., 1993). გადაუჭარბებლად შეიძლება ითქვას, რომ მისი ეს თხზულება თავიდან ბოლომდე ავადმყოფი კაცის ბოდვის ნიმუშია, რის გამო ვახტანგ ითონიშვილმა მას თავი არ გაუყადრა და მისი სისულელების განხილვა არ იკადრა. ჩემთან პირად საუბარში ვახტანგმა გ.ჭინჭარაულთან კამათი უაზრობად ჩათვალა მისი შემდეგი „არგუმენტების“ გათვალისწინებით:

1. ხევსურომანით შეპყრობილი გ.ჭინჭარაული არ იცნობს ან არ ცნობს ერეკლე შეორის ეპოქის იმ ავტორთა ნაწერებს, რომლებიც თვალითალივ წარმოაჩენენ არაგვის საუფლისნულოს (ყოფილი საერისთავოს) მკვიდრთა თავდადებას კრნანისის ომში (1795 წ.). მისთვის უცნობია ან მის მიერ შეგნებულად უარყოფილია ის ქემმარიტება, რომ ოფიციალური ნომინაციით არაგველებად იწოდებოდნენ არაგვის საერისთავოს მცხოვრები. ეს იმის მაჩვენებელი სრულებითაც არ არის, რომ მთიულეთის, გუდამაყრის და ხევის არაგვთან ერთად არ არსებობდეს ფშავისა და ხევსურეთის არაგვიც. ნაშრომში — „არაგვი და არაგველები“, თბ., 1989. საისტორიო წყაროების, სპეციალური ლიტერატურისა და ხალხური გადმოცემების ობიექტური ანალიზის საფუძველზე დასაბუთებულია, რომ კრნანისის ომში მონანილეობდნენ როგორც არაგველებად სახელდებული არაგვის საუფლისნულოს მკვიდრი, ისე ფშაველი, ხევსური, ქიზიყელი და სხვა კუთხეების წარმომადგენლები. ამ ნაშრომში ისიც ნათლად ითქვა, რომ საისტორიო ლიტერატურაში დიფერენცირებულად იხსენიებიან არაგველი (არაგვის საუფლისნულოს მკვიდრი), რომ 300 არაგველი სწორედ ამ საუფლისნულოდან იყო დარაზმული. აღნიშნული რეალობის ნაცვლად გ.ჭინჭარაულმა ამოიჩემა, რომ 300 არაგველის რაზმს მხოლოდ ხევსურები ავსებდნენ. მისი გაგებით, ამგვარი მტკიცებისათვის საწმუნოა მხოლოდ მისი ილუზიები და არა საისტორიო წყაროების მოცემები.

2. ხევსურთა იდეალიზაციის მიზნით, გ.ჭინჭარაული იმ აბსურდულ შეხედულებასაც კი გვთავაზობს, რომ ფხოვი მხოლოდ ხევსურებით ყოფილა დასახლებული. იმავდროულად იგი აღნიშნავს, რომ ოდესაც ერთიან კუთხედ არსებული ფხოვი შემდგომში ორ კუთხედ — ხევსურეთად და ფშავად გაიყო. მაგრამ, ამის მიუხედავად, ფხოველი მხოლოდ და მხოლოდ მაინც ხევსური ყოფილა. ამგვარი „ლოგიკის“ შესაბამისად, ფშაველი ფხოველთა შემადგენლობიდან უნდა გამოვრიცხოთ, ე.ი. დავეთანხმოთ გ.ჭინჭარაულს იმაში, რომ ეთნოგრაფიული ჯგუფის სახით ფშაველი არ არსებობდა.

3. გ.ჭინჭარაულმა რაკი „დაამტკიცა“, რომ ფხოველი მხოლოდ ხევსური იყო და ფხოვის ორ კუთხედ გაყოფის მიუხედავადაც ფხოვი და ხევსურეთი იდენტური ეთნოგრაფიული ცნებებია, მას გაუჩნდა ხევ-

სურომანიით ნასაზრდოები ამბიციები. გ.ჭინჭარაულმა ხევსურეთი გამოაცხადა ქართული ეროვნული კულტურის, ენის, მწერლობისა და თვალსაჩინო გვართა კერად. მისი უსაზღვრო ფანტაზიის მიხედვით, ნარმოშობით ხევსურები ყოფილან ორბელიანები, ჭავჭავაძეები, ჩოლოყაშვილები, ჯულაშვილები, რაზიკაშვილები და ა.შ. ეს არ იკმარა და თვით შოთა რუსთაველის სამშობლოდაც კი ხევსურეთი მიიჩნია. საამისო მტკიცების საფუძვლად კი მიიჩნია, რომ ვეფხისტყაოსანი ხევსურულ დიალექტზე ყოფილა დაწერილი. გ.ჭინჭარაულის „ლოგიკით“, ფხოვი და ფხოველი კი არსებობდა, მაგრამ „ვეფხისტყაოსნის დიალექტი უფრო ხევსურულია, ვიდრე ფშაური“ და იქვე განმარტავს: „ეს ერთგვარად იმასაც მიანიშნებს, რომ ფხოველები მხოლოდ ხევსურებია“, რომ „ვეფხისტყაოსნის ენა და ძევლი ხევსურული დიალექტი ფაქტიურად ერთი და იგივეა. სკოლაში როდესაც მასნავლებელს რაიმე საპრობლემოდ გაუხდებოდა ვეფხისტყაოსნის სტროფების გარკვევაში, მიემართავდით ჩემი სოფლის მოხუცებს, ისინი თავისუფლად ხსნიდნენ ყველაფერს“ (გვ. 5).

გ.ჭინჭარაულმა რაკი „დაამტკიცა“, რომ ვეფხისტყაოსანი ხევსურულ დიალექტზეა დაწერილი, შემდეგ თვით პოემის ავტორის სადაურობაც გვიჩვენა: „XII საუკუნეში „საერთო-ქართული“ ან „საერთო-ფხოური“ დიალექტი თუ სხვადასხვანაირი იყო, მაშინ უნდა ვივარაუდოთ, რომ ვეფხისტყაოსნის ავტორი დრევანდელი ხევსურეთის რეგიონიდანაა ან ყოველ შემთხვევაში მისი გადამუშავება ხევსურების მიერ მოხდა. თუმცა იყო დრო, როცა მოითხოვდნენ თუ გვინდა ნმინდა ქართულად ლაპარაკი, ხევსურულად უნდა ვიღაპარაკოთ“ (გვ. 5).

როგორც ვხედავთ, გ.ჭინჭარაულმა თავისი სენსაციური „აღმოჩენით“ (რაც ჯერ-ჯერობით არ გაუთვალისწინებიათ რუსთველოლოგებს) მკითხველს აუწყა შოთა რუსთაველის ხევსურობა, მისი პოემის ხევსურულ დიალექტზე შექმნა და ხევსური გლეხების ღვანლი რუსთველოლოგიაში. საინტერსოა, როცა ამ სისულელების გადმოფრქვევაზე ფიქრობდა, ნუთუ თავისი სახელოვანი მოგვარე, ცნობილი ფილოლოგი ალექსი ჭინჭარაული მაინც როგორ არ გაახსენდა და მისგან კონულ-ტაცია როგორ არ ისურვა?

ჩემთან საუბარში ვახტანგი ამ კომენტარებით შემოიფარგლა და დასძინა, რომ იდეაფიქსით შეპყრობილი უმეცართან კამათი მხოლოდ თავის დამცირება იქნებოდა. მეც დავეთანხმე და მხოლოდ ვახტანგის ეს კომენტარი დავაფიქსირე.

VII. ქ.ერიაშვილის გამოსვლის გამო⁷³

უ.ერიაშვილის გამოსვლის შინაარსიდან გამოჩნდა, რომ დღეს თქვენს წინაშე საპატიო წარმოდგენილი სადისერტაციო ნაშრომი საინტერესო ყოფილა, ხოლო დისერტაციის სახით კარგ დამწევბებ მკვლევართან გვქონია საქმე. თუმცა ასეთი კვალიფიკაციის პარალელურად სიტყვაში გამოსულმა მისასალმებელი გულწრფელობით ისიც აღიარა, რომ კარგი დამწევბი მკვლევარი ვ.ითონიშვილი თავისი ნაშრომით მასზე თურმე ასაკოვანი, ვიღაცით თუ რაღაცით გაღიზიანებული, გაგულისებული ადამიანის შთაბეჭდილებას ტოვებს, რომელიც პირადი ანგარიშსწორების მანიითაა შეპყრობილი და ჯენტლმენობის პრინციპებს პრინციპულად ღალატობს. მაგრამ უ.ერიაშვილის საკმაოდ ვრცელი „მოხსენების“ მოსმენის შემდეგ ვფიქრობთ ძნელი არ უნდა იყოს იმის დანახვა, თუ დღეს ვის ეკუთვნის პირადი ანგარიშსწორების ინიციატივა. რამდენადაც ყველასათვის კარგად არის ცნობილი ის გარემოება, რომ უ.ერიაშვილი კარგა ხანია არ ეკუთვნის დამწევბ მკვლევართა პლეადას, ზოგიერთისათვის თვალშისაცემ უტაქტობად და ულმობლობად აღარ ჩამოთვლება იმ უბრალო ფაქტის კონსტატაცია, რომ უდავოდ გამოცდილი მეცნიერის უ.ერიაშვილის მიერ დღეს წარმოდგენილი რეცენზია, მისივე სიტყვებით რომ ვისარგებლოთ, დანერილამართლაც ასაკოვანი, ვიღაცითთურალაციოგაღიზანებული, გაგულისებული ადამიანის მიერ, რაც, ცხადია, უსიამოვნო შთაბეჭდილებას ტოვებს და სიტყვაში გამოსულის პიროვნების შესახებ გარკვეულ წარმოდგენას გვიქმნის არა მის სასარგებლოდ. ვითარების ასეთნაირად შეფასების საჭიროებას ვხედავ იმდენად, რამდენადაც უ.ერიაშვილი დღეს სრულიად მოულოდნელად ჩემი პიროვნების შემფასებლის როლშიც მოგვევლინა და მარტომდენ მეცნიერული კამათის ტონის მიხედვით დამსრუ საზოგადოების წინაშე დისერტაციის პიროვნების უარყოფით დახასიათებასაც არ მოერიდა, რაც უთუოდ შორს სცილდება მეცნიერული პოლემიკის ჩარჩოებს და უდავოდ არასასურველ შთაბეჭდილებას ტოვებს. სიტყვაში გამოსულის მიერ არჩეულ ესოდენ წინდაუხდავ სა-

⁷³ რედაქტორის შენიშვნა: ვახტანგ ითონიშვილის საკანდიდატო დისერტაციის დაცვა შედგა ივანე ჯავახიშვილის სახელობის ისტორიისა და ეთნოგრაფიის ინსტიტუტის სამეცნიერო საბჭოს სხდომაზე 1984 წლის 5 ივნისს. აკადემიკოს გიორგი ჩიტაიას და ოფიციალური ოპონენტების პროფესიონალური მამისა დუმბაძისა და ისტორიის მეცნიერებათა კანდიდატის მიხეილ ჩართოლანის მიერ სადისერტაციო ნაშრომის მაღალი შეფასების შემდეგ ვრცელი, მაგრამ მეცნიერულად გაუმართავი ბრალდებებით, სამეცნიერო საბჭოს წინაშე ნაწილება ისტორიის მეცნიერებათა კანდიდატი შუშუნ ერიაშვილი. ვახტანგ ითონიშვილის საპასუხო გამოსვლით გაქარწყლებული მის წინააღმდეგ წამოყენებული ყველა უსაფუძვლო ბრალდება.

დისკუსიონ ტონს ჩვენ ყურს ნამდვილად ვერ შევაჩვევთ, თუმცა ჯანსაღი მეცნიერული კამათისათვის ყოველთვის მზად გახლავართ.

ძნელი სათქმელია, რა ხანი დასჭირდა უ-ერიაშვილს თქვენს წინაშე ნარმოდგენილი მოხსნება-რეცენზიის დაწერისათვის, მაგრამ ერთი რამ კი ნათელია — მთელი მისი სიტყვის გულდასმით მოსმენა ერთობ გამიჭირდა. სამაგიეროდ, მე არ გამიჭირდება ჩემი დისერტაციის იმ ნაწილის ნარმოჩენა თქვენს წინაშე, რომელიც უ-ერიაშვილის კრიტიკულ გამოსვლას დაედო საფუძვლად.

დისერტაციის 36-41-ე გვერდებზე ჩვენ გავაკრიტიკეთ სამეცნიერო ლიტერატურაში არსებული ის მოსაზრებები, რომელთა თანახმად XIV ს-ის მთიულეთის და გუდამაყრის საზოგადოების უდაბლეს საფეხურზე მდგომ ძირითად საზოგადოებრივ ფენად — რიგით მეთემებად გააზრებულნი იყვნენ ჰეროვანნი და არა სოფლიონი. ამასთან, „ძეგლის დადების“, მონაცემების გაანალიზების საფუძველზე ჩვენ დავადგინეთ, რომ ჰეროვანთა მიჩნევა მთიულეთის და გუდამაყრის საზოგადოების უდაბლეს საფეხურზე მდგომ ძირითად ფენად (რიგით მეთემებად) ისეთივე სერიოზული ხასიათის შეცდომაა, როგორც იმავე ჰეროვანთა გააზრება „სოციალურად აღზევებული მოსახლეობის“ (უნჯის // მკვიდრის) ნარმომადგენლებად, როგორც ეს უ-ერიაშვილის ნაშრომშია აღნიშნული. იქვეჩვენ მივუთითეთ ხსენებულ მკვლევარს და ამჯერადაც გავიმეორებთ, რომ „საქართველოს მთიანეთის რომელიმე კუთხეში (და მათ შერის მთიულეთსა და გუდამაყრი) სოციალურად აღზევებული მოსახლეობის არსებობაზე მსჯელობა სრული გაუგებრობაა. ცხადია დავას არ ინვევს ის ფაქტი, რომ მთიანეთის ამა თუ იმ კუთხის მოსახლეობის შიგნით მიმდინარე სოციალური დიფერენციაციის შედეგად ადგილი ჰქონდა ცალკეულ პირთა პრივილეგიების ზრდას და მათ მიერ მთელ რიგ უფლებრივ უპირატესობათა მოპოვებას, მაგრამ თითო-ოროლა მეთემის „აღზევება“ არავითარ შემთხვევაში არ გულისხმობს მთელი მოსახლეობის სოციალურ აღზევებას, როგორც ეს უ-ერიაშვილს ნარმოუდგენია“ (იხ. დისერტაცია, გვ. 39). ამასთან ერთად, დისერტაციაში ჩვენ დავსვით საკითხი იმის თაობაზეც, თუ რა მონაცემებზე დაყრდნობით გაიაზრა ავტორმა ჰეროვანები (// ერისგანები) ერთი მხრივ თემის არასრულუფლებიან წევრებად, მეორე მხრივ კი იგივე ჰეროვანები (// ერისგანნი) მთიულეთის სოციალურად აღზევებული მოსახლეობის ნარმომადგენლებად მიიჩნია. ვითარების ასეთნაირ შეფასებაში ჩვენ აშკარა წინააღმდეგობრიობა დავინახეთ.

ამ რიგის შენიშვნების შემდეგ კანონზომიერი იქნებოდა, რომ უ-ერიაშვილს არსებითი კორექტივები შეეტანა თავის წინააღმდეგობებით აღსასეს დებულებებში, მაგრამ მისმა დღევანდელმა გამოსვლამ დამარწმუნა, რომ ჩემს მიერ გამოთქმულმა შენიშვნებმა ავტორი არა

იმდენად ობიექტური მეცნიერული მსჯელობისათვის განაწყო, რამდენადც უცნაურად გააგულისა და ამის კვალობაზე კიდევ უფრო სუბიექტური ხასიათის კვალიფიკაციებამდე მიიყვანა.

სამართლიანობა მოითხოვს აღინიშნოს, რომ დღევანდელ გამოსვლაში უ.ერიაშვილმა ჰეროვანის სოციალური კუთვნილების საკითხი რამდენადმე უფრო ზერელედ გააშუქა და საბოლოო ანგარიშით იმ აზრისაკენ გადაიხარა, რომ ჰეროვანები საკვლევი რეგიონის მოსახლეობის ძირითად საზოგადოებრივ ფენას — რიგით მეთემებს შეადგენდნენ. ავტორი კატეგორიულად უარყოფს ჩვენს მოსაზრებას მათი, ვითარცა თემის თავგაცთა, პრივილეგირებული მდგომარეობის თაობაზე და ასკვინის, რომ გიორგი ბრწყინვალემ ჰეროვანების სახით თემის თავკაცები კი არ „მოასხნა“ სათათბიროდ, არამედ მათი, როგორც რიგით მეთემეთა წრიდან გამოარჩია მხოლოდ გონიერი, კითხული კაცები და მხოლოდ ისინი ჩათვალა სათათბიროდ მოწვევის ღირსად. იქვე მკვლევარი თავისი მოსაზრების განსამტკიცებლად აღნიშნავს, რომ მეფე ჰეროვანების მსგავსად სათათბიროდ ვერ მოიწვევდა ალბათ ყველა ხევისბერსო.

ვითარების ასეთნაირი შეფასება სრულიად გაუმართლებელია და მას კურიოზული ხასიათის შეცდომამდე მივყავართ. საქმე იმაშია, რომ თუ თავს ძალას დავატანთ და უ.ერიაშვილს დავეთანხმებით ჰეროვანის რიგით მეთემედ გააზრებაში (რაც თავისთავად დაუშვებელია), მაშინ ძალაუნებურად იმ აზრთანაც მოვციხდება შერიგება, რომ გიორგი ბრწყინვალემ სათათბიროდ მოიწვია არა ცალკეული პირები (თემის თავკაცები — ჰეროვანები და ლაშქართ თავადები — ხევისბერები), არამედ რიგით მეთემეთა მთელი მასა, ვინაიდან „ძეგლის დადების“ შესავალ ნაწილში შავით თეთრზე წერია: „...მოვედით წადა-ცხაოტს და მოვასხენით ყოველნი მუნებურნი წევისბერნი და ჰეროვანნი და გავიგონეთ მათნი საქმენი, დავსხედით მათსა სასაქმოსა“ (ქართული სამართლის ძეგლები, I, თბ., 1963, გვ. 401).

ცხადია, ასეთ გაუგებობას არ ექნებოდა ადგილი, უ.ერიაშვილს მეტი სიფრთხილე და წინდახედულება რომ გამოეჩინა სამართლის ძეგლის ტექსტის ანალიზის დროს და ამ უკანასკნელის ცალმხრივი შეფასების მეოხებით ჩვენთან კამათის გამარტივებას რომ არ ცდილიყო. ამ რიგის უზუსტობის დაფიქსირებით ჩვენ სრული უფლება გვაქვს ეჭვი გამოვთქვათ ჰეროვანის სოციალური კუთვნილების საკითხზე რეცენზენტთან შემდგომი სერიოზული კამათის ნარმოების საჭიროებაში, თუმცა მისი და დამსწრე საზოგადოების საყურადღებოდ განმეორებით უნდა აღინიშნოს, რომ „ძეგლის დადების“ ტექსტის კვალიფიცური ანალიზის შემთხვევაში არავითარ სიძნელეს არ ნარმოადგენს იმის დადგენა, თუ ვინ იყვნენ ჰეროვანნი და რა ნიშნის მიხედ-

ვით განსხვავდებოდნენ ისინი სოფლიონთაგან — რიგით მეთემეთა ძირითადი მასისაგან. სამართლის ძეგლის მონაცემებზე დაფუძნებით ხომ დაბეჯითებით შეიძლება ითქვას, რომ ჰეროვანები რიგით მეთემეთა — სოფლიონთა წრიდან გამორჩეულ პირებს — თემის თავაცებს წარმოადგენდნენ, რომელთაც მეფე პირველ რიგში ეთაბირებოდა ადგილზე შექმნილ ვითარებაში საფუძვლიანად გარკვევის მიზნით და რომელთაც კანონმდებელმა საგანგებოდ დაუდგინა სისხლის საურავი — 1200 თეთრის ოდენობით. მაშასადამე, „ძეგლის დადებაში“ ჰეროვანების გვერდით მოხსნიერულ სოფლიონთა, ვითარცა რიგით მეთემეთა არსებობის არამც თუ იგნორირება, არამედ ეჭვქვეშ დაყენებაც კი, მხოლოდ სამართლის ძეგლის ტექსტის არასრულფასოვანი ცოდნით ან მეცნიერებისათვის მიუღებელი ინტუიტური კვლევა-ძეების მეთოდის გამოყენებით შეიძლება აიხსნას.

გაკვირვებას იწვევს ის ფაქტიც, რომ უ-ერიაშვილი თავისი „დებულებების“ შემუშავებისას „ძეგლის დადების“ მონაცემებს არა მარტო არ იცნობს, არამედ ცალკეულ შემთხვევებში არც ცნობს და საქართველოს მთიანეთის სხვა რეგიონების მასალის (ძირითადად ეთნოგრაფიულის) წინა პლანზე წამონებით საკვლევი რეგიონის მოსახლეობის სოციალური სტრუქტურის საკითხებზე კატეგორიულად და თამამად მსჯელობს.

ამიტომ ამჯერად ჩვენ დისერტაციაში წათქვამის განმეორებას არ მოვერიდებით და კიდევ ერთხელ ავღნიშნავთ უ-ერიაშვილის საყურადღებოდ, რომ „საერთოდ ჩვენთვის გაუგებარია, რა მონაცემებზე დაყრდნობით გადმოაქვს მას ფშავ-ხევსურეთის მოსახლეობის ცალკეული სოციალური კატეგორიების აღმნიშვნელი ტერმინები — უნჯი, წელოსანი და ერისგანი — XIV ს-ის მთიულეთა და გუდამაყარში და, რაც მთავარია, აღნიშნული ტერმინები, სრულიად უცხონი მთიულეთ-გუდამაყრის მოსახლეობისათვის, „ძეგლის დადების“ მონაცემებთან ერთად შეჰყავს ბრუნვაში. უ-ერიაშვილის საყურადღებოდ უნდა ითქვას, რომ არამც თუ „ძეგლის დადების“, არამედ უფრო მოგვიანო პერიოდის ნერილობითი წყაროების და ადგილზე მოპოვებული ეთნოგრაფიული მასალების მიხედვითაც, მთიულეთ-გუდამაყრში საერთოდ არ დასტურდება ადგილობრივი მოსახლეობის ამათუ იმ წარმომადგენლის უნჯად, წელოსნად ან ერისგანად სახელდების თუნდაც ერთი ფაქტი. რაც შეეხება ტერმინ „მკვიდრს“, იგი საკვლევ რეგიონში შინაარსობრივად იდენტურია სიტყვისა „აქაური“, „ადგილობრივი“, თუმცა აღნიშნულ ტერმინს აქ არასდროს არ შეუძნია უფრო ფართო სოციალური უდერადობა და ამდენად იგი არასდროს არ ქცეულა მთიულეთის ან გუდამაყრის ე.წ. „სოციალურად აღზევებული მოსახლეობის“ აღმნიშვნელ ზოგად კატეგორიად. მართალია, მთიულები და

გუდამაყრელები თემის სრულუფლებინან წევრთა შორის ერთმანეთი-საგან განასხვავებენ პირველმოსახლეებს და მოსულებს, მაგრამ მათ-თვის სრულიად უცხოა პირველმოსახლეთათვის (ე.ი. მკვიდრთათვის) რაიმე განსაკუთრებული უპირატესობის (სოციალური პრივილეგიის) მინიჭება მოსულებთან შედარებით. ეს გარემოება იმაზე მეტყველებს, რომ საკვლევი რეგიონის მოსახლეობისათვის არასდროს არ ყოფილა დამახასიათებელი ადგილობრივ „მთის კაცთა“ ძირითადი მასიდან მკვიდრთა „უნჯთა (ვითარცა თემის პრივილეგირებულ და სრულუ-ფლებიან წევრთა) და მათზე დამოკიდებულ მოსულთა სოციალური კატეგორიების გამოყოფის ტრადიცია. აღნიშნული ვითარებიდან გამომდინარე, შეუწყნარებელია მთიულეთის და გუდამაყრის მოსახ-ლეობის აშკარად ხელოვნური დანანილება მკვიდრებად „უნჯებად“ და მოსულებად, რაც ავტორის სუბიექტური მსჯელობის პირდაპირ შედეგად უნდა ჩაითვალოს. რამდენადაც უ-ერიაშვილი მთიულეთ-გუდამაყრის (აგრეთვე ხანდო-ჭართლის) მოსახლეობის სოციალური სტრუქტურის საკითხებზე მსჯელობისას მხოლოდ იმ სქემებით ხელმძ-ლვანელობს, რომელიც შემუშავებულ იქნა ფშავ-ხევსურეთის მოსახ-ლეობის სოციალური შემადგენლობის კვლევის პროცესში, სრული სა-ფუძველი გვაქვს ვიფიქროთ, რომ ავტორი ფშავ-ხევსურეთის მასალას და ამ უკანასკნელის შესწავლის შედეგად მიღებულ დასკვნებს მთელი აღმოსავლეთ საქართველოს მთიანეთისათვის (და მათ შორის მთიუ-ლეთ-გუდამაყრისათვისაც) უნივერსალურად მიიჩნევს, რაც სრულიად დაუშვებელია“ (იხ. დისერტ., გვ. 39-40).

უ-ერიაშვილი აჯამებს ჩვენს კვლევას ამ ნაწილში და ჩვეული სიტა-მამით მიგვითითებს, თითქოს „ძეგლის დადების“ თანახმად საკვლევი რეგიონის მოსახლეობა შედგება მუნებურთაგან (ე.ი. ხევისბერთა-გან და ჰეროვანთაგან) და მოსულთაგან (ანუ სოფლიონთაგან). საინ-ტერესოა რა მონაცემებზე დაფუძნებით იქნა შემუშავებული ესოდენ კურიოზული კონცეფცია?

ნინდანინ შეიძლება ითქვას, რომ ასეთი მოსაზრების გამოთქმის-ათვის მეტ-ნაკლები ღირებულების მქონე მასალა „ძეგლის დადებაში“ საერთოდ არ მოგვეპოვება. ამიტომ მიზანშეწონილად მიგვაჩინა არა იმდენად იმის გარკვევა, თუ რა მონაცემებზე დაყრდნობით გამოითქვა აღნიშნული მოსაზრება, რამდენადაც იმის დადგენა, თუ რა გზით და სა-შუალებებით მოხერხდა დამოწმებული „თვალსაზრისის“ შემუშავება.

უ-ერიაშვილის მსჯელობაზე დაკვირვება ცხადყოფს, რომ იგი ჩვენ-თან კამათისას რატომდაც კამაყოფილდება მხოლოდ იმის განმარტე-ბით, თითქოს „ძეგლის დადება“ „მუნებურად“ ნარმოგვიდგენს ხევის-ბერებს და ჰეროვანების გვარებისაგან შემდგარ მოსახლეობას, მაგრამ იგი არსებითად ამ თეზისის დასაბუთების ცდასაც კი არ გვთავაზობს,

რაც თავისთავად მისი დებულების უსაფუძვლიანობის მანიშნებელია. ამასთან, ჟ.ერიაშვილის აზრით, სოფლიონთა მიჩნევა მკვიდრი მოსახლეობის წარმომადგენლებად გაუმართლებელია იმიტომაც, რომ სამართლის წიგნში არსად არ გვხვდება მითითება სოფლიონთა მუნიციპურობის შესახებ. ჟ.ერიაშვილი გვთავაზობს „ორიგინალურ“ დაკვირვებას: ძეგლის დადებაში არსად არ წერია, რომ სოფლიონი მუნიციპური არიანო. იქ თეთრზე შავით წერია: მუნიციპური წევისძერნი და ჰეროვანნიო“.

ესოდენ გულუბრყვილო ახსნის სხვა უკეთესი ნიმუშის გამოძებნა ნამდვილად გაჭირდებოდა. საქმე იმაშია, რომ ჟ.ერიაშვილს სამართლის ძეგლში ნახმარი სიტყვის — „მუნიციპურის“ შინაარსი ცალმხრივად აქვს გაგებული და მხედველობაში არა აქვს მიღებული ის გარემოება, რომ „ძეგლის დადებაში“ სიტყვა მუნიციპური ნახსენებია მთიულეთ-გუდამაყრის მოსახლეობის ცალკეული წარმომადგენლების მეფესთან სათათბიროდ „მოსხმის“ ამბავის აღწერის მომენტში. „ძეგლის დადებაში“ გარკვევითაა აღნიშნული: „...მივედით წადა-ცხაოტს და მოვასხენით ყოველნი მუნიციპური წევისძერნი და ჰეროვანნიო...“.

მოტანილი ციტატიდან ნათლად ჩანს, რომ სიტყვა „მუნიციპური“ ნიშნავს „იქაურს“, მაგრამ ისიც ხომ ნათელია, რომ „იქაურნი“ ხევისძერთა და ჰეროვანთა გარდა იყვნენ მსახური-გამგებელი, ციხისთავი, ლომისის გლეხი და სოფლიონიც. მაშასადამე, დავას არ უნდა იწვევდეს ის, რომ წადა-ცხავატში ასულმა მეფემ ამ „იქაურთაგან“ პირველ რიგში ხევისძერებთან და ჰეროვანებთან ჩათვალა საჭიროდ დათათბირება. მაგრამ თუ ჟ.ერიაშვილის სქემებით ვიხელმძღვანელებთ, მაშინ სერიოზულად უნდა შეგვეპაროს ეჭვი ციხისთავის და ლომისის გლეხის მუნიციპურობაშიც, ვინაიდან სამართლის წიგნში არსად არ წერია მათ შესახებ მუნიციპური არიანო.

ჟ.ერიაშვილის მტკიცებით, „ძეგლის დადება“ სოფლიონებს სისხლის ფასს არ უწესებს იმიტომ, რომ სამართლის წიგნი სისხლის ფასს უწესებს მხოლოდ „მუნიციპურ“ ანუ ადგილობრივთ, რითაც თურმე მათ გამოჰყოფს სხვა მცხოვრებთაგან.

აქაც საოცრად ზერელე ახსნასთან გვაქვს საქმე, ვინაიდან რეცენზენტის დამოწმებულ მოსაზრებას თუ ანგარიშს გავუწევთ, მაშინ ძალაუნებურად იმ აზრთანაც მოგვიხდება შერიგება, რომ თვით ერისთავი და გამგებელ-აზნაური ე.წ. „მუნიციპური“ (ადგილობრივ) მოსახლეობის წარმომადგენლებია, რაც სრულიად დაუმვებელია.

როგორც ვხედავთ, ჟ.ერიაშვილი ყოველ ნაბიჯზე ღრმა წინააღმდეგობაში ვარდება და მხოლოდ მექანიკურად ცდილობს თავს მოგვახვიოს თავის აზრები. ამ მხრივ გამონაკლისად არ უნდა ჩაითვალოს ავტორის მიერ 1774 წლის მოსახლეობის აღწერის მონაცემების ანალიზ-

იც, რომელთაც იგი შესასწავლი რეგიონის მოსახლეობის მკვიდრებად და მოსულებად მექანიკური დაყოფის დამატებიცებელი საბუთის მნიშვნელობით განიხილავს. მაგრამ ამ შემთხვევაშიც უ-ერიაშვილი ვერ ითვალისწინებს იმ გარემოებას, რომ მართალია ტერმინი მკვიდრი, როგორც ასეთი (და არა იმ გაგებით, როგორითაც ის უ-ერიაშვილს აქვს გააზრებული) საკვლევ რეგიონში შინაარსობრივად იდენტურია სიტყვისა „აქაური“, „ადგილობრივი“, მაგრამ აღნიშნული ტერმინი გამოიყენება იმათ მიმართაც, ვინც პირველმოსახლეზე გვიან იქნა დასახლებული ამა თუ იმ სოფელში. არავის ხეობის მთის ზოლის 1774 აღნერაში ხომ მკვიდრ გლეხთა რანგში აღრიცხულნი არიან როგორც პირველმოსახლე, ისე მოვციანებით დასახლებული გვარები. მაშასა-დამე, აქ უ-ერიაშვილი დააბნია ოფიციალურმა ნომენკლატურამ, რომლის თანახმად მკვიდრ გლეხთა რანგში აღრიცხულნი იყვნენ ისინიც, ვინც „სხვაგნიდან“ მოვიდა მთიულეთის თუ გუდამაყრის სოფლებში და ისინიც ვინც ოდითგანვე ამ სოფლებში ცხოვრობდნენ.

ვფიქრობთ, ყოველივე აღნიშნულის საფუძველზე დაბეჯიდებით შეიძლება ითქვას, რომ უ-ერიაშვილი წერილობითი წყაროების მონაცემებს ცალმხრივ ანალიზს უკეთებს და მხოლოდ ამის შემდეგ მათ წინასწარ შემუშავებულ სქემებს უფარდებს. გადაუჭარბებლად შეიძლება ითქვას, რომ „სწორედ ასეთი სქემატიზაციის და ისტორიულ-ეთნოგრაფიული მონაცემების მიმართ ერთობ უყურადღებო დამოკიდებულების მიზეზით მივიდა უ-ერიაშვილი იმ დასკვნამდე, რომ მთიანეთში ასული მეფე გიორგი იქ „მოსხმული“ (ე.ი. მოწვეული) ჰეროვანების სახით მხოლოდ „მკვიდრთ დაეთათბირაო“. დამოწმებული აზრის ავტორის საყურადღებოდ განმეორებით ერთხელ კიდევ შეიძება ითქვას, რომ ხადა-ცხავატში ასულ მეფეს ის მიზანი კი არ ამოძრავებდა, რომ მაინცდამანც მკვიდრ მეთემეთაგან „გაეგონა მათნი საქმენი“, არამედ იგი დაინტერესებული იყო მხოლოდ თემის თავკაცების საფუძვლიანი „მოკითხვით“, რაც ადგილზე შექმნილ ვითარებაში გარკვევის აუცილებლობით იყო ნაკარნახევი. რაც შეეხება ჰეროვანებს (თემის თავკაცებს, კითხულ კაცებს), ასეთი მდგომარეობისათვის შეეძლო მიეღწიათ როგორც მკვიდრთ, ისე მოსულებს. თუმცა ამის მტკიცების საჭიროებას ვერ ვხედავთ, ვინაიდან „ძეგლის დადებიდან“ კარგად ჩანს, რომ ხადა-ცხაოტში მკვიდრ მოსახლეებს წარმოადგენდნენ არა მარტო ჰეროვანნი (ვისაც მეფე ხევისძერებთან ერთად შეხვდა), არამედ სოფლიონიც, მაგრამ ამ უკანასკნელთ კანონმდებელი მეფე საერთოდ არ დათათბირებია. ვფიქრობთ, ეჭვის შეტანა არ შეიძლება იმაში, რომ უ-ერიაშვილი მეტი გულისყურით რომ მოჰკიდებოდა „ძეგლის დადების“ მონაცემებს, იგი სოფლიონთა სოციალურ-კატეგორიასაც მიაქცევდა ყურადღებას და მთიულეთის მკვიდრი მოსახლეობის

შიგნით მიმდინარე საზოგადოებრივი დიფერენციაციის შედეგებზე საუბრისას არ დაკმაყოფილდებოდა მხოლოდ ხევისბერთა და ჰეროვანთა სოციალური კატეგორიების გამოყოფით. როგორც დღევანდელი გამოსვლიდან გამოჩნდა, რეცენზენტისათვის უცნობი დარჩა ის გარემოება, რომ მთიულეთ-გუდამაყრის მოსახლეობის ძირითად მასას შეადგენდნენ არა ჰეროვანნი და ხევისბერნი, არამედ სოფლიონი, რომელთა ნრეში მიმდინარე სოციალური დიფერენციაციის გზით ხდებოდა კიდეც ჰეროვანთა, ვითარცა თემის თავკაცთა ნარმოქმნა” (იხ. დისერტაცია, გვ. 40-41).

ამრიგად, უ.ერიაშვილის დღევანდელმა გამოსვლამ კიდევ ერთხელ ცხადყო მისი დებულებების უსაფუძვლობა. ჩვენ მტკიცედ ვდგევართ ჩვენს პოზიციაზე და კიდევ ერთხელ მივცემთ თავს უფლებას სიტყვაში გამოსულს მივუთითოთ ისტორიულ-ეთნოგრაფიული მონაცემების მიმართ გაცილებით უფრო კვალიფიცირებული დამოკიდებულების აუცილებლობაზე, რაც მეცნიერებაში სქემატიზმის ელემენტების და არაპროფესიონალიზმის პრინციპების შემოჭრა-დამკვიდრების საფრთხის თავიდან აცილების ერთადერთ პირობად გვესახება. ჩვენ უ.ერიაშვილის რეცენზიის ყველა წვრილმანს არ გამოვეკიდეთ, მაგრამ მიზანშენონილად მიგვაჩნია განვაცხადოთ, რომ უ.ერიაშვილმა თავისი გამოსვლით დღის წესრიგში მთელი სერიოზულობით დააყენა მისი დებულებების საფუძვლიანი გადასინჯვის საკითხი. ეს უკანასკნელი გულისხმობს მისი მოსაზრებების გაცილებით უფრო ფართოდ განხილვას და კრიტიკულად შეფასებას. ამის საჭიროებას ვხედავთ იმიტომაც, რომ დღესდღეობით ჩემს სადისერტაციო ნაშრომში შევეხეთ ხევებული ავტორის მონოგრაფიაში (Древненишние социально-религиозные институты в горных районах Грузии, Тб., 1982, на груз. яз., спр. Автореферат диссертации, Тб., 1983, 07.00.07) გამოვლენილ უზუსტობათა უმნიშვნელო ნაწილს. უ.ერიაშვილის გამოკვლევაში ჩვენს მიერ დაფიქსირებულ შეცდომათა სრული სახით გამომზეურება მომავლის საქმეა.

VIII. გოდური ლენინდეტის ღვაწლი ეთოლოგიურ მეცნიერებაში

ოქსფორდის უნივერსიტეტის პროფესორი გოდური ლენინდეტი ეთოლოგიური მეცნიერების ერთ-ერთი თვალსაჩინო წარმომადგენელია. მისი მრავალრიცხვოვანი ნაშრომებიდან განსაკუთრებით მნიშვნელოვანია „სოციალური ანთროპოლოგია“, რაც 1964 წელს ოქსფორდის უნივერსიტეტმა გამოსცა. ეს ნაშრომი არა მარტო აჯამებს XIX-XX საუკუნეებში მიღებული კვლევის შედეგებს, არამედ ახლებურად აშეუქებს ეთნოლოგისადა ანთროპოლოგის პრობლემებს. ამის გათვალისწინებით მიზანშეწონილად მივიჩნიე გამოჩენილ მეცნიერის გამორჩეული ნაშრომის რეფერატული მიმოხილვა, რასაც ახლავს წინამორბედ მკვლევართა შეხედულებების გადმოცემაც და არსებული შედეგებისადმი ჩემი დამოკიდებულებაც. ვფიქრობ, რომ ეს გარკვეულ სარგებლობას მოუტანს ეთნოლოგიური მეცნიერებით დაინტერესებულ სტუდენტებსა და ასპირანტებს. ჩემი მიმოხილვა გამიზნულია პირველ რიგში იმათვის, ვინც მოკლებულია უცხო ენებზე არსებული ლიტერატურის გაცნობის შესაძლებლობას.

ვიწყებ რა მიმოხილვას, პირველ ყოვლისა საჭიროდ მიმაჩინა ალინ-იშნოს, რომ გ.ლენინდეტის კონცეფციით, ანთროპოლოგია არის მეცნიერება ადამიანის ნარმოშობისა და ევოლუციის, ადამიანთა აგებულების, რასათა ჩამოყალიბების შესახებ. სოციალური ანთროპოლოგია მის ერთ-ერთ ახალ დარგს წარმოადგენს, რომლის დამოუკიდებელ სამეცნიერო დისკიპლინად ფორმირება XIX საუკუნის მეორე ნახევარში მოხდა. აქ ზოგადად უნდა ითქვას, რომ სოციალური ანთროპოლოგიის საპრობლემო საკითხების მეცნიერულ კვლევას განსაკუთრებით დიდი ტრადიციები აქვს საფრანგეთში, ინგლისში, გრძელი გრძელი ამერიკის შეერთებულ შტატებში, კანადაში. სოციალური ანთროპოლოგიის საკითხებზე ნაყოფიერად მუშაობს სოციალური ანთროპოლოგიის ინგლისური სკოლა, სამეცნიერო კვლევა-ძიების ცენტრით ოქსფორდში. ოქსფორდის უნივერსიტეტში ჯერ კიდევ 1896 წელს დაარსებულ იქნა ანთროპოლოგიის კათედრა, სადაც დღემდე სოციალური ანთროპოლოგიის დარგში სამეცნიერო მუშაობა მეტად ინტენსიურად მიმდინარეობს. ოქსფორდის უნივერსიტეტის ლექტორის გოდური ლენინდეტის ნაშრომი — „სოციალური ანთროპოლოგია“ თქმულის ერთგვარ დადასტურებას წარმოადგენს.

გოდური ლენინდეტის წიგნი „სოციალური ანთროპოლოგია“ ავტორის საკმაოდ ხანგრძლივი და შრომატევადი მუშაობის შედეგია.

როგორც თვით გ.ლენპარდტი აღნიშნავს, ნაშრომი „დიდი ხნის მანძილზე მზადდებოდა“. მისი დაწერის იდეა ავტორს ჯერ კიდევ 1956 წელს დაებადა; იდეის ხორმებებაში ზუსტად რვა წლის მუშაობა დაჭირდა — ნაშრომი 1964 წელს გამოსცა ოქსფორდის უნივერსიტეტში. ამასთან დაკავშირებით ავტორი წინასიტყვაობაში აღნიშნავს, რომ სოციალური ანთროპოლოგიის საკითხებზე უპირველესი ნაშრომი ხსენებულ უნივერსიტეტში გამოცემულ იქნა 1912 წელს და იგი ეკუთვნილა ოქსფორდის უნივერსიტეტის მაშინდელ რექტორს რ. მარეტს. სოციალური ანთროპოლოგიის განვითარების საქმეში რ. მარეტის ღვანლის ღირსეულად შეფასებას გ. ლენპარდტი თავის უპირველეს და საპატიო მოვალეობად თვლის. წინასიტყვაობაში გ. ლენპარდტი მადლიერების გრძნობით მოიხსენიებს ოქსფორდის უნივერსიტეტის და სოციალური ანთროპოლოგიის ინსტიტუტის მეცნიერ-თანამშრომლებს /ე. ევანს-ფრიჩარდს, დ. პოკოვს, პ. ლენპარდტს და ა. შ./, რომელთაც, როგორც ავტორის სიტყვებიდან ვგებულობთ, დიდი დახმარება აღმოჩენის მას წიგნზე მუშაობის პროცესში, არაერთი სასარგებლო რჩევა და საჭირო შენიშვნა მისცეს, რომელთა გათვალისწინებით გ. ლენპარდტმა თავის ნაშრომს უფრო დასრულებული და სოლიდური სახე მისცა.

გ. ლენპარდტის წიგნი სტრუქტურულად უთუოდ საინტერესოა. შედგება წინასიტყვაობის და შვიდი თავისაგან⁷⁴. პირველ ექვს თავში ავტორი განიხილავს სოციალური ანთროპოლოგიის საკვანძო საკითხებს (ადამიანთა საზოგადოების განვითარების, ადამიანისა და გარემოს ურთიერთიმიართების, პოლიტიკური ცხოვრების არსის, ნათესაობის, რელიგიასა და მეცნიერულ ცოდნას შორის კონფლიქტის საკითხებს). ამ უმნიშვნელოვანები საკითხების სათანადო ანალიზის შემდეგ გ. ლენპარდტი ცალკე თავს გამოყოფს სახელწოდებით — „რას ფიქრობენ ანთროპოლოგები“, რომელშიც წინა თავებში განხილული კონკრეტული მასალის ერთგვარ შეჯამებას და განზოგადებას იძლევა.

გ. ლენპარდტის წიგნში ხაზგასმითაა ნათევამი, რომ „სოციალური ანთროპოლოგია ყველაზე ახალ სამეცნიერო დარგს ნარმოადგენს სოციალურ მეცნიერებათა სისტემაში. იგი მჭიდრო კავშირშია უფრო ძველ და ტრადიციულ სამეცნიერო დისციპლინებთან, განსაკუთრებით კი ისტორიასთან და სოციოლოგიასთან“. ნაშრომში გარკვევითაა ნაჩვენები სოციალური ანთროპოლოგიის, როგორც დამოუკიდებელი სამეცნიერო დისციპლინის, კვლევის ობიექტი. ამის შესახებ ავტორთან ვკითხულობთ: „სოციალური ანთროპოლოგია შეისწავლის ადამიანთა პრიმი-

⁷⁴ წიგნის პირველი ექვსი თავი შემდეგნაირადაა დასათაურებული: 1. ადამიანის შესწავლა, 2. ადამიანები და გარემი, 3. პოლიტიკური ცხოვრება, 4. ეკონომიკა და სოციალური ურთიერთობანი, 5. ნათესაობა და მონათესავეობა, 6. რწმენა-წარმოდგენები და მეცნიერული ცოდნა.

ტიულ საზოგადოებრის — ხელმძღვანელობს რა იმ თვალსაზრისით, რომ სოციალური ინსტიტუტების ძირითადი სპეციფიკური ნიშნების გამოვლენა შედარებით უფრო ადვილია და ამდენად უფრო მიზანშეწონილია სწორედ პრიმიტიულ საზოგადოებათა და არა თანამედროვე განვითარებულ საზოგადოებათა შესწავლის საფუძველზე⁷⁵. ამასთან, სოციალური ანთროპოლოგიის კვლევის ობიექტზე მსჯელობისას გ.ლენპარდტი იმოწმებს ისეთ ავტორიტეტს, როგორიცაა ე.ტეილორი /1832-1917/ და აღნიშნავს, რომ ტეილორი თავის დროზე დაახლოებით ასეთსავე თვალსაზრისს ავითარებდა სოციალური ანთროპოლოგიის შესწავლის შესახებ. გ.ლენპარდტის შემდგომი მსჯელობიდან ირკვევა, რომ ადამიანთა საზოგადოების განვითარების საკითხით ძველთაგანვე იყვნენ დაინტერესებულნი, თუმცალა ცნობილია, რომ ანთროპოლოგიის დამოუკიდებელ სამეცნიერო დისციპლინად ჩამოყალიბება მხოლოდ გასულ საუკუნეში ხდება. ავტორი მიიჩნევს, რომ უძველესი ფილოსოფოსები და მოგზაურები, არისტოტელედან⁷⁵ და ჰეროდოტედან დაწყებული ვიდრე ჯონ ლოკითა და ჯეიმს კუკით დამთავრებული, თავიანთი მოღვაწეობით და ნაზრევით შეადგენენ ანთროპოლოგიის ისტორიის ერთ საინტერესო ფურცელს, თუმცალა ლენპარდტი იქვე დასძენს, რომ „თავის ნაშრომში იგი სულაც არ ისახავს მიზნად გადმოგვცეს ან-თროპოლოგიის მთელი ისტორია, არამედ ცდილობს ზოგადი წარმოდგენა მაინც შეგვიქმნის იმის შესახებ, თუ რას ფიქრობდნენ და წერდენ განვითარები „ეგზოტიკურ“, ე.ი. პრიმიტიულ საზოგადოებათა სოციალური საკითხების შესახებ“. თუ რამდენად აღწევს დასახულ მიზანს გოდვრი ლენპარდტი, ამაზე ჩვენ ნაშრომის განხილვის შემდეგ შევჩერდებით, მანამდე კი თანმიმდევრულად შევეხებით ავტორის ნააზრევს სოციალური ანთროპოლოგიის დამოუკიდებელ მეცნიერებად ჩამოყალიბებისა და მისი სპეციფიკის საკითხების შესახებ.

წიგნში გოდვრი ლენპარდტი ხაზგასმით აღნიშნავს იმ გარემოებას, რომ სოციალური ანთროპოლოგიის (რომელსაც ინგლისსა და საფრანგეთში ეთნოლოგია ეწოდა) დამოუკიდებელ მეცნიერებად ჩამოყალიბება ევროპის ისტორიის იმ პერიოდს დაემთხვა, როდესაც აღნიშნული კონტინენტის უძლიერეს სახელმწიფოთა (ინგლისი, საფრანგეთი, გერმანია) მმართველმა წრეებმა გაშალეს უდიდესი კოლონიზატორული საქმიანობა. ბუნებრივია, ამ მომენტში სოციალური ანთროპოლოგიის როლი სახელმწიფოთა პოლიტიკასთან მიმართებაში წარმოუდგენლად ამაღლდა იმდენად, რამდენადაც სოციალური ანთროპოლოგიის შესწავლის უპირველეს საგანს წარმოადგენდა ადა-

⁷⁵ აღსანიშნავია, რომ ტერმინი „ანთროპოლოგია“ არისტოტელეს ეუთვნის.

მიანთა პრიმიტიული საზოგადოებანი, ხოლო ევროპელთა ექსპანსია მიმართული იყო უმეტესნილად სწორედ ასეთი ჩამორჩენილი საზოგადოებების (იმ პერიოდისათვის სოციალურ-ეკონომიური თვალსაზრისით მეტად ჩამორჩენილი ამერიკის, აზიისა და ავსტრალია-ოკეანიის ხალხების) წინააღმდეგ. ამდენად, ევროპის მმართველი წრეები დაინტერესებული იყვნენ იმაში, რომ თავიანთი კოლონიზაციონული პოლიტიკისათვის მეცნიერული გამართლება მოექებნათ, რაშიც მათ-თვის დიდი სამსახურის გაწევა შეეძლო სწორედ სოციალურ ანთროპოლოგიას. სოციალური ანთროპოლოგია მართლაც იძულებული გახდა დროებით მაინც ევროპის მმართველი წრეების ექსპანსიური პოლიტიკის მორალური მხარდაჭერის და გამართლებლის როლიც შეემსუბუქებინა. უპირველესი კითხვა, რომელზედაც სოციალურ ანთროპოლოგიას პასუხი უნდა გაეცა, ეს იყო კითხვა იმის თაობაზე — ნარმოადგენდა თუ არა ყველა ხალხი (კოლონიზირებულიც და კოლონიზაციონიც) რასობრივი თვალსაზრისით თანაბარმნიშვნელოვანს (როგორც ავტორი აღნიშნავს, დაისვა ერთობ ვულგარული კითხვა: „კოლონიური ხალხები ნარმოადგენდნენ თუ არა ისეთსავე ადამიანებს, როგორიც იყვნენ მათი კოლონიზაციონები?“). იმისდა მიხედვით, თუ როგორ პასუხობდნენ ამ კითხვას მეცნიერების ამ დარგის მაშინდელნი მკვლევარნი, სოციალურ ანთროპოლოგიაში სხვადასხვა თვალსაზრისები გაჩნდა ადამიანთა საზოგადოების განვითარების შესახებ. სოციალურ ანთროპოლოგიაში ფეხი მოიკიდა რეაქციულმა კონცეფციებმაც, მაგ. გაჩნდა ტენდენცია ხალხების დაყოფისა „უმდაბლეს“ და „უმაღლეს“ ხალხებად. გასაგებია, რომ „უმდაბლესი ხალხების ქვეშ იგულისხმებოდნენ კოლონიური ხალხები და ტომები, ხოლო რაც შეეხება „უმაღლეს“ ხალხებს /ე.ი. კოლონიზაციონებს/, ისინი მოწოდებულნი იყვნენ თავიანთი ზემოქმედებით უზრუნველვყოთ ჩამორჩენილი /ე.ი. „უმდაბლესი“ /ხალხების პროგრესი, ეჩვენებინათ მათთვის სოციალური და ეკონომიკური წინსვლის შესაძლებელი გზები. რასობრივი წინების მიხედვით ხალხების ამგავრი დაყოფა შემდგომში საფუძვლად დაედო რასისტულ თეორიებს. მაგრამ რეაქციული კონცეფციების გვერდით, სოციალურ ანთროპოლოგიაში თავი იჩინა პროგრესულმა მიმდინარეობამაც, რომლისთვისაც უცხო იყო მეცნიერების ინტერესების სრულად დაქვემდებარება სახელმწიფოს პოლიტიკისათვის. ამ პროგრესული მიმდინარეობის ბრწყინვალე ნარმომადგენელი იყო გასული საუკუნის ინგლისელი ანთროპოლოგი ჯეიმს ფრიჩარდი. როგორც, გოდვრი ლენპარდტი აღნიშნავს, იგი ჰუმანურ ინტერესებში იყენებდა თავის მეცნიერულ ცოდნას რასების შესახებ. თავის ნაშრომში „ადამიანის ბუნებრივი ისტორიიდან“ /1843 წ./ სხვადასხვა ხალხების ფიზიკურ და მორალურ თავისებურებათა შესწავლის საფუძველზე

მან /ე.ი. ფრიჩარდმა/ დიდმნიშვნელოვანი დასკვნები გამოიტანა; უმ-
თავრესი დამსახურება ფრიჩარდისა იმაში მდგომარეობს, რომ მან
მსოფლიოს ყველა ხალხის ანთოროპოლოგიურ ერთობას, მათი ხოციალ-
ური, ფსიქოლოგიური და ფიზიკური ნიშნების მსგავსებას გაუსვა ხაზი.
ამასთან ერთად პორიგენთა საზოგადოების შესწავლის საფუძველზე
მან ევროპული ექსპანსიის შედეგების შეფასება მოგვცა და დაადგინა
კა-
ის ფაქტი, რომ „ევროპის ექსპანსიას უშუალო შედეგად მოსდევს კა-
ცობრიობის ცალკეული რასების რაოდენობრივი შემცირება, ხოლო
კონკრიტული რასების მოცემი რიგი ტომების ფაქტიური გა-
ამერიკის, ავსტრალიის და აზიის მთელი რიგი ტომების ფაქტიური გა-
დაშენებაც კი“. გლენჰარდტი მაღალ შეფასებას აძლევს ფრიჩარდის
თაობაზე და კონცეფციას ადამიანთა საზოგადოების განვითრების თაობაზე და
სამართლიანად თვლის, რომ აღნიშნული მეცნიერების შრომებმა დიდი
პრაქტიკული და სამეცნიერო როლი შეასრულა ეთნოლოგის განვი-
თარების საქმეში“.

⁷⁶ დასაცემულ ეკროპის ქვეყნებშია და აშშ-ისთვის დამახასიათებელია ეთნოგრაფიის შეცვენა ადამიანის მესახებ მეცნიერების — ანთროპოლოგიის საერთო სისტემაში, რომელიც შედგება, ნინასატურობისაგან, ფიზიკური ანთროპოლოგიისაგან, სოციალური ანთროპოლოგიისაგან, ნინასატურობისაგან, ფოლკლორისაგან, ლინგვისტიკისა და არქეოლოგიისაგან. აქ ცნობას — „ეთნოლოგიისაგან, ფოლკლორისაგან, ლინგვისტიკისა და არქეოლოგიისაგან. ნორგრაფია“ შეესაბამება ორი დასცულინისა — ეთნოლოგია და სოციალური ანთროპოლოგია.

გამოდის, რომ „ეთნოგრაფიასა“ და „ეთნოლოგიას“ შორის განსხვავება მდგომარეობს იმაში, რომ პირველი განიხილება როგორც აღწერილი ბითი, რეგიონალური დისციპლინა, მეორე კი როგორც თეორიული, განმაზოგადებელი მეცნიერება. გ.ლენჭარდტი თავის ნაშრომში გვაძლევს ეთნოლოგის განვითარების ისტორიის მოკლე მიმოხილვას (იგი იქიდან იწყებს, რომ ასახელებს ამერიკის, პარიზის და ლონდონის ეთნოლოგიური საზოგადოების დაარსების თარიღს — 1840 წელს). ავტორი თანმიმდევრულად განიხილავს ეთნოლოგის განვითარების უმთავრეს ეტაპებს. იგი განსაკუთრებულ ადგილს უთმობს ევოლუციონისტთა იდეების მიმოხილვას და საგანგებოდ აღნიშნავს, თუ რა ფართო გავრცელება პეოვეს ევოლუციონისტურმა იდეებმა XIX ს-ის II ნახევარში ყველა იმ ქვეყანაში, სადაც ეთნოლოგია დამოუკიდებელ მეცნიერულ დისციპლინად ყალიბდებოდა. გ.ლენჭარდტის წიგნში დიდი აფგილი აქვს დათმობილი გამოჩენილი ინგლისელი მეცნიერის ედუარდ ტეილორის სამეცნიერო მექავიდრეობის შეფასებას. ტეილორი ევოლუციური სკოლის ფუძემდებლად ითვლება, რომელმაც ინგლის-ამერიკის ეთნოგრაფიისათვის შემოიღო ტერმინი „ანთროპოლოგია“. ტეილორის უმთავრესი შეხედულებანი თავმოყრილია მის ორ კაპიტალურ გამოკვლევაში „პირველყოფილი კულტურა“ /1871/ და „ანთროპოლოგია“ /1881/, ხოლო მისი სამეცნიერო კრედიტი ჩამოყალიბებულია უფრო ადრინდელ ნაშრომში — „გამოკვლევანი კაცობრიობის ძველი ისტორიის სფეროში“ /1856/. ტეილორის თანახმად, კულტურა ვითარდება პროგრესის გზით პირველყოფილი მდგომარეობიდან თანამედროვეობამდე. ხალხთა შორის არსებულ განსხვავებებს არაფერი აქვთ საერთო რასობრივ განსხვავებებთან და გამოხატავნ მხოლოდ კულტურული განვითარების მიღწეულ დონეს. დაბოლოს, კულტურის ყველა კონკრეტული ელემენტი ყველა ხალხის ან საკუთრივ იმ ხალხის მიერაა შექმნილი ან მეზობელი ხალხისაგანაა გადმოცემული, ან კიდევ წარსული ეპოქებისაგან მექავიდრეობით მიღებული.

გ.ლენჭარდტის ნაშრომიდან ჩანს, რომ ტეილორის ეს კონცეფცია ძირებულად უპირისისპირდება ჯეიმს პატტისეულ თვალსაზრისს „უმაღლესი“ და „უმდაბლესი“ რასების არსებობის შესახებ. წიგნში კარგადაა ნაჩვენები, თუ რა დიდი გავლენა იქონიეს ტეილორის იდეებმა XIX-XX სს-ის მიჯნაზე ჩამოყალიბებული ევოლუციური მიმართულების ისეთ ბრწყინვალე წარმომადგენლებზე, როგორებიცაა ჯონ ლებოკი /1843-1913/, ჰერბერტ სპენსერი /1820-1903/, ჯონ ფერგულის მაკ-ლენანი /1827-1881/ და სხვ. ტეილორის შემდეგ ნაშრომში ყველაზე დიდი ადგილი აქვს დათმობილი ლუის მორგანის სამეცნიერო შეხედულებათა ანალიზს. ლუის მორგანის შესახებ ლენჭარდტის ნაშრომში კვითხულობთ: „ადამიანთა საზოგადოების ევოლუციის საკითხების შემს-

წავლელ გასული საუკუნის მკვლევართა შორის ყველაზე გავლენიან ფიგურას წარმოადგენს ამერიკელი ეთნოლოგი ლუის მორგანი (1818-1881). თავის ნაშრომში „ძველი საზოგადოება“ /1817/ მან შეიმუშავა ადამიანთა სოციალური განვითარების შეტად დეტალური სქემა, რომლის თანახმად ადამიანთა ისტორია დაყოფილ იქნა ველურობის, ბარბაროსობის და ცივილიზაციის საფეხურებად და განიხილა თითოეული ამ ეტაპის შესაბამისი წარსული და თანამედროვე საზოგადოებები⁷⁷. გ.ლენჰარდტი თავის ნაშრომში გადმოგვცემს მორგანის ძირითად დებულებებს ადამიანთა საზოგადოების განვითორების შესახებ, აღნიშნავს, რომ მორგანმა ინდიელთა ტომის — ოროკეზების მაგალითზე გვიჩვენა წინაკლასობრივი საზოგადოების არსებობის ეპოქა, რომლის სოციალურ უჯრედს წარმოადგენდა გვარი და არა ოჯახი და სახელმწიფო, როგორც ამას ევოლუციონისტები ამტკიცებდნენ; მორგანმა დედოსული გვარის ისტორიული პრიორიტეტი აღიარა და მოგვცა საკმაოდ გაძელებული კონცეფციი იჯახის განვითარების ისტორიული სტადიების შესახებ⁷⁷. მორგანის გაძელებული მეცნიერული კონსტრუქციების მიმართ მეცნიერთა დამოკიდებულება სხვადასხვაგვარი იყო. ჩვენი მხრივ დავუმატებთ, რომ ფ.ენგელსი მორგანის დასკვნებს ოჯახის შესახებ პირობითად ღებულობდა და ზოგიერთ საკითხში აღნიშნავდა კიდეც, რომ მორგანი „ძალიან შორს წავიდა“. საკუთრივ გ.ლენჰარდტი მორგანის შესახებ იმ აზრისაა, რომ „მისი დასკვნები ზედმეტად კატეგორიულია და ყოველთვის არ არის ფაქტებით განმტკიცებული“, თუმცადა ავტორი იქვე მიუთითებს მორგანის დებულებათა უდიდეს მნიშვნელობაზე ეთნოლოგის შემდგომი განვითარების საქმეში და აღნიშნავს, რომ თავის დროზე მარქსი და ენგელსი დიდად აფასებდნენ მორგანის სამეცნიერო მოღვაწეობას.

მორგანის სამეცნიერო მემკვიდრეობის განალიზების შემდეგ გ.ლენჰარდტი განიხილავს ევოლუციონისტური მიმართულების სხვა წარმომადგენლებს: შაკ-ლენანს (1827-1881; მუშაობდა საოჯახო ურთიერთობების საკითხებზე, კერძოდ ეგზოგამის პრობლემებზე), ჯეიმს ფრეზერს და ა.შ. ევოლუციონისტთა შეხედულებების სათანადო გარჩევის საფუძველზე წიგნში გატარებულია აზრი, რომ „ევოლუციონიზმა დიდად განაპირობა ეთნოგრაფიაში (ეთნოლოგიაში) სოციალური ურთიერთობების / „სოციალური კულტურის“/ შესწავლის ტრადიციის განმტკიცება. ევოლუციონისტებს განსაკუთრებით აინ-

⁷⁷ მორგანის თანახმად კაციონირობის ისტორიაში დასტურდება ოჯახის განვითარების 5 უმთავრესი სტადია: 1. „სისხლნათესაური ოჯახი“, 2. „პუნალუა ოჯახი“, 3. „წყვილადი ან სინდიასმური ოჯახი“, 4. „პატრიარქალური, ან პოლიგამიური ოჯახი“, 5. „მონოგამიური ოჯახი“. მორგანის თანახმად 1, 2 და მე-5 ისტორიული ფორმები ოჯახისა ხანგრძლივი და მყარია და მათ საფუძველი ჩაუყარეს ნათესაბის ძირითად სისტემას.

ტერესებდათ საქორნინო-საოჯახო ურთიერთობების, გვაროვნულ-ტომობრივი და სათემო ინსტიტუტების საკითხები. ეთნოგრაფიულ-ეთნოლოგიური კვლევის ეს განყოფილება დღესაც უმნიშვნელოვანეს როლს ასრულებს. სწორედ მისმა განვითარებამ, გ.ლენპარდტის თანახმად, „შეუწყო ხელი ინგლისში XX საუკუნის დასაწყისში სოციალური ანთროპოლოგიის განსაკუთრებული დისციპლინის ჩამოყალიბებას“⁷⁸. რამდენადაც სოციალური ანთროპოლოგიის თეორიული ფესვები ე.დიურკპაიმის სოციოლოგიური სკოლიდან მომდინარეობს, გასაგებია, რომ წიგნში დიდი ადგილი ეთმობა ხსენებული მეცნიერის უმნიშვნელოვანების დებულების განხილვას (დიურკპაიმის სოციოლოგიური კვლევის საგანს წარმოადგენდა ადამიანთა საზოგადოება. დიურკპაიმის თანახმად, ადამიანთა საზოგადოება ეს იყო „განსაკუთრებული რეალობა“, რომელიც არამც და არამც არ დაიყვანებოდა საზოგადოების შემადგენელ ინდივიდთა ჯამამდე).

ნაშრომში ავტორი განსაკუთრებულ მნიშვნელობას ანიჭებს საველე ეთნოგრაფიული მუშაობის სწორად და გეგმაზომიერად წარმართვის ფაქტორს და ამ უკანასკნელთან კონტექსტში მოკლედ ჩერდება რუსი ეთნოგრაფის მიკლუხო-მაკლაის /1846-88/ მოლვანეობის იმ პერიოდზე, როდესაც მან ახალი გვინეის მკვიდრთა შორის დიდი ხნის ნაყოფიერი საველე ეთნოგრაფიული მუშაობით, ცოცხალ სინამდვილეზე უმუალო დაკვირვებით, უზარმაზარი მასალა დაგროვა, რომელიც საფუძვლად დაედო მის ბრწყინვალე შრომებს.

სოციალური ანთროპოლოგიის საგნობრივის ფეროს სწორად გაგება მნიშვნელოვნადაა დამოკიდებული იმაზე, თუ როგორ წყდება საკითხი ისეთი კატეგორიების ურთიერთმიმართების შესახებ, როგორიცაა „კულტურა“ და „საზოგადოება“. ამ საკითხის გადაწყვეტის მომენტში არსებული უთანხმოებანი უდევს საფუძვლად იმ მრავალწლოვან პოლემიკას, რომელიც მიმდინარეობს ამერიკის „კულტურულ ანთროპოლოგიას“⁷⁸ და ინგლისის „სოციალურ ანთროპოლოგიას შორის“. გ.ლენპარდტი მოკლედ ჩერდება ამ პოლემიკის სპეციფიკის საკითხებზე და აღნიშნავს შემდეგს: „ამერიკელი ანთროპოლოგების უმრავლესობა, გამოდის რა იმ თვალსაზრისიდან, რომ ცნება „კულტურა“ მოიცავს სოციალურ კულტურასაც, სოციალურ ანთროპოლოგიას კულტურული ანთროპოლოგიის შემადგენელ ნაწილად მიიჩნევს. ინგლისელ „სოციალურ ანთროპოლოგებს“ კი პირიქით, კულტურული ანთროპოლოგია სოციალური ანთროპოლოგიის შემადგენლობა-

⁷⁸ ამერიკული ეთნოლოგიური სკოლის დამაარსებელია ფრ.ბოასი, რომლის შეხედულებებს გ.ლენპარდტი თავის ნაშრომში, რასაკვირველია გვერდს ვერ უვლის და მათ სათანადო შეფასებას იძლევა.

ში შეჰყავთ". ეს დავა დღესაც არ დასრულებულა, თუმცალა ერთი რამ ცხადია, რომ თანამედროვე ინგლისელმა მეცნიერებმა /ე.ლიჩი, მ.კლიუკმანი, ი.შაპერა და სხვ./ მნიშვნელოვნად გააფართოვეს სო-ციალური ანთროპოლოგის კვლევის საგანი — შეიტანეს რა თავის გამოკვლევათა სფეროში, ამერიკის, აფრიკის და აზიის თანამედროვე კლასობრივი და ადრეკლასობრივი საზოგადოებები.

სოციალური ანთროპოლოგის განვითარების უმნიშვნელოვანესი ეტაპების გადმოცემის შემდეგ გ.ლენპარდტი თავის ნაშრომში თან-მიმდევრულად განიხილავს ძირითად თვალსაზრისებს სოციალური ანთროპოლოგის ისეთ უმნიშვნელოვანეს საკითხებზე, როგორიცაა ადამიანისა და გარემო პირობების ურთიერთმიქედება, ეკონომიკისა და სოციალური ურთიერთობების ურთიერთმიმართება, პილიტიკური ცხოვრება და ა.შ. ნაშრომის შესახებ, რომ მისი წიგნის უმთავრეს მიზანს შეადგენს სოციალური ანთროპოლოგის დარგში მომუშავე მკვლევართა ძირითადი შეხედულებების გადმოცემა ადამიანთა საზოგადოების განვითარების შესახებ, სავსებით დასტურდება წიგნის თითოეული თავის გაცნობის შემდეგ. ჩვენი მხრივ უნდა აღვნიშნოთ, რომ გ.ლენპარდტის ნაშრომიდან განსაკუთრებით საინტერესოდ მიგვაჩნია პირველი და მეექვსე თავები, სადაც ფაქტიურად გადმოცემულია სოციალური ანთროპოლოგის განვითარების უმნიშვნელოვანესი ისტორიული ეტაპები გასული საუკუნის მეორე ნახევრიდან ვიდრე ჩვენს დრომდე.

ამდენად, გ.ლენპარდტის წიგნი ერთგვარ „სახელმძღვანელოს“ წარმოადგენს ეთნოგრაფია-ეთნოლოგის ისტორიის საკითხებზე მომუშავე მკვლევართათვის და, ვფიქრობთ, მისი გამოყენება სარგებლობას მოუტანს ეთნოგრაფიის ზოგადი კურსის შესწავლით დაინტერესებულ პირებს.

IX. ავსტრალიის აპორიგანთა მითები და მათი ისტორიულ-ეთნოგრაფიული ღირებულება

ავსტრალიის ისტორიულ-ეთნოგრაფიული შესწავლა ყოველთვის იწვევდა დიდ სამეცნიერო და საზოგადოებრივ ინტერესს, რაც სამეცნიერო წრეებში არასოდეს შენელებულა, რამდენადაც ისტორიულ, არქეოლოგიურ და ეთნოგრაფიულ ლიტერატურაში დამკვიდრდა ერთგვარი ტრადიცია, რომ ავსტრალიელები დაემორჩინათ ყოველთვის, როცა კი საქმე შეეხებოდა პირველყოფილობის ელემენტებს და როცა საჭიროება მოითხოვდა გარკვეულყოფნენ საზოგადოებრივი წყობის თუ რელიგიის პირველყოფილ ფორმებში. გადაუჭარბებლად შეიძლება ითქვას, რომ კაცობრიობის განვითარების უძველესი სტადიის მეცნიერულად გააზრება წარმოუდგენელია ავსტრალიის ისტორიულ-ეთნოგრაფიული რეალობის გაუთვალისწინებლად, რის კვალობაზე ადამიანთა უძველესი საზოგადოებრივი ყოფის რესტავრაციის საქმეში ავსტრალიის აბორიგენთა, როგორც ველურობის შუა საფეხურის ტიპურ წარმომადგენელთა ყოფისა და კულტურის არქაული ფორმების საფუძვლიან კვლევას განსაკუთრებული როლი ენიჭება.

ავსტრალიის აბორიგენთა ტრადიციული კულტურის, სამეურნეო ყოფისა და საზოგადოებრივი სტრუქტურის შესწავლა შუქს ფენს პალეოლითის ეპოქის კულტურისა და სოციალურ-ეკონომიკური ურთიერთობების მთელ რიგ საკითხებს. ავსტრალიის კონტინენტის დასახლებისა და მისი მკვიდრი მოსახლეობის წარმომავლობის პრობლემა, ისევე როგორც ავსტრალიელთა ჩამორჩენილობის კონკრეტული ისტორიული მიზეზების კვლევა, დღესაც მსოფლიოს ისტორიკოსთა და ეთნოგრაფთა ყურადღების ცენტრში დგას. ავსტრალიის ეთნოგრაფიის პრობლემებით დაინტერესებული მკვლევარის განკარგულებაში მყოფი მრავალრიცხოვანი და მრავალთემატიკური ეთნოგრაფიული ლიტერატურის თუნდაც მცირე ნანილის საფუძვლიანი გაცნობა სარწმუნოს ხდის იმ ფაქტს, რომ დღესადღეობით ავსტრალიის ეთნოგრაფიულ კვლევას საკმაოდ დიდი ტრადიციები აქვს, მაგრამ ამ ტრადიციებზე საგანგებო მსჯელობა, ისევე როგორც ავსტრალიის ეთნოგრაფიის პრობლემების ზოგადი მიმოხილვა, ამ შემთხვევაში ჩვენს მიზანს არ შეადგენს.

ამჯერად ვეხებით რა აბორიგენულ მითებს, აღვნიშნავთ, რომ ჩვენთვის ის საინტერესოა იმდენად, რამდენადაც მათი, როგორც წყაროს გაანალიზების საფუძველზე გარკვეული წარმოდგენა გვექმნება ავსტრალიელთა სამეურნეო ყოფის, მატერიალური და სულიერი კულ-

ტურის, საზოგადოებრივი წყობის შესახებ.

აბორიგენულ მითებზე ჩვენს მსჯელობას საფუძვლად დაედო ს.ბოჟიკისა და ა.მარშალის ნაშრომი „აბორიგენული მითები“, რომელიც 1972 წ. ინგლისურ ენაზე გამოიცა ავსტრალიის ქალაქ მელბურნში. წიგნშითავმოყრილია მათ მიერ შეკრებილი 26 აბორიგენული მითი. წიგნს მიმზიდველობას მატებს მაღალხარისხოვანი ფერადი ილუსტრაციები, რომელთაც აბორიგენული მითების კითხვის პარალელურად ვეცნობით და, ამდენად, მითის აღქმა ეგზოტიკურ მიკროგარემოში ხდება.

ნაშრომის წინასიტყვაობიდან ვვებულობთ, რომ ს.ბოჟიკმა ეთ-ნოგრაფიული მუშაობა ანარმოვა ავსტრალიის ჩრდილოეთით მდებარე არნემლენდის ნახევარკუნძულის ტერიტორიაზე. მითების უდიდესი ნაწილი მან ჩაინერა დელისავილეს აბორიგენულ დასახლებაში, რომელიც არნემლენდის ნახევარკუნძულზე მცხოვრები ლარაკიას, ვაინერის, ნაგიონერის, უოგაჯის, მულუკის ტომების გადარჩენილი წევრების იძულებით შეჯგუფების შედეგად წარმოიქმნა. თვითონ ეს ფაქტი იმაზე მეტყველებს, რომ არნემლენდის ტერიტორიაზე მცხოვრებ აბორიგენულ ტომებზე ევროპულმა კოლონიზაციამ გამანადგურებელი გავლენა იქონია, მათ სრული მოსპობის საფრთხე დაემუქრათ და ერთადერთ გამოსავალს მათვის დელისავილეს დასახლებაში არსებული გაერთიანება წარმოადგენდა. სწორედ დელისავილეში ცხოვრიბდა მოხუცი აბორიგენი მულუკი, ნეულუგონგას ტომის ბელადების შთამომავალი, რომლის სახელი — მულუკი შემდეგ მთელ ნეულუგონგას ტომს დაუმკვიდრდა. ს.ბოჟიკი დაუახლოვდა მულუკს. მათ მრავალი დღე-ლამე გაატარეს ერთად. ს.ბოჟიკი ტრადიციული აბორიგენული წესით ცხოვრობდა. მულუკთან და სხვა აბორიგენებთან ერთად იგი ნადირობას, შემგროვებლობას მისდევდა, ტყეებში და ზღვის სანაპიროზე მოხეტიალე ცხოვრებას ენეოდა. იგი ერთგვარად შეეჩვია კიდეც აბორიგენულ ყოფას. მისთვის ჩვეულებრივ საქმედ იქცა დამით აბორიგენებთან ერთად გაჩაღებულ კოცონთან ჯდომა, მათი სიმღერების მოსმენა, კორობოროს ზეიმში მონაწილეობა, აბორიგენთა რაციონით კვება. კოცონთან მჯდარი ბოჟიკი დიდი ინტერესით უსმენდა მულუკს, რომელიც განთქმული იყო როგორც მითების და ლეგენდების საუკეთესო მცოდნე, უბადლო მომღერალი და საკაკუნებელი ჯოხებით ვირტუოზული დამკვრელი. მულუკი ს.ბოჟიკს უყვებოდა მრავალ მითს, ლეგენდას აბორიგენთა გმირული წარსულის, ბუნების საგნების და მოვლენების წარმოშობის შესახებ. მულუკის ბავშვური გულახდილობა, აბორიგენული მითების ნატურალიზმი, პრიმიტივიზმი, მაგრამ ამასთანავე განუმეორებელი ორიგინალობა ს.ბოჟიკისათვის სავსებით გასაგები და ახლობელი შეიქმნა. მან შეიყვარა ეს მითები, რამეთუ იგი ახლო გაეცნო მათი შემოქმედი ხალხის ყოფას და კულტურას.

ს.ბოჟიკმა დიდის გულმოდგინებით შეკრიბა 26 აბორიგენული მითი და მათი ერთი ნაწილი ა.მარშალს — ცნობილ ავსტრალიელ მწერალს გადასცა დასამუშავებლად. ასე დაიწყო მათი თანამშრომლობა, რომლის მანძილზე მთავარი ყურადღება ექცევოდა იმას, რომ მითებისათვის შეენარჩუნებინათ აბორიგენული თხრობის ნატურალური ხასიათი და ორიგინალობა.

ს.ბოჟიკისა და ა.მარშალის მიერ გამოცემული აბორიგენული მითები მართლაც საოცრად პრიმიტიულია და მათი ზერელე გადაკითხვაც კი ალბათ, ლიმილს გამოიწვევს, მაგრამ მითებისადმი ამგვარი დამოკიდებულება არაპროფესიონალ მკითხველს ეპატიება, რომელიც მათ შინაარსს ალიქვამს ხალხის სოციალურ-ეკონომიკურ და რელიგიურ ცხოვრებასთან კავშირის გარეშე და, ამდენად, მითებს აშორებს იმ რეალური ბაზისისაგან, რომლის გაუთვლისწინებლობა მათ უკარგავს ორიგინალობას და შემცნებით ლირებულებას, ხოლო ამით კიდევ უფრო ზრდის მათი პრიმიტიულობის კოეფიციენტს. ამიტომ, აბორიგენული მითების არსის დასანახად აუცილებელია მათი განხილვა ავსტრალიელთა ყოფასთან უშუალო კავშირში იმ ფიზიკურ-გეოგრაფიული და სოციალური გარემოსაგან მოუწყვეტლად, რომელშიაც ხდებოდა ამ მითების ფორმირება.

ს.ბოჟიკისა და ა.მარშალის ნაშრომის გაანალიზების საფუძველზე ჩვენ შევეცადეთ განგვეხილა აბორიგენული მითები, როგორც ერთ-ერთი უმნიშვნელოვანესი წყარო ავსტრალიელთა ყოფისა და კულტურის არქაული და თავისთავადი ფორმების შესასწავლად. აბორიგენული მითების ამ კუთხით კვლევა ეფუძნება იმ ობიექტურ ფაქტს, რომ მითები დიალექტიკურ კავშირში იმყოფება აბორიგენთა სოციალურ-ეკონომიკურ ყოფასთან, რომელიც თავის ასახვას პოულობს სხორედ მითოლოგიაში. ამდენად, ამ კავშირურთიერთობის პრინციპის მართებულად გააზრება და ამ პრინციპით ხელმძღვანელობა აუცილებელია იმისათვის, რომ გავერკვეთ აბორიგენთა საზოგადოებრივი ცხოვრების წარმართველი სოციალური მექანიზმის არსში. მითებზე მუშაობის პროცესში შემუშავებული გეგმის თანახმად, თანმიმდევრულად შევეხებით ისეთ საკითხებს, როგორიცაა აბორიგენთა სამეურნეო ყოფა და მატერიალური კულტურა, საქორნინო და საოჯახო ურთიერთობები, რელიგიური რწმენა-წარმოდგენები და მსოფლმხედველობა.

აბორიგენული მითის ანალიზის საფუძველზე შევეცდებით მოვახდინოთ იმ სოციალურ-ეკონომიკური და კულტურული გარემოს ერთგვარი ფოკუსირება, რომელშიც უხდებოდათ ცხოვრება ავსტრალიელ აბორიგენებს — ველურობის შუა საფეხურის ტიპიურ წარმომადგენლებს.

აბორიგენული მითების ანალიზის პროცესში ჩვენი ყურადღება უპირველეს ყოვლისა აბორიგენთა სამეურნეო ყოფისა და მატერიალური

კულტურის საკითხმა მიიქცია. მითების გაცნობამ საკმაოდ ნათელი წარმოდგენა მოვცა აბორიგენთა სანარმოო ძალთა განვითარების დონის, სამეურნეო ყოფის ხასიათის შესახებ. მითებიდან კარგად ჩანს, რომ აბორიგენთა სამეურნეო ყოფის ქვაუთხედს შეადგენდა ნადირობა, მეთევზეობა და შემგროვებლობა. ხადირობა მამაკაცის უმთავრეს საქმიანობას წარმოადგენდა. თქმულის საილუსტრაციოდ გამოდგება თითქმის ყველა აბორიგენული მითი. ერთ-ერთი მათგანის („მაგი ბარა-მუნდი — თევზი“) მიხედვით, მთავარ მოქმედ პირად გვევლინება მაგი — ახალგაზრდა კაცი. დაქორწინების შემდეგ იგი სიყვარულმა გაიტაცა და ტყეში სანადიროდ აღარ დადიოდა. მას სიმამრმა უსაყველურა — შენგან კაცი არ გამოვა, არც ნადირობა იცი და არც ბრძოლა შევიძლია, შები ხომ მისდღემში არ გიტყორცნიაო. ამ საყვედურმა მაგის თავმოყვარეობაზე იმოქმედა, იგი ტყეში განმარტოვდა და ნადირობით იწყო თავის რჩენა. მაგი მანამდე დარჩა ტყეში, სანამ ამ ქვეყნად საუკეთესო მონადირე და მებრძოლი არ გახდა. მხოლოდ ამის შემდეგ დაუბრუნდა მაგი თავის ოჯახს.

ამ მითის ანალიზის საფუძველზე, შეიძლება დავასკვნათ, რომ აბორიგენებთან მამაკაცი ფასდებოდა უნინარეს ყოვლისა იმით, თუ რამდენად კარგი მონადირე და მეომარი იქნებოდა. მამაკაცის ღირსების შეფასების ანალოგიური კრიტერიუმი დგინდება თითქმის ყველა აბორიგენული მითის განხილვის დროს, ამიტომ სხვა აბორიგენული მითების დამონმებას, ვფიქრობთ, აზრი აღარა აქვს.

აბორიგენული მითების გაცნობის შედეგად გამოჩნდა, რომ ავსტრალიელების უმთავრეს საბრძოლო და სანადირო იარაღებს წარმოადგენდა შუბი, საბრძოლო ჯოხი, საომარი კომბალი. ბუმერანგის შესახებ რაიმე ცნობას მითებში ვერსად შევხვდით. აბორიგენთათვის უცნობი იყო მშვილდი და ისრები. ალნიშნული იარაღებით ავსტრალიელები ნადირობდნენ კენგურუზე, სტრაუს-ემებზე, მცირე ჩიანთოსან ცხოველებზე — ოპოსუმებზე, ვომბატებზე, ბადიკუტებზე, აგრეთვე ფრინველებზე. ნადირობას მისდევდნენ კოლექტიური ან ინდივიდუალური წესით. ნადირობის ხერხები მრავალნაირია, მაგრამ ჩვეულებრივ ისინი აქტიურნია: მონადირე თან სდევს ცხოველს იარაღით ან ეპარება მას. ყველა აბორიგენი მონადირე ვერ გამოიჩინდა მოხერხებულობით და ფხიანობით და ხშირად ამ მიზეზით გამოუვალ მდგომარეობაში ვარდებოდა. ერთი აბორიგენული მითი „მიჩერინი დინგ“ სწორედ უნიათო მონადირის თავგადასავალზე მოგვითხრობს. მითიდან ვგებულობთ, რომ მიჩერინი-დინგო, შავგვრემანი ყმანვილი, დღედაღამ მშეერი დაძრნოდა ტყეში, რადგან იგი ცუდი მონადირე იყო და მთელი დღეების განმავლობაში ვერაფერს შოულობდა. სასოწარკვეთილმა მიჩერინმა ხმელი ტოტების ჭამა დაიწყო, მაგრამ

მცხუნვარე მზით გახურებულმა ხმელმა ტომებმა მას პირი დასწვა. მიჩირინი ბოლოს და ბოლოს „ქორი-კაცის“ უოქის რჩევით სანაპირო-სკენ წალასლასდა და იქ ნაპოვნი მიმხმარი კუს ხორცით ამოიყიორა მუცელი.

ამ მითიდან კარგად ჩანს, რომ მართალია, აბორიგენებთან ნადირობას გადამწყვეტი როლი ენიჭებოდა და ეს მამაკაცის საქმეს შეადგენდა, მაგრამ ნადირობა ყოველთვის საიმედო არ იყო და არაიშვიათად შემგროვებლობა არსებობის მთავარ წყაროდ იქცეოდა ხოლმე. მითების ანალიზმა გვიჩვენა, რომ შემგროვებლობას უმთავრესი ქალები მის-დევდნენ. ისინი აგროვებდნენ ძირითადად იმასს (პერრის), სხვადასხვა ძირნაყოფებს და ბოლქვნაყოფებს, ქოქოსს, ზღვის სანაპიროზე მიმოფანტულ რუბერეს — პატარა კიბორჩხალებს, მრავალგვარ ხამანნკებს, მოლუსკებს, აგრეთვე ქვენარმავლებს. მითების მიხედვით, როგორც აღვნიშნეთ, შემგროვებლის როლში ძირითადად ქალი გვევლინება, თუმცალა ცალკეულ შემთხვევებში მამაკაციც მისდევს ამ საქმეს და სულაც არ ინუხებდა თავს ნადირობით და მეთევზეობით.

ავსტრალიელთა სამეურნეო ყოფაში დიდ როლს ასრულებდა მე-თევზობა, რომელიც მამაკაცის საქმეს შეადგენდა. აბორიგენული მითებიდან კარგად ჩანს, რომ მეთევზეობას მისდევდნენ ზღვის პირად მოსახლე აბორიგენები, თუმცალა ეს უკანასკნელი არ ივინწყებდნენ თავიანთ ტრადიციულ და უმთავრეს საქმინობებს — ნადირობას და შემგროვებლობას.

ამრიგად, მითების ანალიზმა ცხადყო, რომ ნადირობა, შემგროვებლობა და მეთევზეობა აბორიგენთა საარსებო საშუალებას წარმოადგენდა და ამის შესაბამისად აბორიგენთა საკვებად ძირითადად გამოიყენებოდა ნანადირევის ხორცი, მრავალნაირი ძირნაყოფა და ბოლქვანაყოფა, თევზეული, აგრეთვე ქვენარმავლებიც. მითებიდან ირკვევა, რომ აბორიგენებს სცოდნიათ საკვების შენვა და ისინი უკვე ერთმანეთისაგან განარჩევდნენ შემწვარ და უმ საჭმელს, რომელთაც შესაბამისად უნდოდებდნენ უნგმის და ამონგას. აბორიგენთა აზრით, შემწვარი საკვები, ანუ უნგმი ბევრად უფრო გემრიელი და სასარგებლო იყო, ვიდრე ამონგა-უმისაკვები. შემთხვევებითი არაა ის, რომ ერთი აბორიგენული მითის მთავარი გმირი მთელის არსებით ცდილობს ამ ჭეშმარიტებაში დაარწმუნოს ყველა ადამიანი, რომელიც ჯერ კიდევ ამონგას ჭამით კმაყოფილდება.

მითებიდან ჩანს, რომ ცეცხლის მოპოვება აბორიგენებთან ხმელი ჯონების ერთიმეორეზე ხახუნის საშუალებით ხდებოდა. ცეცხლის მოპოვების ამ უმარტივესი ხერხის შესახებ ცნობებს მრავალ აბორიგენულ მითში კვედებით. დავამოწმებთ ერთ-ერთ მათგანს. მითში — „მიჩირინ დინგო“ მოთხოვობილია იმის შესახებ, თუ როგორ იპოვნა

მშიერმა მიჩერინმა — უილბლო მონადირემ გამხმარი კუ და მისი შენვა გადაწყვიტა, რისთვისაც საჭირო იყო ცეცხლის გაჩაღება. მიჩერინმა ამოირჩია ხმელი ჯოხები და მათი ერთიმეორებუ ხახუნს შეუდგა, მა- გრამ წვიმისაგან ხე ისე დასველებულიყო, რომ მიჩერინმა ცეცხლის დანთება ვერ მოახერხა. ის მაინც განაგრძობდა ხმელი ჯოხების უფრო და უფრო ძლიერად ხახუნს და მაშინ, როდესაც მან მაინც შესძლო ცეცხლის დანთება, მაგრამ ხელებზე რომ დიდი წყლულები გაუჩნდა, უფიქრია: „დახეთ, მე ამიერიდან ხელებზე თითები აღარა მაქვს, ისინი წყლულებად იქცნენ, მე კი დინგოდ გარდავიქმენი“.

ეს და სხვა აბორიგენული მითებიც გამოდგება იმის დასადასტურე- ბლად, რომ ცეცხლის გაჩაღება მეტად რთული და შრომატევად საქმეს წარმოადგენდა, რომ ის საკმაოდ დიდ ძალას და ნებისყოფას მოითხოვ- და. შემთხვევითი არაა, რომ ერთ-ერთი მითი ავი სულის — კუტ-კუტის ძლიერების საზომად თვლის ყოველნაირ პირობებში კოცონის გაჩაღე- ბის შესაძლებლობას.

მითებიდან გამოჩნდა, რომ ავსტრალიელი აბორიგენებისათვის უც- ნობი იყო ლითონის გამოყენება, მათი იარაღები მეტად პრიმიტიული იყო. ისინი მზადდებოდა ქვისგან, ხისგან, ძვლისგან და ნიჟარებისაგან. თუმცა ქვის იარაღების შესახებ მითებში ცნობას არსად წავაპყდით. ხის იარაღებიდან აღსანიშნავია სხვადასხვა ზომის შუბები და კომბლები, ძვ- ლისაგან მზადდებოდა შუბის ბუნიკები, ნიჟარებისაგან დანები და ა.შ.

ძირითადი საქმიანობის — ნადირობის, შემგროვებლობის და მე- თევზეობის გვერდით აბორიგენთა ყოფაში დგინდება შინარენვის ისეთი სახეები, როგორიცაა მცენარეული ბოჭკოებისაგან ბანრების დამზადება, ჩანთების წვნა და სხვ. მითი „ვარუქ ავი სული და მიჩერინ ობობა“ სწორედ ჩანთების წვნაში დახელოვნებული ქალის ცხოვრებას გვაცნობს. მითიდან ჩანს, რომ მიჩერინი გრძელი ბალახისაგან წნავდა ჩანთებს და ადამიანებს ურიგებდა. მას შეეძლო ერთ დღეში რამდენიმე ასეთი ჩანთა დაეწნა. როგორც ჩანს, ავსტრალიელი ქალები ბოჭკოვან ნივთიერებათა დამუშავებაში საკმაოდ გაწაფული იყვნენ და ეს ქალის ისეთსავე ღირსებად ითვლებოდა, როგორც მამაკაცისათვის კარგი მონადირის სახელი.

აბორიგენულ მითებში არსებული მონაცემების მიხედვით ძნელი არაა იმის დადგენა, რომ ავსტრალიელთათვის სრულიად უცნობი იყო თიხის ჭურჭელი და საერთოდ აბორიგენული ჭურჭელი საოცრად პრიმიტიულია. ამის საუკეთესო მაგალითად გამოდგება მითებში მოხ- სენიებული ქოქოსის კაკლის გახლეჩის შედეგად მიღებული უმარტივე- სი თევზი ან ხის ქრექისაგან დამზადებული წყლის სახაპავი ჯამი.

აბორიგენული მითების ანალიზის საფუძველზე ნათელი ხდება, რომ მითვისებითი მეურნეობის პირობებში მათთვის მკვიდრი ყოფა და

მუდმივი დასახლებები უცნობი იყო. ჩვეულებრივ ავსტრალიელთათ-ვის დამახასიათებელია მოხეტიალე ცხოვრების წესი, როცა საკვების ძებნაში ისინი ერთი ადგილიდან მეორეზე გადადიან და ერთ ადგილზე მანამდე რჩებიან, სანამ იქ საკვების მარაგი არ ამოინურება. დავიმოწ-მებთ ერთ აბორიგენულ მითს, რომლის მთავარი გმირი მაჯენი — „შავი იხვი“ ცხოვრობდა ტბის პირად, სადაც აუარებელი საკვები ეგულე-ბოდა. ეს ფაქტორი სრულიად საკმარისი იყო იმისათვის, რომ მაჯენი ამ ადგილიდან ალარსად წასულიყო საცხოვრებლად, მაგრამ ალბათ ძნელი არაა იმის წარმოდგენა, თუ რა გადაწყვეტილებას მიიღებდა მაჯენი საკვების შემოლევის შემდეგ, როცა ამ საკვების პასიური მით-ვისების შესაძლებლობა მოესპობოდა.

აბორიგენთა ტრადიციული მოხეტიალე ცხოვრების წესი განა-პირობებდა მათი საცხოვრებლების პრიმიტიულობას. რამდენადაც აბორიგენები მოხეტიალე ცხოვრებას ეწეოდნენ, ისინი შემთხვევით თავშესაფართა იმედით ცხოვრობდნენ. აბორიგენთა სადგომის პრიმი-ტიულობაში ვრწმუნდებით ერთ-ერთი მითიდან („მანორ-ინდაური და ნურუნ ემე“), რომლიდანაც ჩანს, რომ სადგომის უმარტივესი ტიპი გუ-ლისხმობდა დანთებული კოცონის პირად გათხრილ ორმოს, რომელ-შიც წვებოდა კაცი და ტანს ქვიშით ან ხის ტოტებით იფარავდა. აბ-ორიგენისათვის სრულიად საკმარისი იყო კოცონის გასაჩაღებლად გამოსადევი და დასაწოლად მისი გაგებით მოსახერხებელი ადგილის შერჩევა, რომ იქ დაბანაკებულიყო და თავის სადგომად ექციო.

მითებიდან ირკვევა, რომ უპრიმიტიულესი სადგომის გარდა აბ-ორიგენები საცხოვრებლად ქოხებსაც აგებდნენ. საშენ მასალად გამ-ოყენებოდა ტოტები, ხის ქრქები, ფოთლები, ბალახი და ქვიშანარევი თიხაც კი. მითებში არ გვხვდება არავითარი ცნობა ავსტრალიური ქოხ-ის ფორმისა და ზომის შესახებ. ასევე ხსენებული არ არის რაიმე სა-ტრანსპორტო საშუალება, ვინაიდან ისინი ფეხით დადიოდნენ, ხოლო ბარგს ქალები ეზიდებოდნენ. მხოლოდ მდინარეებსა და ზღვისპირა ადგილებში მცხოვრები იყენებდნენ ხის ქრქისაგან დამზადებულ პრიმიტიულ ნავებს (კანოეს) და პატარა ზომის ტივებს.

სანარმოო ძალთა განვითარების უაღრესად დაბალ დონეს შეესა-ბამებოდა მეტად ჩამორჩენილი, პრიმიტიული წარმოებითი ურთიერ-თობანი. მათი მეურნეობა მთლიანად მითვისებითი ანუ არამნარმოე-ბლური ხასიათისა იყო და ამდენად, ეთნოგრაფიაში შემუშავებული საკლასიფიკაციო პრინციპის მიხედვით პირველი სამეურნეო-კულ-ტურული ტბის ლოკალურ ვარიანტს წარმოადგენდა. აბორიგენებთან XIX საუკუნემდე შემორჩენილი იყო პირველყოფილი თემური წყობა, რომლის დროს სანარმოო ურთიერთობათა საფუძველს წარმოად-გენდა წარმოების საშუალებებზე საზოგადო საკუთრება, როცა ჯერ

კიდევ არ არსებობდნენ საზოგადოებრივი კლასები და ადამიანის მიერ ადამიანის ექსპლოატაცია. აბორიგენთა მატერიალური წარმოების არქაულობამ, სანარმოო ძალთა განვითარების დაბალმა დონემ, თავისი უშუალო ასახვა პოვა ავსტრალიელთა სულიერ კულტურაში: რელიგიური რწმენა-წარმოდგენებში, მითოლოგიაში, მხატვრულ შემოქმედებაში და ა.შ.

აბორიგენული მითები გარკვეულ წარმოდგენას გვიქმნიან საქორნინო და საოჯახო ურთიერთობის ზოგი თავისებურების შესახებაც. ასეთ თავისებურებათაგან აღსანიშნავია საქორნინო ასაკი, საქორნინო კავშირის განმსაზღვრული პირობები, ცოლქმრული ურთიერთობის ნორმები, შრომა-საქმიანობა და ა.შ.

ახალგაზრდა ქალისა და მოხუცი მამაკაცის ერთად ცხოვრების, მაგრამ შემდგომში მათ შორის მომხდარი განხეთქილების შესახებ მოგვითხრობს მითი — „ჩილბრუკი, შავ-თეთრი იხვი და უორემბენი ნიანგი“. მისი შინაარსის მიხედვით, ცოლ-ქმრის საარსებო წყაროს წარმოადგენდა ძირითადად იამსის ფესვები, რომლის მოპოვება ევალებოდა ქალს იმ მოტივით, რომ ის ახალგაზრდა იყო. სამაგიეროდ მთელი დღე ჩრდილში ეძინა მის ქმარს, რადგანაც ის მოხუცი იყო. ასაკობრივი სხვაობა თითქოს ამართლებდა ამგვარ ურთიერთობას. მითის დასაწყისში იქმნება აზრი, რომ მოხუცი ქმრის საკვებით უზრუნველყოფაც მისი ახალგაზრდა ცოლის მოვალეობას შეადგენდა, მაგრამ თხრობის გაგრძელება სანინააღმდეგოს გვიჩვენებს. ბოლოს და ბოლოს ცოლმა უარი განუცხადა ქმარს საკვების მოტანაზე და დაავალდებულა, რომ მასაც ევლო ტყეში ფესვების მოსაგროვებლად. ქმარმა უპასუხა: „შენ უნდა იარო, მე მოხუცი კაცი ვარ, შენ კი ახალგაზრდა ხარ, მე ხომ იმისთვის შეგირთე, რომ ჩემთვის მოგევლონ“. ცოლის უარს ქმრის მუქარა მოყვა, მაგრამ ცოლმა მას საკვები მაინც არ მოუტანა. თავად ქალი კი ტყეში წავიდა, იქ ჭამა და თავისთვისისაც თან წამოიღო საკვები, მაგრამ მოტანილიდან ქმარს არაფერი უწილადა. ამის გამო მათ შორის მოხდა ჩხუბი, რაც განხეთქილებით დამთავრდა.

დამონშებული მითი საქორნინო ურთიერთობის ზოგიერთ თავისებურებას გვაცნობს. პირველ რიგში ყურადღებას იქცევს დიდი ასაკობრივი სხვაობა ცოლ-ქმარს შორის, რომლის მიუხედავადაც ქმარი თავისი უფლებებით ცოლზე მაღლა დგას. ქმარი მპრძანებლის როლშია, ცოლს ის აიძულებს საკვებით უზრუნველყოს და მოუაროს. გამამართლებელ მოტივად თითქოს მოხუცებულობა ჩანს, მაგრამ მთავარი მაინც მამაკაცის პრიორიტეტი და აქედან გამომდინარე უფლებებია. ცოლქმრული ურთიერთობა ამ მითის მიხედვით პატრიარქალური ხასიათისაა და თავისი ბუნებით ემყარება პატრიოლოკალურ ქორნინებას, მაგრამ აღნიშნულ ურთიერთობაში შენარჩუნებულია აგრეთვე

მატრიარქალური ყოფის ნიშნებიც. ქალის მიერ საკვების შეგროვება, ამ საქმეში მისი ვალდებულება და მამაკაცის საკვებით უზრუნველყოფა მატრიარქალური საზოგადოების ზოგიერთი ნიშნის მაჩვენებელია. მატრიარქატისთვის დამახასიათებელი ჩანს ქალის პროტესტიც ქმრის მიმართ, რამაც მათი ერთობა მოშალა. ცნობილია, რომ მატრიარქალური ქორწინების პირობებში ქალი იყო მთავარი შემგროვებელი, ხოლო ქმრის მოვალეობას შეადგენდა ნადირობა და თევზის ჭერა. თუ მამაკაცი ამ მოვალეობას ვერ შეასრულებდა, ქალს შეეძლო მისი გაგდება. ზემოხსენებულ მითში ამგვარი ვითარების გამოძახილი ხომ არ არის? მართალია, ცოლი პროტესტს უცხადებს სიბერით დაუძლურებულ ქმარს, მაგრამ რაკი ამ შემთხვევაში ცოლი ქმრის შენახვაზე უარს ამბობს, შესაძლებელია ამაში დავინახოთ მატრილოკალური საქორწინო ურთიერთობის ანარეკლი, როდესაც ცოლი ქმრის გაძვების უფლებით სარგებლობდა.

საქორწინო ურთიერთობის ზოგ მხარეს გვაცნობს მეორე მითიც — „მაგი თევზი ბარამუნდი“. ამ მითის მიხედვით საქორწინო კავშირის დამყარება შესაძლებელი ყოფილა შეყვარების საფუძველზე. მითი იმითი იწყება, რომ მაგიმ სიყვარულით ცოლად დაისვა ინმურა და ჩაკეტა, რომ სხვას არავის მოეტაცნა. ინმურას მამას დაუგმია სასიძოს საქციელი, ვინაიდან მას არ სცოდნია ნადირობა, ბრძოლა და შუბის ტყიორცნა. წერთინისა და დავაჟუკაცების მიზნით მაგი ტყეში წასულა და თავის ტომს დიდი ხნის შემდეგ დაპრუნებია. მის დაპრუნებამდე ინმურას მამა გარდაცვლილა და ინმურას მოხუც კაცზე ათხოვებდნენ. მაგი წინ აღუდგა ამ გადაწყვეტილებას, ბოლოს თავისი ცოლი მოტაცებით დაინება და ტყეში წაიყვანა. მდევართან ბრძოლის შემდეგ კი მოხდა მათი თევზად გარდასახვა და ზღვაში დასახლება.

ეს მითი პატრილოკალურ ქორწინებას ეხება და პატრიარქალურ ურთიერთობას შეესაბამება. ერთ შემთხვევაში აქ ცოლის შერთვის ინიციატორია ახალგაზრდა მაგი, ხოლო მეორე შემთხვევაში მისი მოცილეა მოხუცი კაცი, მაგრამ დაქორწინების წესი პატრიარქალურია, ვინაიდან ორივე შემთხვევაში ინიციატორის როლში მამაკაცი გვევლინება.

საქორწინო ურთიერთობის თავისებურებათა შესწავლისათვის მნიშვნელოვანია მაგის მიერ ინმურას მოტაცების ფაქტიც, რაც მოტაცებით ქორწინების არსებობას გვაძნენ. მაგის შიში რომ ინმურა მისთვის არავის მოეტაცნა, აღნიშნული ჩვეულების გავრცელებულობის მანიშნებელია.

არანაკლებ საინტერესოა სიმარის საყვედურის შემდეგ ტომისაგან მაგის განცალკევების ფაქტი დავაჟუკაცების მიზნით, რაც ტყეში ნადირობისა და შუბის ტყორცნაში დახელოვნებას გულისხმობდა. როდე-

საც ამ მიზანს მიაღწია, მაგიმ მხოლოდ ამის შემდეგ ჩათვალა თავი დავაუკაცებულად და თავის ტომსაც დაუბრუნდა. როგორც ჩანს, ამ შემთხვევაში საქმე გვაქვს ინიციაციასთან, რაც ყმანვილს, როგორც საქმროს მოეთხოვებოდა.

საქორწინო ურთიერთობის სფეროში მნიშვნელოვან ფაქტორად წარმოგვიდგება უფროს-უმცროსობის პრინციპი. უფროსის პრიორიტეტი თავს იჩენს დავაში, რომელიც შეიძლებოდა წარმოქმნილიყო ძმებს შორის ქალის საცოლედ დათავისების მიზნით. ერთ-ერთი მითის მიხედვით სწორედ ასეთ ვითარებასთან გვაქვს საქმე. სამი ძმა ერთიმ-ეორეს ექიშპება ქალის გამო. მათ შორის უპირატესობას ჩემულობს უფროსი ძმა მურუვუკი. მას სავსებით საკმარისად მიაჩნია დაუფარავად თქვას, რომ ის უფროსია ძმებს შორის და ამიტომ ქალი ცოლად მას ეკუთვნის. მან შუბიც კი მოიმარჯვა, ძმებს დაემუქრა და ქალი თავის ცოლად გამოაცხადა. ძმებმა შებრძოლება მოინდომეს, მაგრამ ისინი მამამ შეაჩერა. ამის შემდეგ თხრობა სხვა ამბებზე გრძელდება, მაგრამ ამჯერად მთავარია ის, რომ ცოლის შერთვის მომენტში უფროსი ძმა მეტი უფლებებით სარგებლობს, მით უფრო, როდესაც ქალი საცილობელია. ასეთი შემთხვევები კი, როგორც ჩანს, იშვიათი არ უნდა ყოფილიყო აბორიგენთა ცხოვრებაში.

თუ ზოგიერთი მითის მიხედვით მოხუცთა კაცზე ახალგაზრდა ქალის გათხოვება მიზანშეწონილად ითვლებოდა, სამაგიეროდ ზოგ მითში მოხუცებულობა უიმედობის ნიშანი ჩანს. ამასთან ერთად გაურბოდნენ უცხო კაცზე ქალის გათხოვებას. ამიტომა, რომ ერთ-ერთი მითის მთავარი გმირი — პურსა შეწუხებულია, მას ქალს არ აძლევენ როგორც უცხოს და თანაც მისი სიბერე მიაჩნიათ დამაბრკოლებელ მიზეზად.

ასაკობრივი სხვაობა ზოგჯერ შემსუბუქებლად წარმოგვიდგება ერთ-ერთ მითში („ეარუქ — ავი სული და მიჩირინ-ობობა“) მოთხრობილია, რომ მოხუცმა ქალმა მიჩირინმა ჩანთების წვნა იცოდა. მას მომვლელად ჰყოლია ახალგაზრდა ქმარი. რამდენიმე ხნის შემდეგ ქმარი, კარგი მებრძოლი და მონადირე, ტყეში წასულა და ცოლს აღარ დაბრუნებია. ცოლი ჩანთების წვნას განაგრძობდა. ეს გაუგია ვარუქს — ავ სულს და მასზე დაქორწინება გადაუწყვეტია, რათა ცოლს საკვებით უზრუნველეყო. მიჩირინი ვარუქს შიშით ცოლად გაჰყოლია, მაგრამ ჩანთების წვნაზე ხელი აუღია — ვაითუ პირველმა ქმარმა გაიგოს, რომ ცოლად მეორეს გავყევიო.

ამ მითიდან საყურადღებოა ზოგიერთი მომენტი:

1. დასაშვები ყოფილა ახალგაზრდა კაცისა და მოხუცი ქალის ქორწინება.

2. ამგვარი ქორწინების საფუძველი იყო საკვებით უზრუნველყ-

ოფის ფაქტორი.

3. როგორც ჩანს, პირველი ქმრის შემდეგ მეორეზე გათხოვება ქალის უფლებას არ შეადგენდა, ვინაიდან ვარუქზე გათხოვების შემდეგ მიჩინის იმის შიში დაჲყვა, რომ ეს ამბავი პირველ ქმარს არ გაეგო.

ურთიერთობათა ეს დეტალები საყურადღებოა აბორიგენთა საქორნინო წეს-ჩვეულებათა სისტემაში, რაც ცნობილია ეთნოგრაფიული ლიტერატურით, მაგრამ მისი განხილვა ამჟამად ჩვენს ამოცანებს სცილდება.

გარდა ზემოთ განხილული საკითხებისა (სამეურნეო ყოფა, მატერიალური კულტურა, საქორნინო ურთიერთობის ფორმები) მითებში გარკვეული ადგილი უჭირავს მონაცემებს აბორიგენთა ხალხური შემოქმედების შესახებ. მითების ჩამნერნი დარწმუნდნენ, რომ ავსტრალიელი აბორიგენები დიდი გულმოდგინებით მღეროდნენ და ცეკვავდნენ, იყენებდნენ პრიმიტიული სახის საკრავებს. ამის გარეშე მათ ვერ წარმოედგინათ გართობა და რაიმე დღესასწაულის, მაგალითად, კორობოროს რამდენადმე სრულფასოვანი ჩატარება. აბორიგენულ სიმღერებში და ცეკვებში განსახიერებული იყო მითოლოგიური წარსული, რელიგიური რწმენა-წარმოდგენები და საერთოდ პრიმიტიული აბორიგენული მსოფლმხედველობა. მუსიკალური ინსტრუმენტებიდან მითებში მოხსენიებულია საკაკუნებელი ჯოხები და დიდგერიდო. კორობოროს დღესასწაულის მსვლელობისას ტომის მამაკაცები ტყეში მიდიოდნენ სამღერად და საცეკვაოდ. ცეკვა და სიმღერა მიმდინარეობდა დიდგერიდოს აკომპანიმენტისა და საკაკუნებელი ჯოხების რითმის თანხლებით. თვითონ მულუკი, რომლისგანაც ს.ბოჟიკმა აბორიგენული მითები ჩაინტერა, არა იმდენად მითების ცოდნით გამოიჩინდა, რამდენადაც საკაკუნებელი ჯოხების უბადლო გამოყენების უნარით. ამასთან, მულუკი განთქმული მომღერალიც ყოფილა. საერთოდ მითებში არაერთგზის ვხვდებით ცნობებს მომღერლებისა და დიდგერიდოზე თუ საკაკუნებელ ჯოხებზე დახელოვნებულ დამკვრელთა შესახებ. მაგალითად, ერთ-ერთ მითში მოთხოვნილია, რომ „მუნგიკუ“ შესანიშნავად მღეროდა და ცდილობდა ყველა შემხვედრი ადამიანი თავისი ხელოვნებით მოეხიბლა. მეორე მითში ასეთივე პერსონაჟადაა წარმოდგენილი პასაი-ოპოსუმი და ა.შ. მუსიკალური ინსტრუმენტების აკომპანიმენტის თანხლებით აბორიგენები ასრულებდნენ ისეთ ცეკვებს, როგორიცაა „ხარზე ნადირობა“ და „კიბორჩხალას ცეკვა“. ამ ცეკვებს ისინი ასრულებდნენ თავდაცინებამდე მისული აღგზნებით. გამოქვეყნებული მითების წინასიტყვაობაში ს.ბოჟიკია აღნიშნავდა, რომ ცეკვა, სიმღერა და მითოლოგია აბორიგენთა ცხოვრების სისხლხორცეულ ნაწილს შეადგენდა, რითაც ისინი არსებობას უნარჩუნებდნენ საკუთარი ხალხის ცოცხალ კულტურულ მემკვიდრეობას.

აბორიგენულ მითებში საყურადღებო მონაცემებია ასახული რელი-
გური მსოფლიმედველობის შესახებაც. აბორიგენულ მითოლოგიას
საფუძვლად უდევს მათში არსებული რელიგიური რწმენა-წარმოდ-
გენები, ხოლო ის, რაც მითოლოგიაშია ასახული, რეალურ ისტორიულ
მოვლენადაა მიჩნეული. აბორიგენებს მტკიცედ სჯეროდათ, რომ მი-
თიური პერსონაჟები, ლეგენდარული გმირები რეალურად არსებობდ-
ნენ ადამიანთა ან ტოტემურ ქმნილებათა სახით, რომელთა შესახებ ხს-
ოვნა თაობიდან თაობას გადაეცემოდა. მათი საგმირო საქმეები თავის
გამოხატულებას პოულობდნენ მოქმედ წეს-ჩვეულებებში, მხატვრულ
შემოქმედებაში, ხოლო გმირებად შერაცხილთა სამოქმედო ტერიტო-
რიები წმინდა ადგილებად იყო გამოცხადებული. აქედან ჩანს, რომ
აბორიგენული მითი დღევანდელობასთან მუდმივ კავშირში ახალ სიც-
ოცხლეს იძენდა; ავსტრალიელთათვის მითი მარადიულ ცხოველმყო-
ფელ საწყისს წარმოადგენდა.

აბორიგენული მითები ბუნების მოვლენათა, ცხოველთა და მცენა-
რეთა წარმოშობის ახსნას იძლევიან, მაგრამ მხოლოდ უმნიშვნელო
ნაწილი მითებისა ცდილობს ახსნას ბუნების არაჩვეულებრივი, მოუ-
ლობდნელი და კატასტროფული მოვლენები, ანუ ისეთი მოვლენები,
რომელიც ასახავს აბორიგენთა ინტერესს ყოველივე იმისადმი, რაც
ნორმალური და რეგულარული ხასიათით გამოირჩევა. აბორიგენთათ-
ვის უცნობია კონკრეტული მოვლენის აბსტრაქტორების, განზოგადების
გზით დასკვნების გამოტანა. ამა თუ იმ მოვლენის ან საგნის წარმომა-
ვლობის ახსნის მომენტში ავსტრალიელები შინაგან ობიექტურ ფაქ-
ტორებს არსებით როლს არ ანიჭებენ და თვლიან, რომ ბუნების ამა თუ
იმ მოვლენის თუ საგნის წარმოქმნა დაკავშირებულია განსაზღვრული
მითიური გმირის, ნინაპრის ან ცხოველის მექანიკურ მოქმედებასთან,
რომელსაც ადგილი ჰქონდა მითოლოგიურ წარსულში. აბორიგენები
ბუნებასთან შერწყმულად განიხილავდნენ საკუთარ თავს და მათ არა-
ვითარი წარმოდგენა არ გააჩნდათ ბუნებაში შიმდინარე პროგრესული
ცვლილებების შესახებ. მათ მხოლოდ რაოდენობრივი ცვლილებების
ფაქტორი აინტერესებდათ, რაც კიდევ უფრო ზრდიდა ავსტრალიელ-
თა დამოკიდებულებას ბუნებაზე. რამდენადაც აბორიგენები საკუთარ
თავს აიგივებდნენ ბუნებასთან, რომელსაც უცვლელ მდგომარეობაში
აღიქვავდნენ, ისინი ბუნების მოვლენებსა და ცხოველთა სამყაროს იმ-
თავითვე ადამიანურ თვისებებს ანიჭებდნენ. თქმულის საილუსტრა-
ციონ გამოდგება ნებისმიერი აბორიგენული მითი, რომლის დედააზრი
იმაში მდგომარეობს, რომ ძველისძველად ცხოველები, ბუნების საგ-
ნები და მოვლენები ადამიანები იყვნენ და მხოლოდ სხვადასხვა ობიექ-
ტური, უფრო კი სუბიექტური ფაქტორების ზემოქმედების შედეგად
მოხდა მათი, ე.ო. ადამიანების გადაქცევა ცხოველებად თუ ბუნების

ამა თუ იმ საგნებად (ქვა, კლდე, ხე, მცენარე). აღნიშნული ადამიანები, უფრო სწორედ ნახევრად ადამიანები და ნახევრად ცხოველები, მითების თანახმად, მოხეტიალე ცხოვრებას ენევიან, მისდევენ ნაღირობას, შემგროვებლობას, მეთევზეობას, იპროცესიან, იმარჯვებენ, უფრო ხშირად კი მარცხდებიან და ბედის უკულმართობა მათ ბოლოს და ბოლოს იძულებულს ხდის თავი გადაიქციონ ცხოველად; მცენარედ, ხედ, ქვად, კლდედ, მთვარედ, ღრუბლად. დღესდღეობით არსებული ფლორა და ფაუნა, ცოური მნათობები, ღრუბლები, მითების თანახმად, სწორედ ამ იძულებითი გარდაქმნის პირდაპირ შედეგს წარმოადგენს.

აბორიგენული მითების უდიდესი ნაწილი ტოტემურ ხასიათს ატარებს. მითებში მოთხოვნილია სხვადასხვა გმირების საქმიანობის შესახებ, რომელნიც ნახევრად ადამიანები არიან და ნხევრად ცხოველები და მათ ჭემარიტ ბუნებაში გარკვევა ხშირად ერთობ ჭირს. მაგრამ ერთი რამ ცხადია. მათ საფუძვლად უდევს აბორიგენთა რელიგიური რწმენა-ნარმოდგენები, კერძოდ კი ტოტემიზმი. მითების მიხედვით ადამიანი გაჩენისთანავე მიეკუთვნება განსაზღვრულ ტოტემს. ტოტემური მითის ძირითადი პრინციპი სწორედ იმაში მდგომარეობს, რომ ადამიანი ერთდროულად ადამიანსაც წარმოადგენს და იმ ტოტემის აუცილებელ ნიშნებსაც ატარებს, რომლის სახეც მან უნდა მიიღოს იძულებითი გარდაქმნის შემდეგ და რომლის ნინაპრადაც იგი გვევლინება.

აბორიგენულ მითებში, რომელნიც არა მარტო ფლორისა და ფაუნის, არამედ ბუნების უფრო მნიშვნელოვან საგანთა და მოვლენათა წარმოქმნის თემაზეა შეთხული, ამ მოვლენათა და საგანთა ანთროპომორფიზმის ფაქტს ვხვდებით. ბუნების ისეთი მოვლენების და საგნების წარმოშობა, როგორიცაა მზე, მთვარე, ქარიშხალი, ცისარტყელა, ქუხილი, ელვა, ღრუბელი, ცეცხლი, დაკავშირებულია ისევ და ისევ ადამიანების მოღვაწეობასთან. ბუნების ყველა უმნიშვნელოვანესი მოვლენა, რომელთა არსებობის შესახებ ავსტრალიელს მეტნაკლებად სრულყოფილი წარმოდგენა გააჩნია, მიწიერი საწყისიდანაა გამოყვანილი.

მეტად საინტერესოა აბორიგენული მითები ცეცხლის წარმოშობის შესახებ. ერთ-ერთ საყვარელ მითოლოგიურ გმირს წარმოადგენს „ადამიანი-ცეცხლი“ ნუმული. განსაკუთრებული სიმპათიები ნუმულისადმი იმით აიხსნება, რომ ცეცხლი აბორიგენთა კულტების უმნიშვნელოვანეს ელემენტს შეადგენდა, რომლის გარეშე ადამიანის ცხოვრება პრიმიტიულ საზოგადოებაში სრულიად წარმოუდგენელი იყო. მითში „ნუმულ ცეცხლი, ტარკინ თევზი“ ვეცნობით ნუმულის — ცეცხლის მფლობელი პირველი ადამიანის თავისადასავალს. ამ მითის მიხედვით ნუმული ერთადერთ ადამიანს წარმოადგენდა ამ ქვეყნად,

ვისაც ცეცხლი გააჩნდა. ნუმული მოგზაურობდა და სხვა ადამიანებს, საჭიროების შემთხვევაში, ცეცხლით ანადგურებდა. ცბირ თევზ-კაცს — დერვინს მისთვის მოუტაცნია ცეცხლი, მაგრამ ზღვაში ჩას-ანთქმელად განწირული ნალვერდალი ნუმულს სულ უკანასკნელ წამს წყლიდან აუტაცნია და მარადიული ჩაქრობისაგან გადაურჩენია ადა-მიანთა საკეთილდღეოდ.

აბორიგენული მითების ერთი ნაწილი უშუალო კავშირშია ტო-ტემურ წეს-ჩვეულებებთან, ტოტემურ საგნებთან და წმინდა ადგ-ილებთან. მაგალითად, ერთ-ერთი მითი მოგვითხრობს, რომ „ვამარს — კაც-ბუზს“, თავისი წმინდა ადგილი — ვარაგანი ჰქონია, რომელიც ბილაბონგს — დაჭაობებულ წყალსაცავს წარმოადგენდა. აյ მოსულ-მა ქალმა-ფუტკარმა კუგუნმა ბილაბონგში შეტოპა მანჯილის — ტკ-ბილი ყვავილის მოსახუვეტად. ვამარმა მას ბრალად დასდო, რომ ჩემს წმინდა ადგილში გაბანვა და მისი წაბილწვა გინდაო. კუგუნმა იცოდა, რომ წმინდა ადგილში შეტოპვისათვის ან გაბანვისათვის სიკვდილით დაისჯებოდა და გაიქცა, მაგრამ ვამარმა შეიძყრო იგი და ცოლად დაისვა.

მითის შინაარსიდან ჩანს, რომ აბორიგენული ტრადიციით წმინდა ადგილების ხელყოფა კანონის ძალით ისჯებოდა. ტოტემის წაბილწვისა და მისი ხელშეუხებლობის წესის დარღვევის შემთხვევაში დამანაშავის მიმართ სასჯელის უკიდურეს ზომებს იყენებდნენ. მითებიდან ჩანს, რომ ასევე აკრძალული იყო სხვა ტოტემების ხელყოფა, რომელნიც ანალოგიურ სახელწოდებას — ვარაგანს ატარებდნენ. მაგალითად, ერთ-ერთი მითი („ოქოქ-ბუ და უაქ-ქორი“) მოგვითხრობს, რომ ოქო-ქმა თავის ძმას უაქს იამსის შექმა შესთავაზა, მაგრამ უაქმა უპასუხა: „არა, ეს იამსები ჩემი ვარაგანია, ჩემი ტოტემია, ჩვენ არ შეგვიძლია მისი შექმაო“, რის შემდეგაც მან აიღო იამსი და გადაყარა.

ამრიგად, აბორიგენული მითებიდან კარგად ჩანს ის აკრძალვები, რომელნიც საგნებისა და მოვლენების ზებუნებრივი ფანტასტიკური კავშირის არსებობის რწმენაზეა აგებული და მეცნიერებაში ტაბუს ზოგადი ტერმინითაა ცნობილი. აბორიგენული მითების კავშირი ტო-ტემიზმთან თავის წათელ გამოხატულებას პოულობს ცალკეულ მი-თიურ პერსონაჟებში, რომლებიც დიდი და მძლავრი სულების სახით წარმოგვიდგებიან. ძირითადად ფიგურირებენ ავ სულებად სახელდე-ბული კუტ-კუტი, ვარუქი და მარავუქი, რომელნიც ცაში ცხოვრობენ, მიწაზე და ზღვაზე დანავარდობენ და მოწოდებული არიან იმისათვის, რომ ირგვლივ ბოროტება სთესონ. მათთან ბრძოლაში თითქოს ყველა მითოლოგიური გმირი მარცხდება და უიმედო მდგომარეობაში ჩავარდ-ნილი იძულებული ხდება თავი გადაიქციოს რაიმე ცხოველად ან საგ-ნად. მაგრამ ისიც უნდა აღინიშნოს, რომ ჩვენს მიერ განხილული ყველა

აბორიგენული მითი ტოტემიზმთან უშუალო კავშირში არ იმყოფება. ზოგიერთი მათგანი უბრალოდ აბორიგენთა ცნობისმყვარეობას აკ-მაყოფილებს, იძლევა რა პასუხს კითხვებზე — „რატომ“ და „საიდან“. არსებობს ისეთი მითიც, რომელიც პოეტური ფანტაზიის წაყოფს წარმოადგენს და ზღაპრისაგან თითქმის არაფრით განსხვავდება.

ზოგადად უდა არინიშნოს, რომ საერთოდ მითები იმ ფიზიკურ-გეოგრაფიულ და სოციალურ გარემოსთან უშუალო კავშირში უნდა განვიხილოთ, სადაც ხდებოდა მათი ჩამოყალიბება. მითები ავსტრალიელთა ყოფის, ბუნებრივი გარემოს ერთგვარ ანარეკლს და გააზრებას წარმოადგენს. მათში თავის გამოხატულებას პოულობს ავსტრალიელთა სიყვარული თავიანთი სამშობლოსადმი, მისი ტყეებისა და ველებისადმი, კლდეებისა და წყალსატევებისადმი. აბორიგენი პირველ რიგში ბუნების შვილია, მას ბუნების საგნები და მოვლენები აინტერესებს იმდენად, რამდენადაც შეუძლია მექანიკურად ისარგებლოს ამ საგნებით. მისი მსოფლმხედველობაც ამ პრინციპის მიხედვით ყალიბდება. აბორიგენული მითის თემად გამოდგება არა ყველანაირი მოვლენა, არამედ მხოლოდ იმგვარი, რომელიც საზოგადოებაზე ახდენს განსაზღვრულ ზეგავლენას — დადგენით ან უარყოფით. მითოლოგიის სიუჟეტებად შეიძლება იქცნენ კვების პროდუქტები, ბუნების მნიშვნელოვანი მოვლენები და საგნები (მთვარე, მზე, წვიმა, ქარი, წყალდიდობა), ფრივნელები და ცხოველები, რომელნიც გარკვეულ როლს ასრულებენ საზოგადოებრივ ცხოვრებაში. მითებში ფიგურირებენ მატერიალური კულტურის საგნები, საზოგადოებრივი წეს-ჩვეულებები, დაბოლოს ტომის ცხოვრებაში წინა პლანზე მდგარი ისეთი მოვლენები, როგორიცაა ადამიანის წარმოქმნა, დაბადება და სიკვდილი. ავსტრალიელი სულაც არ ცდილობს ყოველივე იმის ახსნას, რასაც საკუთარი თვალით ხედავს დედამინაზე და ცაზე და გასაგებია, რომ კოსმოგონური მითები სამყაროს წარმოქმნის შესახებ ავსტრალიელებთან არ გვხვდება. განვითარების იმ საფეხურზე, რომელზედაც აბორიგენები იდგნენ, ადამიანითავის ცნობიერებას ჯერ კიდევ არ ტვირთავს ისეთი ზოგადი პრობლემებით, როგორიცაა სამყაროს წარმოშობა ან მისი ერთ მთლიანობად გააზრება. აბორიგენი მხოლოდ იმ ბუნებრივი მოვლენების და აგრეთვე პირადი და საზოგადოებრივი მოხმარების იმ საგნების წარმოშობის ახსნით კმაყოფილდება, რომელთანაც უშუალოდაა დაკავშირებული მისი პირადი ცხოვრება. მეტიც, აბორიგენს ბუნების მოვლენათა და საგანთა წარმოქმნის ახსნა მხოლოდ იმდენად აინტერესებს, რამდენადაც ამის მეშვეობით იგი საშუალებას ღებულობს ყოველდღიური ცხოვრებისათვის საჭირო მინიმალური ცოდნა მაინც შეიძინოს. რეალური პრობლემა, რომლის გადაწყვეტასაც აბორიგენი ცდილობს და რომელიც მისი მსოფლმხედველობის ფორმირებას საფუძვლად უდევს, — ესაა

ყოველდღიური ცხოვრების, არსებობის შესაძლებლობა.

მითების ანალიზის საფუძველზე გამოჩნდა, რომ ისინი სავსებით გამოდგება აქსტრალიელთა ყოფისა და კულტურის არქაული ფორმების შესასწავლ წყაროდ, რამეთუ მითოლოგია ბუნების საგანთა და მოვლენათა წარმოქმნის შესახებ შეთხზულ ფანტასტიკურ მოთხრობათ კრებულს არ წარმოადგენს. იგი მჭიდრო კავშირშია აბორიგენთა ტომების სოციალურ, ეკონომიკურ და რელიგიურ ცხოვრებასთან. ვფიქრობთ, რომ მითების გაცნობის შემდეგ მეტ-ნაკლებად სრული წარმოდგენა შეგვექმნა ავსტრალიელთა მატერიალური და სულიერი კულტურის ძირითადი ნიშნების, რელიგიური რწმენა-წარმოდგენების ხასიათის შესახებ.

რედაქტორის ინცორგაცია

1975 წლის 7 ივლისს მოსკოვიდან თბილისში ჩამოვიდნენ მსოფლიოში ცნობილი ეთნოგრაფის მიკლუხო-მაკლაის შვილიშვილი რობერტ-სონ მაკლაი და მისი მეუღლე. საქართველოს მეცნიერებათა აკადემიის უცხო ქვეყნებთან სამეცნიერო ურთიერთობის განყოფილების მითითებით სტუმრების მიღება დაევალა ივანე ჯავახიშვილის სახელობის ისტორიის, არქეოლოგიის და ეთნოგრაფიის ინსტიტუტის დირექტორის. მათთან შეხვედრა და მეგზურობა დირექტორის მაშინდელმა მოადგილემ ნიკოლოზ სტურუამ დაგვავალა მე და გურამ გეგეტკორს. აკადემიის ზემოხსენებული განყოფილების რეკომენდაციით განისაზღვრა დღეების რაოდენობა (7 ივლისიდან 12 ივლისამდე) და მოძრაობის მარშრუტი მხოლოდ თბილისისა და მცხეთის ფარგლებში. „ინტურისტიდან“ მომაგრებული მანქანით სტუმრებს დავათვალიერებინეთ თბილისისა და მცხეთის ლირშესანიშნაობანი, გავაცანით მუზეუმების (საქართველოს სახელმწიფო მუზეუმის, ხელოვნების მუზეუმის, ლია ცისქვეშ მუზეუმის) გამოფენები და ფონდები, თბილისის პიონერთა და მოსწავლეთა სახლის მუშაობა. 11 ივლისს სტუმრები შევახვედრეთ ისტორიის, არქეოლოგიისა და ეთნოგრაფიის ინსტიტუტის თანამშრომლებს და აკადემიკოს გიორგი ჩიტაიასთან საუბრით ისინი გაეცნენ მუშაობის სტრუქტურას ეთნოგრაფიის დარგში. თავის მხრივ რობერტ-სონ მაკლაიმ, პროფესიით ქიმიკოსმა, ისაუბრა თავისი დიდი პაპის მიკლუხო-მაკლაისა და ავსტრალიელ აბორიგენთა ყოფის შესახებ და შეხხო ეთნოგრაფების მიერ მათი კულტურისა და ყოფის შესწავლის მდგომარეობას. 12 ივლისს სტუმრები ქლენინგრადში (პეტერბურგში) გაფრინდნენ მიკლუხო-მაკლაის სახლ-მუზეუმის მოსანახულებლად.

სტუმრებს საჩუქრად გავატანეთ საქართველოს გეოგრაფიული ატ-

ლასი და ზოგიერთი სხვა წიგნი. სამაგიეროდ, რობერტსონ მაკლაიმ მე და გურამ გეგეჭყორს ავსტრალიიდან გამოგვიგზავნა ინგლისურ ენაზე გამოცემული „აბორიგენული მითები“. ეს წიგნი ვახტანგ ითონიშვილმა ქართულად თარგმნა და მას მიმოხილვაც წაუმძღვარა, მაგრამ მის გამოცემას თავი აარიდეს ფერადი ილუსტრაციების დაბეჭდვის სირთულის მოტივით. იმის გამო, რომ აქ წარმოდგენილი ნარკვევი გვაცნობს „აბორიგენული მითების“ შინაარსს და ფრიად საინტერესოა მკვიდრ ავსტრალიელთა პრიმიტიული ყოფის შესწავლისათვის, მიზანშეწონილად მივიჩნიეთ მისი გამოქვეყნება.

ს ა რ ჩ ი ზ ი

ვახტანგ ითონიშვილი	1
რედაქტორის ინცორმაცია	4
I. ეთონგრაფიული კვლევის პრიორიტეტული პროგრესი	5
საქართველოს ეთონგრაფიის პროგრამა	13
II. ვახტანგი ბაგრატიონი დვალებისა და დვალეთის შესახებ	21
III. უცხოულ გვალევართა ცენგები დვალებისა და დვალეთის შესახებ	29
IV. არაგვის ხეობის ისტორიის საკითხები	40
V. მთიულეთისა და გუდამაყრის ტოკონიმიკური პირები	70
VI. ნამდვილად საცხეარ არს ესე	80
რედაქტორის კომენტარები	102
VII. ქ. ერიაშვილის გამოსვლის გამო	105
VIII. გოდვინ ლევანიშვილის დვალე	
ეთონლოგიურ მაცნეორებაში	113
IX. ავსტრალიის აგორიგანია მითები და მათი ისტორიულ-ეთონგრაფიული ღირებულება	122
რედაქტორის ინცორმაცია	137

273.7 13

3

2022-09-20
2022-09-20